


1096



UNIVERSITEITS



annu

Digitized by Google

Johannes Loelman

Handwritten text at the top of the page, possibly a title or header, including the number 25.

ECCLESIÆ ROMANÆ GRÆCÆQUE VERA EFFIGIES

EX VARIIS

TUM RECENTIBUS, TUM ANTIQUIS

MONUMENTIS

SINGULARI FIDE EXPRESSA,

ROMANIS GRÆCISQUE EXHIBITA:

Quo intelligant admirabilem utriusque consensionem, &
in tanta matrum concordia nefas esse pugnare & odisse
inter sese ingenti damno liberos.

ACCESSIT

Religio Christiana contra Alcoranum per Alcoranum
pacifice defensa ac probata.

*Autore P. MICHAELE NAU, e Societate Jesu
Presbytero.*



LUTETIÆ PARISIORUM,
Apud GABRIELEM MARTINUM, via Jacobæ,
sub aureo sole.

M. DC. LXXX.

CUM PRIVILEGIO REGIS CHRISTIANISSIMI.



SANCTO
PATRIS ET FILII
SPIRITUI,
DEO MEO SUMMO,
INFINITO DILECTIONIS INCREATÆ TERMINO,
ÆTERNO CREATÆ PRINCIPIO,
QUO. DOMINUS JESUS CLARIFICATUR;
PLENUM DILECTIONIS OPUS
EJUS NUTU SUSCEPTUM, ET MUNERE CONFECTUM
AD CHRISTI JESU GLORIAM
D. D. C.

Servus inutilis & vilissima
creatura M. N. S. J.





ILLUSTRISSIMO DOMINO D.
JACOBO NICOLAO
COLBERT
ARCHIEPISCOPO
CARTHAGINIENSI,
ROTHOMAGENSIS ARCHIEPISCOPI
COADJUTORI,

Abbati Beccensi, &c.



I cujus ambire nomen ac patrocinium debuit hic liber, debuit certe tuum, PRÆSUL ILLUSTRISSIME. Ecclesiam exhibet tum Latinam Occidentis no-

EPISTOLA.

stram , tum Græcam Orientis ; utramque non mentitis , ut fere fit , pro studio partium , & adscititiis vel odii vel amoris coloribus fucatam , sed veritatis quasi luce ac penicillo depictam : patrum ejusmodi postulabat , qui utriusque hujus ecclesiæ cognitionem ingenio ac diligentia complexus esset : quis in erudita vetustatis , & annalium ecclesiæ cognoscenda penitus fide , quam tu , felicius elaboravit ? Inire cum Græcis pacem conamur , qui hostium in morem , tametsi fratres , a nobis dissident , ecclesiamque communem omnium parentem non tantum deformant misere , sed immanem etiam in modum discerpunt : nemo pacis amantior , nemo te commodior atque humanior quisquam extitit. Agitur ecclesiæ res totius & utilitas , quæ ut una est ubique , tametsi ritus varios , tanquam vestes quasdam , induat ; sic unitatem sectatur in primis ac fovet :

EPISTOLA

quis ecclesiæ rem utilitatemque illo amplectatur libentius, qui ad principem in ecclesiâ locum obtinendum ob excellentiam virtutem designatus est? Hanc enim dignitatem non tam nomini tuo generique donatam omnes intelligunt, quam tuæ virtuti & meritis oblatam: ut quam Regi Christianissimo, totique regno navat operam parens tuus illustrissimus, eam tu navares ecclesiæ; & ejus gloriæ amplitudinique perinde servires, atque ille Gallici per tot annos imperii commodis, rationibusque servit. Hoc de te judicium LUDOVICI MAGNI fuit, regum omnium facile sapientissimi: cujus expectationem non sustinebis modo, sed etiam superabis. Age igitur, PRÆSUL ILLUSTRISIME, & quam in hoc libro tibi deferimus tuendam, ecclesiæ causam ultro suscipe: tum eos etiam e Societate nostra sacerdotes qui propagande per Orientem fidei

EPISTOLA

*catholica dant operam, patrocínio fove-
re tuo perge. Horum ego omnium no-
mine me profiteor*

Tibi addictissimum ac
devotissimum

MICH. NAU. e Societate
JESU.

LECTORI

LECTORI.

Qua ratione cum hæreticis ac schismaticis agendum.



MORE sic pugnatur, ut odio, Christiane lector: at exitu non eodem. Amor enim si percellit suaviter, nunquam non vincit: odium cum feriat semper acerbe, nihil expugnat. Imo quo vehementius infigit in hostem telum, hoc hostem corroborat magis in prælio animorum, & minus jam in illum valet. Provocatus enim injuria vel convitio animus sese obtirnat pervicacius, & odium odio vehementiore impetit. Inde est quod in profligando schismate; hæresisque debellanda tam infeliciter versamur. Odio certamus, non amore; ulciscendi studio, non parcendi; vincendi cupiditate, non juvandi: quæ nostra sunt, quærimus, non quæ JESU-CHRISTI; & quoniam in verbo ejus non laxatur rete, per totam noctem laborantes nihil capimus. Scio equidem catholicarum partium viros divini impulsu amoris plerosque ad certamen accedere; at plerosque non nescio arma quibus bellum ineant, ab amore non accipere, sed ab odio mutuari. Videre est apud illos convitiis congeriem, probroborum, si fas est ita loqui, quasi plaustra, plena flammarum dicta: veritatem exhibent non sua in luce, sed in igne: splendet illa quidem, sed offendit, & parit incendia. Rem alii aggrediuntur, ab ira certe placationes, sed elatiores ingenio. Despiciunt suos, quasi nihili sint, adversarios, & exprobratione erroris atque ignorantie adeo gravi illos pudore obruunt, ut demittere oculos cogantur, vultumque avertere, nec inquiri in veritatem valeant, qua veritate prope est ut ab æmulis proculcentur. Quod si frontem, ut fere fit, perfruerint, vel visam totis oculis veritatem invisam habent, & quam studiose honori suo consultum volunt, tam valide illam repellunt, & obstinant non venerari.

Si quem ergo vincere in animum induxisti, & contendis prædari Christo, non aliis quam amandi armis illum lacesse. Adhibe urbanitatis officia omnia, serenitatem vultus, suavitatem sermonis, benevolentie significationes varias, minime fucatas, non accersitas remotius, sed obvias, simplices, & e re ipsa petitas & quasi natas. Nihil objice quo exacerbetur animus, alioque abscedat. Qui maxime hostis est, eo sic utere, ut amicum haberi se existimet: fac amantem veri, qui procul a vero distat: ejus sic dicta interpretan-

L E C T O R I.

do inverte, ut proxime videatur ab fide abesse, ipseque cogitet negotio prope nullo pacem iniri posse & dogmatum consensione. Quæ enim coram sunt, & quasi ad manum, ipsa sui facilitate & vicinitate, ut amplectamur, invitant; quæ vero longe posita & ardua creduntur, assequendi nimia difficultate vel ab prosequendo deterrent. Cave sis, ne quæ veniunt in controversiam, quasi ignes suppositos cineri doloso statim moveas: lucem facies, sed inde prorumpet incendium, quo ardebit ab ira adversarius, & occæbatur magis. Hoc curas, ut errorum sæditatem suorum videat? Bene est. Mentis oculos primum ab vitiorum cæno expurga, sed levi & suspensa manu, ne pungas, & doloris sensu ab salutis desiderio avertas. Facies hoc quidem non vitiorum reverentia, sed medendi arte. Sinuntur crescere zizania, ut in messe felicius extirpentur. Pastor ille bonus accipit in humeros errantem ovem, quam ovili reddit, non in caulam pedo, vel minaci gestu ac voce compellit. Mathæum vocat, non arguit. Zacchæo ejusque domui salutem facit, non reprehensione scelerum, sed ostensione benevolentia. Samaritanam denique foeminam, ne plura congeram, ab hæresi & criminum sæditate abducit, non concertationis vehementia, sed levitate colloctionis. Omnia vincit amor, & fructum magistri afferunt in patientia.

Matt. 13.

Luc. 15.

Luc. 19.

Joan. 4.

Hoc ergo primum pro viribus evince, ut ameris. Amaberis, si amas; amabis, si tua omnia ex caritatis legibus moderaberis, si te ipsa caritas moveat & regat. *Caritas*, teste Apostolo, *patiens est, benigna est, caritas non amulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate; congaudet autem veritati, omnia suffert, omnia credit, omnia sperat, omnia sustinet.* Invisis, exempli gratia, adversarium insensissimum, qui te tuamque fidem pessime odit & execratur; vel factum est nescio quo Dei omnia ad salutem administrantis nutu, ut una tu ipseque conveneritis. Oportet, si Christum audias, mitem esse te & humilem corde, cum his qui pacem oderunt, pacificum, & amice eos alloqui, qui te gratis impugnant. Scrutare sensim qua natura sit adversarius, qua re delectetur in primis; & quia trahit sua quemque voluptas, voluptate illum sua ad Christi partes allice & a peccato averte. Ut sit insensissimus, si illum invicta patientia, lenitate inconcussa, constantia indefessa, beneficiis, humanitate, comitate, benevolentia, omni officiorum genere oppugnas, quo Josue modo Hiericuntem urbem tubarum concentu olim aggressus est, ejus concidit per sese animi contumacia, & viam dabit, qua subeas in ipsius mentem, & negotio prope nullo divina fretus ope, errorum turbam omnem quali interneccione deleas.

1 Cor. 13.

Quæ cum intelligerem, & experiundo didicissem nihil æque ad

LECTORI.

animarum salutem valere ; ad hos scribendos dialogos me accinxi, quibus amice & per familiariter res controversæ discutiuntur. Collocutores vero induxi non de plebe aliquos, sed sacerdotes & religiosos viros, quos in primis operæ pretium est demereri, & sana doctrina imbueri. Plebs enim ab eorum pendet & sententia & nutu, & quo illos traxeris, eo sequitur ut grex pastorem. Quamobrem si ecclesiæ illos catholica adjunxeris, eadem unaque opera, qua compendiosior nulla est, alios omnes lucratus es Christo & cælo. Aggressi sunt olim illos petitis ab reconditiore theologia argumentis eruditissimi viri, & sanctorum Patrum admirabilibus dictis ; ego, et si horum nihil mihi prætereundum esse censui, ante existimavi ponendum, quod propius est eorumque ingenio accommodatius. Selegi ex iis quos hac ætate in templo legunt, & ad preces maxime adhibent, codicibus sacris, luculenta & omni exceptione majora testimonia, quibus fidei veritas egregie nitideque adstruitur. Hoc primum expono, quod captu facile, quod in manibus est, quod præ oculis, quod in ore quotidie, quod repudiare nefas. Si Patres, si concilia prius appellarem, causarentur forte libros illos vel non haberi jam apud se, vel non intelligi ; testimonia vero quæ proferrem fieri posse ut confecta sint & adulterata pro libidine. At cum suis in libris orthodoxa dogmata suis ipsi oculis conspexerint, quidquid ad illa confirmanda cum e Patribus, tum e theologiæ fontibus protuleris, minime postea dubium est & per jucundum accidit. Quis enim quæ sua sunt, probari nolit & ornari ?

Porro si cui actum agere videor, tum quod contra Græcos multi scripserunt, tum quod ab Græcis ipsis contra Græcos arma sumpserunt, tum quod Græcos, velint nolint, Romanis consentire e Græcæ ecclesiæ codicibus ac placitis doctissime demonstrarunt, is mutabit animum, cum nostra perlegerit. Neque enim contra Græcos scribo, sed pro Græcis ; non descendendo ad pugnam, non Græcos ferio, Græcis faveo & opitulator. Consensionem Ecclesiæ Græcæ aperio quidem Græcis, quod moliti sunt ante me alii omni virtutum & eruditionis laude longe me superiores ; sed vel contentiosius de pace illa dixerunt, vel non omnibus scripserunt, sed doctis duntaxat hominibus ; vel patrocinari sibi studuerunt, non gratificari adversario, vel lucere menti, quam animum incendere maluerunt. Hic ego mihi utrumque proposui. Sic conatus suis radiis effulgentem exhibere veritatem, ut ad ipsam manu quasi ducerem, ejusque amore inflammarem ; sic Ecclesiæ causam amplector, ut totus adversariis serviam. Ita scribo ut docti habeant quo delectentur, & indocti quo non sine voluptate erudiantur. Nihil rixarum moveo, amice colloquor cum amicis ; & qui adversari ac discrepare ad oculum videntur, facio ut ipsi per se vel suorum ductu in consensionem veniant. Eaque ratione omnia, quod Apostolus commendat, in caritate

1. Cor. 16.

LECTORI.

sunt, & trahuntur ad Deum animi in funiculis Adam, in vinculis caritatis: Dei exemplo, cujus hæc est apud Ozeam plena tenerritatis & suavissimi amoris contestatio. *Ego, inquit, quasi nutritius Ephraim, portabam eos in brachiis meis, & nescierunt quod curarem eos; in funiculis Adam traham eos, in vinculis caritatis, & ero eis quasi exaltans jugum super maxillas eorum, & declinavi ad eum, ut vesceretur.* Si quid autem quod alii jam protulerint, attingo; vel notis illustro, vel expono apertius, & ea simul adnecto, quæ, Deo bene juvante, vidi revocandis fratribus hoc maxime tempore peropportuna. Id porro profiteor, quidquid recti hoc in opere emitto, non fuisse me qui locutus sim, sed Spiritum Patris nostri qui loquitur in nobis. Quidquid autem peccati est, meum agnosco, & sanctæ Romanæ ecclesiæ, quam Spiritus ille Deus veritatem omnem edocet, & apud quam manet in æternum, emendandum subijcio.

Atque hanc quidem ecclesiam initio operis existimavi mihi esse commendandam, iisque repræsentandam notis, quibus suam Christus expressit, ut cum Christi esse, quæ Romana est, cognoscetur ecclesia, facile quivis animadvertat, aliam quamlibet, quæ se ab illa sejungat, non esse Christi, eumque qui illam non audierit, sibi esse debere sicut ethnicum & publicanum.



PROOEMIUM.

Ecclesia Christi ex sacris codicibus nota apertissima proponuntur primum, tum Romana ecclesia convenire penitus singulas demonstratur: unde facile quivis intelligat alteri nulli perinde aptari omnes, imo cuilibet cætui alteri deesse plurimas.

DIALOGUS.

CUM aliquando cætum in unum convenissent variarum gentium Christiani, & incidisset de religione sermo, cœperunt sese invicem percellere durius & repellere, dum alii alios a sua consuetudine ritus per contumeliam damnarent. Aderat *Romanus*, omnium amicus, atque hic eos pacis studio compellans, Ecclesia Christi, inquit, gentibus ex omnibus una coalescit; & si in una omnes fide orthodoxa consentiant, quamvis discrepent moribus, ad divinam hanc ecclesiam æque pertinent. Ut quid ista inter vos dimicatio? Non legistis quæ dicebat Paulus Galatis cap. 3. v. 26? *Omnes filii Dei estis per fidem, quæ est in CHRISTO-JESU. Quicunque enim in Christo baptizati estis, Christum induistis. Non est Judeus, neque Græcus, non est servus, neque liber, non est masculus, neque femina. Omnes enim vos unum estis in CHRISTO-JESU.* Græce: πάντες ἵδ ὕμῖν ἐστὶς ἰσὶ ἐν Χριστῷ Ἰησοῦ. Omnes unus estis. Et scribebat Corinthiis ep. 1. cap. 1. Obsecro vos, fratres, per nomen Domini nostri *JESU-CHRISTI*, ut idipsum dicatis omnes, & non sint in vobis scissimata; sitis autem perfecti in eodem sensu, & in eadem sententia. Significatum est enim mihi de vobis, fratres mei, ab iis qui sunt Chloes, quia contentiones sunt inter vos. Hoc autem dico, quod unusquisque vestrum dicit. Ego quidem sum Pauli, ego autem Apollos, ego vero Cephas, ego autem Christi. Divisus est Christus? Numquid Paulus crucifixus est pro vobis, aut in nomine Pauli baptizati estis? Tum Vigilius, sacerdos in Græcis magnæ famæ: Quid nunc diceret, o Romane, Paulus ille beatissimus, si adesset, & videret e Christianis alios quidem dicere, Nos Græci, nos Maronitæ; & alios, Nos Armeni, nos Suriani? Nonne id ipsum diceret quod Corinthiis ep. 1. cap. 3. Cum sit inter vos zelus, & contentio, nonne carnales estis, & secundum hominem ambulatis? Quid igitur est Apollo? quid vero Paulus? Ministri ejus, cui credidistis, & unusquisque sicut Dominus dedit. Quid Melchitæ, quid Maronitæ, quid Armeni, quid Suriani? Si recte omnes in fide sentiant, omnes ministri Christi sunt: alii sic, alii vero

DE CHRISTI ECCLESIA

sic; sed unicuique sicut Dominus dedit; & unusquisque propriam mercedem accipiet. Id certe Paulus diceret, reposuit Romanus. Nam hoc unum necesse est ad salutem, ne ab vera Christi Ecclesia se illi abjungant, sed ejus se partem & membrum profiteantur vera fidei & caritatis sinceræ vinculis conjunctum. Sicut enim, inquit divinus Apostolus 1. Cor. cap. 12. corpus unum est, & multa habes membra, omnia autem membra corporis cum sint multa, unum tamen corpus sunt: ita & Christus habet ecclesiam unam ex multis partibus constantem. Etenim in uno spiritu, id est, fide una, omnes nos in unum corpus baptizari sumus, sive Judei, sive Gentiles, sive servi, sive liberi, sive Græci, sive Armeni, sive Maronitæ, sive Franci, sive Suriani; & omnes in uno spiritu, spiritu scilicet caritatis, potati sumus. Nam & corpus non est unum membrum, sed multa. Quod si essent omnia unum membrum, ubi corpus? Non potest autem oculus dicere manui: Opera tua non indigeo; aut iterum caput pedibus: Non estis mihi necessari. Sed multo magis, quæ videntur membra corporis infirmiora esse, necessaria sunt; & quæ putamus ignobiliora esse membra corporis, his honorem abundantiorum circumdamus; & quæ inhonesta sunt nostra, abundantiorum honestatem habent. Honestæ autem nostra, nullius egent. Sed Deus temperavit corpus, ei, cui deeras, abundantiorum tribuendo honorem, ut non sis scissura in corpore, sed id ipsum pro invicem sollicita sint membra. Et si quid patitur unum membrum, compatiuntur omnia membra, sive gloriatur unum membrum, gaudent omnia membra. Audis membra omnia ecclesiæ esse sibi invicem necessaria, ut qui caput est ecclesiæ, is pedibus, id est, Christianorum infimis dicere non possit: Non estis mihi necessari. Capiti ecclesiæ membra ecclesiæ omnia sunt necessaria, & sibi invicem necessaria sunt membra. Singulæ Christianorum nationes si consentiant in fide, multum ex se invicem proficiunt. Sunt enim in singulis consuetudines præclaræ plurimæ, quarum ex intuitu ad Dei cultum & pietatem valide excitamur. At si membra illa inter sese omnia invicem pugnent, quid dicam? Dicam cum Paulo: Non jam aguntur Dei spiritu, ut filios Dei decet; sed carnales sunt, & secundum hominem ambulant, imo & secundum diabolum, cujus æstu ac furore impelluntur. Similes enim sunt energumeno. Nam energumeni membra sese invicem feriunt & dilaniant, quod in corpore bene sano nunquam contingit. Quis enim, si sanus est, membra a se sua, cum valent, abscindat, & se a suis membris sejungat? Certe quod membrum se ab capite & corpore avellit, moriatur necesse est. Neque enim vivit membrum nisi in corpore. Ita qui se ab ecclesiæ Christi capite & corpore segregat, pereat necesse est, cum nemo salutem assequatur, nisi qui in ecclesia constitutus sibi illam divinæ gratiæ ope promeretur. Quare si qui e Francis vel e Græcis, vel e Surianis aliisque Christianis ad Christi ecclesiam discedant, vel

amore erroris, vel schismatis pervicacia, omnino ab salute exciderunt.

Hæc omnium nostrum fides est, subjicit *Methodius*, vir Græcarum partium: sed cum tantæ sit necessitatis vera Christi ecclesia contineri; qui variarum nationum Christiani sunt, qua poterunt dignoscere ratione, an sint e Christi ecclesia, an secus? Negotio prope nullo, inquit *Romanus*, id potest quisque rescire, si nempe fide & amore cum ea ecclesia sit conjunctus, de qua & dubium esse non potest, quin sit ecclesia Christi, & si ab ea ecclesia discrepet varietate rituum. Quamvis enim membrum unum figura & officiis ab capite differat, unum tamen cum illo corpus efficit, si eadem cum iplo anima sit connexum. Tum *Methodius*: Præclare hoc & vere. At quænam est ecclesia illa, de qua nemo jure dubitet, quin sit Christi? Ea est, inquit *Romanus*, cui notarum illarum quas sacri codices Christi ecclesiæ addicunt, nulla desit. Sunt autem notæ illæ non paucæ, quas ego, si gratum id vobis, mox exponam. Non erit modo gratum, reposuit *Vigilius*, sed omnino utile. Nam si salvus esse nemo potest, nisi qui veræ Christi ecclesiæ adhæreat, omnis certe opera adhibenda est, eam ut habeamus bene perspectam, amplectamur & sectemur.

Accipite, inquit *Romanus*, accipite igitur e symbolo quod uno ore ubique terrarum omnes canimus, primam ecclesiæ notam, & ecclesiam intelligite ab profanis cætibz sanctitate sua maxime scerni. Veram Dei religionem & ecclesiam esse eam quæ alias omnes superet sanctitate, homo nemo, qui sana mente sit, neget. Si qua enim sanctior fingeretur, quam quæ est a Deo summe bono posita, illa autorem haberet vel hominem vel diabolum. Quis autem profiteri valeat meliorem ab homulo vel satana, quam a Deo opt. max. institutam esse ecclesiam? Constat igitur ecclesiam, quæ reliquis omnibus antecellat sanctitate, Christi Dei esse ecclesiam, in eaque una haberi ab hominibus salutem posse. Quod ais, planum est, inquit *Methodius*: id vel stupidi sentiunt. Atque hinc Christianæ religionis divinitas facile cuivis elucet, apparetque sectarum fatuitas inanitasque ceterarum. Verum cum variz sint Christianorum ecclesiæ inter sese dissentientes, quæ fieri poterit, ut ex sanctitatis excellentioris nota, quæ vera, quæve falsa sit intelligatur? Et enim omnes & singulæ evangelio gaudent eodem, & quæ præcipit de perfectione vitæ sacratissimus ille codex, admittunt & amplectuntur.

Ad hæc *Romanus*: Idem, o Methodi, idem omnes ostentant evangelium. At sunt vel ex iis qui evangelio summe gloriantur, qui multa asserant, ab quibus non evangelicæ modo, verum etiam profanæ aures abhorreant. Nempe Deum statuunt peccati autorem; eum volunt ex hominibus plerosque destinato consilio procreasse, ut eos sempiternis excruciaret tormentis; qui peccat, cum volunt tanta necessitate peccare, ut continere se nequeat a peccato. Opera

Prima Ecclesia nota, sanctior. Nulla ulquam lex sanctior: nusquam sanctiores viri: major nullquam sanctissimorum hominum copia.

DE CHRISTI ECCLESIA.

vel quæ videntur optima, nihil esse præter flagitia; satis cuique esse ad consequendam beatitatem æternam, si fidem habeat unam, nec quidquam meriti Christiane & præclare factis omnino inesse; & portentâ effundunt hujuscemodi alia, quæ legere se in evangelio audeant mentiri. Verum sint hæc Lutheranae sectæ & Calvinianæ propria, ponamusque, quod minime tamen reperire est, reliquas omnes, quæ Christi nomine insigniuntur, ecclesias, placita evangelii quæ de morum integritate traduntur, admittere omnia; placitis tamen evangelii non omnes perinde obsequi, nemo inficias eat.

Hoc igitur aio, veram Christi ecclesiam esse illam, in qua magis, ut ita loquar, evangelice & immaculate vivitur; in qua quæ præcipiuntur in evangelio vel consuluntur, non laudantur modo; sed opere ipso fiunt; ubi sanctissimorum hominum copia est major, maxime si docti sint &, quod optabat Apostolus, zelum Dei secundum scientiam habeant. Fieri enim non potest, ut Deus propter caritatem suam vere nimiam, qua diligentes se diligit, homines illos sibi ex animo devotissimos, suæque omnia ex prudentiæ, sapientiæ, atque evangelii legibus moderantes, & ad procreatoris sui gloriam unam referentes: fieri, inquam, non potest, ut homines hujuscemodi in falsa religione æternum damnandos deferat, alios autem minus pios, nec tam doctos, vel prudentes conservet in vera. Et cum duæ sint tantum in orbe terrarum ecclesiæ, Christi altera, altera diaboli: quis credat in diaboli ecclesia homines sanctissimos contineri, in ecclesia vero Dei minus sanctos? Num credes, o Methodi? Absit ita existimem, reposuit *Methodius*: mihi exploratius nihil videtur quam quod si inter Christianas ecclesias, aliqua cæteris vera sanctitate sit superior, hæc Christi sit; minime autem alias, nisi huic caritatis & fidei communionem conjunctæ se illius partes esse & membra profiteantur. Quare, inquit *Romans*, cum sanctitas omnis teste Christo, his mandatis duobus absolvatur, ut homo Deum supra omnia diligat, proximum amet uti se ipsum; vide non quidem ex verbis, sed ex operibus, & ex fructibus agnosce, quam in ecclesia Dei caritas & proximi magis ardeat; atque hanc Christi ecclesiam esse cum statues, non aberrabis.

Tum *Vigilius*: Hæc profecto mihi est nota ecclesiæ omnium perspectissima. Neque enim vel boni fructus tanto numero ex arbore mala, vel arbor bona, totque sæcunda fructuum, in sterili hæreticæ ecclesiæ solo oriri possunt. Et notam hanc Christus maxime commendavit, cum diceret: *In hoc cognoscent omnes, quia discipuli mei estis*; id est, quod apud vos vera mea ecclesia est; si dilectionem habueritis. Ideoque hortabatur Matth. 5. Sic luceat lux vestra coram hominibus, ut videant opera vestra bona, & glorificent patrem vestrum, qui in cælis est: glorificent, inquam, suo ad ecclesiam accessu, & vestræ professione fidei. Proximi dilectionem,

Rom. 10.

Joan. 15.

tionem, inquit *Romanus*, ita Christus videtur suæ addixisse ecclesiae, illiusque fecisse propriam, ut in nullam notam aliam magis nos intueri voluerit, quo suam ab profanis cæteris fecerneremus ecclesiam. Quid enim ait Joan. 15. *In hoc cognoscemus omnes, quia discipulimus ejus, si dilectionem habueritis adinvicem.* Nempe, hoc est præceptum meum, ut diligatis invicem, sicut dilexi vos. Et hoc mandatum novum est, in nulla altera unquam ecclesia vel auditum vel admittendum. Videte ergo in qua Christianorum natione major sit erga alios dilectio, & hic veram Christi ecclesiam agnoscite. Amorem porro, ut jam monui, nolite verbis æstimare, sed factis. Juvat enim audire Joannem Apostolum epistola sua 1. *Filioli mei, diligamus non verbo & lingua, sed opere & veritate.*

Verum, subjecit *Methodius*, unde nobis constabit nationem Christianam unam cæteris antecellere dilectionis virtute? Id oculis ipsis videtur, respondit *Romanus*: nam ponamus, exempli gratia, Græcos, Maronitas, Francos, Armenos, Surianos esse inter sese plane adversos, (quod avertat Deus) nihilque esse inter ipsos concordiae; omnes tamen Christiano nomine gloriari: certe quæ natio alias omnes, omni studio invitabit ad pacem & dilectionem, caritate illas superabit quæ vel concordiam respuunt, vel conciliandæ ipsi minime laborant. Quæ nullam aliarum contemnet, imo bene singulis facere conabitur, præstantior in amando censenda est, quam quæ alias omnes præ se despiciet, nihilque amabit præter sua. Quæ in omnium utilitatem & salutem sese impendet, ea diligit magis, quam quæ sibi vacabit uni, nihilque homines cæteros curabit. Quæ quod videt in sectis aliis a se diversum, id interpretatur benigne, quoad patitur fidei ratio, & pro merito commendat, caritate illi præcellit, quæ nihil nisi quod suum est, probat, nihil excusat in aliis, imo minima quæque, eaque nequaquam exprobranda exprobrat, & arguit quæ maxime laudanda sunt, quæ & ipsa laudaret, si res vellet vel amando inspicere, vel intelligendo expendere. Demum cum Christi præceptum sit, ut is in ecclesia sua sit amor, qui in ipso erga nos fuit; isque fuerit Christi erga nos amor, ut suam pro nobis animam posuerit: quæ ecclesia viros e suis doctrina, virtute, & nobilitate insignes gentium omnium obsequio & saluti devovet, sic, ut relinquunt omnia, seque infidelium ludibriis ac crudelitati, ærumnis & morti ipsi exponant; hæc caritate superat alias quæ sibi unis serviunt, neque curam nationum aliarum ullam suscipiunt.

Hinc porro efflorescit nota altera, quæ suam Christus Ecclesiam affectit, & agnosci voluit. Eam enim jussit divino illo caritatis igne inflammata in universum terrarum orbem, dum stabit, viros e suis præclaros emittere, qui divinæ se gloriæ & animarum salutis impendant superque impendant. Audi enim quid Matth.

Secunda ecclesia Christi nota, quod in omnes orbis partes præcipientes fidei magistrosque morum emittat ad suam usque & occasum mundi.

DE CHRISTI ECCLESIA

cap. 28. præcipiat: *Euntes docere omnes gentes, baptizantes eos in nomine Patris & Filii & Spiritus sancti, docentes eos servare omnia quæcumque mandavi vobis. Et ecce ego vobiscum sum usque ad consummationem sæculi.* Quod vero sic iussit, id prænuntiavit futurum Matth. cap. 24. *Predicabitur, inquit, evangelium hoc in universo mundo, in testimonium omnibus gentibus.* Christi ergo ecclesia ea est, quæ docet in universo orbe servare omnia quæ mandavit Dominus, quæque prædicat ubique evangelium. Quamobrem si qua id ecclesia omittit facere, Christi ecclesia esse non potest, nisi fidei & amoris communione illi se ecclesiæ adjungat, ab qua illud efficitur. Huic enim ita si adhæret, in unam cum illa evadit ecclesiam, & quod illa facit, censeri debet & ipsa facere. Nota ista, ut recte abs te animadversum est, consequitur primam. Si enim dilectio Dei proximique in ecclesia dominetur, oportet, ut quo Deus modo salutem omnium sincere vult, sic & ipsa velit, & ubique salutem hominum procurandæ totis viribus incumbat. Nam si quis proximum videt incidisse in prædones animarum dæmonas, & vulneribus concisum perire, qualis erat quem memorat Lucas cap. 10. descendisse ab Ierusalem in Jericho, eumque immisericorditer prætereat auxilio destitutum, sacerdotis & levitæ pessimo exemplo; certe carebit omnino proximi caritate. Si qua enim esset, faceret quod optimus ille Samaritanus, manum admovent abjecto, neque parceret vel sumptibus, vel labori, quo persanatis vulneribus ad Dei gloriam æternum viveret. Estque hoc ecclesiam Christi inter & profanas alias apertissimum discrimen; quod hæ salutem hominum parum curent, nec mittant qui devios avocent ab errore; illa vero, exemplo Christi Domini, *misereatur super turbas, quæ sunt sicut oves non habentes pastorem, & deficiunt in via.*

Tertia ecclesia nota, quod habent verum divinarum peritissimos doctores, ab quibus possit error quilibet eradicari & confutari & c.

Tertiam, inquit *Romanus*, superiore loco nobis notam exposuit Christus, verbis istis, *Docete omnes gentes.* Hinc enim intelligere est, debere esse in ecclesia Christi numero magno doctores: doctoris autem munus est, docere. Docere vero, nisi qui bene doctus sit, nemo potest; cum docere aliud nihil sit, quam cognitæ veritates aliis suadere. Unde qui falsum tradit atque inspirat, is fallere, non docere censendus est. Et qui, quod verum est, affirmat & proponit, at quod verum id sit, demonstrare non valet; dicit ille quidem verum, sed illud non docet. Christi igitur in ecclesia oportet esse doctores, qui bene docti, recte doceant; quemadmodum Paulus asserit 1. Cor. c. 12. *Et quosdam quidem posuit Deus in ecclesia primum apostolos, (id est, episcopos & missionarios) secundo prophetas, (id est, sacrorum codicum interpretes) tertio doctores, (id est, theologiæ magistros) deinde virtutes, exinde gratias curationum, opitulationes, gubernationes, genera linguarum interpretationes sermonum.* Neque hoc arbitreris extare solummodo debuisse pri-

mis ecclesiæ temporibus; futurum hoc ad mundi usque interitum prædixit idem Paulus Eph. 4. in hæc verba: *Et ipse dedit quosdam quidem apostolos, quosdam autem prophetas, alios vero evangelistas, alios autem pastores & doctores, ad consummationem sanctorum, in opus ministerii, in adificationem corporis Christi, donec occurramus omnes in unitatem fidei & agnitionis Filii Dei, in virum perfectum, in mensuram ætatis plenitudinis Christi, ut jam non simus parvuli fluctuantes, & circumferamur omni vento doctrinæ, in nequitia hominum, in astutia ad circumventionem erroris.* Vides futuros semper in ecclesia Christi doctores, tandiu nimirum, quandiu sancti erunt perficiendi, & peragendum ministerium, & ædificanda, quæ Christi corpus est, ecclesia, id est, quandiu erunt homines ad ejus fidem & amorem adducendi. Quare addit futurum hoc, *donec occurramus omnes in unitatem fidei & agnitionis Filii Dei*: quasi diceret, donec eandem omnino fidem homines omnes profiteantur, sintque Christiani. Assert deinde rationem apostolus, cur doctores esse in ecclesia Christi oporteat, nempe *ut non jam simus parvuli fluctuantes, & circumferamur omni vento doctrinæ, in nequitia hominum, in astutia ad circumventionem erroris.* Nimirum cum hæreses esse oporteat, teste Paulo; divinæ providentiæ fuit, pro singulari suavitate sua, doctores ecclesiæ suæ tradere, qui ipsam contra hæreticorum errores, astutiam, nequitiam & multiplices doctrinæ ventos tuerentur. Denique jubet nos apostolorum princeps 1. Ep. cap. 3. paratos esse semper ad satisfactionem omni poscenti nos rationem de ea, quæ in nobis est, spe, id est, de rebus quæ ad futuram vitam pertinent, & fidei nostræ mysteriis continentur. Præstari hoc porro, nisi ab doctissimis theologis non potest. Ergo necesse est in ecclesia Christi extare doctores, qui valeant mysteria fidei omnia evolvere & obscurissimos utriusque divini instrumenti locos tractare. Quo fit ut ecclesia illa, in qua doctores nulli sunt, qui id possint, quique valeant hæreses omnes expugnare, Christi ecclesia minime sit, nisi, quod toties monui, se ecclesiæ illi conjunctissimam ostendat, in qua doctores hujuscemodi existunt. Tum enim in unam eandemque cum ipsa ecclesiam coalescet, & qui huic doctores erunt, sui erunt.

Fateor, inquit *Methodius*: erubui sæpe ab Mahometanis rogatus de mysterio *Trinitatis & Incarnationis*, cum non possem satis explanare quid natura esset, quid persona; quomodo Deus, cujus est natura simplicissima, tribus constet personis, & ex iis quasi constaret, quid causæ sit, ut cum Deum credamus unum, eumque profiteamur hominem factum, Filium tamen unum dicamus incarnatum, nequaquam tamen Patrem & Spiritum sanctum, quandoquidem uterque unus est cum ipso Deus; & hujuscemodi alia non pauca. Nec reperi e Christianis hic ullum qui mihi faceret satis, & nodum exolveret. An vero contendis, o Romane, subjecit *Vigilius*, ubi sunt doctores, hic continuo Christi esse

DE CHRISTI ECCLESIA

ecclesiam? Hoc tantum volo, inquit *Romanus*, ubi doctores non sint, ibi Christi ecclesiam non esse. Neque satis habeo, si unus aut alter, aut pauci sint: fore enim multos Paulus innuit & ratio exigit. Quippe cum ubique terrarum Christi diffusa sit ecclesia, oportet ubique esse qui ipsam adversus innumeros ejus hostes tueantur & fiment.

Quarta ecclesia nota, quod sit catholica, sicque toto orbe diffusa, ut nulla unquam magis.

Et quia mentionem facimus ecclesiae per totum orbem propagatae, sit hæc vobis alia ecclesiae Christi nota, quod debeat illa scilicet esse catholica, id est, toto orbe diffusa. Matth. cap. 24. *Prædicabitur hoc evangelium regni in universo orbe in testimonium omnibus gentibus.*

Et Psal. 71. *Dominabitur a mari usque ad mare, & a flumine usque ad terminos orbis terrarum.* Et hæc nota omnium est fere optima. Illius nimirum beneficio facile agnoscitur ecclesia. Quis enim nesciat, aut si nescit, facile non discat, quænam ecclesia magis in universo orbe propagata floreat? Quare Augustinus lib. de unit. ecclesiae cap. 2. *Quæstio*, aiebat, inter nos versatur, ubi sit ecclesia: utrum apud nos, an apud *Donatistas*. Tum addit: *Quid facturi sumus? In verbis nostris eam quaesituri, an in verbis Christi? Non audiamus, Hæc dico, hæc dicis; sed audiamus, Hæc dicit Dominus. Sunt certe libri dominici, quorum auctoritati utrique consentimus, utrique credimus, utrique servimus. Ibi quaeramus ecclesiam, ibi discutiamus causam nostram. Si Christi ecclesia canonicarum scripturarum divinis & certissimis testimoniis in omnibus gentibus designata est, quidquid attulerint, & undecunque recitaverint, qui dicunt: Ecce hic Christus, ecce illic. Audiamus potius, si oves ejus sumus, vocem pastoris nostri dicentis: Nolite credere. Illa quippe singula in multis gentibus, ubi ista est, non inveniuntur; hæc autem, quæ ubique, etiam ubi ille sunt, inveniuntur.* Ita Augustinus, ex quo efficit *Donatistarum* ecclesiam non esse Christi, cum quæ ipsi ad versatur ecclesia, ipsam locorum universalitate superet.

Matth. 24.

Quam vere, inquit *Vigilius*, tam admirabiliter rem edidit Augustinus, & nos Græci ratione eadem catholicam ecclesiam immensis illis locorum spatiis describimus. Cumque pro ea preces fundimus, in eo, quod ab *Basilio* magno accepimus, sacro missæ officio, non oramus tantummodo pro Græcorum ecclesia, quæ ultra *Aegypti*, *Syriæ*, *Russiæ* & *Moscoviæ* fines, non protenditur: sed oramus pro Christi ecclesia, quæ ab mundi finibus ad mundi fines propagata, Deo fide vera obsequitur, & amore sincero famulatur. Adverte igitur, inquit *Romanus*, quæ ecclesia in orbe toto existat, & hanc Christi ecclesiam esse dicito. Verum, subjunxit *Methodius*, quæ unquam ecclesia orbem universum sic obtinuit, ut in singulis ejus partibus extiterit vel existat? Fac, respondit *Romanus*, nullam esse hujusmodi: hanc elige, quæ latius longiusque diffunditur. At cum Christus monet Patresque docent catholicam esse ecclesiam, non eo sensu dicunt, ut velint eam in singulis mundi partibus, & si placet, pagis & domibus existere. Dicti vis est, eam sic esse in orbe diffusam, ut, vel in singulis

regionibus constituta sit, vel ita sit cuique vicina, ut facile innotescat; vel cum maximam orbis partem jam infederit, sese in dies singulos dilatet semper ac propaget. In hunc fere modum sol illuminare terram universam dicitur, inquiebat e nostris unus, quia etsi non singulis momentis omnem illuminat, quanta est, illuminat tamen partem maximam, & totam suo illuminaturus est decursu. Placuit responsum Methodio, & laudavit exemplum. Erat enim, inquit, apostolorum ætate catholica ecclesia, nec alia ratione erat, nisi quod *in omnem terram exiit sonus eorum*. & in fines orbis terra verba eorum. Quippe regiones esse non paucas constat, in quas neque ipsi per se, neque per discipulos, ætate sua penetrarunt apostoli; sic tamen sese suosque discipulos effuderunt longe lateque, ut *sonus eorum* & fama eo pervaserint, vel potuerint facile pervadere, quo ipsi non accesserunt. His adde, ait Romanus, ita propagatam esse per apostolos ipsos Christi religionem, ut eorum temporibus religio nulla alia pluribus in orbis partibus coleretur.

Bagot. in
Apol. fidei.

Psal. 18.

Patere, inquit *Vigilius*, me tibi istud minime assentiri. Orbem enim ferme universum tum occupabat idolorum cultus impurus, vel veriminis ignorantia. Neque vero ut Christi ecclesia tum catholica probaretur, necesse erat, illam cæteris latius permeasse; abunde erat, quod permeaverat plurimum, & continuo permearet magis ac magis, quo sol modo universæ terræ illucet, uti mox explanabas. Unde merito vates regibus hac usus est voce, *Exiit in omnem terram sonus eorum*, id est, cœpit progredi ac propagari; non autem ista, *Penetravit & subijt*: cum intelligeret catholicam eo dici ecclesiam, quod propagatione perpetua, incipiens ab Jerusalem, ut habet Luc. cap. 24. indeque exiens per gentes omnes diffunderetur. Præclare sentis, reposuit Romanus: at quod a me modo pronuntiatum est, & verissimum est, & notatu dignissimum, teque illud mihi statim assensurum minime dubito. Idolorum enim cultus, qui tum orbe toto infederat, religio erat non una, sed multiplex. Una fuisset, si eorundem idolorum in venerationem populi ubique omnes conspirassent; sed cum alii alia colerent, tam erant religiones variae, quam varia erant idolorum genera, quorum se cultui devoverant.

Video jam, inquit *Vigilius*, Romanum interpellans, video, quo tua pertineat oratio, sentio quid velis, & sum tecum. Nempe cum esset in varias idolorum religiones divisus orbis, nulla ita florebat, ut ubique esset, aut tot certe in locis, quot invaserat sancta Christi ecclesia. Eo enim inducitur ab piscatoribus duodecim abjectis & inopibus, quo suum inferre nomen deosque suos vis Romana nunquam potuit. Quod testatur Paulus epistola ad Colossenses sua cap. 1. *Evangelium pervenit ad vos, sicut in universo mundo, & fructificat*. Romani præterea, quos iugo suo populos subjecerant, eos neque ab patria religione dimovere curabant, neque Romanæ cogebant religioni servire, nisi me fefellerunt e vestris eruditi viri, ab quibus ita didici. Vere illi narrarunt,

DE CHRISTI ECCLESIA

inquit *Romanus*: neque enim extra Christi ecclesiam homines reperire est, qui vel quæ sua sunt obliti, Dei unius gloriæ studeant, vel multum sint de gloria Dei & hominum salute procuranda solliciti. Est igitur vera Christi ecclesia quæ catholica est, & vel universo terrarum in orbe existit, vel plures ejus partes obtinet, quam quævis alia, deque die in diem propagatur magis ac magis. Quænam vero ex omnibus ejusmodi sit negotio nullo quivis agnoscat. Animadvertite autem non esse catholicam eam solam quæ sic per se diffusa est, verum & aliam quamlibet ecclesiam privatam, etiamsi paucissimis in locis vigeat, dummodo illi adhæreat ecclesiæ, quæ ubique terrarum est, ejusque se partem esse profiteatur. Tum enim catholica erit, ibique, ubicunque ecclesia illa universalissima, quacum fide & amore est una. Ubi enim caput corpusque existit, ibi manum & quamlibet aliam corporis partem esse dicimus.

Ad hanc tam illustrem ecclesiæ notam, nota alia revocari potest, quam tradit Malachias cap. 1. cum ait Christi sacrificium apud gentes omnes ab ecclesia vera offerendum. Sic enim Deus ipse loquitur: *Ab ortu solis usque ad occasum magnum est nomen meum in gentibus, & offeritur nomini meo oblatio munda*, (Hebraice *mincha*, id est, sacrificium ex pane vel farina confectum, de quo consule Levit. cap. 2. *quia magnum est nomen meum in gentibus, dicit Dominus exercituum*. Dicitō nunc quænam ecclesia missam celebrat non modo in Turcarum imperio & vicinis regionibus, sed in regnis etiam remotioribus, in Indiis, apud Sinas, in Japonia, in novo orbe, in Hispania, in Francia, in Germania, uno verbo *ab ortu solis usque ad occasum*; dubium esse non poterit, quin hæc vera Christi ecclesia sit. Et, si qua natio ab ea sese eximat, quamvis se Christi dicat ecclesiam, non ea tamen est, cum missam *ab ortu solis usque ad occasum* non celebret, nec celebraverit aliquando.

Audieram, inquit *Vigilius*, & ratione alia catholicam appellari ecclesiam, de qua adverto te silere, nempe hominum consideratione & temporum, quod ea genus hominum omne sinu suo excipiat, & qualis primum est ab Christo instituta, eo statu omnibus omnino sæculis perseveret: quippe, ut est in psalmo 47. Deus fundavit eam in æternum, suumque ipsi Christus Dominus dedit spiritum, qui cum ea in æternum maneat, & omnem edoceat veritatem. Novimus, reposuit *Romanus*, & ista consideratione catholicam nuncupari ecclesiam: sed jubent nos sanctissimi Patres ad locorum universalitatem, quam celebrant sacri codices, in primis attendere, quia illam facile quivis advertit, cum feriem istam temporum longioris & difficilioris sit operæ indagare, nec illam videant, nisi viri docti. Notas autem ecclesiæ hic eas describo, quæ feriant vel indoctissimorum oculos. Voluit enim iis Deus ut ceteris apparere ecclesiam. Quod vero hominum universalitatem admittat quoque Christi ecclesia, id consulo prætermisi, cum sectarum vix ulla sit, quæ id ipsum non profiteatur & clamet. Quamquam animadvertere est

P R O O E M I U M.

hoc differre ab aliis Christi ecclesiam, quod quæ vel schismaticæ sunt vel hæreticæ, ut vulgo fit, nullam hominum nationem sibi aggregent, nisi quæ suos in ritus juret, patriis abjectis, non modo non contemnendis, sed etiam laude dignis: catholica vero Christum intuita, qui sibi non placuit, nec ipsa quærens quæ sua sunt, complectatur omnes, suisque illas moribus, si fidei consonant, sinat vivere. *Debemus enim nos firmiores, ut ait Paulus, imbecillitates infirmorum sustinere, & non nobis placere. Unusquisque proximo suo placeat in bonum, ad edificationem.*

Rom. 15.

Rom. 15.

Quinta ecclesia nota, quod apostolica sit, id est, in Petro fundata, & qualis apostolorum erat fuit.

Hier. 4. in cap. 6. Isai.

Matth. 16.

Bene est, inquit *Methodius*: perge ergo, & alias nobis ecclesiæ notas recense. Apostolicam quoque ecclesiam esse, reposuit *Romanus*, nemo nostrum est, qui nesciat, si fidei sciat symbolum, quod est ab Nicænis Patribus ex evangelii doctrina conscriptum. Ecclesiam porro confitemur apostolicam, tum quia per apostolos ab Christo constituta est, & qualem habuerunt apostoli, eam nos nullo discrimine, & plane similem obtinemus. Facilius est enim, ut notat Chrysostomus, extinguere solem, quam ecclesiam deleri: tum quia supra Petrum apostolum illam Dominus extruxit, cum diceret: *Tu es Petrus, & super hanc petram edificabo ecclesiam meam; & porta inferi non prevalebunt adversus eam; & tibi dabo claves regni celorum; & quodcunque ligaveris super terram, eris ligatum & in celis; & quodcunque solveris super terram, eris solutum & in celis.* Jam etsi fortasse arduum est, ut quisque videat, quænam ecclesia eo statu sit, quo fuit ecclesia apostolorum temporibus: at facile est, ut advertat quænam Petrum habeat, cujus est, cum ejus fides deficere non possit, fratres suos confirmare; quænam in petra illa sit extructa, quam vires creatæ nullæ possunt vel tollere vel effringere. Ea scilicet procul dubio apostolica est, in qua Petrus in suis successoribus vivit & judicat, cui Christus non agnos modo suos, id est, ecclesiæ plebem, sed etiam oves pascendas, id est, plebis Christianæ patres regendos tradidit. Ut enim oves agnorum matres, sic episcopi Christianorum patres merito appellantur. Mihi in mentem non venit quo sensu alio ecclesia dici possit apostolica. Necessè est, inquit *Methodius*, vel utroque dicatur, vel alterutro.

Luc. 22.

Syn. Eph.

Nota alia est, subjecit *Romanus*, quam symbolum offert primam, cum docet ecclesiam esse UNAM. Et merito quidem primam exhibet, ut cum unam esse intelligimus ecclesiam, in qua possumus salutem consequi, illam studio omni perquiramus & amplectamur inventam. *Alias oves habeo*, inquit Christus Dominus, *quæ non sunt ex hoc ovili, & illas oportet me adducere, ut fiat unum ovile & unus pastor.* Nempe nisi in hoc uno existant ovili, salvæ esse non possunt. Inde est, ut apud *Matthæum* cap. 24. ecclesiam suam Christus familiæ unius similitudine describat, & cap. 21. illam regnum unum esse demonstret. Paulus vero, Rom. 12. eam corpus unum esse ostendit. Quare ecclesia Christi una eo modo est, quo familia est una.

Sexta ecclesia nota, quod una sit fidei, sacramentorum, & capitis unitate sit firma & stabili, ut reverti non possit.

Joan. 10.

DE CHRISTI ECCLESIA

& regnum unum, & unum corpus. Atque ut nos illam corporis unius in exemplo contemplemur: non esset corpus unum ecclesia, si capita haberet plura. Unius enim corporis, nisi monstrum sit, caput unum est: si in ea multiplex & opposita fidei doctrina esset, & sacramenta varia aliis alia: nam unius corporis mens una est: mens autem una, unius sententiæ est, neque sentire verbi gratia potest Christum esse Deum, simulque non esse Deum, credere. Atque unius præterea corporis communi nervorum nexu copulantur membra, & eodem vivunt sanguine, ac spiritu uno moventur. Sacramentis autem Spiritus ecclesiæ & sanguis Christi continetur totus, eorumque ope Christianis infunditur, atque ipsorum communione, uno quasi vinculo, connectuntur inter sese Christiani orthodoxi in societatem unam, & ab cæteribus hominum aliis separantur. Quamobrem exclamat Paulus Eph. 4. *Unum corpus & unus spiritus, sicut vocati estis in una spe vocationis vestrae, unus Dominus, una fides, unum baptisma, unus Deus & Pater omnium, qui est super omnes, & per omnia, & in omnibus nobis.* Ergo ecclesia una est, cujus fides una, una sacramenta, & caput unum. Animadvertite porro, cum sint aspectabilia ecclesiæ membra, debere quocumque ipsius caput oculis subijci, ne sit sacrum illud corpus portenti instar.

Crediderim ego, inquit *Methodius*, ut ex ecclesiis multis existeret una, satis esse, si fidem illæ profiteantur unam, & iisdem utantur legibus, & institutis: etiam si qui singulas illas regunt ecclesias, superiorem sibi, præter Christum, agnoscant neminem. Velim tu, reposuit *Romanus*, te ipsam refellas. *Quæro*: Cum Arcadius imperabat olim in Oriente, in Occidente Honorius, unumne erat tum Orientis & Occidentis imperium? Respondit *Methodius*, duplex fuisse. Verum, inquit *Romanus*, cogita easdem fuisse in Oriente & Occidente leges, quarum ex præscripto uterque administraret imperium. Quid refert, subiecit *Methodius*? suo Arcadius arbitrato suis in partibus regnabat, suo Honorius in Occidente, nec ab altero alter pendeat. Atque adeo quemadmodum imperabant duo, sic duo erant imperia. Neque enim dominabatur in Oriente Honorius, neque regnabat in Occidente Arcadius. Non absimili ratione, inquit *Romanus*, sic pronuntia, & si ecclesiæ variorum fide eadem, iisdemque gaudent institutis, si rectores habent, quorum alter minime ab altero pendeat, unam constituere ecclesiam non possunt. Ut enim non imperabat in Occidente Arcadius, aut Honorius in Oriente, eaque propter unum non erat utriusque imperium: ita hic hujus ecclesiæ rector jus in alia non dicit, aut rector illius in ista præest. Quare duæ sunt ecclesiæ, non una. Sed pendunt omnes, inquit *Methodius*, ab uno summo rectore Christo, ut ab uno summo capite membra corporis: Verum, reposuit *Romanus*, etiam si Honorius atque Arcadius ab Deo sic, quasi ab uno summo rege penderent, non erat tamen unum utriusque imperium. Non erat, respondit *Methodius*, sed esse

esse tamen poterat. Poterant capita illa imperii duorum esse, si communi scilicet consilio & auctoritate administrassent orbis imperium; quemadmodum præsides ecclesiarum majores ecclesiam totam regunt. Hic *Romanus*, Etsi, inquit, communi consilio & communibus legibus præsides ecclesiarum majores ponamus uti, non magis communi tamen & indistincta auctoritate ecclesiam totam administrant, quam regebant olim orbis imperium Arcadius & Honorius. Neque enim Antiochenus antistes Constantinopoli jus dicit, neque Constantinopolitanus Antiochiæ. Deinde ubi meminerunt vel sacri codices vel Patres, caput ecclesiæ ex majorum ecclesiarum capitibus coalescere? Audimus Apostolos majorum ecclesiarum capita extitisse & principes; sed legimus in Græcis, Latinis & Arabicis libris, principum illorum principem & caput fuisse Petrum. Quis factum est, ut quod erat olim in uno caput ecclesiæ aspectabile, jam sit in pluribus? Verum de hoc Nias bene multis. Quæsitivus hic *Methodius* ab Romano, unde apparere possit, quæ ecclesia magis, aliisque omnibus perfectius una sit. Respondit esse illam perfectiore modo unam, quæ non modo fidei & sacramentorum unitatem majorem habet, sed quæ valet illam tutius & minime læsam institutis suis servare; quo maxime confert capitis unitas illa, de qua mox agebamus. Fieri, inquit *Methodius*, ni fallor, potest, ut peræque hæreticorum ecclesia sit valde una, si nempe omnes, & in uno dogmate consentiant, & patriarcham habeant pro toto orbe unum, cujus ex nutu ab aliis antistitibus administrantur omnia. Vix illud contingat unquam, inquit *Romanus*, quod nunquam evenit hactenus. Vel enim hæretici illi docti erunt, vel indocti. Convenire inter sese ignari in sentiendo nequeunt, qui, quid sibi sentiendum sit, ignorant. Longius abest, ut id docti valeant. Cum enim suo, non ecclesiæ judicio res æstiment & definiant, quam vario erunt ingenio, tam variis distraherentur opinionibus. Et ut Nestorius, exempli causa, sibi licere putavit pronuntiare quod placuit, nihil sibi minus concedi arbitrabantur. Fac autem, si sic allubet, hæreticorum ecclesiam aliquam esse in omnibus plane unam, non habebit tamen illa in sese, quo servet illam unitatem illam; cum capite illo careat, pro quo Dominus oravit ut non deficiat fides ejus, nec illi petre incumbat, quam evertere inferorum portæ non possunt. Nec aio hoc ipso, quo ecclesia aliqua est una, eam continuo esse Christi, nisi notas habeat ceteras, quibus suam Christus affecit ecclesiam. Christi ecclesia ex necessitate est quidem una, sed est præterea sancta, apostolica, signisque prædita pluribus aliis, quorum vel uno si careat, Christi ecclesia esse non potest. Doce ergo, inquit *Vigilius*, quænam illa sit, quæ nullo careat.

Dicam, reposuit *Romanus*, si prius patimini commemorare me notam aliam, quæ omnium est facile præstantissima. Ea est, ne vos morer, vis patrandi miracula. Audi Christum: *Signa eos*

Septima Ecclesia nota, vis patrandi miracula contra, plurima, & in fidei confirmatio-
nem.

DE CHRISTI ECCLESIA

qui crediderint, hac sequentur. In nomine meo dæmonia ejicient, lingua loquentur novis, serpentes tollent, & si mortiferum quid biberint, non iis nocebit; super agros manus imponent, & bene habebunt. Quid id est, rogavit præ admiratione Vigilium? Vixne dicto illo tuo efficere, quotquot in ecclesia vera continentur, illos edendorum vim miraculorum accepisse, eumque qui recitata abste portenta non patret, e Christi grege abesse. Istud a me neque dictum est, neque ab Christo Domino pronunciatum unquam. Nec enim fore Christus asserit, ut signa illa omnes & singulos, qui sunt credituri, consequantur, quasi illi ipsi sint effecturi. Quare universim non dixit, omnes, sed strictiore significato, eos qui crediderint. Qua voce hoc docuit, illos qui in credentium cœtu veraque ecclesia non extiterint, miraculis, quibus auctoritatem religioni suæ faciant, carituros; eos autem qui ecclesiæ veræ nomen dederint, apud se admiranda illa signa habituros, non quæ ex dicti necessitate ipsi edant, sed quæ saltem ab iis efficiantur, quibuscum in unam aggregantur ecclesiam. Quemadmodum cum in eodem illo evangelii loco Christus protulit: Qui crediderit, & baptizatus fuerit, salvus erit; non eo protulit, quasi omnes, qui crediderint, & baptizati fuerint, salutem sint adepturi. Hoc tantum significavit futurum neminem salvum, nisi qui fidem professus fuerit, & sacro fonte ablutus. Sic quando asserit, signa eos, qui crediderint, secutura, non secutura omnes affirmat: hoc dumtaxat edocet, neminem, nisi ecclesiæ adscriptus sit, religionem suam posse miraculis veram probare: futuros autem in ecclesia saltem aliquos, qui possint istud & efficiant; illos scilicet, quibus vis hæc divina supremi concessu numinis obtigerit. Non satis capio, inquit Methodius, cur miracula in signum veræ ecclesiæ apponas; cum reperiantur etiam in profana, eaque ab viris etiam fide divina destitutis, perpetrata. Legimus pseudo-prophetam Balaamum in veteri lege mira de Christo venturo prænuntiantem. Audimus sybillarum oracula. Norant apostoli quemdam dæmonia ejicientem, eumque, quod Christi discipulus non esset, ab sanctissimo illius usurpando nomine prohibebant. Ferunt Vespasianum imper, & quosdam ex ethnicis alios, nescioqua effecisse viribus humanis superiora. Atque hos omnes ut faciam miseros, secta nulla est, quæ edita per suos miracula non deprædicet.

Qua igitur ratione tot inter discrepantes sectas, ab falsa religione veram miraculorum beneficio secernemus? Duplici, inquit Romanus, quod postulas, via potes assequi. Prima est, si, quem noveris miracula perpetrantem, eo fine hoc agat, ut religionem suam contestetur esse divinam. Constat enim non posse, quod falsum est, miraculo comprobari. Quippe facis mirabilia magna solus, qui Deus Deorum est, & dominus dominantium. Cum igitur petit a Deo aliquis, hominem v. g. vita functum e mortuis excitari, quod dicenti sibi fides habeatur; si Deus illum excitat, sit dicenti testis, dictumque ejus hoc mi-

P R O O E M I U M.


raculo quasi divinitatis sigillo obsignat. Testari autem falsum Deus non potest. Ergo cum dicenti religionem suam veram esse, testis accedit per miraculum; necesse est, religio illa vera sit. Hinc intellige, etiam si demus ex ethnicis aliquos miraculis nonnullis claruisse, quod merito multi pernegant, non sequi tamen veram illorum religionem fuisse, cum illa ideo non sint perpetrata, ut ipsius adstrueretur veritas, sed ut vera aliqua divini numinis perfectio appareret. Sybillas autem fide caruisse, vix adduci possum ut assentiar.

Est & via altera, qua miraculorum intuitu ad veræ ecclesiæ cognitionem pervenias. Nempe si quæ in ecclesia videas vera, crebra & magna edi miracula, & ab iis edi, qui fidem illius & placitas sectantur; in aliis autem ecclesiis vel nulla, vel dubia reperiri, eaque minime ab illis patrata qui istis nunc cætibz continentur: dubium esse non potest, quin ecclesia illa tot ac tantorum miraculorum gloria nobilis, veritate potiatur. Si enim miracula cum plurima, tum illustria in ecclesia hæretica Deus faceret, nimio opere allicerentur homines, ut ei se adjungerent, quam scilicet non abs re interpretarentur Deo pergratam. Et autor esset tentationis, qui *intentator malorum*, & unus miraculorum autor est Iac. Ep. Deus. Atque adeo miracula tot ac tanta ab ipso, nisi in vera ecclesia, fieri non possunt. *Ipse enim neminem tentat.*

Planum est quod doces, inquit *Vigilius*, & qui ad miraculorum lucem ecclesiam Christi veram non agnoscat, is vel solem ex radiis suis non videat. Jam ex te quæro, cum multæ sint Christi ecclesiæ, uti vestra Latinorum, Græcorum nostra, Maronitarum alia, alia Armenorum, Surianorum & Coptorum: edoce quo demum modo recensitæ illæ notæ omnes singulis illis ecclesiis conveniunt. Nam si Christi ecclesiæ sunt, iis debent fulgere notis, quas ecclesiæ suæ Christus affixit. Rem petis, inquit *Romanus*, non admodum arduam. Verum æquius est, ut suæ unusquisque ecclesiæ demonstret insignia. Mihi, qui summo Dei beneficio Romanæ ecclesiæ sum sacerdos, satis hoc erit, si illam vobis repræsentem omnibus illis ecclesiæ veræ signis ornatam & illustrem, ut animo & corpore sit cæcus, qui illam non videat verissimam esse Christi ecclesiam. Hoc Romani consilium arrisit omnibus, & officiosis verbis ad dicendum compulsus, in hunc modum exorsus est.



DE CHRISTI ECCLESIA



CONTINUATIO DIALOGI.

*Romanam ecclesiam esse Christi ecclesiam : nullam aliam esse posse ,
nisi illi fidei & sacramentorum communione
ut membrum capiti , adhereat.*

Ioan. 10.

EAM esse, inquit *Romanus*, concessistis Christi ecclesiam, quæ
omnium sanctissima sit. Absit enim ut ecclesiam satanæ ecclesia
Dei judicemus sanctiorem. Venit enim Christus, ut sui vitam ha-
beant, & abundantius habeant cæteris omnibus, eosque iussit esse
perfectos, sicut cælestis Pater perfectus est : qua perfectione fingi nulla
major omnino potest. Omnium autem sanctissima illa ecclesia jure
censetur, quæ & diviniora præcipit, & homines efficit, habetque
diviniores. Quod ad præcipiendum pertinet, mihi, inquit *Vigilius*,
Christianæ ecclesiæ omnes videntur pares. Quæ enim omnium ea quæ
sacris codicibus docentur, non præcipit, & suorum mores ex evan-
gelicis mandatis non informat? Nihil autem institui ad rectam mo-
rum disciplinam potest, quod non sit in instrumento novo ab Christo
& apostolis constitutum. Nam quis Christo & apostolis magis sapiat?
Nemo profecto, inquit *Romanus* : at hæreticorum tamen ecclesiæ
quæ se venditant Christianas, & evangelicarum institutionum tena-
ciores, audisti quam impia de Deo, quam nefaria de hominum libe-
ro arbitrio & factis edoceant. Nihilo in multis sceleratius circa mo-
rum disciplinam peccant. Vota effringi sine crimine, clamitant; no-
lunt violato jejunio peccari; moniales & monachos & sacerdotes lau-
dant, si repudiata continentia matrimonium ineant; vinculum ma-
trimonii abscindunt; quod Deus conjunxit, ipsi homunciones se-
parant; & ubi ab uxore vel viro admissum flagitium est, quod probis
non licet, volunt improbis illis alias licere nuptias: aliaque monstra
pariunt, quæ prodere grave est. Verum cum ecclesiæ illæ omnes
quæ Christiano nomine gloriantur, eodem fruantur evangelio, fac
eas nulla re bonis moribus adversari. Fons erit idem sanctitatis om-
nis in qualibet ecclesia, idem nempe evangelium; sed non pari co-
pia efficientiaque, salutis ac perfectionis aquæ ab illo fonte in qua-
cunque ecclesia deducuntur. Præcepta evangelii atque consilia om-
nes æque promulgabunt, prout legent in sacro volumine descripta;
sed non æque omnes præcepti aut consilii vim pervidebunt, aut il-
lius adimplendi modum præscribent. Sed quæ Christi vera est eccle-
sia, cum tota sit lux in Domino, & virtute corroboretur per spiritum
ejus, habeatque per fidem habitantem in sese Christum, comprehendit

P R O O E M I U M.

quæ sit latitudo, longitudo, sublimitas & profundum; scit etiam super-
eminentem scientiæ caritatem Christi, ut impleatur in omnem Dei ple-
nitudinem. Verbo dicam, vera Dei ecclesia de divinis docet divinius, &
summæ perfectionis vias explanat magis, in easque efficientius inducit.

Eph. c. 5.

I.

*Romana ec-
clesia sanctitas
nulli secunda.*

Jam rogo vos, quænam ecclesia magis quæ Dei sunt no-
vit, quam Romana ecclesia. Ita novit, (finite me verum elo-
qui) ut nemo jam ea penitus norit in toto terrarum orbe, nisi qui ab
illa didicerit. Arguite, si mentior, & date vel unum apud vos theo-
logum, qui non fuerit ecclesiæ Romanæ vel filius, vel discipulus.
Sed vitæ spiritualis & divinæ semitas omnes quænam ecclesia peræ-
que aperit & frequentat? Theologorum millia vides apud Romanos
bene multa, sed longè plura spiritualium magistrorum, qui, quæ
sunt spiritus, tam admirabiliter intelligunt & docent, ut sensa adeo
divina, non aliunde, quam e Dei ipsius sinu accepta esse & hausta
facile pronunties. Atque hoc nusquam hac ætate, nisi Romana in
ecclesia reperias. Velim a vobis e vestris vel unum, qui orationis il-
lius, quæ mente peragitur, gradus omnes & arcana capiat; qui vitæ
agentis & contemplantis, & ejus, quæ ex utraque temperatur, nor-
mam ac leges teneat, & explicet; qui mortificandi, ut aiunt, non
tantum corporis, sed & spiritus artem calleat. Jam cum, teste Paulo,

1. Cor. 2.

1. Cor. c. 14.

quæ Dei sunt, nemo cognoscit, nisi spiritus Dei, cumque illa sint ec-
clesiæ Romanæ adeo perspecta, necesse est, ut spiritu illò sit plena,
quem daturum se suis Christus promisit, ut cum ipsis ætèrnum per-
maneant, omnemque illos edoceat veritatem. Habere autem spiritum
illum non potest, nisi quæ vera sit Christi ecclesia. Porro Dei lu-
cem hanc immensam non videt modo ecclesia Romana, sed in ea
quoque ambulat. Quæ enim in ecclesia sanctius vivitur? Sanctitas
omnis puritate animi & adhæsiōe cum Deo definitur. Comparatur
autem illa instrumentis quibusdam idoneis, quæ utendâ nobis Chrî-
stus tradidit; atque ea, qui sibi magis adhibet, alios vitæ sanctimo-
nia superat. Sunt autem in primis duo, quæ Pœnitentiæ & Eucha-
ristiæ nomine appellant. Pœnitentia purgatur animus: Eucharistia
sic unitur Deo, ut unus cum illo spiritus fiat, & corpus cum Christo
unum. Utriusque usus qualis sit in ecclesia Romana, paucis enarro.

Sacerdotum plerique Eucharistiam diebus singulis conficiunt, iique,
si sunt religionis vinculo devincti, vix est, ut ab faciendo sacro vel
uno die abstineant. Nec faciunt, nisi depositis prævia confessione pec-
catis. Qui religiosæ vitæ nomen dederunt, si non sunt e numero
sacerdotum; ii fere omnes pro lege habent, ut octavo quoque ad
minimum die deificante illo epulo fruantur: & sæpius, quam multi!
Fit idem ab religiosis faminis. Admirabilius est, quod id etiam fa-
miliare sit vel iis, qui laicorum & sæcularium in ordine versantur:
Quot enim dominicis singulis diebus, vel singulis saltem mensibus
Christo pascuntur. Exemplum accipe in urbe, quæ civium multitu-

DE CHRISTI ECCLESIA

dine Halepum adzquet, vel Damascum : parum dicam, si affirmem plures quam millia quindecim hoc habere in usu, ut in Domini atque Deiparæ festis, hoc est, singulis fere mensibus communicent; singulis vero hebdomadis supra millia quatuor. Si quis autem bis in anno terve dumtaxat accedat ad pavenda mysteria, videtur in cultu divino remissioris esse animi, nec satis æternæ gloriæ salutisque studiosus. Quo vero apparatu, qua fide, qua modestia, quo metu sacræ illi mensæ assistunt! Ex communicantium numero, pœnitentium multitudinem æstima. Et quam bene, quam fructuose peccatorum fiat confessio, intellige ex sacerdotum, qui ad id muneris deliguntur, virtute & scientia. Neque enim temere hoc cuivis mandatur, sed ei, quem post accuratum examen theologi ab antistite delecti dignum judicaverint. Adde hoc esse hominibus innumeris positum in more, ut diebus singulis ante somnum, rationem non factorum modo & dictorum, sed & cogitatorum ab sese repetant, & quidquid peccaverint, conentur animi dolore & proposito confitendi eluere. Non dico quam multi soleant suos sæpissime adire viæ spiritualis magistros, eisque arcana cordis omnia reterege, ut norint quid sibi cavendum, quid agendum, quo possint secuta in omnibus via ad Deum tendere, eique placere. Sacrum die festo vel semel omittere in ecclesia Romana gravissimum facinus est. Dici non potest, quam multis consuetum, ut divino illi officio quotidie interlunt. Jam vero quid commemorem pietatis sodalicia varia? Sunt autem sodalicia illa cætus hominum sacratissimi, qui se piis quibusdam legibus ad Dei gloriæ obligarunt. Leges autem illæ sunt v. g. ut certas quasdam quotidie preces persolvant; toties in mense simul conveniant; toties confiteantur & communicent; aliaque & alia virtutum officia obeant ad miserorum solatium, & divinæ gloriæ propagationem.

Sanctitatem autem ecclesiæ in sacerdotibus potissimum & episcopis elucere necesse est. Sunt enim *lux mundi*, cujus beneficio tenebræ depelluntur, & rebus omnibus cum colore decor accedit. Sunt & *terra sal*, cujus admixtione conferri sapor omnibus debet, quo Deo placeant. Si quis ad sacerdotii dignitatem viam sibi gradumque pecunia vel muneribus fecerit, cum sit illud atrocissimum contra Dei & ecclesiæ & naturæ ipsius leges flagitium, gravissimis & ignominia plenis in eum pœnis animadvertitur. Nullus nisi peritus, qui preces, quas pro suo munere recitat in templo, norit interpretari, & Christianæ legis mysteria bene didicerit, sacerdotio donatur. An sciat autem, severo examine theologi explorant. Constat divina lege sacerdotum conjugia præstare continentiæ, eamque maxime sacerdotes decere; quippe qui Christum virginem in sese exhibent, & totos se in obsequium Dei & ecclesiæ tenentur

impendere. Quod etsi fieri fortassis potest ab uxoris, fieri tamen perarduum est, corde Deum inter conjugemque & liberos divisio. Testes mihi opto conjugatos ipsos: dicant quantum ab divinis cogitationibus avertat liberorum cura, amorque uxoris. Si tacent, testem habemus, quem nefas est excipere, Spiritum sanctum 1. Cor. cap. 7. *Qui sine uxore est*, inquit Paulo interprete, *solicitus est quæ Domini sunt, quomodo placeat Deo; qui autem cum uxore est, sollicitus est quæ sunt mundi, quomodo placeat uxori. Et divisus est.* Idcirco Romana ecclesia non sacerdotes modo, sed diaconos ipsos, & subdiaconos ex iisdeligit, qui promissa Deo castitate carnis voluptates repudiant, tum ut purius orationi vacent, & divina pertractent mysteria, tum ne alendis & locupletandis liberis impediti, minus seculo impendant sanctificandis sibi conceditis a Deo populis. Quot sunt ubique instituta seminaria, in quibus & leges ecclesiæ edocentur clerici, & ad omnem erudiuntur virtutem! Quanta cura annis singulis ecclesias omnes suas vel per se antistites, vel per vicarios lustrant, acceptis sæpissime secum concionatoribus, qui plebem ad Dei cultum omni arte invitent & adducant? Quid commemorem tot apertas religiosas domos, in quas se non sacerdotes tantum, sed & laicis bene multi ad exercitia spiritus per octo decemve dies recipiunt? Quod si jam religiosa placet intueri familias seu virorum seu feminarum, nusquam gentium cœnobيا vel numero plura, vel sanctitate regularum munitiora, vel præpositorum vigilantia tutiora, vel disciplinæ observatione laudabiliora, vel severioris vitæ studio clariora, vel despectu mundi totius illustriora, vel comparandæ perfectionis eximie zelo magis incensa. Jam illis in cœnobiis: quot millia videre est virorum feminarumque nobilium, qui spretis opibus amplissimis, maximisque proculcatis honoribus, omnia existimant detrimentum esse, ut Christum lucrifaciant. Religioso nefas est extra cœnobium vivere, aut, quæ placent, pro arbitrio suo facere; sibi pecunie aliquid possidere, flagitium; Dei nomen jurando appellare, portentum quasi inauditum; surgere, dormire, edere qua libuerit hora, peccatum; pedem domo efferre sine facultate superioris, aut sine teste factorum socii, piaculum; sacerdotia, cœnobia, sacras dignitates nundinari, scelus est crimine omni detestabilius. Ubique in cœnobiis inculcatur Dei memoria vel scriptorum vel imaginum objectu; ubique indicitur silentium; ubique ante oculos vitæ sanctissimæ exempla versantur. Eo ista abs me non proferuntur, ut sanctos esse asseram, quotquot religiosa veste induuntur. Nam si e duodecim apostolis Christi fuit unus, ut evangelii verbis utar, *diabolus*, & diabolo nequior; *Ioan. 6.* mirum videri minime debet inter tot millia numerari aliquos vitæ solutioris: sed constat admirabili sanctitate florere plurimos, eosque ingenti numero singulis in ordinibus. Porro nihil æque me afficit

DE CHRISTIANE ECCLESIA

æque demisso illa animi & in agendo simplicitas, quam familiarem esse tot ac tantis viris, pietate, doctrina & genere illustribus conspexi.

Aliud est eximium in ecclesia Romana sanctitatis argumentum: contemplationis scilicet donum insigne, quo Deus sese animis suavissime infundens, mansionemque ibi quasi desigens, amicissime cum homine colloquitur, & tanto lumine mentem perfundit, ut ea sæpe vir indoctus & indocta puella in divinis rebus perspiciat, ad quæ humani vis ingenii & acumen pervenire non potest. Ego certe rusticum novi non alia quam effodiendæ & amputandæ vineæ scientia præditum, quem Deus inter orandum sic identidem rapiebat, ut illum per horas plures, sine ullo rerum extra se positarum sensu, divinitati detineret immersum. Isque librum ex iis quæ ab Deo, inter contemplandum, didicerat, conscripsit, cujus admiratione doctores capti non potuerunt induci, ut crederent autorem rustico prodiiisse, donec illum de rebus in eo scriptis admirabilius respondentem audierunt. Novi & religiosam virginem, quæ ab Dei aspectu nunquam animo aberat, eamque audiui de rebus cælestibus, Deique ipsius perfectionibus ita differentem, ut admirabiliora nunquam legisse me in theologorum commentariis meminerim. Donum autem illud, etsi rarum est, Deus in ecclesia Romana concedit multis non religiosis modo hominibus, sed sæcularibus. Audiui venerandum e Græcis Monachis sacerdotem Sophronium, cum mihi Damasci commoranti narraret, se Jerosolymis in sanctissimæ resurrectionis templo æditui munere defungentem vidisse e religiosis Francis unum e S. Francisci familia, qui, cum sub noctis initium expansis in crucis formam manibus in sacratissimo Calvarie monte orationi se dedisset, noctem totam eodem situ raptus extra se in contemplando traduxit; neque sibi redditus est, nisi illucescente aurora, cujus ut persensit lumen, subito recessit, ne ab hominibus videretur.

Communis est oratio mentis, qua oratione via nulla est ad consequendam salutem compendiosior, de qua Christus Dominus Matth. 6. cap. *Cum oraveris, intra in cubiculum tuum, (cubiculum scilicet cordis) & clauso ostio (oris nempe ostio): ora Patrem in abscondito; & Pater tuus qui videt in abscondito, reddet tibi.* De qua & Paulus: *Orabo spiritum, orabo & mente.* Atque ejus quidem in sese expertus vim & fructum, scribebat ad Ephesios cap. 3. *Implemini Spiritu sancto, loquentes vobismet ipsis in psalmis, hymnis & canticis spiritualibus, cantantes, & psallentes in vobismet ipsis Domino, gratias agentes pro omnibus in nomine Domini nostri JESU CHRISTI Deo & Patri.* Hoc Domini consilium, ne dicam præceptum, haud fuit usquam præterquam in ecclesia Romana excipiat pro merito, & in usu sit. Aliarum quidem ecclesiarum neminem vidi, quæ
vel

P R O O E M I U M.

vel hoc, quid reieffet, agnosceret, nedum usurparet.

Sed quid pluribus ista prosequor? Testem te appello, Vigili, te, inquam, qui in regionibus ecclesiæ Romanæ ritum observantibus, peregrinatus fuisti. An vidisti aliis in locis magis ex evangelii placitis florere pietatem. Nimum sit, inquit *Vigilius*, nimium ad mentientum audax & projectus, qui abs te mox conmemorata inficiatur: Vidi, audiui, exploravi Romanæ ecclesiæ sanctitatem; nihil illi in orbe par & simile reperire est.

Tempus me deficeret, subiecit *Romanus*, si ego nunc huc referrem virorum omnium illustrium gesta, qui hoc & superiore sæculo in Romana ecclesia extiterunt, qui propter excellentissimam virtutem & constantissimam miracula, sanctorum albo fuerunt adscripti, quod idem in alia qualibet ecclesia nemo advertat.

Sed pergo ad aliam Christi ecclesiæ notam, in quam nos potissimum intueri Christus voluit, ut suam ab cæteris ecclesiis secerneremus. Est hæc proximi dilectio. *In hoc*, inquit, *cognoscent omnes, quia discipuli mei estis.* Quam proximi caritatem Christus ut in nobis accenderet, sibi factum esse edixit, quidquid ejus nomine hominum abjectissimo faceremus; tumque ab nobis maxime diligere Deum, cum animam nostram pro fratribus poneremus, id est, pro hominibus aliis, qui nobiscum ab una Adami stirpe prognati, naturæ communionem fratres sunt. Hac demum nos dilectione, cum ad hostes ipsos extenditur, promereri, ut habeamus Deum in Patrem, Matth. 5. *Ego autem dico vobis: Diligite inimicos vestros, benefacite his qui oderunt vos, & orate pro persequentibus & calumniantibus vos, ut sitis filii Patris vestri qui solem suum facit oriri super justos & injustos.* Et Paulus Rom. 13. legem divinam omnem ab eo impletam edocet, qui proximum amaverit. Mihi crede, Deum non amat, qui Deum amari ab aliis non curat. Quo enim modo regem & patrem diligit, qui gravissimis utrumque affici injuriis, ab multisque deferi & contemni sentiat, nec moleste id ferat, nec conetur pro viribus omnium amorem conciliare utrique? Deus vero quæ ecclesiam illam non amet, quæ operam omnem adhibet, ut ipse ab omnibus colatur & ametur? Et quo fieri modo posset, ut quam Deus amat ecclesiam, ea non Dei sit, sed diaboli? Si vera igitur Dei ecclesia ea est, quæ in amando proximo alias omnes superat, nemini dubium esse potest, quin Romana ecclesia tota Dei sit. Debet, inquit Augustinus ep. 52. debet quisque diligere proximum, sicut seipsum, ut quem poterit hominem vel beneficentiæ consolatione, vel informatione doctrinæ, vel disciplinæ coercionem adducat ad colendum Deum. Vide quam studiosè tria hæc ab Romana præstentur ecclesia. Beneficentiæ consolationem habes in xenodochiis, nosocomiis, & collegiis, quæ numero infinita, substructione magnifica, fidelium liberalitate opulenta passim

II.

Romana ecclesia omnes alias in amando proximo superat.

DE CHRISTI ECCLESIA

occurrunt. Sunt pro pueris puellisque orphanis xenodochia, ubi omni cura ritu christiano educantur, & addiscunt artes, quibus, ubi adoleverint, victum sibi parent & opes. Sunt & pro faminis, quas virtutis & rerum inopia peccato objecit, ut in iis securæ conquiescant. Sunt in multis etiam civitatibus, ubi pauperes aluntur omnes, & operibus manuum, quantum necesse est ad fugam oīi, pro ipsorum viribus exercentur. Sed nihil nosocomiis illustrius: ædes regias diceres, adeo ampla sunt & magnifica. Et vero regię sunt, ubi scilicet Christus sub pauperum forma habitat. In iis ut plurimum vel religiosi vel moniales vel sacerdotes famulantur. Huc sæpe viri nobilissimi conveniunt, & pauperibus demissione summa serviunt. Est ubi in argenteis vasis cibos ægrotis offerunt. Visuntur ubique collegia in primariis urbibus extracta, in quibus religiosi gratuito docent. Sunt etiam ubi certum alumnorum numerum non docent modo, sed ex collegii proventu alunt. Id Romę potissimum, ubi pontifices maximi nationibus prope omnibus hujuscemodi domos fundarunt. Illic suum Græci, Maronitę suum, suum Angli, suum Germani & Hungari, suum Armeni, Suriani, Indi habent collegium; & in suo quisque collegio nullis suis vel patrię suę expensis ad duodecim & quatuordecim annos instituuntur, dum litteras omne genus & evangelica in primis dogmata didicerint. Neque ab iis exigitur aliud, nisi ut redituros se in patriam voceant, ibique se ritum suum accurate servaturos, qualem a sanctis Patribus acceperunt, daturusque pro virili operam, ut suis profint, eorumque saluti consulant. Ubi gentium par potest beneficentia inveniri?

Alterum caritatis erga proximum officium est, *doctrina informatio*. Eam ob rem instituta sunt, quę modo commendamus, collegia; & viderentur satis esse vel ardentissimę dilectioni. Non iis tamen finibus ecclesię catholicę seu Romanę caritas se coercet. Incredibilis est ubique doctrinę christianę pueris & indoctis tradendę cura. Xenodochia & nosocomia laudata non habent modo qui cibis pascant pauperum corpora, sed qui animos verbo divino. Quod illic fit, fit etiam in ergastulis & carceribus. Pręterea non cessant excurrere per oppida & urbes sacerdotum & religiosorum turmę, & validis concionibus plebem hortari, & divina doctrina locupletare. Et mirum est, quot e vitiorum exurgant cœno, & ad bonam frugem se recipiant. Mitto annis singulis non tantum lustrari ab episcopis diœcesim suam, sed cogi sacerdotum synodos, in quibus ad injunctum sibi munus strenue implendum concitantur, & varia sanciantur ad morum emendationem inducendam & ad Dei promovendam gloriam opportuna.

Tertium ab Augustino traditur caritatis officium, estque *coercitio discipline*, ut scilicet ab peccando proximus arte omni & diligen-

tia deterreatur. Artem in eo omnem & diligentiam adhibet Romana ecclesia, nec fingi quidquam animo potest, quod eo valeat, quin ipsa usurpaverit, quantum per prudentiæ leges licuit. Et, si excogitari novi aliquid potest, proponi non potest, quin statim probe & amplectatur.

Quæsit hic *Methodius*, an ad revocandos ab peccando homines gladio uteretur ecclesia. Utitur, inquit *Romanus*, non illo quidem gladio, quo noluit Petrum uti, mitti vero in vaginam imperavit; sed gladio spiritus, quod est verbum Dei. Vivum est enim & efficax & penetrabilis omni gladio ancipiti, & peringens usque ad divisionem animæ & spiritus, compagum quoque ac medullarum, & discretior cogitationum & intencionum cordis, quo chalybeus ensis pervadere non valet. Regum est & principum, qui non sine causa gladium portant, ferrum in sceleratos stringere, & invisum Deo sanguinem, si ita juvat, effundere. Hoc faciunt in ecclesia Romana non præcipiti furore, sed quatenus æquitatis & sapientiæ ratio suadet, nec desinit illos monere ecclesia, ne Deum offendi unquam impune patiantur. Hoc paucis dico, nullum esse regnum, ubi reges divino cultui fovendo ac propagando tantum invigilent, quantum ecclesiæ Romanæ principes.

Verum caritas ecclesiæ Romanæ in proximum & Deum alio ex capite magis elucet, quo mihi videntur superiora omnia, etsi admirabilitatis habent plurimum, obscurari. Quidnam vero illud est, inquit *Vigilius*? Audi, subjecit *Romanus*. Christi vera ecclesia hanc in primis præ se fert notam insignem, quod amore Dei & proximi incitata, omnes terrarum in partes sacerdotes emittat, qui salutis viam gentibus docendo aperiant, easque Christi ovili aggregent. *Evangelizantes*, inquit Dominus, *docete omnes gentes*. & *Ecce vobiscum sum usque ad consummationem sæculi*. Capis, qua in ecclesia Christus sit, sitque futurus ad mundi finem? In ea quæ viros apostolicos in mundum emittat universum, & annuntiet ubique gaudium magnum evangelium salutis. Ea vero ecclesia quænam est? An alia præter Romanam? Quæ regio sacerdotibus ad hominum salutem ab Romana ecclesia transmissis caret? Omnia illi arbiurati sunt ut stercora propter eminentem scientiam **JESU-CHRISTI**. Græcis ac barbaris debitores eorum se bono devoverunt, patriam deseruerunt, parentes, consanguineos, opes, animi quietem & corporis, pervadunt in omnes plagas, vicinas, remotas, torrentes, frigidas, tutas, periculosas, in montes, in deserta loca, in silvas: & ubique in laboribus plurimis, in vigiliis, in jejuniis, in castitate, in scientia, in longanimitate, in suavitate & spiritu sancto, in caritate non ficta, in verbo veritatis se Dei ministros exhibent, & per arma justitiæ a dextris & a sinistris, per gloriam & ignobilitatem, per infamiam & bonam famam, per prospera denique & adversa, magnis itineribus ad

Ephes. 6.

Hebr. 14.

III.

Ecclesia Romana catholica ubique terrarum Christi fidem sola prædicat.

DE .CHRISTI ECCLESIA

cælestem patriam contendunt, eoque alios quacunq; possunt opera & studio maximam Dei gloriam semper intuentes compellunt & rapiunt. Quot illi regna Christo compararunt, atque etiamnum hodie comparant non labore dumtaxat, sed suo quoque sanguine? Ut cæteros religiosos ordines omni commendatione dignos commemorare, ne prolixior sim, præteream, minima societas JESU supra CCCXI. e suis numerat, qui centum circiter & triginta annorum spatio, dum Christi fidem invehere & tueri conantur ubique terrarum, in ejus odium ab hostibus veræ religionis interfecti sunt. Quot præterea sanctissimorum hominum millia mitti se expetunt? Et hoc maxime in votis habent, ut durissima quæque pro Christo patiantur, seque pro salute hominum impendant & superimpendant. Si vera Dei ecclesia non est, quæ tanto Christi amore & tam singulari proximi caritate flagrat, quæ Christi in orbe universo promovet fidem, & gloriam amplificat tam inflammatis animis; haud scio an ulla alia esse possit. Si quam vos nostis pro Christo plura facere, & ardentius, quæ Dei sunt, curare, & magis in fratrum salutem incumbere, hanc indicate. Perge, inquit *Vigilius*, perge: ea dixisti, quæ admirari oportet, non refellere. Neque enim ignota profers, & dubia.

IV.
Ecclesia Ro-
mana docto-
ribus abundat,

Hanc veræ ecclesiæ notam, subjecit *ROMANUS*, consequitur necessario altera. Cum enim docere gentes universas ex Christi præcepto debeat, abundet necesse est doctoribus seu doctis magistris. Neque enim, qui nesciunt, possunt docere. Et Paulus palam affirmat futuros in Christi ecclesia ad mundi usque finem doctores, qui ecclesiam illam, quæ Christi corpus, ædificent & defendant, cum eam doctissimi hæretici, imo & ethnici oppugnabunt. Lustrate jam animo ecclesias omnes quæ Christi nomine gloriantur. Quot videre est, in quibus ne unum quidem fortasse hominem reperiās, non dico qui sacræ scripturæ libros omnes intelligat, sed qui psalmos vel epistolas Pauli possit exponere, & quæ sunt in evangelio captu difficilia, plana facere? Ecclesiæ aliæ pleræque carent conciliorum & Patrum libris, & illos si qua habeat, quam pauci linguam illam interpretari norunt, qua sunt scripti, Græcam scilicet & Latinam? Et, si norunt interpretari verba, quis est qui sensum probe capiat? Cum enim exquisitissimam complectantur theologiam, qui experts sit theologiæ, addo & philosophiæ, quomodo sanctorum Patrum mentem assequetur? In ecclesiam vero Romanam confluerunt scientiæ omnes tum sacræ, tum profanæ. In ea conspicias non modo Latinæ linguæ, Græcæ, Hebraicæ, Syriacæ, Arabicæ peritos, sed innumeros scripturarum interpretes, infinitos theologos, obvios passim, etiam in adolescentium grege, philosophos, & homines in omni antiquitatis historia versatissimos. Nihil denique in quovis doctrinæ genere desiderare quisquam valeat, quod illic non reperiatur.

P R O O E M I U M.

supra vota. Viget autem in primis conciliorum & Patrum studium & doctrina. Græci perinde ut Latini Patres audiuntur; nihil placet nisi quod divinis illis hominibus visum est; quidquid communi assensu probarunt, admittitur; quæ repudianda censuerunt, rejiciuntur omnino. Horum dictis ecclesia Romana hæreses omnes oppugnat & expugnat. An ecclesia Christi vera non sit, quæ tam scite Christi doctrinam & sacrorum codicum sententiam percipit, & amplectitur tanta fide, quæ ex sanctorum Patrum & conciliorum placitis sua omnia moderatur, nec ab iis vel gradu uno discedit. Id profecto, inquit *Methodius*, vel ab hostibus ecclesiæ Romanæ concedendum, nullam cum ipsa ecclesiam posse de doctrina contendere. Immo vix arbitror reperiri in hac Orientis ecclesia hominem vere doctum, nisi qui, ut indicasti, scientiam e Romanis fontibus hauserit.

Post hæc cœpit *Romanus* de miraculis dicere, quæ in ecclesia Romana sunt tanto numero, tantaque in luce. Exposuit quam illa explorata sint, quippe quæ januis oclusis & testibus idoneis reiectis non edantur, sed fiant in oculis omnium, quorumque de veritate ab iudicibus ecclesiæque antistitibus summa cura inquiratur, jurejurando interposito, & adhibitis hominibus philosophiæ & medicinæ peritissimis, ne quid temere supra vires naturæ esse pronuntient, quod ab ejus occulta & mirabili efficientia prodire possit. Ostendit quam frequentia illa sint, asseruitque vix ullam esse provinciam, in qua, sæculo hoc suo, non sint edita aliqua, eorumque monumenta passim in templis esse appensa, & æternæ librorum memoriæ commendata. Magnitudinem vero ex eo demonstravit, quod non tantum morbi graviore momento uno persanentur, sed ipsi nonnunquam mortui revocentur ad vitam. Quodque faciebat ad rem maxime, probavit miracula hæc tot ac tanta non modo perpetrari virorum sanctorum qui olim floruerunt, meritis, qua ratione vel apud ethnicos esse possunt, sed ab iis qui hoc & superiore sæculo in Romana ecclesia floruerunt, & multa ab iis fuisse perpetrata, ut veram esse hujus ecclesiæ fidem contestarentur. Narravit autem varia quæ in variis orbis partibus evenerunt. Meminit in primis S. Francisci Xaverii, cujus corpus, etiam si bis fuerit viva & urenti calce obrutum, ad hanc usque diem post cxx. annos integrum conspiciatur. Referuntur in actis canonizationis ipsius e mortuis suscitati xxv. & abhinc xxvii. alii ejus meritis revixisse tabulis publicis comprobati sunt: eque illis xxvii. revocati sunt ad vitam xxiv. ante annos fere viginti. Malacensis episcopus miracula dccc. in sua diocesi ab sancto viro illo edita probavit & scripsit. In Calabria, & in uno maxime regionis istius loco, cui nomen *Potamo*, incolæ miracula ejus apud se anno 1652. patrata numerarunt cclxii. quæ autoritate publica libro typis excuso sunt descripta. Meminit &

v.

Miracula in ecclesia Romana multa, maxima, crebra, ut nihil usquam finile.

DE CHRISTI ECCLESIA

S. Petri de Alcantara ex ordine S. Francisci Affinatis, & S. Thomæ de Villanova ex ordine S. Augustini, & S. Theresiæ e sacra Carmeli religione, & aliorum complurium, quorum virtus multis post mortem miraculis divinitus significata ecclesiam adduxit, ut eorum nomina sanctorum fastis adscriberet. Hæc cum recitaret *Romanus*, admirabantur omnes, & grato stupore quasi defixi diem non advertebant ad vesperam inclinare. Advertit *Romanus*, & Dies, inquit, me deficit hæc enarrantem; sed & deficerent ipsi menses, si vobis singula percererem.

Nobis, inquit *Vigilius*, solis instar hodie illuxisti; lucem affundis, quam emittere sol ille corporatus non potest. Age, cursum imple: neque enim te patiemur abscedere, donec ipsum absolveris. Quæ sunt tibi super, expone. Vobis, inquit *Romanus*, tam amice jubentibus morem non possum non gerere. Sed finite me reliqua sic dicere, quasi compendio. Vult Christus homines omnes salvos fieri, & ad agnitionem veritatis, id est, ecclesiæ suæ venire. Quæ ecclesia sola est domus Dei, fundamentum & columna veritatis. Ideo suos jussit ire in mundum universum, omnique creaturæ prædicare evangelium. Quod si salus, præterquam in ecclesia Christi, nulla est, & vult omnibus salutem Deus, necesse est, ut memini me monere, suam iis notis ecclesiam obsignet, ut qui in illas intuentur homines, eam continuo agnoscant, & secernant ab cæteribus ceteris, ut illi totos se ex animo adjungant. Notæ vero illæ hujusmodi esse debent, ut eas exhibere in se ecclesia hæretica nulla valeat, quantumvis pudore abjecto ad mentiendum sit præceps, & ut quisque facile id animadvertat.

V I.

*Ecclesia Romana sola
vere catholica
est.*

Porro ex notis ecclesiæ omnibus istam maxime celebrant Patres, id est, quod in universo mundo sit, & fructificet. Atque hinc maxime etiam elucet, ecclesiam Romanam vere Christi esse. Non enim solius Syriæ, Ægypti, Georgiæ, Moscoviæ & Russiæ finibus, uti Græca, continetur. Est enim hæc pars orbis non quarta. Nec pertinet tantum ad Persidis, Armeniæ & paucarum quarundam urbium terminos, ut Armena. Nec Syriæ duntaxat & Mesopotamiæ loca nonnulla occupat, ut Suriana & Nestoriana. Nec auditur in Ægypto tantum & in quibusdam Arabiæ felicis partibus, ut quæ Coptorum est, aut particulam Africæ possidet ut Abyssina, aut aliquos Germaniæ provincias ut Lutherana, & regiones paucas alias ut Calviniana; sed floret in universis terrarum partibus, Europa, Asia, Africa & America; atque, ut de illa Paulus dixit Rom. 1. fides ejus annuntiatur in universo mundo, novaque in dies incrementa accipit. Ecclesia Romana sola magnam Europæ partem obtinet, & alias obtinebat totam; sola in Indias, Japoniam & Sinas aliasque Asiæ partes Christi fidem invexit & sustinet; sola in multis Africæ partibus auditur; sola denique in America quæ pars orbis fere di-

P R O O E M I U M.

midia est, dominatur. Ecclesiæ cæteræ ubique non sunt; in dies prope singulos numero minuuntur, neque augentur vel doctrina vel virtute. Quare si se ab Romana ecclesia aut privata fide aut ejus odio abjungant, ut Lutherana. non possunt esse Christi ecclesia, quæ scilicet, ut aiunt optime Græci in Liturgia S. Basilii, hanc præ se fert notam, ut sit in toto orbe ab terræ finibus ad terræ fines. Et vero ut egregie scripsit Hieronymus in dialogo advers. Lucif. *evacuata est crux Christi, si Christus ecclesiam non habet toto orbe diffusam.*

Festino. Alia nota est, quod ecclesia Christi sit apostolica. Si apostolicam dicis eam, quæ fundata ab apostolis olim fuit, & qualem fundarunt, talis perseverat. Est profecto apostolica, quæ Romana est ecclesia. Nam quæ erat, quam fundarunt apostoli, ecclesia? Societas erat hominum Christi fidem profitentium, eademque communicantium sacramenta, sub regimine legitimorum pastorum, & sub uno capite Christo, ejusque vicario S. Petro. Duo igitur erant ecclesiæ apostolicæ tum propria. Alterum est Christi fidem & sacramenta, alterum quod ecclesia omnis ejusque pastores *ἐπίσκοποι* unum seu principem episcopum vicarium Christi agnoscerent, nempe Petrum, cujus auctoritati suberant. Primum nemo est qui in dubium vocet; alterum sacri codices, concilia & Patres docent, Græci apertissime profitentur tum in interpretatione evangelii post Pascha undecimi ex Joanne accepti, quam interpretationem Chrysostomo tribuunt, estque reipsa ferme tota illius; tum in Menæo suo sæpe & in canone synodi Nicænæ Arabica lingua descriptæ xliix. & aliis multis in locis. Quare si qua ecclesia vel Christi fidem & sacramenta omnia non habet, vel episcopum unum non agnoscit Petri successorem qui cæteris omnibus in toto terrarum orbe præsit, ea non est apostolica ecclesia. Unde Lutheri ecclesia minime Christi est & apostolorum. Nam, etsi episcopos habet, nullum tamen agnoscit aliorum principem, sed fratres illos facit auctoritate omnino pares, ut nihil hic dicam quam in multis fidem ab apostolis acceptam mutaverit. At ecclesia Romana episcopum unum veneratur Petri successorem, cui cæteri omnes episcopi subsunt, & nihil unquam mutationis in fide invexit. Recipit enim scripturas omnes, nullum conciliis rejicit, sive sint in Oriente procul, sive prope in Occidente celebrata; Patrum vero dicta ut Spiritus sancti oracula suscipit. Quod si significato alio apostolicam ecclesiam appellas eam, quæ in Petro apostolo fundata est, in qua ipse in suis successoribus vivit & judicat, ut legitur in Ephesina synodo, melius forte & ex Spiritus sancti mente dixeris. Nam ut supra monuimus, omnes ecclesiæ notæ sic debent esse perspicuæ, ut ex iis facile Christi ecclesia ab reliquis cæteribus dignoscatur, & quasi incurrat in oculos. At si apostolicam ecclesiam dicas esse eam quæ in Petro fundata est, & ubi ipse in suis successoribus existit: nullo fere negotio vident omnes,

VII.

Ecclesia Romana maxime apostolica.

DE CHRISTI ECCLESIA

Ep. 58.

cujus urbis ad mortem usque episcopus Petrus fuit , & ubi sunt illius successores. Quamnam est illa beatissima civitas , nisi Roma ? Romam esse & pontifices Romanos Petri successores esse , nulli Christianarum gentium dubium est. Lege Græcorum Mæneum ad diem Junii x x x . lege ad x v i i i . Februarii , lege ad x x i v . Novemb. percurte Armenorum , Surianorum , Coptorum Menologia & Martyrologia : id inculcant ubique consensu uno. Ergo omniratione apostolicam agnoscis esse Romanam ecclesiam ; neque possunt aliæ tanto nomine gaudere , quin illi communionē jungantur. Unde cum Syria variis olim , uti nunc , distraheretur sectis , *Ego* , inquit Hieronymus , *ego clamito : Si quis cathedra Petri jungitur , meus est*. Et scribebat antea Damasus papa : *Ego nullum primum nisi Petrum sequens , beatitudini tue , id est , cathedra Petri communionē confocior , super illam petram adificavi ecclesiam scio. Quicumque extra hanc domum , agnum comederit , profanus est*. Ideo in conciliorum & SS. Patrum libris ecclesiæ Romanæ caput , pastor & pater apostolicus , & ejus sedes , *sedes apostolica* sine additione , & *ἡ ἰσοχλὴ* nuncupatur. Verum ut ut sit , satis hoc mihi , Romanam ecclesiam adeo esse apostolicam , ut nulla alia ecclesia magis esse possit. Hinc enim abunde apparet vere illam Christi esse ecclesiam.

VIII.
Ecclesia Ro-
mana maxi-
me una.

Superest denique nota alia , ut quæ se Christi profitetur ecclesiam , ea sit maxime una , quia ecclesia corpus unum est , cujus membra omnia , spiritu uno , sub uno capite conjungi debent , sicque apte connecti , ut solvi unitas ejus non possit. Tribus ergo rebus ecclesia sit una. Si 1. unitatem fidei & sacramentorum habeat. 2. Si sub uno capite sit collecta. 3. denique si rationem illius conservandæ unitatis idoneam teneat. Ecclesia Romana unum ecclesiæ totius caput visibile agnoscit Christi Domini capitis in visibilis vicarium , Petrum scilicet Romanum pontificem , cui oves suas Christus cum agnis pascendas commisit sine exceptione omnes. Unam ubique terrarum profitetur fidem , eorundemque sacramentorum communionem. Conservandæ unitatis illius nulla potest esse ratio , nisi uni omnes subsint , cujus ut fides non deficiat , Christus oraverit , cuique confirmandorum fratrum injunxerit curam. Nam sacræ quidem literæ dissentendi non dant quidem , sed objiciunt occasionem , dum illas alii aliter intelligunt. Concilia vero œcumenica difficillimum est cogere vel propter difficultatem temporum , vel propter contrariam principum voluntatem. Quamobrem Deus qui unitatem in fide maxime exigit , ne qua esset turbas moventibus excusatio , facilem illius habendæ viam tradidit. Quæ cum ita sint , & ecclesia Romana notis sit omnibus instructa , quas ecclesiæ suæ Christus attribuit , constat illam Christi esse verissimam ecclesiam. Nolim id negare , inquit *Methodius*. Nam præclare demonstrasti. Ve-

rum

P R O O E M I U M.

rum an inde efficias, alias, quotquot sunt, ecclesias Christi non esse? Minime vero, reposuit *Romanus*. At ut Christi sint, hoc aio, debere illas cum Romana ecclesia esse fide & caritate conjunctissimas, ab eaque si se abjungant, continuo non esse Christi. Quæro enim: Christi ecclesia multiplex est, an una? Credimus, inquit *Vigilius*, unam, sanctam, catholicam & apostolicam ecclesiam. Pergo sciscitari, ait *Romanus*: Si ecclesiæ duæ aliquæ contraria circa fidem sentiant, possuntne una esse Christi ecclesia? Respondit ex Paulo *Vigilius*, non posse: una enim Christi ecclesiæ fides, ut Dominus unus, & baptisma unum. Ubi igitur fides duplex, ibidem duplex sit ecclesia necesse est. Jam, inquit *Romanus*, ex duabus illis ecclesiis in fide oppositis cum oporteat alteram Christi non esse; utra Christi erit? Palam est Romanam ecclesiam Christi esse: id enim necessariis argumentis effecimus, & estis assensu. Alia igitur si qua est, quæ sese illi opponat in fide adversam, Christi ecclesia esse non poterit. Erit autem, si se ecclesiæ Romanæ partem profiteatur, quicquam, ut membrum cum capite, corpus unum exhibeat. Eph. 4.

Ejaratis igitur, inquit *Methodius*, avitis patriisque ritibus, transvolemus omnes ad Francos, & Francorum nomine nostrum mutemus Græcorum, Armenorum, & cujuscunque alterius nationis & sectæ. Imo, reposuit *Romanus*, audiantur vestrarum nomina ecclesiarum & amentur; sed audiant & ament ecclesiæ vestræ Romanam. Neque opus est acceptum ab sanctis Patribus ritum invertant. Suo quævis more jejundet, suis privatis legibus gaudeat, suo divina officia ritu peragat. Hoc unum omnes caveant, ne qua re Christi fidem, quam Petrus e Romana cathedra prædicat, labefactent, seque ab Romana avellant ecclesia. Ni faciant; cum per sese spectatæ illis destituantur notis, quas suæ inhaerere ecclesiæ Christus voluit, Christi ecclesia esse non possunt. At, quæ Dei gratia est, sumus nos omnes in Christo Jesu unum, aut potius, ut cum Paulo loquar, sumus omnes unus fidei unius & amoris beneficio, atque adeo ex vestris ecclesiis quales a sanctis Patribus fundatæ sunt, nostraque Romana una exurgit Christi ecclesia. Hic omnes Romanum complexi, cum gratias illi maximas egissent, Romanam ecclesiam habere se ut matrem professi sunt, & cœtum solverunt.





INDEX CAPITUM.

PRÆFATIO AD LECTOREM.

Qua ratione cum hæreticis ac schismaticis agendum.

PROOEMIUM DE CHRISTI ECCLESIA.

Ecclesiæ Christi ex sacris codicibus notæ apertissimæ proponuntur primum, tum Romanæ ecclesiæ convenire penitus singulas demonstratur: unde facile quis intelligat alteri nulli perinde aptari omnes, imo cuilibet cætui alteri deesse plurimas. DIALOGUS.

CONTINUATIO DIALOGI. *Romanam ecclesiam esse Christi ecclesiam: nullam aliam esse posse, nisi illi fidei & sacramentorum communione ut membrum capiti, adhæreat.*

DIALOGI PACIFICI

Quibus Ecclesiæ Romanæ & Græcæ vera effigies exhibetur, & Christiani Græci ad mutuam cum Romana ecclesia consensionem amice invitantur.

DIALOGUS I. **D**E necessitate hujusce concordia, ejusdemque ineundæ facilitate. pag. 1

DIALOGUS II. *De processione Spiritus sancti quod Latini sentiunt, id Græcos tradere.* 16

INDEX CAPITUM.

- DIALOGUS III. Continuatio superioris argumenti. [43](#)
- DIALOGUS IV. De additione facta symbolo, & historia schismatis. [70](#)
- DIALOGUS V. Sanctos statim à morte homines summa beatitudine donari, & Deo perfrui. [87](#)
- DIALOGUS VI. Ejusdem argumenti consecutio. [118](#)
- DIALOGUS VII. De purgatorio. [116](#)
- DIALOGUS VIII. Ejusdem argumenti continuatio. [149](#)
- DIALOGUS IX. De azymo & fermentato pane qui ad eucharisticum sacrificium adhibetur. [166](#)
- DIALOGUS X. De summa Romani pontificis in universam ecclesiam autoritate. [189](#)
- DIALOGUS XI. Ejusdem argumenti continuatio. [211](#)
- DIALOGUS XII. De emendato calendario. [240](#)
- DIALOGUS XIII. De jejuniis Latinorum. [267](#)
- DIALOGUS XIV. De sculptis extanti opere imaginibus, & signo crucis. [279](#)
- DIALOGUS XV. De communione sub duplici specie. [288](#)
- DIALOGUS XVI. De numero œcumenicorum conciliorum. [296](#)
- DIALOGUS XVII. De Taborio lumine, Dei essentia & operatione, Gregorio Palama, & conjugio sacerdotum. [308](#)

326

Accessit Religio Christiana contra Alcoranum per
Alcoranum pacifice defensa ac probata.

INDEX CAPITULI

PERMISSIO R. P. PROVINCIALIS.

EGO infra scriptus provincialis societatis JESU in provincia Franciæ, potestate mihi facta ab admodum R. P. Joanne Paulo Oliva, societatis nostræ præposito generali, permitto ut typis mandetur liber qui inscribitur *Vera effigies Romane & Græcæ ecclesiæ, &c.* a P. Michaële Nau compositus, & a tribus societatis nostræ theologis approbatus. In cujus rei fidem has litteras manu nostra subscriptas, & sigillo munitas dedi. Lutetiæ Parisiorum XII. Martii anni M. DC. LXXIX.

PETRUS DE VERTHAMON.

SUMMA PRIVILEGII REGIS
Christianissimi.

LUDOVICI XIV. Franciæ & Navarræ regis Christianissimi diplomate cautum est, ne quis in ipsius regno, aliisque locis ejus ditioni subiectis, intra proximos sex annos a die impressionis perfectæ inchoandos, excudat, vendat, vendendum aut excudendum, quovis modo acratione curet, librum qui inscribitur, *Ecclesiæ Romane Græcæque vera effigies, ex variis tum recentibus, tum antiquis monumentis singulari fide expressa. Accessit Religio Christiana contra Alcoranum per Alcoranum pacifice defensâ ac probata; sub pœnis in originali diplomate contra delinquentes expressis; præter GABRIELEM MARTINUM typographum & bibliopolam. Lutetiæ Parisiorum XXIX. Februarii, anno M. DC. LXXX.*

Sic signatum, ROSSIGNOL.

Relatum in acta typographorum & bibliopolarum Parisiensium die VIII. Junii anni M. DC. LXXX. a CAROLO ANGOT, syndico.

Prima editio absoluta fuit die 13. Julii 1680.

ECCLE-




ECCLESIÆ ROMANÆ GRÆCÆQUE VERA EFFIGIES

Ex variis tum recentibus, tum antiquis
monumentis singulari fide expressa.

DIALOGI PACIFICI

Quibus Christiani Græci ad mutuam cum Romana
Ecclesia consensionem amice invitantur.



DIALOGUS I.

De necessitate hujusce concordia, ejusdemque ineunde facilitate.



U M e Francis religiosi magistri duo sacra-
tiora Orientis loca peregrinando lustrarent,
contigit, Deo, quod reor, duce, ut ad cœ-
nobium Græcorum non ignobile diverterint.
Præerat cœnobio abbas nomine *Nicolaus*,
vir tum singulari virtute, tum doctrina pro
gentis ac temporum conditione non mediocriter instructus.
Is religiosos viros, cum ad se accederent, ut agnovit ex vultu

A

2 ECCLESIAE ROMANÆ GRÆCÆQUE

& ex habitu Latinos, prodiit statim illis obviam, atque incredibili humanitate exceptos prius invitavit domum, quam admitti se peterent. Obstupuerunt illi non parum: Græcos enim multorum sermonibus acceperant esse Francis infensos, & ex illis aliquos probaverant ipsi per sese non admodum amicos: quamquam laudabant non paucos in hac sua peregrinatione de se satis bene meritos. Tanta tamque inexpectata urbanitate provocati, nihil prætermiserunt officiorum, quo se abbati significarent devotissimos, beneficiumque extollerent. At ille; Fungor, inquit, officii mei parte exigua: fratres enim sumus, & nisi me mea fallit opinio, cognatione triplici, eaque sacra, jungimur, fidei scilicet, sacerdotii, ac religionis. Non est quod ullas habeatis mihi, vel agaris gratias; meum est rependere Deo optimo maximas, quod me cœnobiumque nostrum hoc vestro adventu cohonestarit ac recreaverit. Tum in templum cum ipsis ingressus, postquam Deum proni venerati sunt, & aliquot ex more preces breviter persolverunt, eos, dum apparatur cœna, in cubiculum ornatissimum ad quietem eduxit. Adfuerunt e monachis digniores honoris causa, atque una cum abbate Nicolao apostolicæ sacerdotibus Francis mensæ assederunt. Verum non erant omnes animo erga Francos peræque benevolo; dissimularunt tamen, & hospites suos omni officiorum genere persecuti sunt. Sublata mensa religiosos hospites cœpit abbas hortari, ut de rebus divinis nonnihil ad communem utilitatem exponerent. Neque enim, inquit, in vobis Francis doctrinæ lucernam Deus accendit, ut eam ponatis sub modio; sed, uti monet Christus Dominus, omnibus illam lucere necesse est qui in domo sunt. Nostrum est, reposuit alter e Francis, nostrum abs te cælesti isto lumine perfundi, pater colendissime: tu enim es lampas illa divina, quam Deus opt. max. in hoc cœnobio quasi super candelabrum evexit, unde omnes lucem hauriant. Atque ut dicam, quod jam sum expertus, plus hac hora apud te didicimus, quam multorum dierum studio potuissemus assequi. Exemplo enim magis docent christiani quam verbo. Et ille tuus tuorumque agendi nobiscum modus tam amicus, tam religiosus, ea nos docet, quæ forte alio nullo magistro disceremus: at, si pla-

Matth. 5.

cet verborum aliquid his tam christiane factis addere, cum-
labis tuum erga nos beneficium. Nescis, subjecit abbas, tam
gravi nos iugo premi, ut vix liceat attingere litteras; gemere
possumus & docemur, non dicere. Mitte, quaeso, quæ tu de
nobis merito nullo nostro prædicas; ea loquere quæ nos ad
virtutis studium incendunt. Quandoquidem sic jubes, inquit
Ignatius, (id erat nominis Francorum alteri) ita patere nos
loqui, ut colloquamur; interrogabis ut magister, ut discipuli
nos tui respondebimus. Quoniam placet colloqui, reposuit
Nicolaus, & nobis perplacet: sed magistrum noli me dicere,
quem doceri opus est, non docere. Quæro igitur abs te, qui-
bus, quotve virtutibus perficitur christianus? Una, inquit
Ignatius, non pluribus: quam qui habeat, christianus est;
qua qui careat, nomine forte is erit, non erit ipsa re. Quid
ergo, inquit *Nicolaus*, tot nobis virtutes in scriptura com-
mendantur, quas enumerare præ multitudine vix ullus valeat?
Una, pergit *Ignatius*, una commendatur, cæteræ sine illa
virtutes, fuerint fortassis humanæ vel semi-christianæ, at
omnino christianæ esse non possunt, aut cælo dignæ. Ea
porro, ne quid morer, *caritas divina est*, quæ cum una sit,
duobus tamen quasi brachiis instructa est; eorum altero
Deum, altero proximum amplectitur. Caritatem divinam
commendari unam affirmavi. Audi Christum: *Ignem veni*
mittere in terram, & quid volo, nisi ut accendatur? Vult qui-
dem nos humiles Christus Dominus, vult castos, pios vult,
vult omnibus ornatos virtutibus; vere tamen sic ab ipso
pronunciatum est, hoc unum velle se, ut amemus Deum, ut
divino amoris igne inflammemur: hoc uno scilicet continen-
tur cætera omnia. Amor enim ignis est; lucet & ardet. Ergo
quemadmodum extare cum ignis luce tenebræ non possunt,
sed ubi primum affulsit, statim absunt; (præclare enim Apo-
stolus, *Quæ societas*, inquit, *luci ad tenebras?*) sic cum divini
amoris luce peccatorum esse tenebræ nequeunt. Peccata enim
tenebræ sunt, & qui in peccatis ambulant, eos ambulare in
tenebris Joannes testatur, & queritur in ipso evangelii limine
magis ab hominibus dilectas tenebras, quam lucem fuisse.
Nempe lucis privatione tenebras philosophi definiunt, &
peccatum divini amoris jactura, theologi. Immo peccatores

*Quo sensu
Christianus
non sit qui
caritate ca-
reat, mox
exponitur.*

*Luce. 12.
v. 49.*

2 Cor. c. 4.

1. Ioan. c. 1.

A ij.

4 ECCLESIAE ROMANÆ GRÆCÆQUE

Ioan. 1.

ipsi tenebrarum appellantur nomine. Et *tenebre*, inquit Joannes, *cum non comprehenderunt*. Est igitur ea vis divinæ caritatis, ut quidquid peccati hærebat, purissima illa luce dispellat, quam affundit in animum. Sed & istud ardore suo peragit. Nihil enim igne magis idoneum ad purgandum; quod impurum est, statim absorbit. Hunc fere ad modum, si quis Dei amore fervet, sacro æstu isto statim evanescunt peccata, & summa animo puritas conciliatur. Jam cum peccata, ut sit in ægritudine corporum, everti nisi inductis contrariis, non possint, non alio cælestis caritas motu ea disjicit, quam quod virtutes exsuscitat, quibus enatis, necesse est opprimi illa & exscindi. Adde quod cum, Christo teste, caritas ignis sit, virtutes cæteras recte dixeris flammulas aut scintillas esse hinc promicantes, vel fulgorem non uniusmodi inde prorumpentem. Capere vis quo virtutes alias modo caritatis ignis ab sese gignat, in seque adnectat. Ignis est; sursum igitur fertur ad Deum, illique se unit; ac proinde ab rebus creatis, quæ Deo sunt inferiores, & ab ipso homine prope absunt, se abjungit. Unde castitas non corporis modo, sed animi efflorescit. Ignis est: igitur qua parte lucet, res in aspectum profert, & quales sunt ostendit; qua parte ardet, id, in quo est, in cineres redigit: & hæc virtus, animi est de se quam vilissime sentientis demissio, quæ *humilitas* nuncupatur. Sacer enim amor id efficit, ut homo Deum sequi norit, atque illum sic Deo totum absorbit, ut sibi pulvis, & quo nihil in rerum natura est abjectius, ineptiusque ad fructum, cinis coram Domino videatur. *Loquar ad Dominum meum*, aiebat Abrahamus Gen. 18. *cum sim pulvis & cinis*. Prolixior essem, si quidquid e caritate virtutum existit, nunc exponerem. Quod affirmo, sic certum est, ut contestetur Paulus Rom. 13. *dilectionem esse legis plenitudinem*. Dixi christianum nomine dumtaxat, non re ipsa eum esse qui divina illa caritate non sit præditus. Quis enim christianus censendus est? Nonne qui Christi est? At non est Christi qui caritatem non habet. Nam *qui spiritum Christi non habet, hic non est ejus*, ut scribit Apostolus; spiritus autem Christi caritas est. Unde idem ille; *Caritas Dei*, inquit, *diffusa est in cordibus nostris per spiritum sanctum qui datus est nobis*. Quippe

Rom. 8.

Rom. 5.

spiritus sanctus, qui patris & filii spiritus est, amor est utriusque communis. Pugnet qui velit christianum illum esse, qui impresso baptismi caractere sit consignatus, & profiteatur ecclesiæ fidem, non ibo inficias; sed assentiatur hoc mihi necesse est, a quo absit virtutum atque ipsius animæ vita caritas, christianum eum appellari, at esse mortuum: cum viderit, an mortuus homo, homo vere sit. Negavi christianum eum esse in quo desideretur caritas, negat Paulus esse quidquam 1. Cor. c. 13. attendite. *Si linguâ hominum loquar & angelorum, inquit; caritatem autem non habeam, factus sum velut æs sonans aut cymbalum tinniens: & si habuero prophetiam, & noverim mysteria omnia, & omnem scientiam, & si habuero omnem fidem, ita ut montes transferam; caritatem autem non habuero, nihil sum: & si distribuero in cibos pauperum omnes facultates meas, & si tradidero corpus meum ita, ut ardeam; caritatem autem non habuero, nihil mihi prodest. Quæ cum ita sint, quis contineat se quin exclamet: Væ iterumque væ non amanti. Hæc cum audisset e religiosis Græcis unus, cui Stephano erat nomen, Estne vero, inquit, reperire in orbe terrarum vel unum aliquem, qui Deum non amet? Estne, reposuit Ignatius, estne reperire e sexcentis unum, qui amet? Non sum equidem nescius profiteri omnes palam ab se amari Deum; sed cadit in illos quod aiebat Christus, suosque in populares iactabat; *Populus hic labiis me honorat, cor autem eorum longe est a me.* Age enim: amatne Deum, qui sciens & volens sic Deum offendit, ut ejus in se iram atque odium provocet? Minime. Qui enim Deum amat, is se amari a Deo percipit, nihilque veretur magis, quam ut habeat illum iratum sibi & infensum. Igitur quicumque peccat, Deum non amat: scit enim peccato suo gravissime offendi Deum, sicque offendi, ut nulla re lædatur magis. Quot sunt autem qui se peccatis gravioribus commaculant, qui nomen Dei contumeliose, certe parum religiose usurpent juramentis falsis aut inanibus, qui aliena per vim & fraudem rapiant, qui rebus venereis se oblectent, qui sacramenta adeant male confessi, dum vel non dolent ex animo de peccatis, vel ea, quotquot sunt, sacerdoti non aperiunt. Horum nemo Deum amat. Ergo: jam quot in orbe infideles, quot hære-*

6 ECCLESIAE ROMANAE GRÆCÆQUE

tici? Nec ab istis amatur Deus: nam si amarent sincere & ex animo, nihilque omitterent quo sibi illum conciliarent, vel errores suos, quos admoniti noverunt, deponerent; vel, si errare se neque sciunt, neque audierunt unquam, cum primum audiunt, statim de veritate toto conatu perquirerent, tum ab utriusque partis magistris, tum ipsi per sese quod ab iis audissent, expenderent. Sed ut dicam quod res est, recte ne an secus sentiant, parum curant. Uti assueverunt a pueris, sic profitentur & vivunt, patriam paternamque sententiam magis amplectuntur, quam christianam: veram illis fidem cum demonstraveris veramque ecclesiam, nihil proficis, sapere volunt ad arbitrium, suoque sensu. At Deo, nisi in ecclesia Dei orthodoxa, placere nemo potest. *Nam sine fide, quod monuit Apostolus, impossibile est placere Deo; sine ea, inquam, fide, quam in toto terrarum orbe catholica proponit ecclesia: Ut ut sit, parum hominibus nunc curæ est, an Deo placeant; hoc ferè unum volunt, placere sibi.* Sunt præterea nonnulli, & audio esse in istis regionibus non paucos, qui cum christiano & catholico nomine glorientur, alias a sua nationes non ferunt, etiam maxime catholicas, eas pessime oderunt, seque ab iis plane sejungunt. Atque id apud vos eo lubentius queror, quod ex ea qua nos excepistis, benevolentia apparet, longe vos ab gravissimo illo crimine abesse. Quod sane crimen eorum dumtaxat est, qui se plurimum, ac minime Deum ament; immo qui Deum ipsum omnino non noverint. *Carissimi, scribebat Joannes epist. 1. c. 4. diligamus nos invicem, quia caritas ex Deo est; & omnis qui diligit, ex Deo natus est, & cognoscit Deum. Qui non diligit, non novit Deum, quoniam Deus caritas est..... Si quis dixerit quoniam diligo Deum, & fratrem suum oderit, mendax est: qui enim non diligit fratrem suum quem videt, Deum quem non videt, quomodo potest diligere? Et hoc mandatum habemus a Deo, ut qui diligit Deum, diligat & fratrem suum. Hinc jam intelligite quam multi Deum non ament. Quot enim sunt, qui cum vos videant nobiscum Francis tam amice agere, quot, inquam, sunt vel e Græcis, qui idcirco vos averfentur. Certe vidi aliquot qui Græcos alios Francis benevolos pro suis habere nollent. Quot sunt qui Francos, qui alios*

quoque bene catholicos execrantur ? Fratres suos qui sic oderunt, si Deum dicant ab se diligi, mendaces illos Joannes asserit. Neque fieri potest ut qui in tanto perseverant crimine, salutem consequantur unquam. *Etiamsi*, inquit Paulus, *linguis loquerentur angelorum, & in cibos pauperum facultates suas omnes distribuerent, & traderent corpus suum, ita ut pro Christi nomine arderent.* Nempe Christi corpus, id est, ejus ecclesiæ membra dilacerant, spargunt, proculcant, quod vel Judæi ipsi, & carnifices Romani veriti sunt facere : *Neque enim fregerunt ejus crura, vel os comminuerunt ex eo.* Immo ipsius tunicæ hunc habuerunt honorem, ut illam non dividerint, sed fortiti sint, cujus futura esset. 2°. Christi mandatum nihili æstimant, & infringunt. *Hoc est*, inquit, *præceptum meum ut diligatis invicem, sicut dilexi vos.* Majorem hac dilectionem nemo habet, ut animam suam ponat quis pro amicis suis. *Vos amici mei estis, si feceritis, quod ego precipio vobis. Hoc mando vobis, ut diligatis invicem.* Ergo non sunt amici Christi, qui fratres in Christo suos non amant, pro quibus velle etiam deberent animas ponere. 3°. E discipulorum Christi numero sese vel ipsi expungunt. *In hoc enim, quemadmodum Christus monet, cognoscant omnes, quia discipuli mei estis, si dilectionem ad invicem habueritis.* 4°. Hoc odio erga fratres suo, ab amore Christi & religionis gentes avertunt. Christum enim amarent seque adjungerent ecclesiæ, uti factum est primis illis & beatis fidei christianæ temporibus, si quæ tunc suspiciebatur inter christianos caritas, ea etiamnum videretur. Unde patrem orabat Christus Joan. 17. *Omnes unum sint, sicut tu pater in me, & ego in te, ut & ipsi in nobis unum sint, ut credat mundus, quia tu me misisti.* Audin' crediturum mundum quia missus est a Deo Jesus, si christiani amarent invicem ? 5°. denique qui sic ab aliis se segregant, eosque a se repellunt merito nullo, totam Christi legem convellunt. *Omnis enim lex*, inquit Paulus Gal. 5. *in uno sermone impletur: Diliges proximum tuum sicut teipsum.* Ecclesiam Christi, quantum in se est, destruunt, unde addidit : *Quod si invicem mordetis, & comeditis, videte ne ab invicem consumamini.* Tum inter opera carnis recenset ; *contentiones, amulationes, iras, rixas, dissensiones, sectas, in-*

*quam multa, quamque
2^a causa in se
crimina schia
sma conti-
neat.*

Joan. 19.

9 ECCLESIAE ROMANAE GRÆCÆQUE

vidiis, negatque eos salutem posse assequi, quos hæc vitia obruant. *Prædico vobis sicut prædixi, quia qui talia agunt, regnum Dei non consequentur.* Ac concludit demum: *Non efficiamur igitur inanis gloria cupidi, invicem provocantes, invicem invidentes.* Quod si forte nonnulli sic adhortanti Apostolo non obtemperent, audiant quod ait: *Utinam abscindantur, qui vos conturbant!* Dum se suis a fratribus abscindunt, se abscindunt ipsos ab ecclesia & a Deo. O si hæc, qui caritatem vestram in his partibus oderunt, neque imitari volunt, probe intelligerent, paverent, credo, non parum, & animum mutarent. Quot enim in hoc uno schismatis crimine flagitia, quamque atrocia! Tantorum scelerum reos quot Deus bone, manent, quamque dira supplicia! Verum, ut ut illi se habeant, vos ego cum Joanne apostolo patimini ut compellem: *Carissimi, diligamus nos invicem, quia caritas ex Deo est; & omnis qui diligit, ex Deo natus est, & cognoscit Deum; qui vero non diligit, non novit Deum.* Hic cum Nicolao abbate una omnes voce conclamarunt: *Invicem diligamus.* Verum, inquit *Nicolaus* Ignatium allocutus, attende quid excusent Græci illi e nostris, qui cæteris minus se significant vobis amicos, nihilque sibi commune cum aliis esse volunt. Franci, inquiunt, se a nobis ipsi segregarunt, atque ejusdem sunt cum illis conditionis Græci nostri, qui ipsis sese adjungunt & adhærent. Audi, reposuit *Ignatius*, hæc ab illis jactari: sed videte quam graviter illi hoc dicto peccent. Ac primum verbis Nicetæ Byzantii viri Græci interrogo. Conquerebatur de Græcis Armeniorum princeps, quasi ipsi ab Armenis abscessissent, ut contra ipsos duas esse in Christo naturas defenderent. Ex Armenis enim non pauci unam esse in Christo naturam ex divina atque humana conflata contra philosophiam omnem, omnemque theologiam volunt. *Hoc asserere, inquit, Græcos nempe se ab Armenis abjunxisse, quosnam ignorantia terminos non exuperat? Quis enim non novit partem a toto; quod minus est, ab eo quod majus & amplius est, decedere; non contra. Quapropter qui vestre sunt sententia, si cum iis qui nostræ sunt, conferantur, videbuntur minimam infimamque habere partem. Quare non decet affirmare te, nos ex vestra sententia abiisse, sed vos decessisse a nostra.* Si recte

Græcos a
Francis, non
Francos ab
Græcis se se-
gregasse.

recte ratiocinatur Byzantius ille, Græcos interrogo, illos, inquam, Græcos vestri dissimiles, qui se ab aliis amoveant, quasi soli sapiant. Illos interrogo, si cum Francis & iis qui Francorum communione gaudent, comparentur, num minima sunt infimaque pars? Ergo non se ab illis Franci, sed ipsi se à Francis segregaverunt. Sed ut aliquid asseram hoc Nicetæ argumento luculentius. *Quæro*, cum separata sunt membra corporis alicujus, v. g. manus a reliquo corpore, diciturne corpus a manu separatum, an manus a corpore? Finge manus & brachia, pedes & crura ab reliquo corpore separata: quid separatum dicitur, membra illa, an vero corpus? certe membra. Ut enim cum abscinduntur rami ex arbore, non abscessa a ramis arbor, sed rami pronunciantur abscessi; ita separata dicuntur membra, non corpus. Jam quis neget, quamquam est apud Græcos quod maximopere laudemus, principem ac majorem ecclesiæ partem apud Francos existere, si-ve numerum spectes, si-ve doctrinam, si-ve sanctitatem, si-ve amplitudinem, si-ve ejus in omnes terræ regiones diffusionem, si-ve Petri cathedram Romæ positam, cui subesse cæteras Græcorum libri omnes testantur. Franci, quod vel cæcus videat, gentes alias perinde superant, ut corpus membra, & arbor ramos. Ergo si qua intercedat separatio, ea Græcorum ex parte petenda est, non Francorum. Sed fac parem esse in omnibus Græcorum illorum Latinorumque conditionem: videamus utri se vere segregant. Constat hoc primum, utroque suis in precibus ecclesiarum unionem a Deo petere. Nihil enim his vocibus auditur in templo frequentius: *Propter ecclesiarum unionem Deum oremus*. Ac Latinos quidem palam est, id sincere & votis omnibus orare. Nam dictis facta addunt. Factis autem mentiri multos fieri vix potest, sit quotidie ut dictis fallant. 1°. Franci profitentur Christi ecclesiam esse unam e Latinis, Græcis & gentibus aliis compositam in unum corpus. 2°. Patres omnes Græcos eodem loco habent atque Latinos, & pari observantia, quæ coacta sunt in Oriente e Græcis concilia admittunt, ac ea quæ in Occidente a suis. 3°. Græcos quos nunc vident misera servitute vexari, ut vacare in sua patria litteris non possint, ipsi ad sese invitant, illisque collegiura sumptibus suis Romanus pontifex extru-

Franci ecclesiam unam unumque omnino volunt.

xit, sufficitque discipulis Græcis, quæ sunt ad victum vestitumque ac cultum ad multos annos necessaria. 4°. In omnes Græcorum tractus idem pontifex, cui Christus agnos suos suasque oves in Petro commendavit, sacerdotes emittit, qui se in Græcorum obsequium gratuito impendant, quique, si quos invenerint Romanæ ecclesiæ infensos, cum iis de pace agant, omniaque concedant, quæ, salva evangelii fide, concedi possunt. Quid facere amplius ad concordiam Franci valeant? Nunc quid agunt illius ineundæ causæ Græci illi qui cæteris ab Christianis, non caritatis, mihi crede, aut humilitatis studio abhorrent. Cum orant, unionem ecclesiarum exposcunt; bene est, gaudemus; adimus ipsos & gratulamur, & petimus, ut quod percipere se significant verbis, factis probent. Stat enim per ipsos. Quid enim impedit quominus jungant dexteræ? aliæ sunt, inquit, Francis consuetudines, nobis aliæ. Bene est, hinc ornatur ecclesia, non scinditur, Nam in corpore non eadem est membris omnibus figura, non idem usus. Satis est si una mente per fidem, & voluntate una per caritatem animeretur. Et in familia aliqua una, ubi liberi multi, non omnes simili utuntur veste, aut simili cibo gaudent. Etsi varia sunt ista, non continuo desinit familia esse una, modo uni omnes domino pareant, ipsumque audiant. Sic, quanquam varii in ecclesia populi varios ritus usurpant, una tamen ecclesia est, quia capiti uno adhærent, fidemque ubique unam & eadem sacramenta amplectuntur. At Franci ab nostro nos ritu avocant, inquit *Monachus Græcus* qui tum aderat: volunt enim immutari Paschæ ac festorum tempora, missam perfici in azymis, addi symbolo Spiritum sanctum non ex Patre solum, sed etiam ex Filio procedere, atque alia non pauca. Errant, mi Pater, errant, respondit *Ignatius*, &, qui hæc sibi animo fingunt, ab hoste pacis diabolo deluduntur: neque enim cur ea sibi in mentem inducant ulla causæ est. Græcorum ritum Franci probant, laudant sacra vestra, vestra festa & jejunia commendant. Oportent Græcos in peragendo Paschate celebrandisque festis secum esse concordēs. Si renuunt Græci, ultro patiuntur suo ut in hac re arbitrio agant, cum ad fidem non pertineat. Quamquam si primo Nicæno 318. Patrum concilio volunt esse obse-

*Ecclesiarum
unionem no-
lunt omnes
Græci.*

quentes, eodem cum Francis tempore habebunt festa. Missam vero tantum abest ut Franci velint perfici apud Græcos in azymis, idque ab iis extorquere pertendant, ut Græcis id licere negent, quia hunc non malum celebrandi in fermentato morem dudum est cum servat Græca ecclesia, neque fas privatis hominibus ecclesiæ suæ probatos mores pro libidine infringere. Symbolum quemadmodum ab Græcis recitatur, minime Franci condemnant: modo Græci profiteantur quod docent sacræ litteræ, quod tradunt Patres, quod suis ipsi in libris legunt, quod suis in precibus concinunt, Spiritum sanctum ex Patre & Filio, seu, quod eodem sensu effertur, per Filium procedere; eos Franci non cogunt id ut symbolo inserant. Nam cum omnia quæ Patris sunt, Filii quoque sint, ubi non intercedit relatorum oppositio, cum dicunt in symbolo Spiritum sanctum a Patre procedere, perinde est atque si dicerent, & ex Filio. Quamquam explicationis majoris gratia, ne circumvenirentur ab hæreticis orthodoxi, Francos necessitas sic exponere compulit, majorum, eorumque Græcorum exemplo, qui apostolorum symbolum in Nicæna synodo, Nicænum in Constantinopolitana, Constantinopolitanum in alijs explanarunt. Quid exigunt præterea ab Græcis Franci? Omnino nihil, nisi, ut quam acceperunt ab apostolis & sanctis Patribus fidem inviolatam teneant: & sicut violari illam ab Ario, ab Macedonio, ab Nestorio, ab Dioscoro non sunt passi, sic nec patiantur illam ab Photii aut Marci Ephesini discipulis labefactari. Quid optant Franci? legerunt Græcorum libros, deprehenderunt eximiis testimoniis quæ pertinent ad fidem probari. Optant ut his Græci testimoniis quæ palam recitant atque prædicant assentiantur. *Corde enim creditur ad justitiam; ore autem confessio fit ad salutem.* Fieri ne potest ut cum Græcis Franci agant amicius? Si qua in re Franci peccant contra fidem, aut morum disciplinam, doceant Græci: eos libenter audient; &, si quem demonstraverint errorem, eum continuo Franci deponent. Sed, ut verum eloquar, nihil in Francorum doctrina, si placet attendere, advertent erroris. Qua enim cura pontifex summus Christi vicarius e Petri cathedra omnia perspicit, cavetque ne quid novi, ne quid, quod fidem labefactet, vel dicatur, vel scriba-

12 ECCLESIAE ROMANAE GRÆCÆQUE

tur ? Quo studio doctores ubique & religiosi viri innumeris litteras sacras sanctosque Patres evolvunt, e quibus sacram doctrinam exugunt, depromuntque tela omnis generis, quibus hæreses omnes profligunt ? Quo zelo eos qui deliquerint in fide, Christiani reges insectantur & puniunt ; Non licet, mihi credere, apud Francos, ubi Christiana religio imperat, id est, ubi orthodoxi principes regnant, vigerque rerum humanarum divinarumque scientia, quod in istis partibus impune cuique liceat. Si quis enim novum errorem molitur contrarium in evangelio traditur, quis hic nefarium hominem magister refellet & confutabit ? quis rex coercebit & ejiciet ? ubinam contra ipsum ejusque assecclas doctissimorum hominum & antistitum synodus cogetur ? qua vi synodi decretis obsequi compelletur ? Verum longius excurro. Audistis Latinos ab Græcis non discedere, sed e Græcis aliquos minus Christi Deique amantes discessisse a Latinis. Audistis nihil fieri omnino posse, quo Græcos Franci amicos habeant, quod ab Francis omni conatu non fiat : Græcos autem illos vix ac ne vix quidem pro ineunda concordia quidquam tentare, adeo ut, bona illorum venia dixerim, illudere videantur Deo, cum postulant ecclesiarum unionem, quam nolunt. Si enim eam velent ex animo, quid ad manum magis, quid facilius ? sed quid magis necessarium, cum eos constet qui unionem vel rejiciunt, vel non curant, salutem assequi non posse. Nempe caritate divina carent, qua qui caret, careat Deo necesse est, quia *Deus caritas est*. Qui se ab catholica Christi ecclesia segregarunt, ut sibi unis privatam ex arbitrio efforment ecclesiam, illos cælesti ab ecclesia excludi sanctissimi Patres edocent. Christus enim ovile non multiplex, sed unum habet, quo continentur non Græci dumtaxat, sed quicumque ex orbe toto Christi fidem amplexi totam & sanam, omnia servant, quæ ab Christo apostolis sunt præcepta, atque id in primis, ut diligant invicem. Hoc scilicet Christi præceptum est, hoc mandat, ea re suos ab aliis discipulos vult cognosci. Hostis Christi est, non discipulus, qui hanc unionem repudiat. Dicant Græci quid ab Francis velint, concedent illi omnia quæ recta, quæ bona erunt, imo quæ non apertissime probabuntur mala. Nam Franci ab Græcis hoc postulant unum, ut amici

sint, nihilque in fide illa mutant, quam docuit Christus, quam annuntiarunt apostoli, quam explanarunt sanctissimi Patres Athanasius, Gregorius, Basilus, Joannes Chrysostomus, Ambrosius, Augustinus, & concilia omnia in Oriente & Occidente habita, quam ipsi legunt in libris ecclesiasticis suis. Hic ad suos conversus *Nicolaus*, Non video, inquit, quid proponi æquius possit aut suavius: & qui eas conditiones respiciat, vere pronuntiavit Ignatius, ab eo neque Christum amari, neque ecclesiam. Præclare multisque peroravit Ignatius, subiecit *e Græcis sacerdotibus nescio quis*; verum inquirere ista omnia otiosorum hominum est, non nostrum, qui tot implicamur negotiis, laboribusque frangimur. Nolite, inquit *Ignatius*, nolite negotiorum vel multitudinem vel pondus causari. Hoc enim primum jubente per Petrum Deo Christianis hominibus, & maximè sacerdotibus, incumbit, ut *parati sint semper ad reddendam rationem de eâ, qua in nobis est, spe*. Deinde cæteris omnibus negotiis anteponendum est istud. (quod enim negotium animi salute potius sit?) Salvari autem non potest, vel qui nescit an veram profiteatur fidem, & negligit inquirere; vel qui, cum sciat se frui vera, illam alios edocere non vult, maximè, si quemadmodum facimus, edoceri se postulant, spondentque se, quod erit verius, statim amplexuros. Denique huic tanti momenti negotio cum aliis vestris locus esse potest. Neque enim est dierum plurium. Certe polliceri id possumus, nos die uno apud eos qui veritatem amant ex animo, & animæ salutem vere consultum volunt, rem omnem confecturos. Verbo dicam: a vobis pacem volumus & efflagitamus. Quidquid æquum est postulate, dabimus: locum & tempus colloquendi, ut lubebit, optate; aderimus. Oratis quotidie pro ecclesiarum unione: illam vobis Deus offert. Si vere illam expetitis; actum est. Hoc tantum: audite nos. Si quod verum est exquisistis & scitis; docere, libentissime discemus: si nescitis, salus vobis nulla est, sed æterna pœna, nisi discatis. Quantum consequemini gloriæ, si optatissima pace donabitis ecclesiam? quantum accedet ad omnes emolumenti & gratiæ? Per mihi mirum visum est, inquit *Nicolaus*, quod affirmasti, opera prope nulla conciliari ecclesias posse Latinam & Græcam, quas ab se invicem avulsas tot

Hereticis & schismaticis salus esse non potest. 1. Pet. 8.

abhinc sæculis, tanta tamque multiplici opinionum varietate cernimus; quasque revocare ad mutuam conjunctionem tot pontifices ac reges, cum sint conati, minime potuerunt. Tribus maxime vicibus, reposuit *Ignatius*, Græcos inter Latinosque redintegrata pax fuit. Ac prioribus quidem duabus in Lateranensi quarta & secunda Lugdunensi synodis nullo ferme negotio. Lis mota de processione Spiritus sancti in Florentina vehementior. At contentionem protraxit incenditque non causæ difficultas, sed Marci Ephesini Romanam in ecclesiam odium & effrænatu contumaxque animi tumor. Fac, nullo partium, at veritatis unius studio nobiscum Græci amice ad disceptationem conveniant: nihil necesse erit depromere e theologiæ abstrulis fontibus argumenta, veterum omnium scrutari sententiam, evolvere reconditos annales, & præteritarum ætatum memoriam referre. Græcæ ecclesiæ fidem ex ipsis quos Græci ad orandum adhibent libris, plane intelligimus Romanam & apostolicam esse, nihilque Latinos inter Græcosque occurrere discriminis, nisi amoris & odii, eadem utroque mente sapere. Operæ pretium erit, inquit *Nicolaus*, periculum modo facere; ecce tibi Missarum codicem, Euchologion, Menæum, Paracliticas, & Pentecostation. Abunde est, respondit *Ignatius*, librosque illos cum accepisset in manus, pluribus ipsorum testimoniis ostendit Spiritum sanctum & Patris & Filii esse Spiritum, eumque a Patre per Filium, sive quod idem est, & ab Filio, procedere. Animas postquam e corpore excefferunt nonnullas, si coinquinantur leviorum culparum sordibus, expurgari inflictis a Deo pœnis, ac demum mundatas peccatisque condonatis evolare in cælum. Ibi cum sanctis hominibus angelorum ac Christi Domini societate gaudere, facie ad faciem intueri Deum, & summum beatitatis apicem attigisse: S. Petrum Romanum fuisse episcopum, ecclesiamque, quanta est, universam tanquam Christi in toto orbe vicarium administrasse: ejus successores esse pontifices Romanos, atque ipsis patriarchis quos habent ut fratres, apostoli hujus principis loco præesse, eosque de Christi regis mandato confirmare. Quæ cum legeret in Græcorum libris *Ignatius*, obstupescabant quotquot in cœtu aderant, mirabanturque eo suos devenisse vel cæcitatibus, vel oscitantibus, ut hæc

cum volvant, habeantque præ oculis sapissime, minime advertant. Tum *Ignatius*, Hæc, inquit, cum plana sint & aperta, quæ salus iis esse possit, qui obstinate sua pernegant, nihilque nobiscum sibi volunt esse commune? Quo jure illi Græcorum nomine gloriantur, qui neque fidem suis in libris propositam suscipiunt, neque sanctorum de sua gente Patrum summam nobiscum consensionem imitantur? Etsi Romanam isti ecclesiam acerbissime & contumeliosissime contra fas omne divexant, nolim contorqueri in eos quod est a Deo in apocalypsi Joannis de Judæis nescio quibus prolatum: *Blasphemia ab his qui se dicunt Judeos esse, & non sunt, sed sunt synagoga satanae.* Græcos se jactant, & non sunt. *Non enim qui in manifesto, Judeus est, vel Græcus; neque qui in manifesto, in carne, est circumcisio, vel ecclesia Græca: sed qui in abscondito, Judeus est, aut Græcus; & circumcisio cordis in spiritu, non littera: cujus laus non ex hominibus, sed ex Deo.* Littera & appellatione forte Græci sunt, non sunt spiritu; & si qua ipsis laus, ea non ex Deo, sed ex hominibus ab pace, id est, a Deo averfis. Græci non sunt, sed sunt synagoga, non audeo pronuntiare quænam illa sit, & cujus. Deus novit. Non est certe Græcorum, hæc enim divina est, & Dei verique amantium. Itaque, ut Apostoli verbis perorem, *que pacis sunt, sectemur; & quæ edificationis sunt, in invicem custodiamus; & Deus patientia & solatii det nobis in idipsum sapere, in alterutrum secundum Jesum Christum, ut unanimes uno ore honorificemus Deum, & Patrem Domini nostri Jesu-Christi. Propter quod suscipiamus invicem, sicut Christus suscepit nos in honorem Dei.* Nempe unum corpus sumus, nec vult Deus schisma esse in corpore, atque ut ne sit, certo quodam modo temperavit corpus, quo id ipsum pro invicem sollicita sint membra. Quare obsecro vos ut sitis solliciti servare unitatem spiritus in vinculo pacis, & verè unum corpus unusque spiritus simus. Omnis sermo malus ex ore nostro non procedat, sed si quis bonus ad ædificationem fidei, ut det gratiam audientibus: & nolimus contristare Spiritum sanctum Dei, in quo signati sumus in die redemptionis. Omnis amaritudo & ira & indignatio & clamor & blasphemia tollatur a nobis cum omni malitia. Simus autem invicem benigni, misericordes, donantes invicem,

Non sunt verè Græci qui a Francis in fide dissident.
c. 2.

Rom. 2.

Rom. 19 &
14

narratis, nullo pacto potuit. Neque enim sejuncti illi a nobis essent, si paria sentiremus. Idque post exactam noctem mane crastino tum vobis, tum Ignatio, si convenimus ad colloquium, probaturum me adpromitto. Ubi dies illuxit, persolutis in templo de more officii religiosos hospites Nicolao Methodioque ducibus magno audiendi studio Græci prope omnes inviserunt. Ac *Methodius*, post datam acceptamque ex urbanitatis legibus salutem, Nescio, inquit, quo adverso meo fato heri factum est, ut serius in has ædes accesserim, nec ea frui licuerit voluptate, qua omnium animos, cum diceretis de necessitate diligendi, perfudistis, eaque Græcos maxime & Latinos vel hinc ostenderetis obligari, quod eadem utrique in libris suis de religione ac fide profiteantur, ut multis atque luculentis librorum nostrorum testimoniis explanastis. Hoc vero maxime avebam inspicere, cum sint e nostris non pauci, qui ut sibi illud in animum inducant, adduci non possunt. Res tamen perspecta est, inquit *Ignatius*, & vel cæcis ipsis, ut aiunt, aspectabilis. Nonnulla de multis sunt a nobis hesternodie allata; hodierno, si ita placet, proferemus plura. Immo perplacet, inquit *Nicolaus*, nec majorem potestis in nos omnes gratiam conferre. Ecce libros nostros. Tum *Ignatius* ad *Romanum* socium suum conversus, Tuæ sunt, ait, hodie partes, heri meas explevi, perque gratum erit venerandis patribus, si postquam me audierunt, te quoque audiant. Satiùs esset, colendissimi patres, subjecit *Romanus*, si, qui me ætate doctrina & gradu longe superat, ut cœpit dicere, sic absolveret: sed quoniam loqui me jubet, non possum non obsequi in re præsertim minime ardua. Agite ergo unde vultis exordium duci. Tuum est, o *Methodi*, inquit *Nicolaus*, hic velle & eloqui. Tum *Methodius*: Velim, o Romane, abs te hoc primum discere, an libri nostri Spiritum sanctum ex Patre & Filio procedere doceant. Docent enim vero, reposuit *Romanus*, modisque id pluribus ac variis exponunt. Verum ante quam id oculis subjicio, juvat, immo necesse etiam est, ut tu nobis prius explices, quid sit *Spiritum sanctum a Patre procedere*, ut ipsum ego quoque a Filio procedere demonstrem. Hæsit ad interrogatum *Methodius*: neque enim unquam in Theologia audierat; & veritus, ne quid secus diceret, negotium omne in Romanum refudit.

Spiritus sanctus ab Patre & Filio procedit.

Probat 1. ex scriptura.

Abs te, inquit, ego id quaero: Quid est ab Patre Spiritum sanctum procedere? Hoc expone: tum ostende quod in Patre est, id quoque reperiri in Filio. Mirum est, inquit *Romanus*, sic te sciscitari qui Christum audis hoc apertissime in evangelio asseverantem Joan. c. 16. v. 15. *Omnia quaecunque habet Pater, mea sunt.* Atqui Pater habet, ut procedat ab ipso Spiritus sanctus: Ergo & Filius id ipsum habet. Si enim non habet Filius ut ab ipso Spiritus sanctus emanet, falsum est ejus esse omnia, quaecunque habet Pater. Christus autem cum sit ipsissima veritas, falsum proferre non potest. neque enim existit e veritate falsitas. Expende ergo quid doceat, unus magister noster Christus. *Omnia quaecunque habet Pater, mea sunt. Propterea dixi quia (Spiritus sanctus) de meo accipiet, & annuntiabit vobis.* Hæc Christi ratiocinatio est. Habet Pater, ut de suo accipiat Spiritus sanctus: Sed hoc habeo quod habet Pater: Ergo id habeo ut de meo quoque accipiat. *Propterea dixi quia de meo accipiet.* Viden' qua Christi ratione promulget, a se quoque procedere sanctissimum Spiritum? Non video, inquit *Methodius*; illud audio dumtaxat, Spiritum sanctum aliquid a Christo accipere. Quid est, o Methodi, urget *Romanus*, non vides omnia quaecunque Pater habet, & Filium habere, neque excipi quidquam? Hoc, inquit, video. Tum *Romanus*: Si Pater habet, ut ab ipso procedat Spiritus sanctus, & hoc Filius non habet; non habet profecto omnia, quaecunque habet Pater. Non dissimulabo, inquit *Methodius*; vim argumenti hujusce maximam sentio. At Christus hinc tantum efficit de suo accipere Spiritum, non efficit ab se procedere. Dic amabo, inquit *Romanus*, quida Patre Spiritus sanctus accipit, quid a Filio? Nam ab utroque accipit, evangelio ipso teste. Hic *Methodius* abbatem intuitus, Quid dicam, inquit? Si respondero, accipit a Patre ut ab ipso procedat; occurret statim: Ergo & id ipsum ab Filio accipit, quia omnia habet Filius quaecunque habet Pater. Si dixero, accipit communem ab utroque divinam naturam; id ipsum est quod procedere. Si adduco Chrysostomi dictum: *De meo accipiet; hoc est, quæ ego scio & cognosco, una est enim mea & Spiritus cognitio.* τὸ δὲ ἐκ τῆς ἐμῆς, καὶ ὅν ἐγὼ οἶδα, ἐκ τῆς ἐμῆς γνώσεως, μία γὰρ ἐμὴ ἐ τῆ πνεύματος γνώσις. Instabit, si cognitionem &

Quid est Spiritum sanctum & Filio accipere.

Hom. 77. in c. 13. Joan.

scientiam ab Filio Spiritus accipit, accipit quoque naturam divinam. Neque enim duo quædam sunt in Deo, natura & cognitio, sed una eademque res simplicissima. Aliud, inquit *Romanus*, quod respondeas noli quærere: neque enim quidquam invenire est ingenuo viro dignum. Inveni, reposuit *Methodius*, quod interrogem, quodque respondeam. Rogo enim, cur Christus *de se* accipere Spiritum sanctum non dixit, sed *de suo*? Hoc dixit, subdidit *Romanus*, quia rem voluit edocere accurate. Duo enim, ut sic loquar, habet Filius, naturam scilicet & personam; Spiritus autem non accipit ab Filio, nisi naturam. Unde verissime de eo quod Filius est accipit, quia ejus naturam accipit, non personam: sed ipse ab eo naturam eandem communem & totam accipiendo, persona existit alia, quam tertiam in Deo adoramus & colimus. Bene est, inquit *Methodius*. meum jam responsum est, etsi Filius non habeat, ut ab eo procedat Spiritus, nihil officere quo minus e veritate pronuntiet, *Quæcunque habet Pater, mea sunt*. Quemadmodum, quamvis, quæ est in Patre, paternitatem non habeat, vere dixit, quæ Patris sunt, ea omnia sua esse. Cum attenderis ad Christi verba, reposuit *Romanus*, nullo tum negotio intelliges sic verbis illis spirandi vim Filio aliaque omnia tribui, ut paternitas una excipiat. Si enim paternitatem quæ est in Patre, ab se Christus non exciperet, re nulla distingueretur a Patre, cujus & naturam & personalitatem haberet, sibi que esset Pater, ipsumque se ipse gigneret. Quod si eam non haberet quæ est in Patre, paternitatem, sed aliam non dissimilem, jam non haberet quæcunque habet Pater, sed quidpiam aliud. Et demonstrant SS. Patres & Theologi Filium non posse Filii alterius esse Patrem, non ex imbecillitate potentia, sed ex infinitate virtutis. Hæc autem cum minime sint istius loci, abunde mihi est quod dici ratione nulla potuit, Filium habere quæcunque sunt Patris, nisi quemadmodum Spiritum sanctum Pater exspirat, & ipse eundem eadem virtute spiret. Et spirare se illum palam affirmat, cum ait, *de meo accipiet*. Quid enim Spiritus sanctus, cui nihil deest, accipere potest a Filio, nisi naturam divinam. Et locuples rei hujusce testis est Epiphanius in Anchorato. *Christus*, inquit, *ex Patre creditur Deus ex Deo, & Spiritus ex Christo, sive ex*

Ab Filio Spiritum sanctum accipere.

re, id ipsum
est quod pro-
cedere.

ambobus, ut Christus his verbis asserit, qui a Patre procedit & hic de meo accipiet. Χεῖρς ἐκ τῆ πατρὸς πρὸδύεται Θεὸς ἐκ Θεῶ, καὶ τὸ πνεῦμα ἐκ τῆ Χεῖρς, ἢ παρ' ἀμφοτέρων, ὡς φησὶν ὁ Χεῖρς, ὁ ὡς τῆ πατρὸς ἐκπορεύεται καὶ οὕτως ἐκ τῆ ἐμῆ λήψεται. Nec alio sensu Cyrillus Alex. l. 11. in Joan. Evang. c. 1. Quoniam Filio consubstantialis est Spiritus, ac per ipsum eo procedis, qui Deum deceat, modo, omnem illius in omnibus absolutissimam habens operandi vim & efficientiam: idcirco dicit, quia de meo accipiet. ἐπιστὰν ὃ ὁμοούσιόν τι ἐστὶ τῷ ὑψὲ καὶ παθεῖσι διοφρενῶς δι' αὐτῆς, πᾶσαν αὐτῆς τιλὴ ἀφ' ἅπασι πλειωτάτω ἔχον ἐνέργειάν τι καὶ δύναμιν, ὡς τῆ τοῦ φησιν, ἐκ ἐκ τῆ ἐμῆ λήψεται. Concinit Athanasius in sua ad Serapionem epist. tom. 2. Qualem novimus proprietatem Filii ad Patrem, talem habere Spiritum ad Filium comperiemus, atque ut Filius ait, omnia quaecunque habet Pater, mea sunt, sic eadem omnia Spiritui per Filium reperimus inesse. οἷον ἐγνωμεν ἰδοῦμεν τῆ ὑψὲ πρὸς τὸν πατέρα, αὐτῶν ἔχον τὸ πνεῦμα πρὸς τὸν υἱὸν ἀρρήσμεν, καὶ ὡς τῶ ὁ ὑψὲ λέγει, πάντα ὅσα ἔχει ὁ πατήρ, ἐμὰ ἐσιν, ὅτις αὐτὰ πάντα δεῖ τῆ ὑψὲ ἀρρήσμεν ὄντα καὶ ἐκ τῶ πνεύματος. Et in orat. 4. contra Arianos: Ipse Filius Spiritum dat, ut dicitur, & omnia quæ Spiritus habet, ea habet ex Verbo. αὐτὸς γὰρ, ὡς τῶ εἶρη, τὸ πνεῦμα δίδωσι, καὶ ὅσα ἔχει τὸ πνεῦμα, αὐτὰ ὡς τῶ λόγῳ ἔχει. Si res perinde se habet, inquit Methodius, atque tu refers, non diceret Christus Spiritum de suo accepturum, accepisse de suo diceret. Ab omni enim retro æternitate Spiritus sanctus processit. Quare minime intelligi hic locus debet de Spiritus sancti processione, cum ipsa præteriti sit temporis, vox autem illa, accipiet, futuri. Ad hæc Romanus: Sic processit, o Methodi, ab æterno Spiritus, ut sit in æternum processurus. Immo si rem recte capimus, neque processit, neque procedet Spiritus, sed nunquam intermissa emanatione procedit. Alias qui Deus est omnis expertus mutationis, præterita processione mutatus esset, aut mutandus futura. Dicitur tamen aliquando, accepit & accipiet, processit ac procedet. at profertur illud nostri dumtaxat habita ratione, Nam Spiritus sancti unus semper est idemque status. Illum ergo processisse dicimus, ubi tempus illud quod decurrimus, cum eo comparamus quod præteritum nobis est; processurum vero, cum futuras ætates

intuemur. Quo tempore procedendo, ut semper sit, ab Patre & Filio aliquid extra se efficiet, annuntiabit verbi gratia apostolis divina myſteria. *De meo*, inquit Chriſtus, *accipiet, & annuntiabit vobis*. Id eſt, procedendo ex me, ſeu quod idem eſt, naturam ex me accipiendo ſcientiamque divinam, vos edocebit. Sed iuvat hic audire Auguſtinum, cujus doctrinam V. ſynodus collatione III. probavit, & ſuſcipiendam decrevit, cujus autoritate ſe VI. communiit aſt. VIII. Is traſt. 99. in Joann. in illud quod eſt ab Chriſto dictum de Spiritu ſancto, *Quacumque audiet, loquetur & annuntiabit vobis*, ſic diſſerit: *Nec moveat quod verbum futuri temporis poſitum eſt. Non enim dictum eſt, quacunque audit, aut quacunque audit, ſed quacunque audiet, loquetur*. Illa quippe audientia ſempiterna eſt, quia ſempiterna ſcientia. In eo autem quod ſempiternum eſt, ſine initio, ſine fine, cujuſlibet temporis verbum ponatur, ſive prateriti, ſive preſentis, ſive futuri, non mendaciter ponitur. *Quamvis enim natura illa immutabilis & ineffabilis non recipiat, fuit, & erit, ſed tantum, eſt*. Ipſa enim veraciter eſt, quia mutari non poteſt: & ideo tantum illi convenerat dicere, *Ego ſum, qui ſum*. Et dices filiis Iſrael: *Qui eſt, miſit me ad vos*; tamen propter mutabilitatem temporum, in quibus verſatur noſtra mortalitas, & noſtra mutabilitas, non mendaciter dicimus, & fuit, & erit, & eſt. Fuit in prateritis ſeculis, eſt in preſentibus, erit in futuris. Fuit, quia nunquam deſuit; erit, quia nunquam deerit, eſt, quia ſemper eſt. Neque enim velut qui jam non ſit, cum prateritis occidet; aut cum preſentibus, velut qui non maneat, labitur; aut cum futuris, velut qui non fuerat, orietur. Proinde cum ſecundum volumina temporum locutio humana variatur, qui per nulla deeſſe potuit, aut poteſt, aut poteris tempora, vera de illo dicuntur cujuſcunque temporis verba. Semper itaque audit Spiritus ſanctus, quia ſemper ſcit. Ergo & ſcivit, & ſcit, & ſciet. Ac per hoc & audivit, & audit, & audiet. Quia ſicut jam diximus, hoc eſt illi audire quod ſcire, & ſcire illi, hoc eſt quod eſſe. Ab illo igitur audit, a quo eſt; ab illo eſt, a quo procedit. Sic probat Auguſtinus, doctorum aquila, unum eſſe idemque Spiritum ſanctum audire, & accipere a Filio, atque ab ipſo eſſe & procedere, quocumque verba hæc tempore efferantur. Cum hac ſe ſententia nimio opere premi ſentiret *Methodius*, nec oc-

curreret quod opponeret, alio ut sermonem inverteret, exclamavit : Deus bone! quo nos hac longa oratione abducis, quibus hoc unum propositum est, ut abs te e libris nostris intelligamus Spiritum sanctum non ab Patre tantum, sed ab Filio quoque procedere? Ecce tibi Pentecostarium, Paracletica, Menæa, Euchologium & libros alios. Ubinam Spiritus sanctus traditur ab Patre Filioque procedere? Quod in me recipi, inquit *Romanus*, id nunc maxime efficio; libros istos quos offers, non rejicio : at ratus vestris in libris locum principem Christi Domini evangelio tribui, ab ipso sum exorsus, & ex ipsiusmet Christi verbis ostendi Spiritum sanctum ab ipso, qui Dei Filius est, extare; quia omnia quæcunque Pater habet, & ipse habet. Interpretes adhibui Athanasium, Cyrillum, Epiphanium Patres vestros, Augustinum e nostris unum, quem & vestrum esse jusserunt e synodis œcumenicis V. & VI. Omnes hi una mente hanc Spiritus sancti ab Patre & Filio processionem in istis evangelii verbis apertissime viderunt. Non ergo te, o Methodi, tuis e libris eduxi. Sed quoniam ita placet, tritos istos quotidiano usu, quos adhibetis ad preces, consulamus. Ac primum Pentecostarion profer littera ψ τῇ ἐπιστάσει. Protulit Methodius; ibique ita *Romanus* legit. *Spiritus sanctus, qui lumen est summe perfectum effulgens e lumine, ex Patre perfecto & principii experte, & per Filium procedens, ejusdem cum Patre & verbo naturæ ac dignitatis agnoscitur.* τὸ πνεῦμα τὸ ἅγιον Θεὸς συμπνεὺς ἐ σωτηρίῳ πατρὶ ἐ λόγῳ γνωρίζεται, φῶς ἵαφ' ὑπερλίαν ἐκ φωτὸς ἐκλαμψαι ὡς ἀνάρχον πλείον πατρὸς ἐ δὲ ἡμῶν ἀρετῆρχόντων. Quod cum *Romanus* ex libro recitasset : Nota, inquit, verba omnia & verborum sententiam, & ecclesiæ mentem in hunc modum concinentis. Agnoscitur Spiritus sanctus eadem gaudere natura atque excellentia, qua Pater & Filius. Unde agnoscitur? quia lumen est summe perfectum e lumine effulgens. At quoniam e lumine? Ex eo scilicet, cujus naturam & dignitatem obtinet. Quodnam verò illud lumen est? Pater & Filius: a Patre enim per Filium procedit. Græcorum igitur ecclesia Spiritum sanctum hic probat ejusdem esse cum Patre & Filio naturæ & dignitatis, quia est a Patre & Filio. Nam quidquid in Deo a Deo est, ex necessitate Deus est. Hic *Romanum* *Methodius* arguit.

Probatum
Spiritum
sanctum ab
Patre & Fi-
lio procedere.
Ex Penteco-
stario Græco-
rum.

Non legis, inquit, Spiritum sanctum ab Patre esse & Filio, sed ex Patre per Filium procedere. Utrumque lego, reposuit *Romanus*. Canit enim ecclesia vestra Spiritum sanctum esse eadem cum Patre & Filio natura & dignitate præditum; idque hinc agnosci quia *lumen est ex lumine promicans*. Lumen autem illud (uti exponit etiam fidei symbolum) Patrem esse & Filium. Lumen porro emicare e lumine, credo, non nescis idem esse atque lumen e lumine procedere. Unde cum lego, Spiritum sanctum ex lumine, Patre scilicet ac Filio, effulgere, ipsum lego, a Patre Filioque procedere. Cur ergo, inquit *Methodius*, subjungitur Spiritum sanctum ex Patre per Filium procedere, non autem ex Filio? Quia, respondit *Romanus*, cum Spiritum ex Patre per Filium procedere idem sit, atque e Patre Filioque existere, qualibet utaris loquendi formula, idem affirmas. Deinde quia cum paulo ante dixit ecclesia vestra *ex lumine* quod Pater & Filius est, emicare Spiritum, voluit postea rem accuratius tradere, & docere ita Spiritum sanctum ab hoc lumine, Patre scilicet & Filio, effulgere & esse, ut principaliter tamen, si licet ita eloqui, a Patre sit. Atque id sic demonstravit *Romanus*. Quæro, inquit, abs te, o *Methodi*, quid est Spiritum sanctum procedere a Patre? Aliud profecto nihil, quam naturam divinam ab eo communicatam accipere. Jam, quid est Spiritum sanctum ab Patre per Filium illam accipere naturam? An quod Pater sic Filio utatur tanquam instrumento ad Spiritus sancti productionem? Absit, cum enim instrumentum omne nihil efficiat nisi ab alio motum, tum in se arguit, tum in eo a quo adhibetur, imperfectionem. An quod precibus & autoritate Filii Pater adductus Spiritum sanctum spiret? Id vero qui sana mente sit, ne cogitet quidem. Aliud ergo nihil est Spiritum sanctum ex Patre procedere per Filium, quam Patrem gignendo communicare Filio naturam divinam, quæque in ea sunt omnia, e quibus est spirandi virtus, per quam utrique communem Spiritus sanctus procedit. Jam vero quod præpositio *per* sive per eodem effertur sensu atque ista *&* sive *ex*, multis potest argumentis declarari. 1°. Ex ipso allati testimonii textu. Ibi enim affirmant Græci Spiritum sanctum agnosci ejusdem esse cum Patre & Filio naturæ, quia ex Patre per Filium proce-

Lumen de lumine.

Spiritum sanctum ab Patre per Filium procedere, idem est atque ab Patre Filioque procedere.

dit. Nemp̄e hinc solent Patres efficere personam unam divinam ejusdem esse cum altera naturæ, quod ab ipsa, interiore atque immanente actione procedat. 2°. Præpositiones *per*, & *ex*, ἐξ & ἐκ, usurpari significatione promiscua apud prophanos sacrosque auctores infinitis ostendi testimoniis potest. Ut Cyrilli qui thesauri assert. 34. capitulo sic inscripto *Quod Spiritus sanctus sit ex Patris Filioque substantia*; Spiritum hunc divinum ait *γενῆναι ἐκ πατρὸς & υἱῶν*, *ex Patre Filioque procedere*. Idemque de recta fide ad reginas, *γενῆναι δι' αὐτῶν*, *per ambos*, Patrem scilicet & Filium *procedere*. Multa sunt hujusmodi pueris ipsis in Oſtoecho suo, ubi discunt legere, obvia. Nam in sono 1. sic virginem beatissimam compellant: *συλλαβῆσαι ἐν γαστρὶ πατρὶ δὲ πνεύματος*. *O virgo quæ Deum in utero per Spiritum sanctum concepisti*. Quod idem in symbolo fidei per præpositionem *ex* effertur: *πνεύματι ἐκ τοῦ Ἰησοῦ Χριστοῦ τὸν υἱὸν τοῦ Θεοῦ σαρκωθέντα ἐκ πνεύματος ἁγίου*. *Credo in Jesum Christum Filium Dei incarnatum ex Spiritu sancto*. Item in alio infrà Oſtoechi loco: *χαῖρε ὁ πανκράσιμος πατήρ, δι' ἧς ἡμῶν ἔξαπέτηλιν ὁ αἰνέτος ἦν πατήρ τοῦ Θεοῦ*. *Gaude, o quæ totius mundi letitia es, per quam nobis exortus est laudabilis Patrum nostrorum Deus*. Idque ipsum in ἦχω 5. particula *ex* scribitur: *ἀρχόντας ἐκ πατρὸς ἐκ λανθασῶς υἱὸς μονογενῆς, ὁ αὐτὸς ἐκ τῆς αἰῶνός τοι γεννηθείς*. *Qui absque temporum differentia ex Patre Filius unigenitus effulget, ille ipse ex te purissima processit*. Id quoque egregiè exponunt Josephus Methonis episcopus, & Gregorius patriarcha Constantinopolitanus scriptis illis, quibus ea confutarunt quæ Marcus Ephesinus ecclesiæ Græcorum orthodoxæ importune objecit. Joannes Apostolus cum scribit primo evangelii sui capite, *omnia per Verbum facta esse*; nonne idem est atque si dixisset, *facta esse ab eo omnia*, atque ipsum rerum universitati causam extitisse? Consuevit nemp̄e scriptura, ut rectè advertit Chrysostomus hom. 59. in Matth. *per quem* pro *a quo* dicere, ut cum ait Eva Gen. 4. *Possedi hominem per Deum*; & Paulus 1. Cor. c. 1. *Fidelis est Deus per quem vocati estis in societatem Filii ejus*. Consule, si plura expetis, Joannis Seapulæ Lexicon, ubi allatis ex Athenæo & Aristotele exemplis docet, *ἐκ* cum gignendi casu & *ἐξ* eodem sensu accipi. Nimium hoc demonstraſti, excepit *Nicolaus*

abbas,

abbas, neque ullus est cui illud jam dubium esse possit. Neque nescimus familiare nobis Græcis hoc dictum esse, *Spiritus sanctum ab Patre per Filium procedere*. Pueri ipsi hoc discunt in Octoccho minore, sono 3. sub finem: *ἵνα ἡμῖν ἀγαπαζώτων προσβῶν τῷ σε τιμῶσαν, Χριστὲ, ταῦτες ταῖς ἐνδόξεσιν ἰλασθῇς ἡμῖν πνεῦμα μέγα δὲ πᾶν ἀγαθοῦτος ἐκ πατρὸς ἡς σε προσχρόωμεν*. Da nobis, Christe, in advocatam irreprehensibilem eam, qua te genuit, atque ejus precibus nobis misericordiam largire, Spiritum scilicet bonitatis datorem qui ex Patre per te procedit. Et in Triodio 7. ode Canonis 2. hebdomadæ, quæ concinitur ad εἰρμὸν, Σαβῶνων Ιωαν, sic legitur: *ἵνα πνεῦμα ἡμᾶς τὸ πνεῦμα τὸ ἄγιον μετόχης ἡ σῆς ἀπεργαζομένου ἀγίοτητος κ' φωτὸς ἀντιστήν κ' δέας ζωῆς κ' ἡ δωδεκάτης ἀγαθότητος· οὐ γὰρ ποταμός διετήτος ἐκ τῆ πατρὸς δι' ἧς ἐκπορεύομεν*. Veni ad nos, Spiritus sancte, & participes tuæ effice sanctitatis, & luminis nunquam occidentis, & vitæ divinæ, & odoratissimæ distributionis: tu enim fluvius es divinitatis ex Patre per Filium procedens. Hoc novimus: sed quosdam audiui qui dicerent particulam *per*, ἡς, non ea hic accipi significatione, qua ἐκ live ex, nihilque aliud sonare nisi *cum*, cum: adeoque hanc esse sententiam, *Spiritus sanctum ab Patre cum Filio procedere*. Audisti quidem, inquit *Romanus*; sed neminem audisti, qui probare id posset. Nam 1. quis unquam Græcorum qui Græce novit, ἡς & *cum*, *per* & *cum*, ejusdem esse significati docuit? ubi est rei hujusce in sanctis Patribus exemplum vel unum. Quis illorum quove sensu unquam scripsit *Spiritus sanctum ex Patre cum Filio procedere*? 2. Fac istud ab aliquibus dictum, illi hoc suo effato nobis faverint. Quid est enim Spiritum sanctum ex Patre cum Filio procedere, nisi ex Patre & Filio. Quid Pater cum Filio, nisi Pater & Filius? Filium hic cum Patre non conjungi, reposuit *Nicolans*, sed cum Spiritu. Quæsit *Romanus* qua vel ratione vel auctoritate id proferret, quod dici nullo jure posse videatur. Vel enim verborum hæc vis est, *Spiritus sanctus una cum Filio ab Patre procedit uno eodemque actu*: vel ista, *Spiritus sanctus cum Filio simul a Patre procedit, sed actione diversa*: vel hæc denique, *Spiritus sanctus & Filius a Patre procedunt*. Non hæc postrema. Quis enim fingere sibi possit, τὸ πνεῦμα τὸ ἄγιον ἐκ τῆ πα-

Spiritus sanctum ab Patre per Filium procedere, non idem est atque Spiritum sanctum cum Filio procedere.

πρὸς ἀναρχὴν καὶ δι' ἣν πρῶτον : *Spiritus sanctus procedit a Patre principii experto & per Filium* ; idem esse atque si dicas, *procedit a Patre Spiritus sanctus & Filius*. Fateor, inquit *Methodius*, non posse hoc dici : at dici potest, *procedit a Patre Spiritus sanctus & cum Filio*. Jam ostendi, reposuit *Romanus*, præpositionem *per*, *διὰ*, valde ab ista discrepare *cum*, *σὺν*, nec posse eodem effertur significato. Verum sit ita ; non istum tamen potest hoc loco habere sensum. Nam quæro, si procedit Spiritus sanctus ab Patre cum Filio, eademne *formaliter*, ut sic loquar, actione, an diversa ? Si actione eadem, qua re Spiritus sanctus ab Filio distinguitur ? quidve obstat quin sit ipse etiam Filius ? quo denique modo actionis unius ejusdemque diversi erunt termini ? Si diversa Filius & Spiritus sanctus actione procedunt ; Filius, quod in confessio est, intellectus via, voluntatis vero Spiritus sanctus procedet, quia hic amor, ille verbum est. Ergo prius intelligitur Filius originis ordine, quàm Spiritus intelligatur. Ergo ante Spiritus sanctus quam intelligatur esse, concipitur animo Filius eandem habere quàm Pater naturam, eademque vi spirandi Spiritum præditam. Ergo cum sit ab illa virtute Spiritus sanctus, eaque sit æque in Patre & Filio ; si ab Patre est Spiritus, ab Filio quoque erit. Deinde quidquid ab voluntate existit, est ab cognoscente, ejusque cognitione prævia. Nihil enim volitum, ut aiunt, nisi cognitum. Ergo si Spiritus sanctus ab voluntate Dei fecunda est, sicut ab fecunda mente Filius ; (quis enim infecundam Deo vel mentem vel voluntatem tribuat ?) erit etiam ab cognitione seu verbo ejus ; igitur a Filio, qui aliud nihil est, quam divinæ fructus ac terminus cognitionis. Quam ob rem dici Spiritus debet ex Patre Filioque sive per Filium procedere ? Jam vero cum canit apud Græcos ecclesia Spiritum illum sanctissimum *ex Patre per Filium procedere*, affirmari non potest ipsum *ex Patre cum Filio procedere*, & sententiam verborum esse istam. Cum nullus unquam Patrum, si recte memini, nullusque ecclesiasticus liber in hunc modum sit locutus ; neque id merito dici queat, nisi intelligas hac loquendi ratione, ab Patre cum Filio in unitatem principii conjuncto Spiritum emanare. Age, inquit *Methodius*, Si Spiritum sanctum idem est ab Patre & per Filium

Quo sensu
 dici potest Spi-
 ritum san-
 ctum ab Pa-
 tre cum Filio
 procedere.

procedere, atque ipsum procedere ab Patre & Filio: cur superiorem dicendi formam usurpavit ecclesia Græca, non istam? Adhibuit utramque, inquit *Romanus*, & sancti Patres summi ecclesiæ Græcæ, nisi fallor, principes, non tantum *per Filium* Spiritum sanctum esse dixerunt, sed etiam *ex Filio*. Sunt tamen qui sibi suis temporibus priorem formulam præponendam alteri judicarunt. Volebant enim hoc loquendi modo, & Macedonium ferire, cum solam Spiritus sancti causam confortet in Filium, Basilio teste sub finem secundi adversus Eunomium libri sui; & significare præterea, sic Filium esse Spiritus sancti causam, ut principalis causa sit Pater: cum tamen, quod mirum est, Pater & Filius una sint causa. Verebantur enim ne si dicerent, Spiritum sanctum esse *ex Filio*, illud sic imperiti homines atque hæretici interpretarentur, quasi Filium Spiritus sancti constituissent principale primumque principium. Id quippe innuit præpositio *ex*, & cogitationem in eo sistit cui adjungitur, ut cum dicimus, *ex sole radius est*. At ista *per*, rem enucleatius declarat, mentemque alio refert ad causam quodammodo priorem, ut cum aiunt, *per lumen radius est*, nempe ex sole. Sic cum Patres scriberent, ex Patre per Filium existere Spiritum sanctum; sic Patrem & Filium causam esse Spiritus sancti unam profitebantur, ut tamen id convenire *περὶ τὸν πατέρα* assererent Patri, qui fons est totius Deitatis. Præclare, inquit *Methodius*. Cum igitur tantopere hanc loquendi formam probetis, cur ea non utimini; & cum opportunius sit dicere, per Filium, cur dicitis, ex Patre Filioque Spiritum sanctissimum profundi? Melius visum est Patribus nonnullis, reposuit *Romanus*: plerique alterum alteri minime præstare judicaverunt, sed plane idem esse: plures nostra dicendi formula sunt usi. Verum ut ut sit, id jam nolim hic disputare. Abunde mihi est, Spiritum sanctum non posse dici ab Patre esse per Filium, quin agnoscat ab Patre Filioque procedere. Vellem, inquit *Nicolaus*, in adducto testimonio legeremus non *περὶ τοῦ υἱοῦ*, sed *ἐκ τοῦ υἱοῦ*. Nam forte non est vocis hujusce & illius vis eadem similisque sententia. Eadem plane est, respondit *Romanus*. Vide Odoechum, sono obliquo 4. Dominica ad matut. ode 3. *μὲν πατὸς αἰς ἐκ τοῦ υἱοῦ τὸν λόγον, & τὸ πνεῦμα πρὸς*

Cur quidam Patrum Spiritum sanctum matrem esse per Filium quàm ex Filio.

περὶ τοῦ υἱοῦ & ἐκ τοῦ υἱοῦ eodem sensu accipiuntur.

ἐλθὼν ὑποθήκης, καταλήλως λογισμῶς ἔγραφοῖς διδάγμασι
καταληφότες ἕνα Θεὸν τριπλῆιον σέβοντες. *Solum e Patre ut emen-*
te genitum Verbum, & Spiritum, προερχόμενον, procedentem inef-
fabiliter, idonea consideratione & scriptis doctrinis intelligentes
unum trilucem Deum veneramus. Quid addi queat, inquit *Me-*
thodius, non occurrit; prosequere cætera. Vocem quoque
aliam, ait *Romanus*, adamant Græci, qua Spiritus sancti ab
Patre & Filio processionem explicent. Utuntur enim appa-
rendi verbo, ut cum in officio sabbati illius, quod Quadra-
gesimam antecedit, in quo memoria fit omnium vita functo-
rum, sic orant: ἑστὶς ἡμεῖς, ἑστὶς, πνεῦμα ἐκ πατρὸς ἐκπορευθὲν, δι
ἡμῶν δὲ φανέν, ὅσα μία καὶ οὐσίς, κυριότης, βασιλεία, σωσον πάντας

Spiritus san-
ctum appare-
re per Filium,
idem est at-
que ab Filio
procedere.

ἡμῶς. Unitas infinite perfecta, summe Deus, in tribus personis
subsistens, Pater ingenite, Fili unigenite, Spiritus e Patre pro-
cedens, & per Filium apparens, una substantia & natura, domina-
tus & regnum unum, nobis omnibus salutem largire. Audisti
personarum singularum notiones, quibus inter se invicem dis-
tinguuntur & agnoscuntur; proprietatemque Spiritus sancti
hanc esse, ut procedat a Patre, & per Filium appareat. Quid
est, inquit *Methodius*, Spiritum sanctum per Filium apparere,
an ab ipso procedere? Quæro ego abs te, opposuit *Romanus*,
quid est radium per lumen apparere. Num idem est atque
ab lumine existere? At Spiritus sanctus radius est e Deitatis
sole ac lumine effulgens, quemadmodum feria v. secundæ qua-
dragesimalis hebdomadæ ad matutinum Græci testantur:
ἡμῶν ἐκ πατρὸς ἔκ πνεῦμα δοξαζώ ὡς ἔξ ἡλίου φῶς ἔκ ἀκτῆνα.
Filium ex Patre & Spiritum de prædico ac celebro, ut e sole lu-
men & radium. Quæro præterea quid est, Verbum apparuisse
ex virgine, nisi ipsum ex ea prodiisse? ut cum sub finem exe-
quiarum quæ sacerdoti vita functo fiunt, sic legitur: κατεῖς ἐκ
τῆς παρθένου, παρθενίας με λόγῳ ἀξίωσον. O qui ex virgine appa-
ruisti, dignum me effice virginittatis premio. Et in Odoeccho, so-
no obliquo 2. ante oden 5. τῆς ζωῆς τὸ ἔξολον ἐκ σὺ φανέν,
πάντα γινε, ἀνέστη. *Lignum vite, o qua sanctitate omni prædita es,*
quod ex te apparuit, surrexit. Audi super ea re Cyrillum dial.
3. de Trinitate: ἔστι μὲν, ἐκ Θεοῦ γεννητὸς ὁ υἱός, ὃς ἐπὶ τὸν
ἐκ τῆς ὑποστάσεως πρὸς ἀν, ἐκ γὰρ νῦν ἔχει τὸν ἀδελφωδον, ὃς ὅτι γε

την), & ἐξ αὐτῆς ἐξέρχεται τῆς εὐσίας τῆ πατρὸς. *Et hoc quidem, ex Deo apparuisse Filium, non aliud quid significare arbitretur, si sana est & incorrupta mente, quam quod genitus est, & ex ipsa extitit Patris substantia.* Putant nonnulli, inquit *Nicolaus*, *apparendi* verbum illud quod est abs te superiore loco adductum, hoc indicare dumtaxat, *divinum nempe Spiritum se rebus creatis ostendisse.* Putant, excepit *Romanus*, & aberrant. Eo enim loci natura divina explicatur, & quo quæque persona ab consorte altera discrepet. Id autem omne æternum est, neque vero ulla illic creatarum rerum habetur mentio. Sed vide ut Græci hoc *apparendi* verbo processionem Spiritus sancti æternam admirabiliter exponunt in ea Basilianæ missæ oratione, quam post recitatum symbolum sacerdos secreto pronuntiat: Ο' ὦν δέσποτα κύριε, &c. ὁ πατὴρ τῷ κυρίῳ ἡμῶν Ἰησοῦ Χριστῷ τῇ μεγάλῃ Θεῷ & σωτῆρι τῆς ἐκκλησίας ἡμῶν, ὅς ἐστιν εἰκὼν τῆς οὐσίας ἀγαθότητος, σοφίας ἰσότητος, ἐν ἑαυτῷ δείκνυς σε τὸν πατέρα, λόγος ζῶν, Θεὸς ἀληθινὸς πρὸς αἰώνων, σοφία, ζῶν, ἀγιασμός, δύναμις, τὸ φῶς τὸ ἀληθινόν, παρ' ᾧ τὸ πνεῦμα τὸ ἅγιον ἐκἐφάνη, τὸ τῆς ἀληθείας πνεῦμα, &c. *Dominator Domine, &c. Pater Domini nostri Jesu Christi magni Dei & salvatoris spei nostre, qui es imago bonitatis tue, equalis formæ signaculum, in seipso ostendens te Patrem, Verbum vivens, Deus verus ante secula, sapientia, vita, sanctificatio, lumen verum, ex quo Spiritus sanctus apparuit, Spiritus veritatis, &c.* Sentis qua ratione *Basilius* Filium ait lumen esse verum, ex quo Spiritus sanctus apparuit; sive, ut accuratius Græcæ vim vocis aperiā, ex quo Spiritus sanctus ἐκἐφάνη, originem habet ac procedit? Est enim hæc verbi ἐκφαίνεσθαι significatio, maxime ubi est cum præpositione ὡς conjunctum. Unde mirum est Arabicum missæ Basilianæ interpretem sic vertisse, *Elladi behi dhoher rouhh elkodos rouhh elhbakq, Per quem Spiritus sanctus processit.* Sicut enim quod scripsit evangelista *Joannes*, πνεῦμα τῆς ἀληθείας ὁ ὡς τῇ πατρὶ ἐκπορεύεται), Arabico idiomate explanatum est in hunc modum, *Rouhh elhbakq elmunbetekq men elab, Spiritus veritatis qui a Patre procedit*; ita illud alterum interpretari par erat. Hæc cum audit *Methodius*, obstupuit, & accepto missæ Basilianæ codice exquisivit omni diligentia, an vere *Basilius* hic diceret, *Filium esse lumen, ex quo*

Spiritus sanctus processit. Atque id cum legisset iterum atque iterum, tandem invenit, qua evaderet. Negate, inquit, nemo potest, quin *Id* significet *ex*, & *ἐκ πατρὸς processionem*. Verum hoc ad Patrem refertur, non ad Filium, unde interpungi post hæc verba, *lumen verum*, oportuit. Pater enim est ille, a quo Spiritus sanctus processit. Bene est, reposuit *Romanus*: habeo enim, annuente te, quod pertendebar, idem esse *apparere*, quod procedere, deinde Arabicum interpretem cognovisse, nihil etiam differre *per* atque *ex*. Cum enim in Græco scribatur, *ex quo spiritus sanctus processit*, ipse vertit, *per quem*. Porro apparitio illa seu processio æterna est. Verum quo tibi jure adsumis, ut illud *ex quo*, Patrem spectare, non Filium judices. Propius est, ut Filio tribuatur. Et hoc illi attribuit interpres Arabicus vester: neque enim per Patrem diceret Spiritum, sed a Patre, ut moris est. Propius esse aio, ut ad Filium hæc processio referatur, tum quod ipsi annexitur in contextu, tum quod id indicare consequentia atque antecedentia videantur. Consequentia quidem: sic enim legimus, *Filium lumen esse verum, a quo spiritus sanctus apparuit, seu processit Spiritus veritatis*: quasi diceret, *Spiritus sanctus Spiritus est veritatis, quia apparuit & processit ex Filio, qui verum lumen, sive veritas est.* Antecedentia vero: Filius enim dicitur *imago bonitatis Dei, aequalitatis signaculum, quia in seipso Patrem ostendit.* Ostendit autem, quia Verbum Patris est, omnia habens quæ Pater: & sicut Pater Deus unus est ante secula, sapientia, vita, sanctificatio, potentia, lumen verum, a quo Spiritus sanctus originem habet: ita hæc Filio conveniunt. Si quis, inquit *Nicolaus*, pugnaret tibi, non æternam eo loci significari Spiritus sancti processionem, sed illius in tempore manifestationem, quo illum responso refelleres? Ego, ait *Romanus*, quod immerito diceret, merito negarem. Nam pari jure aliquis assereret, cum legitur in evangelio, & in symbolo recitatur, *Spiritum sanctum a Patre procedere*, non agi de processione æterna, & sibi forte id videretur potiori ratione affirmare, in evangelio scilicet de adventu Spiritus sancti, ejusque illapsu Christus loquitur: *Cum venerit ille spiritus veritatis qui a Patre procedit*, Joann. 15. contenderetque idem esse *qui a Patre procedit*, atque *qui a Patre venit*, seu *quem*

mittit Pater. Deinde qui id responsi proferret, cum arguerem magis ab Arianis Macedonianisque didicisse, quam a sanctis Patribus. Illi quippe impurissimi hæretici, ubicunque *procedendi* verbum occurreret, nolebant de processione æterna intelligi, ne cogerentur naturam in Filio & Spiritu sancto divinam agnoscere. At Patres sic intelligi pugnabant. Et qui bona fide propositum Basilianæ missæ textum perleget, a me stabit, aut certe in media luce nihil videbit. Quæ sunt denique adducta hætenus testimonia, æternam Spiritus sancti a Patre per Filium, seu, ut alii scribunt, & a Filio processionem evincunt. Nolim autem graviolem nunc de istis litem movere, certus hic agere me cum cordatis ac minime obstinatis hominibus, qui rem, uti est, pervident, & ultro, quod verum est, amplectuntur, nec eludere cavillis inanibus perentant. Attulisti, inquit *Methodius*, multa & contestatissima, & ea quidem, quæ ab homine salutis cupido negligi minime debeant. Volvemus illa animo, & suis, cum otium erit, momenti expendemus. Nunc si quod habes aliud acceptum e libris nostris argumentum, & quidquid in sinu foves, coram deprome. Tum *Romanus* Methodio Pentecostarion in manus tradidit, & Lege, inquit, o Methodi, quod canitis in officio Pentecostes Dominica die, ubi Christum inducitis cum apostolis solatii gratia sic colloquentem: *ἐγὼ δὲ ὡς ἐμὲ Ὁ Θεὸς ἄλλον πνεῦμα τὸ ἐμὸν τε καὶ πατρὸς ὑποστάλλα.* Ego vobis *procedetum quasi me aliud mittam, Spiritum meum, qui & Patris est.* Lege etiam in hoc, quod ibi prostat, *Condacio*, quod recitatis in sacra Joannis Chrysostomi missa. Ita Christum sacerdos secreta voce compellat, dum canitur hymnus cherubicus: *ἐκκλυσόν με τῇ δυνάμει τοῦ ἁγίου σου πνεύματος ἐν δυνάμει τῆ ἱερατείας, χάριν ὁρᾶσθαι τῇ ἀγία σου ἡραπείῃ, καὶ ἱερουργῆσαι τὸ ἅγιον & ἀκρατὸν σου σῶμα & τὸ τιμιότεν αἷμα.* Fac me idoneum virtute Spiritus tui sancti indutum sacerdotii gratia, qui huic sanctæ mense adsistam, sacrumque & immaculatum corpus tuum & pretiosum sanguinem consciam. Habentur verba hæc in oratione, cujus initium est, ἡδεὶς ἁγίος. Legit accurate *Methodius* quod *Romanus* indicavit, quæsititque quid hinc inferret. Infero, inquit *Romanus*, Spiritum sanctum Filii esse Spiritum, ut & Patris. Quod si Patris & Filii Spiritus est, ergo

Spiritus sanctus ab Patre & Filio procedit, quia Patris & Filii Spiritus est.

est ab Patre & Filio. Nos vero, reposuit *Methodius*, Spiritum sanctum Patris esse & Filii, quotquot e Græcis sumus, omnes profiteamur, & legimus quotidie inter orandum, sed non omnes continuo illum esse seu procedere ab Patre & Filio assentimur. Et hoc nobis mirum, inquit *Romanus*: dic enim, amabo, Spiritus sanctus cur Patris, cur & Filii Spiritus est? Illum, reposuit *Methodius*, Patris esse idcirco Spiritum dicimus, quia ab Patre procedit; Filii vero non quod ab eo procedat, sed quod Spiritus ille sanctus ejusdemque Filius naturæ sit; vel potius quod cum Pater Filium producit, suo illum Spiritu communicat; vel forte quia Spiritus sanctus in Filio est & conquiescit: audeat & aliquis dicere, quia mittitur a Filio. Itane vero seferes habet, inquit *Romanus*? Ergo alii sunt ætatis hujusce Græci, alii superiorum temporum, & si gloriantur hodierni eorum se esse liberos, Deus bone! quam dissentiant ab parentibus liberi! Num Græcus erat Epiphanius Cypri Episcopus? Quare ab ipso, cur Spiritus sanctus Filii sit. Doccebit ejus esse, quia ab ipso procedit, in Ancorat. n. 72. & hæres. 74. n. 8. Multi, inquit, in sacris litteris Spiritus appellantur; Spiritus vero sanctus existens a Patre & Filio, Spiritus veritatis, & Spiritus Dei, & Spiritus Christi nominatur: το δὲ ἅγιον πνεῦμα μόνον καλεῖται ὁ πατὴρ καὶ ὁ υἱὸς πνεῦμα ἀληθείας, & πνεῦμα Θεοῦ, καὶ πνεῦμα Χριστοῦ. Audi Gregorium Nyss. hom. 3. in orat. Dominic. ὁ μονογενὴς υἱὸς ἐκ τοῦ πατρὸς παρὰ τὴν ἀρίαν γραφὴς ὀνομαζέται, & μέλει τὰτα ὁ λόγος ἰσχυρὸν αὐτῷ τὸ ἰδιωμα. τὸ δὲ ἅγιον πνεῦμα & ἐκ τοῦ πατρὸς λέγεται, καὶ ἐκ τοῦ υἱοῦ ὡς ὁμοουσιον. εἰ γὰρ ἢς πνεῦμα Χριστοῦ οὐκ ἔχει, φησὶ, οὐκ ἐστὶν αὐτῷ. Unigenitus Filius ex Patre esse in scriptura sacra dicitur, eoque usque Verbum sibi proprietatem constituit. Spiritus vero sanctus & ex Patre esse dicitur, & ex Filio esse perhibetur. Si quis enim Spiritum Christi non habet, hic non est ejus. Interroga Cyrillum Alexand. nam & illum, credo, Græcis annumeras. Ille l. 9. de ador. Spiritum sanctum esse Filii demonstrat, quia ab ipso substantialiter profluit. τρεῖς γὰρ εἰσι πρὸς τὸ πνεῦμα ἑστίν, ἢ εἴτῃ τῷ τρεπιδιανοεῖ, ἢ αὐτῷ ὁ μῶμος ἀναδαμῆται πλὴν θεῶν οὐσιν. εἴτῃ ὅτι τὸ Θεοῦ καὶ πατρὸς, & μὴ & τὸ υἱοῦ πνεῦμα εἰς ἀμφοῖν, εἴτεν ἐκ πατρὸς δι' υἱοῦ ὡς ἐκ ἐκείνου πνεῦμα.

Mutationis

*Mutationi nequaquam Spiritus subjacet, aut si mutabilitatis
agritudine laborat, in ipsam hæc macula divinam naturam incur-
ret, cum sit Dei & Patris, quin etiam & Filii, qui ex utroque
substantialiter e Patre scilicet per Filium Spiritus profluit. Et
7. de Trin. dialogo Spiritum sanctum hoc a creaturis do-
cet differre, quod hæc externa quadam sanctitatis alienæ com-
municatione sanctificentur; ille vero substantivam cum na-
tura divina sanctitatem ab Filio habeat, Filio ipso teste, ubi
ait, De meo accipiet. Unde Filii proprius est non ab ipso alic-
nus ut creaturæ: quid ita? quia ex ipso est & in ipso. τὸ πνεύ-
μα γὰρ ὅ ἐστι αὐτὸ καὶ ἐν αὐτῷ, καὶ ἰδιὸν αὐτοῦ. Id ipsum accuratius ex-
ponit lib. comment. in Joan. 10. Ἰδὲ γὰρ ἰδιὸν πνεῦμα τῆς ἀλη-
θείας, τὸ ἐστὶν ἑαυτὸν, ὃ παρὰ κλητὸν εἰπὼν, παρὰ τὴν πατρὸς αὐ-
τοῦ ἐκπορεύεται φησὶν. ὥστε γὰρ ἐστὶν ἰδιὸν τῷ ἡμῶν φυσικῶς ἐν αἰ-
νῇ τε ὑπαρχον & δι' αὐτοῦ περὶ ἐν, ἔπειτα καὶ τῷ πατρὶ. Ecce, in-
quit, ecce Spiritum veritatis, hoc est sui ipsius, Paracletum
cum nominat, ait ipsum ex Patre procedere. Quemadmodum
enim proprius est Filii, naturaliter in ipso existens & per ipsum
procedens, sic & Patris est. Et in eodem idem libro: πνεῦμα
τῆς ἀληθείας, τὸ ἐστὶν ἑαυτὸν, ὃ παρὰ κλητὸν ὀνομαζέται & γὰρ ἀλ-
λότριον τῷ τῷ μορφῆς ὅσας τὸ ἄγιον νοεῖ πνεῦμα. ὡς εἰσι δὲ
φυσικῶς ὅ ἐστι αὐτὸς, ὃ δὲν ἔτερον παρ' αὐτὸν ὑπαρχον, ὅσον εἰς τα-
υτότητα φύσεως. Spiritum veritatis, id est, sui ipsius Paracletum
appellat: non enim ab unigeniti substantia intelligitur alienus
Spiritus sanctus: procedit enim naturaliter ex ipsa, nihil ab
ipso diversus, quod quidem ad naturæ identitatem attinet. Pate-
re me ad Cyrillum te præterea provocem, imo ad ecclesiam
omnem, non dico solummodo Græcam, sed Catholicam, quæ
in IV. œcumenica synodo B. Cyrilli qui Alexandrina eccle-
sia pastor fuit, synodales epistolas ad Nestorium, & Orientales
episcopos datas, cum recte scriptæ sint, tum ad Nestorii vesana-
m clementiam refutandam, tum ad sententiam salutaris symbo-
li, eis qui illam pio ardore requirunt, declarandam, recepit; quæ
in V. consequente sanctissimum illum antistitem rectam Chri-
stianorum fidem prædicasse definit. Is in synodali sua ad Ne-
storium epistola: εἰ γὰρ καὶ ἐστὶν ἐν ὑποστάσει τὸ πνεῦμα ἰδικῶν, καὶ
διὰ καὶ νοεῖ) καὶ αὐτὸ, καὶ πνεῦμα ἐστὶν, καὶ ἔχει ἡμῶς, ἀλλ' οὐκ ἐστὶν
ὅσον ἀλλότριον αὐτοῦ. πνεῦμα γὰρ ἀληθείας ὀνομαζέται, καὶ ἐστὶ Χρι-*

εὖς ἡ ἀλήθεια, & παρ' αὐτῆς καὶ ἀμείλιχ' ἐκ τῆς
 Θεῆς καὶ πατρὸς. *Etsi propriam habet Spiritus hypostasim, eaque
 tenus in seipso consideretur, quatenus Spiritus est, & non Filius;
 non est tamen ab eo alienus. Spiritus enim veritatis nuncupatus
 est, & veritas est Christus, & perinde ab ipso atque ab Deo &
 Patre profunditur.* Non nescitis & ex principibus Græcorum
 magistris S. Maximum existere. Accipiamus ab ipso cur Spi-
 ritus sanctus Filii Spiritus appelletur: id enim tradit in tra-
 ctatu de candelabro Isaïæ prophetæ. τὸ πνεῦμα τὸ ἄγιον ὡς-
 τ' οὐκ ἔστιν ὅτιαν ὑπάρχει τῇ Θεῇ καὶ πατρὶ, ἔπειτα καὶ τῇ ἡμῶν
 κατ' ὅτιαν ἐστίν, ὡς ἐκ τῆς πατρὸς ἐκπορεύεται δι' ἡμῶν ἡντινέντος ἀφρα-
 γως ἐκπορεύμενον. *Spiritus sanctus sicut natura secundum sub-
 stantiam est Dei & Patris, sic & Filii secundum substantiam
 est, ut qui ex Patre substantialiter per Filium genitum inexpli-
 cabili modo procedit.* Non possum hic missum facere Basilium,
 qui in quinto adversus Eunomium libro, ubi quærit, cur Fi-
 lii filius non dicatur Spiritus sanctus, cum per ipsum procedat,
 sic ait: *Itaque Spiritum quidem ex Deo esse diserte predicavit
 apostolus, dicens, Spiritum qui ex Deo est, accepimus, & per
 Filium produsse palam fecit, cum eum nominavit Filii Spiritum,
 sicut & Dei.* Ἀλλ' ὅτι τὸ τὸ μὲν ἐκ Θεοῦ τὸ πνεῦμα ἐκ τῆς
 κήρυξις ὁ δὲ πᾶσι λέγων, ὅτι τὸ πνεῦμα τὸ ἐκ τῆς Θεῆς ἐκπο-
 ρεύεται, καὶ τὸ δι' ἡμῶν περικύβηται σαφῶς πιστοῖται ὅτι πνεῦμα ἐκ
 πατρὸς αὐτὸ καὶ Θεοῦ. Sic Patres Græci consensione una
 pronuntiant idcirco Spiritum sanctum esse Filii Spiritum, ut
 & Patris, quia ab Filio perinde atque ab Patre procedit,
 Mihi crede, Græci non sunt, qui aliter opinantur, etsi vultu
 & lingua se mentiantur Græcos. Tum Romanus ad Metho-
 dium conversus, Age, inquit, & elige. Tibi enim hoc incum-
 bit vel istis assentiri Patribus in ecclesia principibus, vel ad-
 jungere te nescio quibus hominibus, ecclesiam matrem misero
 modo dilacerantibus. Ab Patribus stare necesse est, inquit
Nicolaus: at cum multi sint, nonnulli forte, quod Methodius
 dixit, docuerunt, Spiritum nempe sanctum esse Filii, non
 quod ab ipso procedat, sed quod, exempli gratia, eandem
 cum Filio naturam habeat. Sit ita, inquit *Romanus*: at fate-
 ri saltem necesse est e sanctis Patribus Græcis plurimos & ple-
 rosque Spiritum sanctum interpretatos, Filii esse, quia ab eo

procedit. Rem adeo contestatam negare nemo omnium ausus est. Quare proposuit Romanus finem dicendi facere. Hoc enim, inquebat, tantum volumus ecclesiam Græcam, quæ Patrum dumtaxat ore loquitur, processionem Spiritus sancti ex Patre & Filio profiteri. Verum instante Nicolao compulsus est quod supererat absolvere. Quod quidem paucis sic exequi orsus est. Spiritum sanctum esse Filii idcirco dumtaxat quia ejusdem cum Filio naturæ est, Patrum nemo asseruit, asserere nemo potuit. Aut certe poterit dicere, cui allubebit, Patrem quoque & Filium esse Spiritus sancti : sunt enim ejusdem cum Spiritu sancto naturæ. Hoc vero maximopere ventant Patres. Gregorio Nysseno credes sic docenti : *Ἐκουὶ τὸ μὲν πνεῦμα, τὸ ἐκ Θεοῦ καὶ χειρὸς πνεῦμα εἶναι, ὃ ἡ ὑδὸς ἐκ τοῦ Θεοῦ ὢν, ἐκείν καὶ τὸ πνεῦμα, ἃ περὶ ἵσιν, ἃ περὶ λέγει· οὐδὲ ἀντιστρέφει ἡ σχετικὴ ἀκολουθία αὐτῇ. Itaque Spiritus quidem, Dei & Christi Spiritus est; Filius autem cum ex Deo sit, non item est, vel dicitur esse Spiritus sancti : neque enim hac relativa consecutio convertitur.* Si contra Patrum atque ecclesiæ communem mentem, pugnas nihilominus Patrem & Filium esse quoque Spiritus sancti : quæro abs te quid significes his vocibus, quas Christianus homo nemo hactenus audiit. Dici enim non potest, quia eadem est in Patre & Filio natura quæ in Spiritu sancto, propterea Patrem & Filium esse Spiritus sancti. Nempe si eandem haberent albedinem parietes duo, non continuo paries unus esset alterius. Ergo cum affirmas Patrem & Filium esse Spiritus sancti, oportet ista significatione affirmes alterutrum, Patrem & Filium esse Spiritus sancti vel principium, vel quasi quod a principio est. Non sunt autem Pater & Filius Spiritus sancti sic tanquam ab eo sint ut principio : sunt igitur Spiritus sancti dumtaxat ut principium. At sicut causa non dicitur esse effectus sui, non enim dicitur sol luminis, sed dicitur effectus esse causæ, ut lumen solis. In hunc modum, cum Pater sit Spiritus sancti, quemadmodum aiunt Græci, causa; dici quidem potest Spiritum sanctum esse Patris, sed non vicissim Patrem esse Spiritus sancti, nisi addas, causam vel principium. Sic bene sciteque profitemur Filium esse Patris sine addito, non item Patrem esse Filii, nisi adjungamus, Patrem : hoc modo, Pater est Filii Pater. Ergo cum

Spiritus sanctus non sit Patris aut Filii principium, dici jure nullo potest Patrem aut Filium Spiritus sancti esse. Hæc cum audiret *Methodius*, indagaretque apud sese, quid responderet, venit illi in mentem legisse vel audisse se aliquando, eo Patres probare Filium esse Patris proprium, quia consubstantialis ipsi est. Quare apud Romanum contendit, cum Spiritus sanctus ὁμοούσιος Filio sit, ejusdem scilicet cum ipso substantiæ, posse merito Filii esse, id est, Filii proprium dici. Non repugnabo, excepit *Romanus*, si illam perinde vocem accipias atque intellexerunt Patres. Dic quod Cyrillus dial. 1. de Trin, ὁμοούσιος εἶπερ ἐστὶν ὁ υἱὸς τῆς πατρὸς, ὅτι αὐτὸν τὸ ἐν αὐτῷ καὶ φύσιν καὶ οὐσιωδῶς ἐστὶ. Si Patri Filius consubstantialis est, ex ipso & in ipso secundum naturam substantialiter existit. Dic, inquam, & profiteri pariter: Ex Filio & in Filio existit Spiritus sanctus, si Filio est consubstantialis. Nam ut recte advertit Basilii in epistola ad canonicas, quæ 300. numeratur, si vocem illam stricta & accurata notione percipias: οὐ τὰ ἀδελφὰ ὁμοούσια ἀλλήλοις λέγει, ὅπερ πρὸς ὑπερίληψιν, ἀλλ' ὅταν καὶ τὸ αἶνον, καὶ τὸ ἐκ τῆς αἰνῆς καὶ ὑπαρξίν ἔχον τὸ αὐτῆς ὑπαρξὴ φύσεως, ὁμοούσια λέγει. Quæ fraterna sunt, non dicuntur sibi invicem consubstantialia, quod multi opinati sunt; sed quando ejusdem sunt nature, & causa, & quod ex causa habet ut existat, tum consubstantialia dicuntur. Quo sensu si consubstantialis est Filio Spiritus sanctus, vel ipse causa Filii esse debet, Filiusque ab eo procedere, quod sana mente nemo proferat; vel procedere ipse existereque debet a Filio, quod Patres docent. Ergo si cum Patribus & loquimur & sentimus, cum dicimus Spiritum sanctum esse Filii, quia ab Filio procedit, vel quia consubstantialis est Filio; idem unumque modis duobus exponimus. Quod ut pervideas penitissime, vide quot modis aliqua possint appellari consubstantialia. Tribus, nisi falluntur magistri. 1. ea quæ naturam habent eandem, sed distinctam atque divisam, eamque ab diversis acceptam principiis, ut Salomon Davidis filius, & Alexander Philippo genitus. Hæc certe consubstantialitas non efficit ut alter alterius sit, ac longe ab ea consubstantialitate discrepat quæ Filium inter & Spiritum intercedit. 2. Consubstantialia sunt quæ natura gaudent eadem, ab eodem deducta fonte, ut Jacobus & Joan-

nes apostoli ab Zebedæo prognati. Et hi fratres sunt & unius parentis filii. At Filius Dei & Spiritus sanctus, etsi eandem habent ab eodem derivatam fontem naturam, non ex eo Spiritus sanctus habet ut sit Filii, alias & Filius quoque esset Spiritus sancti, & essent invicem fratres, tum Spiritus sanctus Patri quoque Filius existeret, atque ita cum duo essent in Trinitate Filii, non posset Christus dici unigenitus Filius. 3. Ut tradidit Basilius, consubstantialia nominantur, quæ sic ejusdem naturæ sunt, ut illam aliud ab alio communicatam habeat. Ita Filius in Trinitate consubstantialis est Patri, Patri autem & Filio Spiritus sanctus, quia Spiritus sanctus ab Patre & Filio est, & Filius ab Patre solo. Manet, inquit *Nicolaus*, quod demonstrasti, non posse ex eo præcise dici Filii esse Spiritum sanctum, quod ejusdem cum ipso naturæ sit, nisi eam ab illo ut ab principio hauriat. Id enim vel ab obstinatissimis tua evincunt argumenta. Sed affirmabit aliquis, Spiritum sanctum esse Filii, quia cum Pater suam Filio suo naturam tribuit, tradit & Spiritum suum. Qui catholice sentiat, inquit *Romanus*, nemo id affirmabit, ne Filium ponat origine & ordine posteriorem Spiritu sancto, quem fides Spiritu sancto priorem collocat. Ita enim si se res habet, intelligitur Pater prius habere Spiritum, quam Filium gignat: quandoquidem, cum illum gignit, suum illi communicat Spiritum, id est, cum quem habet. Hoc vero quam severe Patres damnant! Basilius ep. 78. ὅτι φάσκει διὰ τὰς τὴν ἀκολουθίαν, ἣν παρέδωκεν ἡμῖν ὁ κύριος, ἀναμείβοντας, ὡς φανερῶς μαρομήνης τῇ ἀληθείᾳ, καὶ ὑπὸν μὲν προτάσσοντας τὸν πατέρα, ὑποὶ δὲ τὸ πρῶτον προσηύχοντας. ἀκίνητον γὰρ καὶ ἀπαρχειρῆστον φυλάττειν προσήκει τὴν ἀκολουθίαν, καθὼς αὐτῆς τὸ κυρίου φωνῆς περιλάβομεν, εἰποῦς, πορεύομεν μαθητεύσασθαι πάντα τὰ ἔθνη βαπτίζοντες αὐτοὺς εἰς τὸ ὄνομα τοῦ πατρὸς καὶ τοῦ υἱοῦ καὶ τοῦ ἁγίου πνεύματος. Fugere eos oportet, qui quem tradidit nobis Dominus ordinem mutant, ut qui aperte cum veritate pugnent, & Filium quidem ante Patrem collocant, & Spiritum sanctum praponunt Filio. Decet enim immotum & incorruptum servare ordinem, quem ex ipsa Domini voce accepimus, cum dixit, Euntes docete omnes gentes, baptizantes eos in nomine Patris & Filii & Spiritus sancti. Id ipsum urget gravius in epist. 300. quæ ad canonicas:

ἢ ἂν τὴν τάξιν χροτομία αὐτῆς ὅτι ὑπάρξας ἀδέκον ἐχει, καὶ ὅλως ὅτι πίστεως ὅτι ἀφ' ὧν ὁμοίως ἔν ὅτι ἀσθεῖς, καὶ ὅτι ὅτι χροτομ πνεύμα κατὰ τὴν, καὶ ὅτι πνεύμα αὐτό, ἢ ὑποῦ, ἢ πατέρες, ἢ καὶ ὅτι χροτομ, ἢ καὶ τὴν τάξιν. *Nova ordinis designatio ipsius existentie everfionem infert, & est fidei totius abnegatio. Perinde igitur impium est, & ad creature conditionem deprimere Spiritum, & illum ante Filium aut Patrem, sive temporis, sive ordinis ratione collocare.* Causam affert epist. 43. quod scilicet Spiritus sanctus hanc personalis proprietatis notam habeat, ut post Filium & cum Filio cognoscatur, atque ex Patre subsistat. τὸ πνεύμα τῶν τοῦ γνωρίζον ὅτι καὶ τὴν ὁμοίαν ἰδιότητος σημεῖον ἐχει, τὸ ὅτι ὅτι ὑποῦ ὅτι σὺ αὐτῶν γνωρίζον, ὅτι τὸ ἐκ τῶν πατέρων ὑποῦ. Unde merito scripsit Athanasius in ep. ad Serapion. Spiritum sanctum talem ordinem & naturam habere ad Filium, qualem Filius habet ad Patrem. τοιαύτω τάξιν ὅτι φύσιν ὁμοίαν ὅτι ὑποῦ, οἷον ὅτι ὑποῦ ἐχει πρὸς τὸν πατέρα. Et Epiphanius hæc. 74. πνεύμα ἄγιον πνεύμα ἀλλοδαπὸν ὅτι φῶς τρίτον ὅτι πατέρες ὅτι ὑποῦ. *Spiritus sanctus ex Patre & Filio lumen tertium existit.* Ordinem vero illum quem fide in Deo agnovimus, videbat olim Georgius vester Trapezuntius, cum scriberet ad Joannem Cuboclesium, esse triplici maxime ratione necessarium: 1. quia bonum quoddam est, quo carere divinitas non potest: 2. quia in multitudinem qualibet si ordo non est, confusio est; quam in personarum divinarum pluralitate vel cogitare nefas est: 3. quia trinitatis nomen tria dicit non disparata, sed ad sese invicem relata; qua relatione si careant, tria sunt, non trinitas. Ergo Filius prius intelligitur esse, quam Spiritus: atque adeo dici non potest, cum gignitur, tum communicari illi Spiritum, qui nondum ratione originis extare concipitur. Deinde, cur ais Filio Spiritum communicari a Patre? An quia communicatur Filio divina natura, quacum Spiritus sanctus unum idemque est? At Pater unum etiam idemque est cum natura. Ergo dicendus quoque Pater est Filio communicari, & Pater esse Filii, qua ratione Spiritus sanctus esse Filii creditur. Rem inspicere, atque intelliges non alia ratione communicari Filio Spiritum ab Patre, quam quia vis illum spirandi ipsi communicatur ab Patre, atque adeo id quod ab ipsa virtute procedit, nempe ipse Spiritus sanctus. Et est denique

Spiritus sanctus Filii Spiritus, quia ab Filio sicut à Patre natura illi divina transfunditur. Pervicax sim, inquit *Nicolaus*, si tecum super ea re contentionem moveam. Sed quid ad illos qui idcirco Spiritum sanctum dici contendunt esse Filii, quia in Filio est & conquietitur? Responso in promptu est, ait *Romanus*. Quid est enim Spiritum sanctum esse in Filio? Vel id ipsum est, quod Spiritum sanctum naturæ sive divinitati Filii esse insitum, eamque cum ipso habere unam & propriam. Quo sensu dici non potest Spiritum sanctum esse Filii, aut pariter asseras Patrem & Filium esse Spiritus sancti. Est enim uterque naturæ Spiritus sancti insitus, eamque habet unam eandemque ac propriam. Vel id ipsum est, quod Spiritum sanctum esse terminum amoris inter Patrem & Filium, mutui, qui terminus cum sit in amante, (amor enim in amante est) & Filius sit ille amans sicut & Pater, profecto in Filio est, ut est in Patre. Verum esse hac ratione in Filio, hoc est ipsum, quod ab illo procedere immanenti voluntatis actione: quare ideo in ipso est, quia ex ipso. Unde solent Patres Græci duo illa conjungere: ex ipso est, & in ipso. Ut Cyrillus in commentariis ad Joëlem: ἢ μὲν ὅτι Θεὸς καὶ ἐκ Θεοῦ καὶ φύσιν ὁ υἱός, (γενέτι) καὶ ἐκ Θεοῦ καὶ πατρὸς ἴδιον αὐτὸς τὸ ἐν αὐτῷ καὶ ἐξ αὐτοῦ τὸ πνεῦμα ὅτι, καὶ ἀπὸρ ἀμύλῃ καὶ ἐπ' αὐτῶ νοεῖ) τὸ Θεοῦ καὶ πατρὸς. *Qua Filius Deus est & ex Deo secundum naturam, (gignitur enim ex Deo & Patre) proprius est ejus, & in ipso & de ipso est Spiritus, sicut utique & in ipso intelligitur Deo & Patre.* Aderat in cœtu junior quidam monachus, Latinis non parum infensus, haud alia de causa quam ut apud suos magis Græcus videretur. Cum audiit tot eximia Cyrilli testimonia, quibus tam perspicue Spiritus sancti ab Patre & Filio processio comprobatur, tenere impatientis animi motum non potuit, & elata voce, Nescio, inquit, unde nobis dicta illa omnia devexit bonus ille Cyrillus, planè cum Latinis hodiernis eloquitur vir Græcus. Arrisit *Romanus*, & amice religiosum illum sacerdotem intuitus, Forte, inquit, aliquis de ipso existimaverit quod ab viris, credo, non admodum sobriis de Athanasio magno dictum est, cum legerunt in ejus symbolo, *Spiritum sanctum esse ab Patre & Filio, non factum, non creatum, nec genitum, sed procedentem*; hæc Athanasium scripsisse

*Spiritum sanctum con-
quiescere in
Filio, id ipsum
est, quod ab
Filio proce-
dere.*

vino captum, & dejectum mente. At tu qui bonum appellas Cyrillum, procul abes ab ista contumelia. Effet enim non bonus, sed nequissimus Cyrillus, si se vir Patriarcha hoc vitio polluisset. Certe loquitur cum Francis, quia cum iis Patres cæteri loquuntur, nec depromunt pro libidine quæ de Spiritus sancti processione Franci profitentur. Acceperunt ea non ab suis modo Patribus, sed a Græcis, & ex ipsis sacrorum codicum penetralibus. Tum *Nicolaus*, Patere, inquit, Romane, rem exhauriamus funditus: superest unum quod audiui nonnullos respondere, *Spiritum sanctum scilicet esse Filii, quia a Filio mittitur*. Pace illorum, reposuit *Romanus*, ego dixerim adstipulantibus mihi Patribus, Spiritum sanctum non ideo esse Filii, quia mittitur ab Filio, sed ab Filio e contra mitti illum, quia ipse est. Nam qui eum mitteret, qui suus non esset? Huc revoca quæ legunt Græci & canunt in officio Pentecostes, ubi Christum istis inducunt vocibus suos solantem discipulos: *Spiritum meum qui & Patris est, ad vos mittam, qui vobis sit alius quasi ego ipse Paracletus*. Vides ut prius suum esse illum dicit, tum mittendum a se promittit. Sic enarro, quia illos adverto, cum mitti aiunt Spiritum sanctum, missionem eam spectare, qua aliquid in tempore ab Spiritu sancto in rebus creatis efficitur, quod quia fit dante atque una operante Filio, idcirco volunt Filii esse Spiritum. At si missionem illam intelligerent quæ ab aeterno & semper est, verum omnino esset, ideo Spiritum sanctum esse Filii, quia ab Filio mittitur, id est, emittitur, profunditur, profluit, procedit & apparet. Quamquam externa illa quæ perficitur in tempore, missio Spiritus sancti, & ab Filio fit, argumentum est emissionis illius sempiternæ, qua procedit ab Filio Spiritus sanctus. Nam mitti aliquis non potest, nisi mittentis vel imperio, vel consilio, vel vi, vel natura: imperio, si dominus est; consilio, si sapientior; vi, si fortior; natura denique, si principium est, unde emanet & effluat. Filius mittit Spiritum sanctum. Hoc de se ipse testatur Joann. c. 15. *Cum venerit Paracletus, quem ego mittam vobis a Patre*. Quis porro mittit? An ut dominus? Vetat id utriusque æqualitas. An ut sapiens minus scientem? Non patitur quæ in utroque eadem est sapientia. An vi? quo modo impellitur, vel invitatus, qui debilior.

Fieri

Fieri illud non potest, ubi eadem est in utroque cum potestas, tum voluntas. Superest igitur ut Filius Spiritum sanctum natura mittat, ut fons aquam, & lux radium. Dixi ab Filio natura mitti Spiritum, quia sic didici ab Cyrillo Joannis evangelium commentante, ubi ait : ἀπερχόμενος τὴν ἐμοίοντα τὴν υἱοῦ πρὸς τὸ ἴδιον ὑπὲρ ἐ παρ' αὐτοῦ καὶ φύσιν ἀεχέειν πνεῦμα. *Filium similitudinem habere nulla re differentem cum proprio sui ipsius Spiritu, qui ab ipso naturaliter profunditur.* Et in epist. ad Nestor. quæ refertur in concil. Ephes. parte 1. cap. 25. in eundem modum loquitur, ut mox commemorabamus. Quid sit autem profundi a Patre, docet in hoc ipso concilio part. 3. cap. 43. καὶ ἀεχέει, ἡ γὰρ ἐκπορεύει, profunditur, id est, procedit. Natura ab Filio mitti Spiritum sanctum asserui, sicut fons aquam emittit, quia sic asseruit Chrysostomus in sermone, nisi fallor, de baptismo, ubi quædam scripturæ loca explanat. ὁ γὰρ τὸ τοῦ σωτῆρος δίκτυον ἐαυτὸν πηλὴ ζωῆς, ἔκ δὲ ζωῆς τὸ πνεῦμα τὸ ἅγιον. *Propterea salvator ostendit se fontem vitæ, & viventem aquam esse Spiritum.* Addidi, & mitti ab Filio Spiritum, ut radius a luce emittitur, quia Græci suis in precibus, Patrem soli, Filium lumini, radio Spiritum sanctum procedendi modo scribunt similem, 2. quadragesimæ hebdomada, τῇ πέντῃ εἰς τὸ ὁρθεῖν. *Filium ex Patre & Spiritum glorifico, ut ex sole lumen & radium : illum quidem generandi via, quia genitum ; hunc vero emittendi, quia emissum.* ὕψος ἐκ πατρὸς ἔστι πνεῦμα δοξάζω, ὡς ὅτι ἡλὶς φῶς ἔστι ἀκτῖνα· καὶ μὴ γυνηκῶς, ὅτι ἔστι γυνῆμα· τὸ δὲ πνεῦμα τὸ ἅγιον, ὅτι ἔστι πνεῦμα. Scitis autem a sole esse & lumine radium, qui quotidie & radium solis & radium luminis appellatis. Quod cum intelligerent sancti Patres, viderentque in divinis idem esse mitti atque procedere, sæpissime processionem emissionis nomine explicant. Et in primis Joannes Damascenus in primo de fide orthodoxa libro. Ea dicis, inquit *Nicolaus*, quæ & mihi nondum erant satis percepta, & verò videntur proxima. Unum est quod difficultatem movet. Quis fieri enim potest, ut missio idem sit quod processio, cum hæc ab æterno sit, illa in tempore, & missioni, ut apparet, initium sit aliquod, nullum processioni ? Rem tibi, respondit *Romanus*, facio planissimam exemplo solis. Finge illum ab æterno existere. Necessè tum

erit ut radios ab æterno mittat : continuo nempe illos vi naturæ suæ effundit. Pone terram nondum esse, nihilo ille fecius radios emitteret ; in terram autem non effunderet, quam nondum esse cogitavimus. Jam cogita illam a Deo procreari, tum solis ad eam mittentur radii, qui ab æterno emittuntur. Eodem ferme modo ab Patre & Filio Spiritus sanctus mittitur ab omni retro æternitate, cum æternum ab utroque procedat ; non dicitur tamen discipulis missus nisi in tempore, quia ipsi ante tempora non extabant. Cum extiterunt autem, & illapsus in ipsos est Spiritus, & ea in illis effecit quæ amoris divini propria sunt. Missus esse ad eos dictus est, non quod mitti cœperit absolute, sed quod tum illis se primum infudit. Est ergo missio Spiritus sancti, cum spectatur in sese, æterna ac sempiterna ; cum vero res creatas in quibus operatur, intuemur, nova videri & esse potest. Hæc demonstrante Romano, meridianæ horæ signum datum est. Tum *Nicolaus*, Deus bone ! inquit, quam incitato nobis lapsu fluxerunt horæ ! Audiendo vos quidem quievimus præ suavitate dicentis & utilitate dictorum. Sed defatigatum esse oportet Romanum tam erudite & copiose differentem, & opportune hora nunc infonuit, cum exhausta quæstio est. Quare demus respirandi locum. Cætera vero quæ supersunt e nostris petita libris argumenta, vespertinis precibus exolutis pro sua humanitate persequetur. Assurgebant omnes, cum *junior ille monachus*, cujus modo meminimus, Unum, inquit, restat, quod quia paucis exponi potest, illud bona vestra venia Romano objiciam, ne quid mittamus e questione intactum. Cum dicitur Spiritus sanctus esse Filii, ejusque proprius, id attribuitur fortasse Filio, non qua Filius est simpliciter, sed qua Verbum caro factum, & homo est. Tamen enim non ad mensuram dedit illi Spiritum Pater, ut enarrat in evangelio Joannes. Arrisit *Romannus*, & Fuit ergo, fuit, inquit, si te audimus, Filius Dei æternitate tota sine Spiritu, eumque tum demum adeptus est, cum factus est caro. Quam erravit Cyrillus, ubi Spiritum sanctum ab Filio profundi scripsit sicut ab ipso Patre, idque naturaliter & substantialiter ! Quam parum vidit Chrysostomus, quando Filium tradidit fontem esse aquæ viventis, & aquam illam esse Spiritum sanctum ! neque enim fontem il-

lum credidit arescentem & vivente aqua vacuum. Quam hallucinati sunt Basilius, Gregorius Nyssenus, Maximus, & Epiphanius, cum ex eo Spiritum sanctum esse Filii docuerunt, quia ab ipso existit & ex ipso, & per ipsum procedit, ut superioribus testimoniis ostendimus ! Sic existimo equidem tutius esse cum veteribus illis & sanctissimis magistris hallucinari, quam sapere cum novis. Erubuit ad ista junior ille adversarius, &, Tecum sum, reposuit, veteres sequi perplacet : pudet diutius obloquendo molestiam tibi, cæterisque religiosissimis patribus facessere.



DIALOGUS III.

Continuatio superioris argumenti.

POST peractum vespere diei torius sacrum officium, cœnamque absolutam, cum iterum colloquii gratia religiosi Patres convenissent, Romanum cœperunt urgere, ut quæ haberet reliqua e Græcorum libris argumenta proferret, quo quid sentiant de Spiritus sancti processione magis ac magis innotesceret. Reluctabatur ipse, quod satis superque matutinis horis in hanc rem dixisset, qua de superesse dubium jam non posset omnino ullum, sibi hoc unum incumbere, ut si qua mentem alicujus difficultas premeret, eam, postquam esset proposita, depelleret atque discuteret. Fac neminem, inquit *Nicolaus*, quidquam ex dictis jam vocare in controversiam posse. Non nescis quæ sunt etiam contestatissimæ veritatis, ea variarum adjunctione rationum & multiplici exemplorum explanatione firmari. Age igitur & edissere. Ut tibi non obsequar, reposuit *Romanus*, fieri non potest. Voris tuis debemus, quod res ipsa non exigit; sed paucis perstringam omnia. Ac primum hoc abs te velim, ut salutis ac fidei nostræ signum, tibi crucem imprimas cum iis quibus utimur verbis: *In nomine Patris & Filii & Spiritus sancti, Amen.* Quod cum fecisset *Nicolaus*, Ecce, pergit *Romanus*, ecce verbis & facto processione Spiritus sancti ex Patre & Filio professus es. Quî porro illud, inquit *Methodius*? novum enim hoc &

inauditum hætenus argumenti genus est. Ut ut sit, inquit *Romanus*, validum est, attende. Manum apponis fronti, coque loci appellas Patrem, quo superius in Trinitate nihil est, quemadmodum in corpore nihil altius est capite. Tum illam ad uterum, prolis scaturiginem demittis, ut Filium quem hic nominas, indices genitum a Patre: ait enim, *Ex utero ante luciferum genui te*. Atque eam demum mediam caput inter sinumque circumfers dicto Spiritus sancti nomine, ut significetur Spiritus sancti ab Patre Filioque processio, quemadmodum ab capite & utero hic manus tuae motus deductus est. Quin multo amplius vos Græci facitis quam nos Latini. Ab dextera enim ad sinistram progredimini, quando Spiritum sanctum efformata cruce invocatis. Cum autem Filius, ut testantur facti codices Exod. 15. Deut. 32. Psalm. 117. dextera sit Patris, & probat ex eo Cyrillus Alexand. l. 9. contra Julianum, quod *ὅτι αὐτὸς ἢ πᾶσα ὅλη ἐνέργεια τῆ πατρὸς*, *Omnis operatio Patris per ipsum est*. Cum, inquam, Patris dextera Filius sit, vosque a dextera pergitis ad sinistram, videmini dicere ab Filio procedere Spiritum sanctum, quem hinc derivari signo illo repræsentatis. Derivas tu, reposuit *Methodius*, rem nostram ingeniose in tuum commodum. Sed ut apparet ex ore aspectuque tuo, vim hic non facis. Et certe non ea mente manum ducimus in transversum. Hoc tantum volumus, formare crucem. Id ipsum omnes volunt, inquit *Romanus*, & Trinitatis præterea mysterium, quo possunt modo describere. Et si Filii processionem ruanum ab capite ad uterum demittendo exhibetis, fieri non potest ut reliqua actione Spiritus processio non adumbretur. Sed quia te manu cepi, non statim dimittam. Manum explica, & explicando responde. Num vere Filius per quem omnia facta sunt, dextera Dei dicitur. Quis negat, inquit *Methodius*? hoc fateor. Et unde, subiecit *Romanus*, unde exit & existit digitus hic tuus. Cur postulas, inquit *Methodius*, quod oculis patet? e dextera procedit. Tum *Romanus*: Dic modo, quis Dei digitus appellatur? Si audis evangelium, Spiritus sanctus est. Nam quod dixit Christus Luc. 11. c. *In digito Dei ejicio demonia*, ipse in Matthæo c. 22. interpretatus est, *In Spiritu Dei ejicio demonia*. Ergo si Spiritus sanctus digitus Dei est, & Filius dextera, necesse est, ut

quemadmodum e manu digitus, sic Spiritus e Filio procedat. In hoc vim tecum volo facere. Nos tecum nolumus, inquit *Methodius*; placet audire benevole: jam perge. Dum crucem tibi imprimis, inquit *Romanus*, Patris & Filii & Spiritus sancti nomen effers. Quid est quod ex mandato *Christi*, ut aiunt Patres, Spiritum sanctum appellas ordine tertium, tamque necessario, ut illum mutare ordinem, perinde sit, Basilio teste, atque fidem ejurare. *πνεῦμα ἄγιον*, quemadmodum tradit Epiphanius hæc. 74. *πνεῦμα ἀληθείας*, ἔστι φῶς τρίτον ὡς πατρός & υἱός. *Spiritus sanctus Spiritus veritatis, tertium ex Patre & Filio lumen est.* Cur tertius & post Filium? Respondet Epiphanius: Quia *Spiritus est veritatis*, id est, Filii, quia *ex Patre & Filio est*. Rationem nullam aliam divini hujusce ordinis reperire est. Filius enim Spiritu sancto prior non potest intelligi vel temporis, vel loci, vel excellentiæ prærogativa, cum sit utriusque æternitas, immensitas, atque amplitudo una. Neque prioritas illa solius est cognitionis, quasi prius, audito Patris nomine, Filii nomen occurrat, quam Spiritus sancti: quia, ut ex Basilio magno retulimus, non petitur ordo ille ab nostra cognoscendi ratione, sed ab ipsa petitur divinitatis natura, & Dei existentia, habetque Spiritus sanctus personalem hanc notam, ut sit post Filium, quo Filius ipse modo post Patrem est. Superest ergo ut origine sola tertius sit, & appelletur: quia scilicet Filius a Patre, & Spiritus sanctus a Patre & Filio est. Dicti auctores habeo sanctissimos impurissimi Eunomii hostes Basilium magnum, & Gregorium Nyssenum. Ac Basilius quidem libro contra Eunomium 3. sic scribit. *ἀξιωματικὸν μὲν διηπερίεργον τὸ υἱὸν (τὸ πνεῦμα) παρ' αὐτοῦ τὸ εἶναι ἕχρον, & παρ' αὐτοῦ λαμβάνον καὶ ἀναγγέλλον ἡμῖν, καὶ ὅλως σκείνης τὸ αἰτίας ἐξημερόν, ὡς αἰδωσιν ὁ τὸ δουλεύειν λόγος.* Dignitate (originis) secundum esse ab Filio Spiritum, ut qui ab ipso esse habeat, & ab ipso accipiat, & annuntiet nobis, & omnino ab illa causa dependeat, tradit pietatis sermo. Mitte hunc locum, inquit *Methodius*, depravatus est, tum multorum additione verborum, tum unius decisione voculæ: sic enim in multis & antiquis legimus. Dignitate secundum esse a Filio Spiritum tradit fortasse pietatis sermo. Non leguntur quæ adjecisti; legitur, quod tacuisti, vox ista fortasse. Vox hæc, inquit *Roma*

nus, quam a me quereris prætermittam, extare apud Basilium non potest: & sicubi in ejus libris apparet, dolo malo huc immittam vel qui cæcutit, videat. Nam, ut recte disputat Petavius, vir e nostris omni scientiarum genere, & forma virtutum ornatissimus, Spiritum sanctum esse ab Filio dignitate secundum, vel falsum omnino credidit Basilius, vel verum, vel de eo dubitavit. Si falsum judicasset, non scripsisset, *tradidit fortasse pietatis sermo*: sed contra, pietatis sermo id rejicit, & os penitus Eunomio præclusisset colligenti, Spiritum sanctum natura secundum esse ab Filio, quod secundus dignitate & ordine existeret. Negaret enim dignitate secundum existere, vimque argumenti ipso in principio elideret, diceretque pietatis sermone nusquam id tradi. Dices dubitasse: at non potuit, qui hoc tam asseveranter, tam constanter docet descriptis supra in locis. Quod si nec falsum existimavit Spiritum sanctum esse secundum a Filio, nec dubitavit quin secundus esset, necesse est ut verissimum judicaverit. Adeoque videtur vocula dubitandi usus non esse. Primo enim sic vexat Eunomium exprobratione ignorantiae, qui cum accepisse se diceret ab Patribus Spiritum sanctum dignitate & ordine inter personas divinas esse tertium, horum neminem poterat appellare. Tum ejus carpit audaciam, qui cum non posset, quod minus, tentaret, quod majus est, ex eo scilicet quod Spiritus sanctus dignitate & ordine tertius sit, efficere, natura quoque esse tertium. Quod postremum in divinis dogmatis legi non potest. Potest autem prius illud. Nam *dignitate secundum esse a Filio, ut qui esse ab illo habeat, & ab ipso accipiat, & annuntiet nobis, & omnino ex illa causa pendeat, pietatis sermo tradit*. Non hinc tamen tu merito inferas Spiritum sanctum inferioris cujusdam esse naturæ. Vide quam recte hæc sese consequantur, quam & apta sint atque connexa, quamque traditæ aliis in locis ab Basilio doctrinæ consonent. Verum si Basilius ea re tibi satis non facit, ecce tibi frater ejus Gregorius Nyssenus, quem in Menæo Græci suo ad 10. Januarii ardentissimum orthodoxæ fidei defensores & doctissimum pugilem deprædicant. Is primam suam contra Eunomium orationem sic concludit, ut non tantum Spiritum sanctum ordine posteriorem esse Filio doceat, propterea quod a Filio est, ut a principio; sed etiam

neget Filium inter & Spiritum sanctum posse ullum personarum esse discrimen, nisi hic ab illo sit & procedat. ὁ δὲ αὐτὸς ἡμῶν καὶ αὐτὸ τὸ ἀγίον πνεύματος λόγος ἐν μόνῃ τῇ τάξιν τῶν ὁμοφροσύνων ὡς καὶ συνάπτεται πατρὶς ὁ υἱός, & τὸ ἐκ αὐτοῦ ἐκτείνων, ὡς ἐκτείνει καὶ τὸν ὑπαρξιν. ἔπειτα πάλιν & τὸ μονογενὲς ἐκτείνων τὸ πνεῦμα τὸ ἀγιον, ἐπινοοῖα μόνῃ καὶ τὸ αἰτίας λόγον θεωρεῖται τὸ πνεῦμα τὸ ὑποστάτως. αἱ δὲ χρονικαὶ ὁδοὶ αἰτίας ἐπὶ τὸ θεωρεῖν ζωὴς χώραν οὐκ ἔχουσιν. ὥστε τὸ λόγος τὸ αἰτίας ὑπεξηρημεύει, ἐν μνηστῇ τῶν ἀγίων τριάδα πρὸς ἑαυτὸν ἀσυμφωνῶς ἔχειν. Qui de Filio, Idem, inquit, & nobis de Spiritu sancto sermo est, cujus in solo ordine differentia est. Nam quemadmodum connectitur Patri Filius, & ab illo habens ut sit; non existit tamen posterius. Sic rursus unigenito proxime haeret Spiritus sanctus, & cogitatione sola secundum causae rationem prius consideratur, quam persona Spiritus. Temporum quippe spatia, in illa vita, quae omni saeculo anterior est, locum non habent. Quare sublata principii ratione nullam sancta Trinitas habet in se differentiam. Accedat & Joannes Damascenus lib. i. de orthodox. fid. c. ii. ubi divinarum distinctionem personarum tradit ex parte causae & causati omnem esse. Unde cum distinguantur a se invicem Filius & Spiritus sanctus, distinctionis ex Damasceno ratio est, quia alius causa est, alius causatus. Porro Filii causa non est Spiritus sanctus: ergo Spiritus sancti causa est Filius. Et quemadmodum distinguitur a Patre Spiritus sanctus, quia ab ipso, ut Graecorum more loquar, tanquam ab causa existit; ratione non ab simili ab Filio discernitur, quia ab Filio existit, sic tanquam causa. Nunc collige omnia. Cum crucem tibi apponis appellata Trinitate sanctissima, Spiritum sanctum constituis ordine tertium. Tertius autem ideo est, quia ab Patre & Filio, ut ab causa est, & Spiritum eundem sanctum distinguis ab Patre & Filio. Distingui autem non potest, ut aiunt Patres, nisi ipsius principium sint Pater & Filius: ergo quoties te cruce signas, processionem Spiritus sancti ab Patre & Filio esse, sin minus explicite, at vere & necessario profiteris. O miram, exclamavit *Nicolaus*, vim oculorum tuorum & mentis aciem, qui processionem Spiritus sancti ab Patre & Filio ibi pervideris, ubi latere ipsam nemo forte hactenus suspicatus est! Illam, quae

so, perge nostris e libris patefacere. Annuit *Romanus*, & accepto in manus Menæo legit quod habetur ad 1. Januarii, ubi memoria S. Gregorii Theologi celebratur. εἰκὼν τῷ πατρὸς ἐστὶν υἱὸς, & τῷ υἱῷ τὸ πνεῦμα πρῶτον. *Filius apparuit*, id est, processit, *imago Patris*, *Filius vero Spiritus*. Tum cœpit sciscitari in hunc modum. Cur ovum cum sit alteri alicui ovo simillimum, non dicitur imago ejus? aut cur Filius dicitur sui imago Patris, minime vero Pater imago Filii, quamvis a sese invicem nihil vel in forma vel in natura discrepent. Quid dissimulare juvat in re aperta, inquit *Nicolaus*? ovum non est ovorum aliorum sibi persimilium imago, quia non similitudo quælibet imaginis obtinet nomen, sed ea dumtaxat quæ ab re, quam repræsentat, expressa est. Sic ovum pictum vel e marmore excisum ad ovi alicujus formam & modum ejus imago dicitur. Cumque Pater & Filius plane nihil similitudine discrepent, Filius Patris imago est, quia ab illo est; non Pater Filii, quia ab Filio non existit. Sic mihi quidem videtur, subjecit *Romanus*, & visum est olim Augustino nostro, lib. de Gen. ad lit. *Omnis imago*, inquit, *similis est ei, cujus imago est: nec tamen omne quod simile est alicui, etiam imago est ejus; sicut in speculo & pictura, quia imagines sunt, etiam similes sunt: tamen si alter ex altero natus non est, nullus eorum imago alterius dici potest. Imago enim tunc est, cum de altero exprimitur*. Nec aliter sensit Gregorius Nazianz. orat. 36. *Filius*, inquit, *imago est Patris, utpote ipsi consubstantialis, & quia ex illa est, non autem ex hoc Pater*. εἰκὼν δὲ, ὡς ὁμοῦστον, καὶ ὅτι τὸ ἐκείνου, ἀλλ' οὐκ ἐκ τούτου πατρὸς. Haud scio an vestrum aliquis aliud sapiat. Cum ad hæc nemo e Græcis responderet, ne suis se Patribus opponeret, ipsique rationi, sic ex dictis collegit *Romanus*. Omnis imago ex eo habet originem, cujus imago est, ut ex communi hominum omnium notione Patres edocent. Atqui, Græcis in Menæo suo testibus, Spiritus sanctus Filii imago est, ut Filius Patris: ergo Spiritus sanctus ab Filio habet originem, atque ex eo procedit. Jam vero Spiritum sanctum Filii esse imaginem non legunt Græci in Menæo solo, legunt apud Joannem Damascenum lib. 1. de orth. fid. c. 18. & apud Cyrillum in thesauro, & apud Basilium maxime lib. contra Eunomium 5, ubi perquirens, cur non

appelletur

Spiritus sanctus cum sit imago Filii, ab eo procedat necesse est.

appelletur Spiritus sanctus Filii filius, cum ejus imago sit, & tamen Christus, quod imago Dei existat, Filii nomen habeat; non responderet, quia Spiritus sanctus a Filio non procedit, procedit vero a Patre Filius. Quod statim reposuisset, si vere non procederet. Hoc unum dixit, Spiritum Filii appellationem non esse sortitum, ne Filii istius filius alter quæreretur, sicque fieret in infinitum progressio. Adverte autem quam perspicue & scite in allato testimonio loquantur Græci. Componunt enim cum Filio Spiritum sanctum, & illum aiunt esse Filii imaginem, ut Filius est imago Patris: (conjunctiva enim hic particula comparativæ æquivalet) at Filius est imago Patris, quia ab ipso procedit, eumque repræsentat. Est igitur Filii quoque imago Spiritus sanctus, quia ab ipso est, eumque repræsentat. Quamquam ratio imaginis Filio magis competit, quia ille, quo procedit a Patre, modus, ipsa formalis est, ut aiunt, repræsentatio: processio vero Spiritus sancti non est ejusmodi, sed inclinatio amantis. Non obstat hoc tamen, quin sit imago, quippe qui sic nihilo minus emanet, ut eum a quo est, exhibeat in sese. Nolim hodie tibi, inquit *Methodius*, quidquam concedere, nisi vi summa illud a nobis extorseris. Quare Spiritum sanctum repono non eo appellari imaginem Filii, quod existat a Filio, sed quod ipsum in se ostendat, atque manifestet: manifestat autem, quia ejusdem omnino naturæ consors elucet. Vi minime opus est, inquit *Romanus*, ut id responsi plane evertam. Nam ut superiora huc non revocem, si quia ejusdem cum Filio naturæ est Spiritus, idcirco ejus imago dicitur, erit & Pater imago Filii, & Filius Spiritus sancti: quod Christiano nemini venit haftenus in mentem. Ad rationem quidem speculi, satis est, ut rem vel ostendat, vel possit ostendere: sed esse imago non potest, nisi ab eo quod ostendit, sit expressa. Unde omnis quidem imago speculum est, sed non quodlibet speculum imago. Age nunc, subjecit *Methodius*, perge: nam ut istud, sic opponimus tibi aliquando quædam non lacessendi causa, sed experiundi & discendi. Alio, inquit *Romanus*, loquendi modo Spiritus sancti ab Patre & Filio processionem demonstrant. Patrem enim, ut memini me superiore loco dicere, cum sole, Filium cum lumine, & Spiritum cum radio comparant. Porro radium sic

*Multipli
exemplo Gra-
ci exponunt
processionem
Spiritus san-
cti a Patre
& Filio.*

esse a sole constat, ut sit etiam a lumine, cuius ἀπαύγασμα & splendor quidam est. Ita canunt e Triodio hebdom. 2. quadrages. τῇ πέυπῃ εἰς τὸ ὄρθρον, ad matut. ὃν ἐκ πατρὸς καὶ πνεύματος ἁγίου, ὡς ἐξ ἡλίου φῶς καὶ ἀκτῖνα· τὸ μὲν ἡλιώδες, ὅτι ἐκ ἡλίου· τὸ δὲ πνευματικόν, ὅτι καὶ πνεύματος. *Filium ex Patre & Spiritum glorifico: illum quidem generatione procedentem, quia proles est; hunc emissione, quia emissus.* Aliam adhibent in Odoecho similitudinem. Nam Patrem cum animo comparant; cum verbo mentali, quod ab animo producit, Filium; & Spiritum sanctum cum amore, qui ab animo & cognitione, siue verbo existit. Ita illi sono 1. τῇ κυριακῇ παρὰ ἐν τῇ μεσονυχτικῇ ode 1. ἵνα τοῖς ἀνθρώποις ἐνικνὺ τὴν τελευτὴν σου δηλώσης θεότητα, πλάσας πρὶν τὸ ἀνθρώπον καὶ τὴν αὐτὴν εἰκόνα διέμορφώσας, ἔνν αὐτῷ καὶ λόγον ἐκ πνεύματος ἁγίου, ὡς φιλοῦντες. *Ut hominibus unicam tuam Deitatem in tribus effulgentem personis exhiberes, hominem prius formans ad imaginem tuam effinxisti, animum illi & verbum & Spiritum, id est, amorem, largitus, ut amator hominum.* Atqui amor, ut diximus, existit ab animo & cognitione seu verbo: ergo & Spiritus sanctus ab Patre & Filio, quorum est amor, procedit. Nempe prius est, intelligendi ordine, Patrem cognoscere se, quam amare se. Cum se cognoscit, generat Filium, in quem gignendo sua omnia transfundit, adeoque & voluntatem amoris, id est, Spiritus, productricem. Quod autem in adducto testimonio πνεύμα significet amorem, ex eo patet, quod in animo hominis nullus sit sive flatus, sive anhelitus, sive spiratio, præterquam amoris. Amans vero πνέει, spirat, suspirat, adspirat ad amatum: ex quo terminus τὸ πνέειν seu adspirationis istius dicitur πνεύμα, spiritus, amor. Quo fit ut apud Græcos, quod erudire notavit Petavius, amator olim εἰσπνιγός aut εἰσπνιγός appellatus sit, teste Theocrito in Eidyllio x i. Amatus autem dicebatur ἀήτης, utraque voce ab spiratione & halitu derivata, priore quidem ὑπὸ τῷ εἰσπνιγῷ, inspirare; posteriore ὑπὸ τῷ ἀείν quod est flare. Eandem illam similitudinem Græci in eodem libro laudant sono 3. ἔνν καὶ λόγον καὶ πνεύμα οἱ θεόλογοι πνευματικῶς σε καλεῖσιν, ἀπαθὴ ἡνιόχοι ἐξ ἀνιόντες πατρὸς τὸ καὶ σηματοῦντες, θεὸν μόνον τὸν ὅλων, ἅμα καὶ τὸ πνεύματος θεῖον ἐκπνέουσιν. *Te, o Deus qui res*

*bus universis unus imperas, animum, verbum & Spiritum apte per figuram appellant; quo Filii ab Patre ingenito generationem commotionis expertem, unaque divinam Spiritus processionem significant. Legi olim alia quoque testimonia in Arabicis Græcorum libris, iisque sua vetustate commendandis. In eo, quem librum legis vocitant, ubi mentio habetur synodi œcumenicæ II. Patres definivisse dicuntur Spiritum sanctum e natura Patris & Filii existere: *Men thabiât elâb ou elebn*; vel ut scribitur in alio perantiquo libro, ex substantia Patris & Filii: *Men jouhar elâb ou elebn*. Hoc ipsum tradidit Epiphanius in Ancorato, & Cyrillus lib. comment. in Joann. 10. in hæc verba: *Non enim loquetur a semetipso. Non enim*, inquit, *alienus ab unigeniti substantia Spiritus sanctus intelligitur; procedit vero naturaliter ex ipsa.* *ποδοσι δὲ φυσικῶς ἐξ αὐτῆς.* Jam vero esse ex Patris & Filii substantia & natura, hoc ipsum est, quod esse ex Patre & Filio: quippe cum Pater aliud nihil sit, quam natura Patris, & Filius idem sonet quod Filii substantia. Testatur hoc Damascenus: *μένος ὁ υἱὸς ἡνωτός ἐν τῷ τῷ υἱῶς τῆ πατρὸς ἀσάρχεος καὶ ἀχρονῶς γὰρ ἦν*. Solus Filius genitus est. Est enim ex substantia Patris sine ullo temporis principio generatus. Nullum dubitandi locum in suo symbolo Nicæni Patres relinquunt. ubi credere se aiunt: *καὶ εἰς ἑνὰ κυριον Ἰησοῦν Χριστὸν τὸ υἱὸν τῆ Θεοῦ ἡνωθέντα ἐν τῇ πατρὶ καὶ μονοῦ ἡν, τὸ τῷ ἑνι, ἐν τῷ υἱῶς τῆ πατρὸς.* Et in unum Dominum Jesum Christum Filium Dei genitum ex Patre unigenitum, id est, ex substantia Patris. Sed nemo apertius loquitur Athanasio: *εἰδὲ ἀπλῶς πῶς ὅτι ὁ Θεὸς, ὡς ὅτι ἐν καὶ ἑστὶ, δὴ λῶς ὅτι λέγοντες τὸ Θεὸν καὶ ὀνομάζοντες τὸ πατέρα, ὡς ἐν πῶς παρὰ τὸν ὀνομάζοντα, ἀλλ' αὐτῷ τῷ υἱῶς αὐτοῦ σημαίνοντα.* Si Deus simplex aliquid est, ut est certe, manifestum est, quod cum dicimus Deum & appellamus Patrem, nihil nos quod circa ipsum sit, nominamus, sed ipsam ejus significamus substantiam. Quamobrem miror reperiri nonnullos, qui Spiritum sanctum esse ex substantia Patris & Filii interpretentur esse ejusdem cum Patre & Filio substantiæ. Perspectum enim est (ut Patrum auctoritati nihil demus) præpositionem ex processionis & originis esse notam. Quamquam ex eo, quod sit e Patre & Filio Spiritus, recte consequitur esse ejusdem cum utroque*

Athanas. de decret. Nic. synod.

substantiæ, & ejusmodi argumento Patres olim Macedonium oppresserunt. Verum admirabile est quod in alio annorum quingentorum, eoque amplius vetustissimo libro ad calcem Nicænæ synodi œcumenicæ legitur. Ubi enim fidei exponit fundamenta, & singulis sacræ Triados personis quæ propria cujusque sunt, adscribit, Spiritum sanctum docet *procedere ex Patre, atque e Filio emanare. Μυνετὲς q̄ men eláb, βáδερ men elebn.* Nolim in istis immorari diutius; abunde sunt quæ ex ipsis Græcorum fontibus protuli. Ut ut sit, inquit *Methodius*, nos Spiritum sanctum non alia notione describimus, quam quod *procedat a Patre, & in Filio conquiescat, τὸ ἐκ πατρὸς ἐκπορεύμενον, & ἐν υἱῷ ἀναπαύμενον.* Fierine potest, ait *Romanus*, ut postquam superiora audiisti, hic hæreas, itaque pronunties. Cum quietem illam Spiritus sancti in officio Pentecostes celebras, num canis in eodem pariter officio, τὸ πνεῦμα τὸ ἄγιον ὃ ἐκ ἀρχῆς παλαιοῦ πατρὸς, καὶ δι' υἱὸς περὶρχόμενον, Spiritum sanctum ex Patre perfecto principii ex-
perite, & per Filium procedere? Id in Orfoccho num reperis? num audis Patres Græcos, toties modisque tam variis Spiritus sancti processione ab Patre & Filio inculcare? an vero cum illum asseritis procedere a Patre, & in Filio conquiescere, dicto isto uno, alia quæ proutistis omnia, quæque accepistis a Patribus, vultis confutata & eversa? aut potius istud ea significatione occinitis, ut & superioribus pronuntiatibus cohæreat, & afferat firmitatem? Mihi plane sic videtur, Age enim, excute tuam ipse mentem, & inspicce, Quid illud est, emanare ab Patre Spiritum, & in Filio conquiescere? An quod ita exeat e Patre, ut desinat in ipso esse, & locum in Filio uno suum habeat? Amens sit & impius qui sic cogitet. Quia enim una est eademque personarum trium natura, etsi re ipsa personæ distinguuntur, non dividuntur tamen, sed sunt in se se invicem. Filius est in Patre, quia est in natura divina. Pater autem natura ipsa divina est. Pater est in Filio, quia est in natura divina, & Filius est hæc ipsissima natura. Spiritus sanctus in utroque est, & uterque in Spiritu sancto, quia ipse quoque natura divina est, in qua tum ipse, tum Pater & Filius existunt. Non tamen Pater est Filius, aut Filius est Pater, aut Spiritus sanctus uterque est: quia etsi divinæ illæ personæ una

*Spiritus
sanctum in
Filio conquiescere, id est,
atque ab Filio
procedere.*

sunt atque ipsissima natura divina, nec ab ea *realiter*, ut aiunt, distinguuntur: non est tamen Pater natura divina absolute sumpta, sed natura divina paternitatis modo affecta. Et Filius est illa quidem natura, sed filiationis consignata modo, ac pariter hæc natura eadem, ubi cum spirationis modo intelligitur, Spiritus sanctus est. Quare ut paternitas *formaliter* accepta esse filiatio non potest, sic nec Filius esse Pater, aut Pater Filius. Et quoniam spirans ab se ipso nequit spirari, sic Spiritus sanctus non potest esse Pater & Filius, ab quibus spiratur & emittitur. Cum igitur personæ omnes divinæ sint in sese invicem, unde est, ut potiore quadam ratione Spiritus esse dicatur in Filio, aut potius in Filio conquiescere? Non alia profecto, quam quod ex Filio procedit, estque terminus interioris illius, immanentisque operationis, qua sese Pater & Filius adamant. At terminus cuiuscunque immanentis actionis in eo, a quo procedit, principio conquiescit: ut visio in oculo, verbum in mente, amor in amante. Porro Spiritum sanctum caritatem esse seu divini amoris terminum non modo dicit Joannes apost. epist. 1. *Deus caritas est*. Non modo Paulus 2. Cor. 13. *Gratia Domini nostri Jesu Christi, & caritas Dei & Patris*. Ubi Athanas. ep. ad Serap. Spiritum sanctum ipsam caritatem esse edocet. *Cum sumus*, inquit, *participes Spiritus Verbi, gratiam habemus, & in ipso Patris caritatem*. Sed Græci ipsi in Oëtoecho sono 4. *ὁ λόγος πνεύματι θεολογῶντες φάμεν· Σὺ εἶ Θεός, ζωὴ, ἔσθς, φῶς*. Spiritui sancto theologicè dicimus: *Tu es Deus, vita, amor, lumen*. Et illud quoque ratio demonstrat, cum Deus intellectu ac voluntate præditus sit, nec facultates in eo istæ sterilitate laborent, quemadmodum producendi verbi vim intellectus habet, sic & voluntas vim habet amorem expirandi. Alias impar erit divina voluntas intellectui divino. Quod nemo dicat, qui Deum novit. Hic autem vide, quam certo Græci sentiant esse ab Filio Spiritum. Nam, ut illum aiunt esse in Filio per suam a Patre processionem, *ἐκ πατρὸς ἐκπορεύομεν & ἐν ᾧ ἀναπαύομεν*; ita ipsum esse in Patre profitentur per Filium, a quo scilicet accipit, ut existat. Aperite Oëtoechum sono 2. dom. ad mat. in Anabathmis, antiphona 2. *ὁ λόγος πνεύματι ζωαρχία καὶ γέρας· πάντα γὰρ τὰ κτιστα, ὡς Θεὸς αὐτὸν, δυνά-*

Spiritus sanctus amor est Patris & Filii.

μαι σωτηρεῖ, ἐν πατρὶ, δι' ἡς δὲ. Spiritui sancto vita, imperium & honor. Creati enim omnia, ut qui Deus est, virtute conservat in Patre, ut per Filium; a quo scilicet virtutem illam cum divinitate accipit. Per Filium est in Patre, & omnia conservat, & Deus existit. Hunc loquendi modum didicerunt a Patribus. Basilii ep. ad Serapionem: ὁ δὲ αὐτὸς ὅστις τὸ λόγος τὸ πνεῦμα, ἀλλ' ἐν τῷ λόγῳ ὄν, ἐν τῷ Θεῷ δι' αὐτοῦ ὄν. Non est, inquit, extra Verbum Spiritus, sed in Verbo existens, per ipsum in Deo est. Damascenus l. i. c. 18. Θεὸς τὸ πνεῦμα τὸ ἀγιοῦ μέσον τῶ ἀγιοῦ καὶ ἁγιοῦ, καὶ δι' ἡς τῷ πατρὶ συναπτόμενον. Deus est Spiritus sanctus medius ingenitum inter & genitum, & per Filium Patri conjunctus. Iterum Basilii lib. de Spiritu sancto c. 18. ait unum Spiritum sanctum, δι' ἐνὸς ἡς τὸ ἐν πατρὶ συναπτόμενον, per unum Filium uni Patri copulari. Superest, inquit Nicolaus, ut declares, cur cum sit in Patre & Filio, dicatur in Filio quiescere; non autem, quod sciam, in Patre. Spiritum sanctum, respondit Romanus, dicunt in Filio conquiescere valde erudite, quia post Filium, ut scribit Basilii, & cum Filio cognoscitur; sicque ab eo præterea procedit, ut nullam ipse personam, nullum terminum in Deo producat. Neque enim vel spirat vel gignit. Filius vero quiescere in Patre minus apte diceretur, cum dicatur tamen in ipso esse. Non creditis, quia ego in Patre, & Pater in me est? ut ipse de se & Patre Christus loquitur. Nempe Filius ita naturam divinam per generationem a Patre accipit, ut cum ipso eam ulterius in Spiritum suum sanctum deriveret. Nam cum se Pater intelligendo cognoscit, exprimit imaginem sui vivam, quæ cum in nullo deficit, sed infinite completa sit, habet omnia quæ Pater, naturam ejus, & mentem, & voluntatem, & vitam. Jam cum se in imagine illa Pater videat, ipsa quoque illum viva & consubstantialis agnoscit. Est enim una utriusque cognitio. Atque ita cum sese cognoscunt Pater & Filius summe amabiles, non possunt non amare se amore infinito. Cumque se voluntate ament, & voluntas peræque Filii sit ut Patris, existit ab illa consubstantialis amor, qui æque est utriusque, & ab utroque. Amorem hunc appellant sacri codices Spiritum sanctum; estque unius cum Patre & Filio substantiæ, quia ipse substantia est, non accidens, & amor

Cur Spiritus
 sanctus dica-
 tur in Filio
 conquiescere,
 non in Patre.

Dei, Deus ipse est. Sed vereor ne pluribus ista enarrem quam necesse sit. Dixi. Sunt etiamnum, inquit *Methodius*, & alia nonnulla quæ dicas. Placet enim, nisi grave sit, pauca obijcere, quibus si feceris satis, credo, dabimus manus, tuamque omnes in sententiam ibimus. Quæro igitur, si de Patre & Filio procedit Spiritus sanctus, cur Filius dixit Joann. 15. *A Patre procedit*, ac de se siluit. Tibi, inquit *Romanus*, tibi jam dudum respondit Augustinus tract. 99. in Joann. *Si ergo & de Patre & de Filio procedit Spiritus sanctus, cur Filius dixit, De Patre procedit? Cur putas, nisi quemadmodum solet ad eum referre, & quod ipse est, de quo & ipse est? Unde illud est quod ait, Mea doctrina non est mea, sed ejus qui misit me? Si igitur intelligitur hic ejus doctrina, quam tamen dixit non suam, sed Patris; quanto magis illic intelligendus est, & de ipso procedere Spiritus sanctus, ubi sic ait, De Patre procedit, ut non diceret, De me procedit? A quo autem habet Filius, ut sit Deus? est enim de Deo Deus: ab eo habet utique, ut etiam de illo procedat Spiritus sanctus: ac per hoc Spiritus sanctus, ut etiam de Filio procedat, sicut procedit de Patre, ab ipso habet Patre. Hoc tibi primum reponit Augustinus, quem sequi se Patres V. synodi in urbe Constantinopoli habitæ, iiq; Græci, profitentur. Deinde nego mentionem sui nullam Filium illic fecisse. Immo Cyrillus id negat l. 10. in Joann. βλέπε ὡς ἐξηγήσεται ἡ φωνή. ὅσα τὰ λόγια τῆ νῦν. προφητικῶς γὰρ ἦσαν ἐπ' αὐτοῦ & ὡς ἐκκλητοὶ τὸ πνεῦμα τὸ ἀληθινὸν ὀνόμασι αὐτὸν, τὰ τ' ἐστίν, εἰ αὐτός γὰρ ἔστιν ἡ ἀλήθεια. . . . Et paullo post: ἔ γὰρ ἀλλότριον τὸ τῷ μονοθεῶς ὄντι τὸ ἅγιον νοεῖν πνεῦμα, πρὸς αὐτὸν δὲ φυσικῶς ἐκ αὐτοῦ. Vide ut vigilantem vocem usurpavit, adverte sermonis prudentiam. Cum enim prius dixisset venturum ad ipsos Paracletum, Spiritum veritatis appellavit ipsum, id est, sui ipsius: est enim ipse veritas. . . . Non enim alienus ab unigeniti substantia Spiritus sanctus intelligitur, sed ex ipsa naturaliter procedit. Quoniam igitur ex mente Cyrilli, Spiritus veritatis dicitur Spiritus sanctus, quia e Filii substantia naturaliter emanat; cum Christus dixit: *Misit vobis Spiritum veritatis, qui a Patre procedit*; perinde est, atque si dixisset, qui a mea Patrisque substantia habet originem. Quin etiam, quod merito admiraberis, hoc ipso, quo mihi occurristi, Joannis testi-*

Cur Christus se tacito, Spiritum sanctum dicat a Patre procedere.

monio, sic elucet Spiritus sancti ab Filio processio, ut Cyrillus illud exponens probari ab Christo velit Spiritum ab Patre procedere, quod a se procedat. ἰδὲ γὰρ ἰδὲ πνεῦμα τὸ ἀληθείας, τὸ τ' ἐστίν, ἑαυτὴν, τὸ ὡς ἀκλήτων εἶπέν, ὡς αὐτὸς πατερεῖ αὐτὸν ἐκπορεύεσθαι φησιν. ὡς οὖν γὰρ ὅτι ἰσοιον πνεῦμα τὸ ὡς φυσικῶν, ἐν αὐτῷ δὲ ὑπαρχον, καὶ δι' αὐτῶν προεῖδον, ὅτι καὶ τὸ πατερεῖς. Ecce, inquit, ecce cum Paracletum appellat Spiritum veritatis, id est, sui ipsius, illum ait a Patre procedere. Quomodo enim naturaliter Filii proprius est in ipso existens, & per ipsum procedens, ita etiam Patris. Denique etiam si hoc unum Christus dixisset, Mittam vobis Spiritum, qui a Patre procedit, seipsum indicasset satis. Cum enim ita pronuntiaverit, Omnia quæ habet Pater, mea sunt; si Pater habet, ut a se procedat Spiritus, necesse est ut id ipsum Filius habeat. An vero quia Pater unus in symbolo omnipotens appellatur, cælique ac terræ procreator; neque id Filio aut Spiritui sancto, si verbis hæreas, tribuitur: recte aliquis inferat, Spiritum sanctum & Filium vi illa præpotente carere, nec partem habere ullam in mundi creatione? Minime profecto. Quia personis divinis communia sunt omnia, præter id quo unaquæque constituitur in sese, & ab alia distinguitur. Unde cum creandi virtute non constituatur Pater, aut distinguatur ab Spiritu sancto & Filio, communis est illis peræque; ad eum etiam modum spirandi vis, cum non secernat Patrem a Filio, neque ipsi det esse Patrem, communis sit utrique necesse est. Quia vi cum differant a Spiritu sancto, eam non possunt cum illo habere communem. Neque enim esse sibi principium, seipsum spirando, Spiritus potest: alias prius existeret, quam esset, qui sibi, ut esset, tribueret. Quid ergo, subjecit *Methodius*, Patres synodi II. imperfectum tradiderunt Fidei symbolum, cum in eo solius ab Patre processionis meminerint? Ego sic habeo, si illa quoque ad Filium pertineret, futurum fuisse, ut dilucide id exponerent. Nam symbolum illud ea potissimum mente ediderunt, ut quæ propria sunt Spiritus sancti doceremur. Velim, repofuit *Romanus*, tu tibi ipse facias satis. Dic enim an I. Nicænæ synodi Patres c c c x v i i. symbolum nobis proposuerunt mancum, qui ne processionis quidem Spiritus sancti a Patre memi-

Cur Patres
synodi II.
Spiritum
sanctum præ-
termisso Filii
nomine a Pa-
tre procedere
scripserunt.

meminerunt. Eo enim usque illud perduxerunt, & in Spiritum sanctum. Cætera postea addita sunt, quando coacta est adversus Macedonium synodus altera. Sic quippe fatemini in Synaxario Dominica illa quam cccxviii. divinis Patribus Nicææ congregatis inscripserunt majores vestri. Quid ais? Peccarunt illi, quod ea quæ ad Spiritum sanctum attinent, omiserunt explanare? Græci sapientissime respondent Patres ultra non fuisse progressos, quod tum quæ mota est quæstio, minime Spiritum sanctum impeteret. Hanc tibi responsionem accipe. Patres synodi œcumenicæ II. procedere e Patre Spiritum dixerunt, tacito Filii nomine, tum quod appellato Patre satis intelligi putarent Filium, cujus sunt omnia, quæ sunt Patris; tum quod id unum vellent contra Macedonium statuere Deum esse, & ab Patre Spiritum; cum vir ille ad omne nefas projectissimus, Spiritus sancti causam & originem Unigenito soli attribueret. Juvat audire Basilium testem in calce libri contra Eunomium secundi. Cui non patet, inquit, quod nulla Filii operatio a Patre divisa est? Nec est aliquid in rebus, quod Filio insit, & sit a Patre alienum. Omnia, inquit, mea tua sunt, & tua mea. Quomodo ergo Spiritus causam & originem Unigenito soli attribuit, & ad ejus accusandam naturam hujus creationem accipit? Si igitur duo principia in oppositum inter se ducens hac ait, cum Manichæo & Marcione conteretur. Quod si ab uno dependere ac prodire omnia putat, quod a Filio factum esse dicatur, ad primam refertur causam. Quare etsi cuncta producta esse per Verbum Deum credimus, omnium tamen esse causam Deum universorum non negamus. Quo pacto autem dividere Spiritum a Deo non habet manifestum periculum? cum partim apostolus nobis conjunctim tradat, & Christi modo Spiritum appellet, modo Dei. ubi scribit: Si quis autem Spiritum Christi non habet, hic non est ejus. & rursus: Vos autem non Spiritum mundi accepistis, sed Spiritum qui ex Deo est. partim vero Dominus Spiritum veritatis illum dicat, quoniam ipse veritas est, & asserat a Patre procedere. At hic in destructionem gloriæ Domini nostri Jesu Christi, a Patre quidem Spiritum removeret, Unigenito vero ad gloriæ eversionem maxime attribuit. ἐν εἰνὸ δὲ τῷ ᾧ πάντας ἀνθρώπους, ὅτι ἐκείνη ἐρίργια τὰ ἡε ὑποτέλλονται ὅτι τὸ πατὴρ ἐστὶν ὅτι ὅτι.

π ἐν τοῖς ὅσι τῆς ὑψ. ὑπαρχοι, ὃ τῷ πατρὶ ἐκκαταλείπεται. πάντα
 γὰρ, φησι, τὰ ἐμὰ σὰ ὅσι, καὶ τὰ σὰ ἐμὰ. πῶς οὐ τῷ πνεύμα-
 τος ἢ αἰτίῳ τῆς μονογενεῖς μόνῳ προσέτιθαι, καὶ κατηγόρημα τὸ φύ-
 σεως αὐτῆς ἢ τοῦτε λαμβάνει διημερῶν; εἰ μὴ οὐκ ὁμοῦ ἀρχαίς ἀν-
 τιπαριξάμεν ἀλλήλαις ταῦτά φησι, καὶ Μαριχμῶν ἢ Μαρκίωνος
 σωτηρίῳσι. εἰ δὲ μὴ ἐξ ἀπὸ τὰ ὄντα, τὸ ὡς τῷ ὑψ. γὰρ γυν-
 ὁσι λεγόμενον, ὡς τὴν πρὸ τῆς αἰτίας ἢ ἀναφορῆς ἔχει, ὥστε
 καὶ πάντα εἰς τὸ ἐξ. παρῆλθαι ἐξ. τῷ Θεῷ λόγῳ πρὸς ὡς, ἀλ-
 λά τὸ πάντων αἰτιῶν ἐξ. ἢ Θεὸν τῶν ὄλων οὐκ ἀφαιρέμεθα. πῶς
 δὲ ἢ φανερόν ἔχει ἢ κινδυνον, διακρίνει ὑπὸ τῷ Θεῷ τὸ πνεῦμα;
 τῷ μὴ τῷ ὑποστάσι σωματικῶς ἡμῖν ὡς ἀποδοῦναι, καὶ νῦν Χρι-
 στῷ λέγοντος, νῦν δὲ τῷ Θεῷ. ἐν οἷς γὰρ φησι, εἰ δὲ πῶς πνεῦμα
 Χριστῷ οὐκ ἔχει, οὐκ οὐκ εἰν αὐτῷ. ἢ πάλιν, ὑμῖν δὲ ἢ τὸ πνεῦ-
 μα τῷ κόσμῳ ἐλάβετο, ἀλλὰ τὸ πνεῦμα τὸ ἐκ τῷ Θεῷ. τῷ δὲ,
 τῷ κυρίῳ τὸ πνεῦμα τὸ ἀληθείας λέγοντος, ἐπειδὴν αὐτὸς ἢ ἀλήθεια,
 καὶ ὡς τῷ πατρὶ ἐκκαταλείπεται. ἀλλ' οὐκ εἰς καθάρεισιν τὸ δόξης τῷ
 κυρίῳ ἡμῶν Ἰησοῦ Χριστῷ, ἀφαιρεῖ μὴ αὐτὸ τῷ πατρὶ, τῷ μονο-
 γενεῖ δὲ ἀφαιρέοντος ὅτι καθάρεισιν τὸ δόξης προσέτιθαι. Ex hoc
 Basilii eximio testimonio palam est Macedonianæ hæreseos
 duo quasi capita fuisse, quæ sunt ab CP. Patribus in symbolo
 everfa atque abscissa. Primo enim Spiritum S. ne cogerentur
 fateri Deum, negabant a Deo Patre procedere. Contra af-
 firmat symbolum, & Spiritum S. proponit vivificantem Do-
 minum & a Patre procedentem. Deinde sic soli attribuebant
 Filio, ut vellent eum inferioris ab Filio esse naturæ, quasi
 procreatus ab illo esset, Contra definit symbolum simul il-
 lum cum Patre & Filio adorari & conglorificari. Quid ne-
 cesse erat, ut Spiritum ab Filio procedere Patres dicerent,
 quod ultro fatebantur adversari? Et dicendi si qua tum fuisset
 necessitas, num significabant satis, cum pronuntiabant
 eum a Patre procedere? cum *Filius*, teste Damasceno lib. i.
 de imag. totum in seipso ferat Patrem, habeatque omnimodam
 cum ipso identitatem, hoc uno discrepans, quod est a principio.
 ὃ ὑὸς ὅλον ἐν ἑαυτῷ φέρει τὸ πατέρα καὶ πάντα ἔχον ἢ ὡς αὐ-
 τὸν τ' αὐτόπαιτα, μόνῳ δὲ ἀφαιρέον τῷ αἰνέτῳ. Atque si Euno-
 mii Macedoniani recordiam merito carpebat Basilii, quod
 Spiritus causam & originem Unigenito soli attribueret, ne-
 garet Patri: cujus tamen, si credimus evangelio, sunt omnia

quæ Filii sunt ; cum pariter quæ Patris sunt, sint etiam Filii : quæ illorum incogitantia, pace vestra sic loquar, quis stupor illorum est, qui Spiritus sancti causam & originem Patri soli tribuunt, negant Filio, cujus tamen sunt omnia quæ sunt Patris ? Quamquam quod præterierunt Patres in symbolo, ut minime necessarium, non omiserunt in synodo, ut notatu dignum, si qua fides libro illi Arabico quem Græci sacrosanctum habent in Syria, volumenque legis nuncupant. Ubi enim concilium istud Constantinopolitanum describit, definiisse Patres asserit, *Spiritum sanctum ex natura Patris & Filii existere*, uti est a me superiore loco memoratum. Atenim, inquit *Methodius*, si ab Patre & Filio Spiritus sanctus est, duo erunt Spiritus sancti principia : ab duabus enim procedet distinctis personis. Vellem, inquit *Romanus*, abs te viro & ingenioso & erudito levia ista non opponi. Vide enim quam nullius sint momenti. Quid enim, si quis tibi eodem probare contenderet argumento tria esse mundi principia, quia ab tribus distinctis personis, Patre & Filio & Spiritu sancto, conditus est ; an continuo dictum admitteres, eraderesque e vestro Octoechi libro quod legitis, *Deum* scilicet esse *principium in tribus personis unum*, *μία τρισηπόρων ἀρχή* ; & litem intenderes Basilio, quod lib. de Spir. S. c. 16. unum eorum quæ sunt, principium esse statuatur, etsi ab tribus personis omnia absolvantur, quarum primam, quæ Pater est, *πρωταρχικῶς ἀπὸν*, *principalem causam* nominat ; secundam, quæ Filius, *δημιουργικῶς*, *conditricem* ; tertiam vero, quæ Spiritus sanctus, *ἡ τελειωτικῶς*, *perficientem* ? Responde, Methodi, quid diceres ? Patrem & Filium & Spiritum sanctum tria esse mundi conditi principia, an vero unum ? Unum dicerem, reposuit *Methodius*, ne tres ego Deos inducerem, qui unum colo in tribus personis subsistentem. Unum porro esse ostenderem, quia Deus mundum creavit, non quatenus Pater, sic enim Filium solum respicit ; non quatenus Filius, sic enim ad Patrem unum refertur ; non quatenus Spiritus sanctus, sic enim spirantem spectat, non alium : sed quatenus potest omnia. Vis autem illa omnium effatrix in tribus una est, ut & natura ; atque adeo unum e tribus mundi producti principium constituitur, & , ut loquimur in Octoecho, *μία τρι-*

Etsi ab Patre & Filio Spiritus sanctus procedit, non sunt tamen duo ejus principia.

ὁπότερος ἀρχή. Bene est, inquit *Romanus*; quod opposuisti nobis, egregie evertisti. Patrem & Filium similiter dicimus μίαν διυπόστατον ἀρχήν Spiritus sancti; principium nempe unum in duobus subsistens divinis personis. Neque enim illum spirant, quatenus sunt Pater & Filius, ac paternitatis filiationisque proprietatibus discrepant, sed quatenus in una spirandi virtute conveniunt, & sunt unum. Quamobrem Gregorius X. pontifex maximus, in concilio Lugdunensi, ad quod Græci concordiae instaurandæ causa convenerant, sic catholicam fidem explicat: *Fideli ac devota professione fatemur, quod Spiritus sanctus aternaliter ex Patre & Filio non tanquam ex duobus principiis, sed tanquam ex uno principio, non duabus spirationibus, sed unica spiratione procedit. Hoc professus est hactenus, prædicavit, & docuit sacrosancta Romana ecclesia mater omnium fidelium & magistra. Hoc habet orthodoxorum Patrum atque doctorum Latinorum pariter & Græcorum incommutabilis & vera sententia.* At si duo spirant, inquit *Methodius*, qui fieri potest, ut spiratio una sit? Dic tu, reposuit *Romanus*, si tres creant, quomodo esse potest una creandi actio? Num respondebis, quia unum in tribus creationis principium est, virtus nempe procreatrix una & eadem? Sic & ego tibi affirmo spirationem ab utraque persona unam esse, quia ab una utriusque spirandi vi promanat. Mihi venerat in mentem, ait *Methodius*, & hoc tibi objicere, quod validum nonnullis visum est, sequi ex eo, quod Pater cum Filio dicatur emittere Spiritum, Patris esse mancā actionem, quæ Filii idcirco compleri accessione debeat: sed me statim tua illa Dei mundum procreantis similitudine repelleres, diceresque non esse mancā Patris creantis actionem, etsi in creando quasi socios habeat Filium atque Spiritum, quia una est trium ipsorum actio; ita unam esse Patris & Filii, quæ Spiritus procedat, spirationem; nec posse Filii actione actionem Patris perfici, cum utriusque una eademque actio sit. Quare alio me verto, aioque: Si Pater & Filius sunt causa Spiritus sancti, cum solus Pater sit causa Filii; magis erit Filii causa, quam Spiritus. Rursum, inquit *Romanus*, ad Dei mundum producentis exemplum te revoco. An, si Pater mundum procrearet solus, magis esset causa mundi conditi, quam nunc

Est Pater spirans cum Filio Spiritum, non est ejus actio imperfecta.

Pater non est magis Filii causa, quam Spiritus sancti.

est, cum illum Filio & Spiritu sancto sibi in agendo conjunctis efficit? Minime. Causa enim cum spectetur in agendi vi, visque agendi in Deo idem quod ejus substantia sit, totamque substantiam divinam quam habet Filius & Spiritus sanctus, in sese Pater habeat, nec illa substantia haberi magis aut minus possit; non potest etiam magis vel minus potentia possideri, adeoque nec dici Pater magis aut minus causa esse. Quem omnino ad modum etli Pater cum Filio conjunctim emittit Spiritum, non minus illum emittit, quam si illum solus effunderet, quia voluntate illum producit; quæ voluntas tanta est in ipso solo, quanta & in ipso Filio: est enim eadem in utroque & una. Nec magis est causa Filii, quam Spiritus, quia ut tota mente gignit Filium, sic tota voluntate divina Spiritum emittit. Nec enim & in ipso Filio divisa est, sed tota in utroque, & in unoquoque tota. Nimirum, ut ait Augustinus l. 8. de Trin. c. 1. *neque Pater & Filius simul majus aliquid sunt, quam Spiritus sanctus, aut singula quæque persona quælibet trium minus aliquid est, quam ipsa Trinitas.* Præclare illud quidem, inquit *Methodius*: sed videtur Spiritus sanctus Filio futurus inæqualis, tum quia ab duobus erit, Filius autem ab uno; tum quia virtute spirandi quam habet Filius, cariturus ipse est. Vix crediderim, respondit *Romanus*, hæc abs te proponi serio. Nam, amabo te, an minor est Pater Filius, quia non generat, & quia ab Patre existit; ipse autem Pater ab nullo est? An nescis tantum esse in illa ineffabili Trinitate generari & spirari, quantum generare & spirare; & cum perfectio omnis in natura substantiaque posita sit, personas omnes divinas æquali perfectione gaudere, quippe quæ singulæ scorsim, quemadmodum omnes conjunctim, naturam divinam totam possideant? Spiritus sanctus non est Filio inæqualis, quia quod ipse a duobus accipit, idem omnino est, atque quod habet ab uno Filius; totam scilicet Deitatem uterque exhaurit. Carer virtute spirandi, sed non perfectione ulla spirantis personæ, cum qua unus est in natura. Neque *spirari* minus in illo quiddam est, quam *spirare* in Patre & Filio, quia diversus ille habendæ naturæ modus non facit, ut minus in ipso uno sit, quam in utroque alio, natura divina. Dependens vero personæ alterius

Spiritus sanctus non est Filius inæqualis.

62 ECCLESIAE ROMANÆ GRÆCÆQUE

ab altera in Deo nulla est, nisi quæ correlatorum, quæ correlata sunt. In quo mira est æqualitas, cum ab sese invicem pendeant, id est, unus esse, quin sit alter, non possit. Namque ut Pater dat Filio, ut Filius sit, ita habet a Filio, ut sit Pater: neque enim pater esse sine filio quis potest. Et cum tribuit uterque Spiritui sancto, ut sit Spiritus sive spiratus, accipit vicissim ab illo, ut sit spirans. Verum, inquit *Methodius*, vel valet solus per se Pater Spiritum spirare, vel non valet. Si valet, frustra illi adsciscitur ad operationis societatem Filius. Si non valet, imperfectum illum constituis. Nescisti, reposuit *Romanus*, quo valde profeceris, mundi creati exemplum. Vel enim solus per se Pater procreare illum potest, vel non potest, nisi Filio & Spiritu sancto sibi adjunctis. Responde, & tuum in rem nostram confer responsum; satis ipse tibi continuo feceris. Id abs te responsum velim, inquit *Methodius*. Neque enim theologiam vel de limine salutavimus. Tum *Romanus*, cum explanasset fore imperfectum Patrem, si per se solus mundum crearet, quia tunc ageret sine sapientia quæ Filius est, & sine amore qui Spiritus sanctus; non posse pariter dixit suum sine Filio spirare Spiritum, quia tenere ac sine cognitione & sapientia amare non potest. Mundi creatio divinæ potentia opus est, quæ cum una sit in tribus personis, quidquid potentia sit, ab ipsius tribus conjunctim existit. Spiratio Spiritus divinæ actio est voluntatis, quæ cum Filio Patrique una inesse & communis ante intelligatur, quam emanet Spiritus, voluntate profundi non potest, quin ab utroque exeat. Vix occurrit quod arguam, adjunxit *Methodius*, nisi quod hæc qui admittat, fateatur quoque necesse est processionem Spiritus sancti esse quid Patri & Filio commune & proprium. At si commune, quid proprium est? Fateatur hoc Gregorius Nyssenus, inquit *Romanus*, in epist. ad Ablavium, & ipsi fatentur adversarii, posse aliquid sic proprium esse, ut commune sit tamen. Nam proprium esse volunt Filio & Spiritui, ut a Patre sint, & utrique commune. Denique ratio ingeni Patri & Spiritui sancto num propria est, eademque communis? Communis est, cum Pater & Spiritus inter sese cogitando componuntur; propria est, si cum Filio conferuntur, qui ea re ab illis differt, quod non sit inginitus.

Pater non potest sine Filio spirare Spiritum sanctum, quia perfectus est.

Notio in Trinitate aliqua potest esse propria & communis.

Victum hac parte me sentio, inquit *Methodius*; sed alia te jam aggredior difficiliore. Quid enim ad auctoritatem *Joannis Damasceni* respondeas, qui l. 1. de fid. orthod. c. 11. in hæc verba scribit: *Spiritum sanctum tam ex Patre esse profitemur, quam Patris appellamus Spiritum; ex Filio autem Spiritum non dicimus, sed cum Filii Spiritum nominamus.* Multa sunt, reposuit *Romanus*, quæ hic proferam. Ac primum fac sentire *Damascenum*, ita Spiritum sanctum ab Patre solo existere, ut minime a Filio procedat. Magnus est, fateor, & merito illum dixeris aureum doctrinæ flumen, qui tam copiose, tam admirabiliter de divinis arcanis edisserit. Sed ut tantus sit, quantus, amabo, quantus est, si eum unum cum *Basilio*, *Athanasio*, *Cyrillo*, *Epiphanio*, *Maximo*, *Joanne Chrysostomo*, *Gregorio Nysseno*, aliisque Patribus, tum Græcis tum Latinis, composueris, qui cum dilucide pronuntiarent, tum e sacris codicibus demonstrarunt, Spiritum sanctum ab Patre Filioque procedere? An ab illis omnibus ad unum *Damascenum* transvolabis, atque ut ab uno stes, omnes aspernaberis? Sapuit scilicet hic unus recentissimus omnium, errarunt illi antiquissimi ecclesiarum magistri? Verum neque exciderunt ipsi a vero, neque ab illis *Damascenus* dissentit. Aliud enim est τὸ ex Filio Spiritum non dicimus; aliud τὸ ex Filio Spiritum esse non credimus. Quemadmodum & aliud est τὸ virginem sanctissimam non dicimus Christi matrem; aliud τὸ virginem sanctissimam non credimus Christi matrem. Utrumque hoc *Joannes Damascenus* scripsit: *Virginem sanctissimam non dicimus Christi matrem; & istud: Ex Filio Spiritum non dicimus.* Sed quod non scripsit, credidit; virginem beatissimam esse Christi matrem, & ex Filio esse Spiritum. Non dicebat sanctam virginem Christi matrem, quia, ut testatur ipse lib. de orth. fid. 3. c. 12. hoc idem dicebat impurus ille & reprobus, & fide Judæus, & ignominia vas *Nestorius*, quo illam *Deipara* appellacione spoliaret. Credebat tamen Christi matrem, de qua nemo nescit natum esse *Jesum qui vocatur Christus*. Quam omnino ad normam non dicebat, ex Filio esse Spiritum, quia hæc erat execrandi *Macedonii* vox, quo Spiritum sanctum ab Patris substantia excluderet. Credebat tamen esse a Filio, idque multis modis docuit. Primo cum tradidit personas divi-

Ioannes Damasc. non negat Spiritum sanctum ab Patre & Filio procedere.

nas non alia quam *cause & causati* ratione distingui. Distinguitur autem a Spiritu Filius: ergo necesse est ejus causa sit, ut causæ nomen usurpem cum Græcis. 2. Cum scribit cap. 8. lib. 1. de orthod. fide, *Filium per omnia esse Patri similem, hoc unum si excipias, quod Pater est ingenitus.* Quod unum qui excipit, certe non excipit vim spirandi. 3. Quoties Spiritum sanctum a Patre per Filium procedere tum in primo orthod. fid. libro, tum in suis ad Jordanem litteris proficitur? At procedere per Filium non potest, quin a Filio procedat; quod pluribus exposuimus. Sed vide quam agere tecum liberaliter velim. Sume hoc tibi, Damascenum non modo non dicere, sed nec credere *ex Filio Spiritum*. Nos quoque nec dicimus nec credimus *ex Filio* procedere Spiritum: at dicimus & profitemur Spiritum sanctum, non simpliciter *ex Filio*, sed & *ex Filio* esse. Non enim a Filio solo, sed a Patre Filioque procedit. Præterea cum hæc particula *ex*, ἔξ, ut recte advertit e Græcis magistris Demetrius Cydones, mentem sistat, neque ad causam ulteriorem aliquam investigandam avocet; *per* autem sive διὰ, principalem aliquam indicet, ab qua sit hæc quasi interjecta & media. Veritus est Damascenus Spiritum *ex Filio* dicere, ne videretur ipsum unum Spiritus sancti facere cum Macedonio causam. *Per Filium* vero dixit, ut ostenderet ita esse a Filio, ut esset principaliter a Patre, a quo illius producendi vim cum natura ipsa divina Filius accepit. Atque hanc esse Damasceni mentem ex his patet illius verbis: *Filii Spiritus est, non tanquam ex ipso, sed quod per ipsum ex Patre procedat. Solus enim Pater principium est.* καὶ ὁ υἱὸς διὰ τοῦ πνεύματος, ὡς ὁ θεὸς αὐτὸν, ἀλλ' ὡς δι' αὐτοῦ ἐκ τοῦ πατρὸς ἐκπεπονημένον. μόνον γὰρ ὁ ἀπὸς ὁ πατήρ. Quorum verborum hæc sententia est. Quia solus Pater causa sive principium est, non dicimus Spiritum sanctum esse *ex Filio*. Videndum ergo quo sensu solus Pater principium est. Eo enim sensu mens Damasceni est, Spiritum sanctum non esse *ex Filio*. Principium autem modo non uno dicitur. Nam principium aliud est, quod ab nullo est, & a quo sunt cætera omnia; idque merito appellatur pure ac simpliciter principium: aliud est a quo quidem multa derivantur, sed ipsum ab alio deductum est; atque hoc non pure ac simpliciter principium est,

est, sed principium ex principio. Jam dici sensu omni non potest, quod solus Pater principium sit. Nam ut creatas causas missas faciam, singulæ Trinitatis personæ principium sunt, quatenus ad res effectas referuntur. Unde Damascenus in Octoecho, sono, nisi fallor, primo, Trinitatem vocat *μία τριουπόσατον ἀρχή*, principium in tribus personis subsistens. Et quatenus sese invicem personæ illæ spectant, non discrepant inter se nisi ratione causæ & causati, ut aiebat modo idem Damascenus, & nominatim Gregorius Nyssenus libro 1. contra Eunomium, citato loco. Spiritum proxime hæere Filio dixit, Filiumque considerari & constitui ante Spiritum, ratione dumtaxat principii; id est, idcirco solum, quia ipse Spiritus sancti principium est. *τὸ μονογενὲς ἔχει τὸ πνεῦμα τὸ ἅγιον, ὅτι νοῖα μένη καὶ τὸ ἁγίας λόγον προγεννημένη τὸ πνεῦματος ὑποστάσις*. Sunt ergo principia præter Patrem aliqua, sed nullum est pure ac simpliciter principium præter Patrem. Solus enim ab nullo est, & ab eo sunt cætera omnia, atque etiam ipse Filius. Nunc ut ista iis accommodentur quæ disputamus: constat Filium non esse pure principium, sed principium e principio; adeoque Spiritum sanctum non esse ex eo tanquam principio, cuius alius nullus principium sit. Est tamen *per Filium*, id est a Filio, sed qui non est illius pure ac simpliciter principium, quia & ipsi Pater principium est. Præterea cum in creatis particula *ex* causam effecti primam, qua non sit superior alia, ostendat; præpositio vero *per* causam interpositam & mediam, ut si mandatum ex rege dicas per præconem emanasse; & viderit Damascenus Filium Patrem inter & Spiritum quasi quid medium: se iudicavit accuratius dicturum, si ex Patre per Filium procedere Spiritum sanctum diceret. Quæ modo proferis, inquit *Methodius*, haud scio an superioribus probe consentiant. Tunc enim ponebas Patrem & Filium Spiritui sancto principium esse unum, nunc vero affirmare videris non esse unum. Nam quo pacto unum sit, principium quod a nullo est, & principium quod non est a nullo. Audi me, o *Methodi*, subjunxit *Romanus*, noli pergere. Vereor ne statim tres nobis inducas in Deo naturas. Videbitur enim fortasse non esse una eademque natura, ea quæ est communicata,

qualis est divina in Filio, per generationem; & ea quæ nullo communicationis modo accepta est, qualis in Patre; ac denique ea quæ spirandi via, non generandi derivata est, qualis in Spiritu sancto. Fide tamen constat naturam divinam in tribus personis, utut sint illius habendæ modi, esse plane unam; ut nihil magis. Principium Spiritus sancti vis spirandi est, quæ in Patre & Filio una eademque intelligitur, sed conditionem sequitur naturæ, cujus unitati non obstat in Filio esse communicatam, non esse vero in Patre. Fateor hoc, inquit *Methodius*: vel nobis eripis Damascenum tam idoneis & eruditis responsis, vel cogis neutrum esse. Verum habeo e libris nostris unum qui clarissime edocet non procedere e Filio Spiritum. Verbis enim explicatissimis Spiritum sanctum affirmat ἐκ μόνου τοῦ πατρὸς ἐκπορεύμενον, ex Patre solo prodire. Quæsiuit *Romanus*, cujusnam esset hic liber, quoque nomine vocaretur. Synaxarion est, respondit *Methodius*, Nicephori Callisti Xanthopulo geniti. Cum ultra rogasset *Romanus*, æquus esset ille Nicephorus, quoque dignitatis gradu, unusne aliquis ex antiquis ecclesiæ Patribus, an e patriarcharum numero, an certe sacerdos, vel e clero: Nosti illum, inquit *Methodius*; sentio te per ironiam & ex arte percontari. Omnino, reposuit *Romanus*, & quasi in cute penitissime illum novi, ejusque librum. Absit codicem hunc ecclesiæ Græcæ libris connumerare, adeo scatet vitiis. Librum dicito, si placet, laici unius recentioris, cui venit in mentem de rebus rheologicis, ut sutori ultra crepidam, differere, nec male nonnunquam, cum de alieno, id est, e sanctis Patribus, quæ scribit, prædatur; insulse & aliquando pessime, cum depromit de suo, quale est quod a temodo de processione Spiritus sancti propositum, & alia multa, quæ nata occasione arguamus. Casaubonus vir doctus & acris judicii, quidquid apud ipsum etiam in historicis, ubi magis eminet, legitur, non pluris faciebat quam folia farsari. Ex eruditis alii autorem συγγραφέα nolunt, sed μύθων καὶ λήσεων ῥαψωδόν, fabularum & futilium rerum confarcinatorem jubent appellari. Qui magis illi favet Philippus noster Labbeus, multas illum fabulas & quisquillas undecunque collectas queritur rebus interdum selectis attexuisse. Sed fac Nicephorum istum Basilio

Nicephorus
Callistus
Xanthopulus
quanta aucto-
ritatis.


lib. de script.
c. l. f.

& Cyrillo & Patribus cæteris omni ex parte maiorem esse, & auctoritatem ejus ratione omni superiore, hoc est, si fas dicere, parem divinæ: nihil attendamus qua mente scripserit, pacifne, an schisinatis studio. Verba ipsa, ut jacent, expendamus. *Spiritus sanctus*, inquit, *a Patre solo procedit*. Hinc tu ratiocinando efficis: Ergo non procedit etiam a Filio. Quanto sic colligeres magis, si scripsisset in hunc modum: *Spiritus sanctus non a Filio procedit, sed a solo Patre*. Male tamen & hinc & inde concluderes, non esse ab Patre & Filio Spiritus sancti processionem. Paradoxum, exclamavit *Methodius*, paradoxum, Romane, proponis, quod nemo satis intelligat aut solvat. Intelliges, inquit *Romanus*, tuque ipse solves. Hæc est argumentatio tua prior: Spiritus sanctus a solo Patre procedit: ergo non procedit a Filio. Si pugnas recte id consequi, jam non erit apud te vel Filius Dei immortalis, vel Pater Deus aut Dominus, vel ulla præter Deiparam famina benedicta. Dicis enim, & ex Paulo dicis in officio vigiliæ Pentecostes in adoratione prima quæ Patri addicta est, *ipsum solum habere immortalitatem*. Deinde oratione Cherubica, quæ recitatur in Basiliana missa, sic Filium compellas: Tu solus, o Domine, Deus noster es, cælestium dominus ac terrestrium, sedens supra thronum Cherubim, princeps Seraphim, rex Israel unus sanctus. Continuone argues, quod e dicto Nicephori expressisti: Ergo Pater non Deus aut Dominus, aut rex Israel sanctus est. Denique in quinta glorificatione ex iis quas Græci Arabes psalmis inferunt, traduntque ab S. Joanne Damasceno esse compositas, ut alia testimonia omittam; sic orant beatam Virginem: *Serva tuos ab omni angustia famulos, o tu quæ sola es benedicta*. Ergo, si licet modo tuo disputare, nec Lia uxor Jacobi, nec Anna Samuelis mater, nec Ruth, nec Debora, neque Jahel, benedictæ sunt, quantumvis id asserant sacri codices. Vexant nos; inquit *Nicolaus*, quæ nobis e sinu nostro exempla advehis. Nam, cum dicimus Patrem solum immortalem, nihilo credimus minus pari Filium eademque immortalitate gaudere: & cum Filium vocamus Deum nostrum solum, non excludimus a divinitate Patrem: neque etiam carere benedictione mortales cæteros affirmamus, cum solam Virgi-

nem profiteamur benedictam. Expone quo hæc omnia pacto sibi consentiant. Exponam, ait *Romanus*: sed ut magis rem capias, quamvis Nicephorus ex autoritate quam illi immerenti alia omni superiorem animi gratia tribuimus, sic pronuntiasset: Spiritus sanctus non procedit ex Filio, sed ex Patre solo; non liceret propterea ab profundendo Spiritu Filium ablegare. Alias sequeretur nescire Filium qua die & hora ex-cidium orbis & commune iudicium futurum est. Christus enim Matth. 24. sic contestatur: *De die illo & hora nemo scit, neque angeli calorum, nisi solus Pater.* & disertius apud Marc. c. 13. *De die illo & hora nemo scit, neque angeli in celo, neque Filius, nisi Pater.* Deinde respondere Nicephori autoritati, tantæ scilicet tamque necessariæ, possemus, quo respondimus modo Joannis Damasceni sententiæ, Spiritum sanctum non procedere ex Filio tanquam ex principio, puro nimirum & principii experte, qua ratione ab Patre solo Spiritus sanctus effunditur, ab quo & Filius accepit vim communem Spiritus expirandi. Adde quod, cum in Deo unum idemque omnia sint, ubi non intercedit oppositio relativa; vox ista, *solus*, quando personæ e divinis alicui adscribitur, alias non excludit, si materia subiecta nullam ad ullum relationem inferat. Ut cum solus Pater habere immortalitatem dicitur, non opponitur immortalitas relative vel paternitati, vel filiationi, vel spirationi; adeoque neque Filium, neque Spiritum sanctum ab illius dotis communione removet; ac potest sic exponi dictum illud: Solus Pater, & qui cum eo unum est, habet immortalitatem. Ita si quis e Patribus dixisset, quod dictum ab nemine illorum est, Spiritum sanctum ab Patre solo procedere; vis effati esset, ipsum a Patre solo, eoque qui unum quiddam cum ipso in virtute spirandi extat, emanare. Denique in sacris literis vulgo omnia ad Patrem referuntur, qualis est cognitio illa dici extremæ, & doctrina Christi, quam Christus non suam, sed Patris assererat esse: *Mea doctrina non est mea, sed ejus qui misit me;* & alia hujuscemodi, quæ personis tribus divinis peræque conveniunt: Referuntur autem ad Patrem, quia ipse est *πρῶτος & πηγή*; *sons & radix*, ut loquitur Odoecii liber, sono 2. *ut qui principium sit ejus que in Filio & Spiritu sancto est divinitatis, &c. αὐτὸς αὐτῶν*

ὅτι ἐν ὑμῶν ἡ ἀρχὴ οὗ ἀνάμνησι συμφορῆς θανάτου. Quamobrem Patrem Basilius vocat τὴν ἀρχαρχὴν αἰτίας, principalem causam; & Eunomium arguens lib. contra ipsum 2. quod Spiritus causam & originem attribueret Unigenito, negaret Patri, ostendit vel ideo maxime deferendam Patri, quod Unigeniti esset. Si enim, inquit, ab uno dependere ac prodire omnia existimat; quod a Filio factum esse dicitur, ad primam refertur causam. Quare etsi cuncta producta esse per Verbum Deum credimus, omnium tamen esse causam Deum universorum non negamus. Præclare de Nicephoro, inquit Nicolaus, tuis hinc interpretationibus meritis es, & Synaxarii dictum vindicasti penitus ab errore. At dictum illud haud scio an Nicephori sit: suspicio est, per fraudem esse injectum; quibusdam enim in codicibus non extat. Jam perge. Hic se absolvisse significavit Romanus, ac cœpit eos urgere qui aderant, ut si quid esset difficultatis super, afferrent in medium. Cumque significassent omnes sibi factum satis, & multis illum laudibus commendarent, agerentque gratias, ipse tenuitatem suam professus, & excusans, Id, inquit, quod minime sum meritus, audire pergrave est, etsi acceptissimam habeo benevolentiam vestram. Hoc unum velim ex auditis vos colligere, eos qui Spiritus sancti ab Patre Filioque processionem negant, non esse omnino Græcos: Quî enim Græcus esse possit, qui ecclesiæ Græcæ divinum illud dogma, toties, tam variis modis, & sanctorum Patrum tot ac tantorum ore affirmanti, obstinatius refragetur, nulla de causa? Nobis, inquit Ignatius, nobis, credite colendissimi patres, qui adversantur, Græci non sunt; & ut verbis Joannis 1. epist. c. 2. v. 19. utcunque utar, ex Græcis prodierunt, sed non erant ex Græcis: nam si fuissent ex Græcis, permanissent utique cum iis. Ego pace vestra dixerim, Nestoriani sunt, Photiani sunt, Marcistæ sunt. Deus bone: ait Nicolaus; quibus eos nominibus appellas? Sic eos appello, reposuit ille, quia desertis ecclesiæ Græcæ Patribus, Nestorium, Photium & Marcum sequuntur autores. Postularunt qui aderant, id ne gravaretur pluribus explanare. Sed cum protractus jam esset sermo in multam noctem, essetque quod rogabatur, prolixioris operæ; petiit rem differri in diem crastinum. Quod cum accidisset pergra-

tum omnibus, in suam se quisque adiculam quietis gratia recepit.



DIALOGUS IV.

De additione facta symbolo, & historia schismatis.

POSTRIDIE peracto divino, ut moris est, officio, convenerunt Franci hospites cum religiosis cœnobii viris in consuetum locum, & post exhibitam redditamque ex lege urbanitatis mutuam salutem, exorsus est Methodius dicere. Tuum est, inquit, Ignati, promissa præstare, & controversia illa de Spiritu sancto, unde fluxerit, quave tenus sit progressa, exponere. Verum antequam seriem rei omnem enarres, velim abs te dubium nobis evelli quod ex dissertatione hesternæ reliquum est. Nam, ut vera sit Francorum de Spiritus sancti processione doctrina, quam profecto insimulare falsi argumenta & testimonia heri ab Romano prolata minime patiuntur; peccasse tamen videntur gravissime, qui vocem hanc, *Filioque*, Patrum symbolo autoritate sua, inconsultisque fratribus inseruerint, & absolutissimum illud fidei nostræ compendium judicaverint emendandum. Atque id contra quam ab synodis sanctissimis sancitum est non semel, ac maxime ab Ephesina illa percelebri, in hæc verba: *Definivit sancta synodus fidem alteram nemini licere proferre, præter eam quæ definita est a sanctis Patribus Nicæa congregatis cum Spiritu sancto. Qui autem ausi fuerint vel componere fidem aliam, vel proponere, vel offerre, ad agnitionem veritatis converti volentibus, sive ex gentilitate, sive ex iudaismo, sive ex qualicumque heresi, hos quidem, si sunt episcopi & clerici, alienos esse, episcopos ab episcopatu, & clericos a clericatu decrevit; si vero laici fuerint, anathemate subjici.* Cum verum sit, inquit *Ignatius*, Spiritum sanctum a Patre Filioque procedere, nefasne duxeris, quod verum est, palam dicere & profiteri in symbolo? Profiteri licet, reposuit *Methodius*: at non licet symbolo addere, cum sit id ab synodo œcumenica vetitum. Quid enim vero illa præscribit, ait *Ignatius*, non componi aut offer-

ri *aliam fidem* præter eam quæ definita est ab sanctissimis Nicææ Patribus ? An offerimus fidem alteram ? Offeritis saltem, ait *Methodius*, symbolum aliud, ac fides illa nova, quam vetat synodus componi, aliud nihil est quam novum symbolum. Gravissimo igitur, reposuit *Ignatius*, in errore versantur Græci, & nobis peccandi viam exemplo suo straverunt. Nam synodus II. Constantinopoli adversus Macedonium collecta, fidem alteram, si fidei nomine symbolum intelligis, præter eam quæ definita est ab sanctis Patribus Nicææ congregatis, edidit, conscripsit, ac protulit. Testatur enim Synaxarion vestrum Nicænos cccxviii. Patres eo usque dumtaxat symbolum produxisse, *Et in Spiritum sanctum* ; fuisse vero alia in secundo concilio adjuncta. De quo memorandum est Gregorii Nazianzeni testimonium ad Cledonium. Η'μείς, scribit, & κ' Νίκααν πίστεως τῆς ἀγίας πατέρον τῶν ἐκείναι συνελθόντων ἐπὶ κατὰ μέρος τῆς Ἀρειανικῆς αἰρέσεως, ὡς δὲ ἔτε αὐτοῖς ἐπισημασμένον ποτὲ, ἔτε ἐπισημᾶν ἀνέμεντα, ἀλλ' ἐκείνους ἐσμὲν τῆς πίστεως συν' Θεῷ ἐεισόμεντα, αὐτοῖς δ' ὁρῶντες τὸ ἑλλειπὺς εἰρημνόντα, ὡς τὸ ἀγίον ἀνέμεντος. *Nicæna nos fidei quæ sanctorum Patrum ibi pro extirpanda heresi Ariana congregatorum fuit, nihil preposuimus unquam, nec præponere possumus ; sed hujus sumus & erimus, Deo bene juvante, fidei, quod non erat de Spiritu dictum integrè, integrum facientes.* In aliis quoque synodis proposita sunt symbola alia, quibus erumpens hæresis cohiberetur, quidque esset contra sentiendum, grex Christi intelligeret. Et nostris hisce temporibus quoties Episcopum Græci consecrant, cum ille recitat symbolum, quanta addit de Deo uno & trino, & Filio incarnato ? Tanta certe, ut tumultuatum propterea Constantinopoli olim fuerit Joanne Cantacuzeno & Joanne Palæologo imperatoribus. Habitum est concilium a Calixto Patriarcha magna episcoporum & principum frequentia adversus Barlaamum & Acyndinum : quo adducti turbarum autores criminati sunt factam huic, quod Episcopi legere jubentur, symbolo additionem. Accipe quid responderit synodus: Ε'πὶ ταῖς ἡ θεία συνόδος, αὐτὸς ὡς πατὴρ ἀγαθὸς αἰνεῖται, φησὶ αὐτὸς δὴν, ἡ τις ὡς περὶ δὴν αὐτὸς καλεῖται δι- καίως, ὡς ἀντίπυξίς ἔσται τῆς ἀγίας & οἰκουμένης ἐκτὸς συνόδου, ὡς δὲ ἔτερον ὅτιν ἡ ἀποκλήρυξις Βαρλαάμ τε καὶ Ακινδίνου, ἢ οἱ

μαρτύροι δῆλοι πάντες τοῖς ἑ ὁποσὲν σωθήσιν τῷ τῷ Βαρ-
 λαάμ κ' Ακινδίνῳ ἀντιποσώμφοι. *Ad illam quam asseritis ferre*
vos equo animo non posse additionem, sic divina synodus de
his pronuntiat, non esse, si recte & merito appelletur, additionem,
sed sanctæ & œcumenicæ sextæ synodi explicationem, eamque aliud
nihil esse quam Barlaami & Acindini abdicationem, quam qui ar-
guunt, eos, etiam illi qui non sunt ocularissimi, manifestò vident
à Barlaamo & Acindino stare. Cui, inquit Romanus, non sit
permirum tantum sibi Græcos assumere, ut licere sibi velint
multa addere symbolo quibus explicetur; licere nobis nolint
vel unam voculam; eos damnent, qui propter illa multa mo-
liebantur, discessionem facere; se ab culpa liberent & absol-
vant, qui propter voculam unam plenissimam veritatis im-
mane in Christi ecclesiā schisma fovent ac præpogant? Quod
narras, subjecit Methodius, animadversione summa dignum
est, eoque valde moveor, ut tecum sim: opponam tamen
alia nonnulla. Symbolum illud episcoporum quod recitant
consecrandi, non est commune symbolum, quale vestrum ef-
fecistis, adeoque illi verba quibus explicetur, licet adjunge-
re. Utut sit, reposuit Ignatius; sed symbolum est, & aliud
symbolum præter id quod ab Nicænis Patribus compositum
est: synodus autem tertia in universum edicit, neque priva-
ti aut communis symboli discrimen notat. Charisius Phila-
delphiæ presbyter confectum a Nestorio symbolum veneno
infectum, cui hæretici pœnitentes subscriberent, obtulerat.
Quid egit synodus, ne egressi ab hæresi una se darent in
aliā præcipites? Symbolum hoc depravatissimum, atque ab
Nicæna fide alienum rejecit, vetuitque ne reciperetur aut ede-
retur deinceps hujuscemodi. Non vetuit vero, quin pro emer-
gente temporum & hæreseon necessitate symbolum recita-
retur aliquod, ut fere in aliis conciliis factitatum est, atque
usuvenit etiam apud Græcos, uti dixi, quoties episcopo
iniciando manus imponunt. Porro quod negas commune es-
se symbolum, haud scio an satis defendere id valeas, cum
illud palam in templis, solemni missæ tempore, clara atque
voce pronuntietur, quo ab omnibus audiatur, habeaturque
commune totius populi testimonium, consecrandum antisti-
tem recta de Deo & religione sentire. Licere autem profes-
 sioni

fioni antiquæ & Nicænæ vocem addere aliquam declaratio-
nis gratia, qua exortus error comprimatur & vitetur, non
ab Græcis modo quos appellavi, didicimus, sed etiam ab san-
ctissimo martyre Maximo, cujus verba ita describit Iosephus
Methonenſis in ſua pro Florentina ſynodo deſenſione. Πά-
τες οἱ μὲν τῆς Νικαίας διερχετοί πατέρες, καὶ πᾶσα ſυνόδος ὁρτο-
δόξων, ἔ ἀρίων ἀνδρῶν, οὐκ ἄλλον πίστεως ὅρον δὲ τὸ ἐπιſτα-
γωγῆς τῆς οἰκείων ῥημάτων παντελῶς ἐπισηάζον, ὡς ὑμεῖς ὁπο-
φαίνεσθε, πλείστον ὠδὸς ἀληθύντες, καὶ τὸ ὅλον καινόμυροι· ἀλλ' αὐ-
τὸν, ὡς περὶ τὸν καὶ μόνον τὸ ἐκ τῆς πῆ. πατέρες ἰομενιπιδεῖτα βί-
βας ἐκύρσαι περὶ αὐτὸν καὶ οἶον ἐπεξηγούμενοί τε καὶ ἐπα-
ξιραζόμενοι, δὲ τὸς ἐκείνους ἔ τα ἐκείνους δόγματα περὶ τὸ οἰ-
κίαν κακῶς ἐκλαμβάνοντας καὶ παρεξηγούμενους διωσέβειαι. Om-
nes poſt Nicenam ſynodum a Deo electi Patres, & omnis or-
thodoxorum ſanctorumque virorum ſynodus, non aliam fidei de-
ſinitionem induxerunt omnino, cum de verbis ſuis aliquid in-
vexerunt, ut vos aſſeritis, delirantes maxime, ac penitus inſa-
nientes; ſed eam qua ab CCCXVIII. Patribus conſtituta eſt,
ut primam & unicam habuerunt ratam ac firmam, exponen-
tes eam, ac velut clarius explicantes, propter illos, qui ipſam
ejuſque dogmata ad ſuam perverſe impietatem detorquent. Fas
fuerit id quidem, ait Methodius, antequam Ephesine ſy-
nodus addi prohiberet; at poſtea, nefas. Ergo, repoſuit
Ignatius, nefas Conſtantinopolitanae fuit Nicæno ſymbo-
lo, quæ de Spiritu ſancto expoſuit, adjungere. Id enim
tam prohibitum ab Sardiceni ſynodo, quæ Nicænæ ap-
pendix eſt, quam ab Ephesine, ſi Athanaſium audimus.
Ἡ' ἔχοντες πνευ, inquit, ὡς ἐνδεῶς ἐχέσθης τὸ καὶ Νίκαμα ſυνό-
δου γράψαι περὶ πίστεως, ἔ ἐπεχειρεῖσαι περὶ πῶς. ἡ ἡ ἀρία ſυνό-
δος ἡ ἐν Σαρδικῇ ſυναχθεῖσα, ἡ γανάκτησε, καὶ ὡς οἱ μὴδὲν ἐπ
περὶ πίστεως γράφεται, ἀλλ' ἀρκείσθαι τῇ ἐν Νικαίᾳ ὠδῇ τῆς
πατέρων ὁμολογηθείσῃ πίσει, δὲ τὸ μὴδὲν αὐτῇ ἐλλείπειν, ἀλλὰ
πλήρη εὐλαβείας εἶναι. ἔ ὅτι μὴ δὲν διυτέρων ἐκπιδέσθαι πίσει,
ἵνα μὴ ἡ ἐν Νικαίᾳ γραφεῖσα, ὡς ἀπλῆς ὡς νομοδῇ, ἔ περὶ φα-
σις δὲ τῇ τῆς ἐδέλεσι πολλὰ γράφειν ἔ οὐκ εἶναι περὶ πίστεως.
Æquum eſſe quidem judicarunt, quaſi non ſufficerent, qua Ni-
cana ſynodus tradiderat, de fide ſcribere, idque temere ſunt
aggreſſi. At ſancta, qua Sardica coacta eſt, ſynodus graviter

iulit, sanxitque, ne quid de fide ultra scriberetur: satis esse fidem eam, quam erant Nicæe Patres professi, cum nihil in ea desit, sed plena sit pietatis: non esse scribendam fidem secundam, ne quæ Nicæe scripta est, veluti imperfecta censeatur, deturque occasio multa scribere de fide ac definire volentibus. Nec satis habuit Constantinopolitana synodus voculam symbolo Nicæno inferere; sed multa detraxit, adjecit plura, ut jam symbolum unum existimari cum Nicæno, Constantinopolitanum non possit. Et vero in consecutis synodis utrumque quasi quid distinctum recitatum est. At nostrum nihil a Constantinopolitano differt. Neque enim accessio vocis unius, cujus vis in proxima Patris appellatione continetur, immutare illud dici potest. Dicatur tamen, si ita lubet, sic ab Constantinopolitano differre, ut Constantinopolitanum a Nicæno. Cum potuerit ante Ephesinam synodum fidem in symbolo explanare Ecclesia, quam ob rem post Ephesinam nequeat? Cur non valeat quam tum legem idoneis de causis condidit, eam postea necessariis de causis commutare. Definierat in Ephesino concilio, eos, quos tum damnaverat, restitui in gradum non debere; definivit in Chalcedonensi restituendum Theodoretum act. 8. & restituit. Unde est ut non valeat similiter manente eadem fidei sententia verbis quibusdam locupletare & illustrare symbolum? Ut possit, inquit *Methodius*, hujuscemodi aliquid in symbolo tolerari, non debuit tamen privata autoritate fieri, sed Græcis Latinisque in unum coactis, quærendum de re fuit, & communi calculo statuendum. Commune enim hoc symbolum est. Prius, inquit *Ignatius*, quam respondeo, unum te rogo. Quid causæ est quod ante Photium cum caneretur auctum vocula, *Filioque*, symbolum, Græcorum nemini subiit in mentem, sese propterea ab Latinis abscindere? Non quia nescirent id fieri, quorum scilicet in partibus tot commorabantur Latini, quique apud Latinos tanto ipsi numero degerent? Hoc tum videbatur minime malum, quia æquis amantium oculis inspiciebatur: visum est postea, cum invaluerunt odia, non ferendum; quia pleni sunt iniquitatis odientium oculi. Nunc verò tibi ut faciam satis, mitto summi Pontificis & conciliorum ostentare dignitatem, decretaque effer-

re. Hoc unum aio. Si privata quadam autoritate Latini Ecclesiam omnem iussissent voculam illam veri explanatoriam in symbolum immittere, esset forte Græcis exposulandi causa nonnulla. Verum cum ab ipsis imperiose nemo exigit, ut illam adjiciant; quid queruntur? Canant in templis pro veteri & patrio more, *Qui a Patre procedit*; sed credant ex veteri Apostolorum ac Patrum doctrina, Spiritum divinum a Patre Filioque procedere. Licere sibi putant in episcoporum consecratione proponere symbolum verbis pluribus fuisse expositum; liceat nobis illud dicere vocula una adjecta paullo explicatius. Fidem catholicam non immutat hæc vocula, illam demonstrat; voculam hanc non ab Latinis modo Patribus, sed etiam a Græcis accepimus; non poterat commodiore ac nobiliore loco reponi; & prout tum ferebant tempora, tempore magis necessario. Nam factum illud est, cum Ariana repullulante vesania, ut scribebat Ratramnus Corbeienfis monachus Photii ætate, Spiritum sanctum esse etiam Filium, ex eo conarentur efficere, quod a Patre, ut ipse Filius, procedere diceretur. Hanc enim blasphemiam vocem ut excluderent ab Ecclesia, magistri in symbolo scripserunt Spiritum sanctum a Patre Filioque procedere. Quo tempore id symbolo intextum sit, in dubio est. Constat hoc longe ante Ratramni & Photii tempora admissum. Sic enim recitabatur in Galliis imperatore Carolo magno, & Leone III. summo pontifice, ut refert Ado in Chronico. Usurpatum paullo post secundam œcumenicam synodum tradunt Manuel Calcas & Josephus Methonensis episcopus, & ad symbolum fuisse a Damaso papa adjectum contra hæreticos alios, qui non fratrem Filii Spiritum sanctum, uti superiores, sed filium Filii & nepotem Patris esse garriebant. Testimonio utuntur, Calcas quidem cujusdam historici quem *Σουλίστιος* nominat: Josephus vero Georgii Arestini. Additum in concilio I. Toletano legimus anno Christi cccxlvii. apud Baronium cardinalem contra Priscillianistas, qui Patris & Filii & Spiritus sancti personam esse unam statuebant. Non esse eandem Patris & Filii, satis patebat ex symbolo: aliam quoque esse Spiritus sancti, aliam Patris, hinc constabat, quod a Patre diceretur procedere.

Supererat, ne Filius cum Spiritu sancto in unam confunderetur personam, ut ab ipso etiam procedere Spiritus sanctus pronuntiaretur. Idque factum Leonis magni assensu: certe acceptum ab ea illius epistola XCII. qua ad refellendum Priscillianistarum errorem synodo exponit Spiritus sancti ab Patre & Filio processionem. Quod cum visum esset variis postea in Occidente Ecclesiis ad servandam fidei integritatem peropportuno, ab una in aliam, & in omnes denique transmissum est. S. Maximus Homologieia in suis ad Marinum presbyterum Cypri litteris hanc additionem refert ante synodum VI. fuisse in usu, & ab S. Martino papa in synodicis perscriptam. Verum, ut vobiscum agam non liberaliter modo, sed prodigè, posamus initio quidem ab quibusdam Ecclesiis privatis, non ex necessitate ulla gravi, sed ex solo veritatis amore adscriptam fuisse symbolo voculam illam, *Filioque*, toties laudatam. Peccarint illæ in facto: non est enim Ecclesiæ cuiuslibet quidlibet moliri, etiamsi appareat bonum & commendandum. Unde merito reprehendit illas Leo III. pontifex maximus. Sed postquam consuetudo hæc recitandi symboli ad plures propagata est, necessitas id admittere compulit, ne si prohiberetur, petidicaretur ipsa veritas. Nam si quosdam apud vos reperire est, qui quoniam non scriptum est, *ex Filio*, negant ex eo procedere spiritum divinum, aut potius Spiritum Deum; quid fuissent dicturi, si vocem illam scivissent ab Ecclesia deletam? Quamobrem cogente necessitate vel inserta est, vel relicta. Age nunc, inquit *Methodius*: nobis enarra controversiæ totius historiam, unde nata, quæ grassata, quo denique pertinebit; non enim quod ultra de dogmate opponam, mihi occurrit. Faciam, reposuit *Ignatius*, quod jubes, conaborque, juvante Deo, nihil, nisi Græcis testibus, memorare. Græcorum nemo jam inde ab Christi Domini temporibus Spiritus sancti ab Patre & Filio processionem vocavit in dubium, ad eam usque ætatem, qua prodijt nefandus Nestorius, & fidem corrupit. Immo affirmarunt illam omnes, & comprobarunt luculentissimis rationibus, ut constat ex iis quæ superiore loco attulimus Athanasii, Basilii, Gregorii utriusque, Nysseni & Nazianzeni, Cyrilli, Chrysostomi, atque Epiphaniî testimoniis. Primus litem de

illa movit, qui stabat ab Nestorii partibus, Theodoretus, Cyrilli magis odio, quam studio religionis. Negavitque cum Nestorio in ejus gratiam, ut ex actis Ephesinæ synodi accepimus, ex Filio vel per Filium Spiritum sanctum existere. Scripserat Cyrillus atque explanaverat capitibus duodecim orthodoxam fidem, tandemque anathematismis fædissimos Nestorii errores perculerat. Succensuit illi Theodoretus, editoque libello in Cyrillum irrupit, & in confutatione anathematismi noni, in quo definierat S. Cyrillus Spiritum sanctum esse Filii, quod, excepta paternitate sola, quæ Patris sunt, ea ad Filium quoque pertineant, pronuntiavit ipse blasphemam hanc & impiam esse sententiam, si ea significaret Spiritum sanctum ex Filio esse vel per Filium; secus, si ejusdem communionem substantiæ in Filio & Spiritu sancto indicaret. Verum Cyrilli anathematismos & capita XII. suscepit Ecclesia, & in IV. V. VI. & VII. synodis probavit. Theodoreti autem librum repulit, & gravi anathemate eos omnes, qui illum admitterent, damnavit. Trecentis & amplius postea annis ad tempora Constantini Copronymi imperatoris, nusquam ista Spiritus sancti ab Patre Filioque processio vocata est ab ullo in controversiam. Tum vero occasione forte quorundam S. Joannis Damasceni dictorum, quibus emissionem Spiritus sancti subobscurè explicat, ut mōx a nobis audiebatis; aut potius occasione adjunctæ symbolo voculæ, quod quibusdam factum non placuit: quæstio illa mota est anno Christi DCCCLXVII. in Gallia, ut memorant Ado & Adelmus in Chronicis. Sed facile definita est. Etsi enim Græci Patres aperte Spiritum sanctum a Patre Filioque profundi docent, apertius tamen Latini. Et disertissime concilium Toletanum primum, cum consequentibus aliis, jam dudum in assertione fidei sic edixerat: *Credimus Spiritum quoque esse paracletum, qui nec Pater sit ipse, nec Filius, sed a Patre Filioque procedens.* Ita sentiebant, ita loquebantur Græci & Latini, dum prodiit Photius spado, & deturbato per vim & nefas S. Ignatio Constantinopolitanam invasit sedem, seque ejus loco patriarcham intrusit. Eum enim cum ab fidelium communione & patriarchali gradu ob immensa scelera amovissent tum summi pon-

tifices Romani Nicolaus & Hadrianus, tum maxime Græci ipsi antistites in œcumenicam synodum ab Hadriano papa & Basilio imperatore congregati Constantinopolim, qui in ipsum etiam intincto in Christi sanguinem calamo damnationis sententiam scripserunt: ille vehementi percitus iracundia cœpit quærere, quî posset acceptam injuriam ulcisci, & Romanam apostolicam Ecclesiam in odium vocare. Ei varia objecit, eaque futilia & absque causa, atque inter cætera Romanos arguit, quod Spiritum sanctum ex Patre & Filio procedere affirmarent. Cum vero multos haberet partium suarum, quos scilicet largitione munerum & ecclesiasticorum graduum collatione depravaverat, illos omnes commovit in pontificem & Romanos, eorumque opera viam schismati & errori aperuit. Obiit denique vir, ut mitissime dicam, de Christi Ecclesia pessime meritis, exilio ab imperatore mulctatus, anathemate percussus ab synodo catholica. Videbatur cum ipso hæc extincta opinio. Certe vix ullæ propter eam audiebantur in Oriente, turbæ dum post annos circiter c. emerfit Constantino regnante Michael Cerularius Constantinopolitanus patriarcha, & Latinam Ecclesiam pleno nugarum & inanitatis scripto vexavit, adjutore Niceta Studienti monacho. Sed valide ab Leone papa IX. repressus uterque est. Nam & dicta retractare compulsus est Nicetas, & pertinacior Michael publice damnatus. Antiochenam sedem tum temporis obtinebat Petrus, vir fama meritoque celeberrimus. Hunc per litteras Cerularius ut secum in belli contra Latinos suscepti societatem vocaret, nihil non movit, nihil non scripsit, aut exprobravit. Flagitii terribili loco Romanæ Ecclesiæ vertit, quod jejunii quadragesimalis tempore *Alleluia* non canat, quod ejus sacerdotes sibi barbam attondeant, quod salis aliquid in baptizandi os immittant, quod episcopi ferant digito annulum. Quid plura? nihil Deum, nihil homines veritus, ab Latinis Basilium & Chrysostomum contemni mentitur. At Petrus Cerularium consilio meliore litteris suis ab schismate inducendo detertere summo opere contendit. Ostendebat Latinos Græcis esse fratres, nihil occurrere, quo periculum sit vel majestatem lædi divinam, vel fidem labefactari: minime probare se additam ab Latinis sym-

bolo voculam, unde multorum consecuta est offensio; sed neque probare se Græcorum Constantinopolitanorum factum, qui papæ commemorationem in missa omiserint, cum ante annos XLV. teste se, ejus nomen perhonorifice efferrent: frustra illum tentare Romanorum gentem adeo nobilem & diffusam, a propriis dimovere consuetudinibus, qui nec in Studiensi monasterio revocare diaconos sibi subditos ab gerendis cingulis non potuerit; ex quo existere turbæ istæ in Ecclesia cœperunt, exundasse in orbem calamitates omne genus, easque in dies singulos passim augeri: advolvere se ejus pedibus supplicem, & obtestari, de vehementiore studio remittat, & ad pacem fratrumque amorem potius inclinet. Nihil effecit æquissimis illis postulatis Antiochenus, nec frangere Cerularii contumaciam potuit. Dam nato Michael Cerulario spes erat firmioris concordiæ; sed qui superfeminat in agro dominico zizania, pacem non destitit, quacumque data occasione, incidere. Auxerunt valide iniquissimum schisma ortæ Francos inter Græcosque principes contentiones bellicæ. Ac Græcorum quidem, pudeat dicere, sic exarsere odia, ut Latini cum ad sacra loca ex Sarracenorum manibus recuperanda convolarunt, nullos experti fuerint acerbiores hostes. Constat Manuelem Comnenum, ne quid de Alexio referam, cum fidei nostræ infensissimis adversariis in Latinorum exitium conjurasse. Notum est Andronicum Manuelis patruelem Latinos omnes Constantinopoli immanitate incredibili trucidari jussisse: cujus flagitii poenam & vivus tulit. Nam ab plebe per summam ignominiam camelo per urbis compita circumductus, confosso oculo & abscissa manu tandem discerptus est. Latini injurias tam atroces ulturi bellum ingens adversus Græcos habuerunt, Constantinopolim expugnant, sibi que vindicant imperium. Cum tam inflammata arderent odia, nullus esse concordiæ locus poterat, & cum maxime, ut plurimum, soleant victi odisse victores, volebant e Græcis non pauci vel ipsam Latinorum religionem odisse, & negare esse suam. Verum Latinorum, cum ipsis regnarent, moderationem experti, nullam esse dissentendi in fide causam pacatis oculis viderunt, & in Lateranensi IV. synodo sub Innocentio papa

III. cum Romana Ecclesia pacem inierunt ; quam tantum abest, ut infringeret recuperata Constantinopoli Michael Palæologus, ut operam omnem ipsi firmandæ adhibuerit. Obstetit illi vehementer Iosephus patriarcha, &, qui tum florebat vir in primis doctus & eloquens Joannes Beccus seu Veccus, Ecclesiæ Constantinopolitanæ chartophylax. Parum imperatori videbatur habere sibi consentientes antistites, nisi secum & ipse Beccus esset. Hunc, cum sibi adjungere ratione nulla potuisset, detrussit in carcerem. Nec ea re illum inflexit, donec libros Nicephori Blemmydis ad eum misit. Erat apud Græcos magni nominis hic Blemmydes monachus omni genere doctrinæ & virtutum excultissimus. Is est qui Marcelinam Ducæ imperatoris concubinam monasterii sui & templi aditu prohibuit, ejusque in os portas occlusit, ne quæ Spiritus sancti templum corpus suum polluerat, cœnobium quoque & ædes sacras præsentia sua commacularet. Quod cum ipsa ægerrime ferret, deque injuria apud imperatorem maxime conquereretur & vindictam peteret, negavit ille id facere se posse, aut cum tantæ probitatis viro habere contentionem. Eximius ille vir quo citius tempore Constantinopolitani Græci cum Latinis in Lateranensi concilio instaurarunt concordiam, doluit illam repudiari ab multis, qui imperatoris Theodori Lascaris Nicææ in Bithynia sedem habentis, partes sequebantur : duosque libros de Spiritu sancto ad imperatorem scripsit, quibus demonstrat Spiritum sanctum dici a sanctis Patribus e Filio & per Filium extare. Hos tanti viri libros Michael imperator, ut mox narrabam, Becco chartophylaci misit. Obstupuit ille, visis tot tamque insignibus Patrum testimoniis, & libros ipsos sanctorum Patrum petiit, ut probaret num illa Blemmydes summa fide descripsisset ; spondiditque si ea vere apud sanctos Patres extarent, nihil moræ futurum, quin Romanæ se Ecclesiæ totis animis adjungeret. Rem accuratissime perscrutatus, comperit convenire vere ac perfecte singula. Errorem confessus est suum, & quam vehementer veritati obliuiscatur antea, tam valide postea ejus sibi defensionem sumpsit ; & librum grandem Blemmydis exemplo e Patrum ac scripturæ testimoniis concinnavit, quo Spiritum sanctum

sanctum demonstrabat à Patre Filioque procedere. Movit illum in primis Photii procacitas & perfrecta frons, ut refert Georg. Pachymer. hist. lib. 7. c. 9. cum legeret Photium quidem fateri Romanos Patres Ambrosium, Augustinum & Hieronymum docuisse verbis apertissimis Spiritum sanctum ab Patre Filioque procedere, sed negare audiendos illos, quod Romani essent, non Græci. Quæ putida & fatua exceptio sapientissimum virum offendit, quasi id ipsum esset errare in fide, quod esse Romanum. Et Hieronymum quidem noverat ab S. Damaso edoctum & S. Basilii coætaneum: Augustinum vero Hypponensem in VI. synodo inter ecclesiæ magistros habitum: Ambrosium denique in ecclesia Græca coli, ut sanctitate & doctrina maximum. Ubi Græci in concordiam conspirarunt, ad Gregorium X. pontificem maximum viros principes, illius instaurandæ gratia, cum exquisitissimis muneribus allegarunt, Germanum Marcuzam, qui patriarcha ante Constantinopoli fuerat, Theophanem metropolitam Nicænum, & ex aulicis Georgium magnum logothetam Acropolitam, protovestiarium Panaretum, & magnum interpretem Beræotain. Pervenerunt Lugdunum in Franciam, ubi tum habebatur sacra synodus, litteras antistitum Græcorum & imperatoris tradiderunt, ac in ipso patrum cœtu Spiritum sanctum e Patre Filioque procedere, & pontificem Romanum D. Petri successorem toti præesse ecclesiæ sunt professi. Singulare fuit ecclesiæ gaudium, & laudarunt patres eximiam præfulum Græcorum & imperatoris fidem. Confecta pace Josephus patriarcha cum noller contumaciam ponere, depositus est, & in ejus locum suffectus Beccus. At novem post annis Michaële imperatore vita functo, filius ejus Andronicus rescidit pacem, pessumque dedit omnia. Dejectum patriarcham sedi restituit, & Catholicos dire & atrociter vexavit. Conjectus in vincula Beccus cum suis, in quibus eminent Georgius Metochita & Constantinus Meliteniota chartophylax. Beccus annos XIV, Meliteniota XXIV, Metochita XLV. exegerunt in carcere, immania passi omnia, ac tandem siti, fame, morbis & vexationibus obtriti, fidem orthodoxam constantissime professi, mortem obierunt. In desertis prophanisque locis sanctissimorum hominum abje-

Etum est corpus, dum animus ad cælum incontaminatis
 æternisque donandus honoribus evolavit. De Georgio Meto-
 chita inligne est, quod ex Plethone Demetrius Raules Caba-
 ces ad filium Manuelem scribit. Cum senuisset, & quasi con-
 tabuisset in carcere, viri tanti miseratione provocatus impe-
 rator ex principum consilio, in quibus erat Georgii hujus
 nostri filius Theodorus, jubet eum ad se educi, ratus ani-
 mum calamitatibus fractum facile, quo vellet, inflectendum.
 Georgium suavissime admissum, & agnitione filii (quem
 præ diuturnitate absentiae jam amplius non noverat) recrea-
 tum, sic imperator affatus est: Sentis, magne logotheta, in
 quantum tibi res præteritæ exitium evaserunt. Visum est e-
 re cum publica, tum tua, præclare te facturum, si in eandem
 nobiscum circa ecclesiæ dissidia sententiam venias. Id mecum
 filius hic tuus expetit; & nobis si morem gesseris, vulnera
 tua omnia quæ sunt necessitate temporis inflicta, persanabi-
 mus. Tum Georgius ad imperatorem conversus, *Dicta*, in-
 quit, *percepi, sanctissime domine; sed longe æquius est, ut do-*
mini mei parentis tui amplectaris sententiam, & filius meus
D. Theodorus meam, quam ego vestram. Et nihil ultra lo-
 cutus tacuit. Fuit omnibus admirationi viri invicta constan-
 tia; quem tamen imperator retrusit in carcerem, ubi vitam
 omnem reliquam finit. Verum qui schisma in Christi regnum
 invexit infelicissimus Andronicus, discindi suum vidit, rebel-
 lante quem imperii hæredem instituerat, nepote suo, ab quo
 post captam Constantinopolim abdicare imperium compul-
 sus est. Hinc cœperunt Græcorum res in deterius ruere. Et
 dum divelli ecclesiam principes patiuntur, mutuis inter sese
 dilacerantur odiis, & infensissimi christianæ religionis hostes
 maximam imperii partem armis distrahunt, sibi que inva-
 dunt. Pœnam peccato similem infligente Deo, eamque acer-
 bissimam, ut dilectam Græcorum gentem ad ecclesiæ pacem
 revocaret, qua abrupta tot in illam incommoda ac damna
 profluxerunt. Sensit hoc Joannes Palæologus imperator, &
 qui ecclesiæ Constantinopolitanæ præerat Josephus patriar-
 cha, & communibus studiis reparandæ concordie operam
 dederunt. OEcumenicam haberi synodum ab Eugenio papa
 IV, efflagitant. Is non modo votis annuit, sed etiam Græcis

deligendi loci potestatem facit, & pecuniarum suscipit in sese expensas omnes. Deligitur ab Græcis Ferraria: eo maxima multitudo appellunt; excipiuntur ut fratres singulari ubique munificentia, & amore incredibili. Habita est synodus annis M cccc xxxviii. & xxxix. Adfuerunt Græcorum imperator & CP. patriarcha per se se, patriarchæ ceteri per legatos. Quidquid erat in Græcia doctissimorum & sanctissimorum antistitum huc convenit. Interfuit quoque per se pontifex maximus. Summo otio, ac majori libertate, quod erat in controversia, discussum est. Græcis ut faverent supra modum Latini, rem omnem ex SS. Patrum Græcorum testimoniis judicari voluerunt. Tandem Florentiæ, quo synodus, ob sævientem Ferrariæ pestem, transierat, in unam omnes sententiam convenerunt, & pax auctore Spiritu sancto composita est, cui unus in omnibus Marcus Ephesiorum episcopus noluit assentiri: Patres reliqui omnes subscripsere. Marcus in patriam redux vires totas impendit rescindendæ concordiæ, multosque a fide & obedientia avertit. Deus bone, quantum patriæ suæ nocuit! Qui enim pacem ecclesiæ noluerunt admittere, illi peccato suo bellum accersiverunt in patriam, quo funditus Christianorum in Oriente deletum est imperium. Atque hoc Constantino imperatori Nicolaus papa vaticinatus fuerat, cum futurum scriberet, ut Deus schismaticorum pervicaciam ferret nonnihil, quo eos patientia sua ad obedientiam vocaret, quemadmodum agri dominus in evangelio sicum passus est annos tres; & sicut succidi illam tribus elapsis annis, quod nihil fructus faceret, jussit; sic fore, ut tribus ab hac admonitione elapsis annis, imperium Deus everteret, si ejus subditi animos obstinare contumaciter pergerent, neque vellent pacis & obsequii fructum edere. Ut prædixit, sic evenit. Obsederunt Turcæ Constantinopolim, & quod nemo satis miretur, viam sibi ope & prodicione Christianorum aperuerunt, muros everterunt, fecerunt impressionem; & quæ scelerum tum facies non admittit: exclamat e vestris orthodoxus doctissimusque Allarius, Non dignitatis, inquit exercit. xvii. in Creyghthorum, non sexus, non ætatis habita ratio. Stupra cædibus, cædes stupris addita. Ex nobilitate plurimos ferreis manicis

& compedibus alligatos, & funibus vinctos extra urbem deducunt plebei: mares & feminae virtute & conditione præclari, miserum in modum multis injuriis affliguntur: heroinæ ut meretriculæ in lupanari prostituuntur, itaque tractantur, ut nec bruta animalia, quæ sine rubore fari minime quis valeat: pueri puellæque a parentibus disclusæ divenduntur; infantes coram genitoribus velut agniculi mactati: principes & domini bubulionum porcariorum homuncionumque mancipia facti: intra decennium pueri ad ritus perfidæ sectæ compulsi: omnes passim arma ferentes contrucidati: matronæ ac virginēs, in quibus aliquæ libidinum illecebræ apparebant, ad fædissima commercia reservantur: omnes captæ urbis anguli, aut Christianorum sanguine funesti, aut turpissimarum voluptatum detestabiles objectis. Et quotquot naturæ reverentia ab obsequio tantorum scelerum abhorreere videbantur, mox pro cujusque arbitrio, quibus permissu Mahometi toto triduo nihil in ea civitate illicitum erat, suppliciis afficiebantur. Jugulabant alios, alios verubus affixos torrebant, quibusdam detracta cute, exuviis de humero suspensis, fame atque inedia consumebant: nonnullorum vulnera saliebantur, ut diutissime cruciatibus torquerentur. In summa, quisque contra alterum aliis atque aliis tormentorum generibus excogitatis contendebat. Et sic crudelibus omnia suppliciis impleverant, ut tota urbs non sedes imperii, sed unum quasi Christianorum carnarium videretur. Et ut paullatim numerus captivorum, qui maximus erat, minueretur, nunquam a mensa discedebat Mahometus, quin sanguine & vino ebrius nobilium aliquot virorum suppliciis æstuantem furore animum explevisset: quod tandiu ut fieret præcepit, donec aliquis ex nobilium captivorum numero superesset. Ex civium uxoribus & liberis delectu habito formosas virgines pulcrosque pueros sibi sepositos archieunuchi curæ ac diligentię custodiendos mandavit. Tum demum urbis incolæ in castrorum tentoriis conspecti sunt. Cum rediret classis in suas provincias, tanto onere gravata erat, ut parum abfuerit, quin aquis hauriretur. Erant vero onusta navigia vestibus pretiosis, vasis aureis, argenteis, æneis, stanneis, libris etiam infinitis, captivis quoque tam sacerdotalis, quam laici ordinis,

monialibus ac monachis. Nec minor erat præda in castrorum tentoriis, in quibus cernere erat, hunc sacco pontificali indutum, illum collari aureo præcinctum, eoque canes alligatos ducentem: equos jumenta que centonum & stragulorum vice, stratis auro intextis substernere. Inter epulandum in discis sacris appositis, fructibus vesci variis quidam conspiciantur, & merum sacris calicibus haurire. Libros quoscunque innumeris curribus impositos per Orientem & Occidentem disperferunt. Uno nummo volumina decem Aristotelis & Platonis, theologica, cæterarumque scientiarum & artium vxnierunt. Vin plura? Tempia fandis infandisque sceleribus dedecorata sunt, & sordibus omnis generis repleta. Sacrosancta altaria numini, ejusque sanctis consecrata conculcata, suffossa: martyrum reliquiæ & ossa canibus suisque projecta: libri evangelici & sacri lacerati, deturpati, flammis absumpti: vestes sacerdotales reliquaque ecclesiæ ornamenta ad indumenta sua & ornatus diducta vel vili pretio divendita: vasa sacro Dei cultui dicata ad nefarios & spurcissimos usus translata: imagines Christi, Virginis & aliorum sanctorum cæno aliaque illuvie infuscatæ, conspurcatæ, destructæ. Et, quod vel auditu est horrendum, sacrosanctum sanguinem & corpus Christi in terram effusum & projectum. Intra S. Sophiæ adyta & super sacras mensas edebant & potabant, & incestas libidines suas cum virginibus & pueris explebant. Aiunt ipsum Mahometum apud summam aram propalam, videntibus omnibus, nobilissimam virginem & fratrem ejus adolescentem regalis sanguinis constuprasse, necarique deinde jussisse. Christi crucifixi imaginem, addito in fronte titulo, *Hic est Christianorum Deus*, militum suorum conviciis objecerunt, & per præconem præeunte tympano exercitui conspiciendam, omnique contumeliarum genere afficiendam propinarunt. Constantinus imperator cæsus est, & universa illius stirps ferro fere deleta. Narrant ejus uxorem, filias & alias nobiles fæminas, jussu Mahometi inter epulas & convivia post contumelias & tantæ majestatis deformationem disiectas. Ferunt alii hunc imperatorem, postquam sacra mysteria liberis suis & imperatrici, & multis consanguineis & propinquis impertivisset, hos

omnes obtruncari iussisse, ne in hostium potestatem vivi inciderent. Cæsi ipsius caput abscissum, clavis affixum in Augustii columna ad vesperam usque spectaculo fuit, tum ludibrii causa pilo affixum, & in castris circumlatum. Pellis detracta, paleaque referta per Persarum Arabumque principum aliorumque Turcarum ditiones, ut victoriæ symbolum exportata. Tanti fuit ecclesiæ pacem respuisse! Sic Græcorum imperio finis accidit, & coacti sunt servitutem Turcis servire. Hanc porro deplorandam everisionem circa Pentecostes festa Spiritui sancto devota evenisse commemorant, quo intelligerent omnes factum id in illorum pœnam qui illius ex Patre Filioque processionem negabant. Noli vero, hæc cum audis recitare me, Græcorum ecclesiam existimare deletam. Ut enim de plebe nihil dicam, multi e patriarchis & episcopis mites & humiles corde exemplo Christi boni pastoris, & e clero quotquot doctrina & virtute præcelluerunt, adhæserunt ad hodiernam usque diem Petræ illi, cui fides & christiana veritas innixa est, tamque arcte affixa, ut portæ inferi non sint adversus eam prævalituræ. Execrantur schismatis auctores & erroris. Quod ore pronuntiant in templis, dum orant pro conjunctione ecclesiarum & pace, id toto corde & votis omnibus a Deo postulant. Nolunt in gratiam spadonis Photii, Michaëlis Cerularii, Marci Ephesini & nonnullorum non absimilium, gratia divina excidere, sempiternaque se in supplicia immittere. Sciunt ecclesiam unam esse, unam esse apud Græcos & Latinos fidem; solis ritibus hos & illos discrepare. Et hi ritus eximii sunt in Græcorum natione, in ea Latinorum non inferiores, cum utriusque ritus auctor sit, qui regit ecclesiam Spiritus Dei. Latinos amice & officiose, ut facitis, apud se excipiunt, & Latini pariter Græcos orthodoxos. Audeo dicere, quod experientia probavi multiplici, Græcorum neminem sese ab Latinis in fide abjungere, nisi vel ex odio, vel ex arrogante ignorantia. Qui probi sunt, a nobis sunt, si Deo placet, magno numero. Patres enim Græcos perinde atque Latinos sequuntur duces, quorum nullus Spiritum sanctum a Patre secluso Filio procedere docuit, plerique ex Patre & Filio esse scriptis tradiderunt, crediderunt omnes. Sed jam faciendi

finis hora est. Hora quidem est, inquit *Nicolaus*, tibi quiescendi, quem libenter dies totos audiremus, adeo sunt eximia, selecta & utilia quæ refers. Habemus hic non longe distantem hortum arborum varietate amœnissimum, quo te & Romanum socium tuum ornatissimum pomeridianis horis ad quietem invitamus. Est & ad ejus ingressum ædícula B. Virgini in cælum assumptæ sacra, imaginum elegantia celebris, quam forte non pœnitebit vidisse. Placuit consilium, cœtusque solutus est.

+

DIALOGUS V.

*Sanctos statim a morte homines summa beatitate donari,
& Deo perfrui.*

Vix effluxerat hora post meridiem altera, cum accessit ad religiosos sacerdotes Latinos *Nicolaus* abbas, ut eos in cœnobii hortum relaxandi animi gratia deduceret. Aderant e monachis digniores qui præteritis colloctionibus interfuerant, & exeuntes Latinos in honoris amorisque argumentum sunt omnes gradu uno affectati. Postquam ad hortum perventum est, occurrit statim ædícula beatissimæ Deiparæ virginis. Eo se primum contulerunt, & persolutis Deo pro more precibus non prolixis, cœperunt multitudinem ac varietatem imaginum admirari. Erat enim omni ex parte depicta, ut ne in superiori quidem fornice locus ullus vacuus ab pictura & imagine extaret. Quin & pavementum ipsum marmoreum opere Mosaico insignè flores omne genus suis coloribus impressos incedentium pedibus substernebat. Hinc religiosi viri in hortum interiorem progressi ad fontem virentibus undique arboribus circumseptum assederunt. De ædícula primum ultro citroque habitus sermo, & quisque quod sibi magis arridebat in opere, deprædicabat. Dixerant omnes, & tacebat *Ignatius*, dum rogatus quid sentiret ipse, Omnia, inquit, sum admiratus: sed nihil æque placuit ac tabellæ duæ, quarum altera virginem Deiparam exhibet in cælos assumptam, altera epulonem divitem

misere in inferis ab æstu cruciatum. Placuit autem non tam id quod ex arte perfectum est, quam quod ex veritate depictum. Quippe cum a teneris annis innato quasi amore propendeam ad Græcos, quorum divinos Patres, ex quo cœpi legendo intelligere, delegi mihi magistros. Quamobrem ubi reperio quo ipsos ab ignorantium hominum calumniis vindicem, hic incredibiliter exulto. Quid vero, inquit *Nicolaus*, in istis imaginibus pervidisti, quo nos defendas? Vidi, reposuit *Ignatius*, vidi sanctissimam Deiparam supra angelorum choros in cælum evectam, vidi epulonem divitem infra dæmonum catervas in tartara detrusum. Et hoc apud Græcos, contra quam multi de ipsis narrant. Quid porro narrant, inquit *Methodius*? Græcos, reposuit *Ignatius*, ita de hominum post mortem statu sentire: sanctos quidem nec induci in cælum, nec beatitatem assequi, quæ in Dei intuitione posita est; sed certo quodam & amœno loco concludi ad diem usque iudicii extremi, quo die corpore & anima rursus conjunctis cælos ascendent, & Dei potentur suavissimo aspectu. Sceleratos verò homines, nec detrudi ad inferos, nec torqueri tartareis incendiis, donec finiente mundo reviviscant in corpore, & ab iudice Christo ad æterna inferorum supplicia expellantur: interea obscuris quibusdam & tristitiæ plenissimis locis contineri. Si ita narrant, inquit *Methodius*, merito narrant & vere. Sic credunt Græci. Non tamen, subjecit *Ignatius*, sic pingunt, ut vides in istis imaginibus, neque sic scribunt, si eorum consulis libros. Mihi crede, qui sic fabulantur, pseudo-Græci sunt. Ego sane, inquit *Romanus*, nunquam Græcorum nomine censebo esse dignos, qui sic loquuntur. Mihi Græcus est, qui quod tradunt Græci patres, quod canit in templis Græca ecclesia, id amplectitur & proficitur. Patrum autem & ecclesiæ una vox est, sanctorum animas hominum, cum puræ ab peccato & pœnarum omnium debito absolutæ hinc emigrant, statim efferri in cælum & Deo frui: impiorum vero qui e vita exceßerint rei, ac minime pœnitentes, demergi in tartara, neque mora interposita ulla protinus excruciaci. Mittamus, inquit *Methodius*, de imaginibus dicere, quarum est futura perinde repræsentare, ut præterita. Expone autem quonam nostro

nostro in libro hoc scribitur quod affirmas. Num satius, ait *Nicolaus*, rem differre in crastinum : venimus relaxationis causa, non disceptationis. Quæ amice disceptantur, reposuit *Ignatius*, recreant, non vexant. Patere, quæso, quandoquidem huc devoluta est quæstio, pertractetur : a Romano, cujus nunc sunt partes differendi, audietis, quibus vehementer lætabimini. Quis enim non efferatur gaudio, cum novit paratos sibi statim ab obitu triumphos & felicitatem nullo fine terminandam ? An vero, inquit *Nicolaus*, sic libri nostri & patres asserunt ? Affirmant, respondit *Romanus*, &, quantum dici hoc potest, dicunt. Aiunt enim sanctorum animas, quæ quidem ab omni peccatorum labe ac debito puræ sint, statim conscendere in cælum, atque illic angelorum & Christi ipsius convictu & societate gaudere, fruique totius boni præmio, cujus nec modus ullus, nec finis, in ipsum Deum præsentem facie ad faciem contuentes. Haud dubie, inquit *Nicolaus*, qui sic pronuntiant, sanctorum animas profitentur divina atque æterna felicitate nunc potiri. At ubi librorum nostrorum testimonia ? Ubique sunt, reposuit *Romanus*. Ac primum, quod spectat ascensum animarum in cælum, statim atque corporibus exolvuntur, nec illis persolvenda pro peccatis pœna ulla superest ; num occinitis in Menæo ad 2. Septembris s. *Anthimo Nicomed. episcopo* : In cælis tuorum præcedem laborum invenisti. ἐν τοῖς ὕψουσιν ὄρεσιν ἡμῶν τῷ καμάρων σκ. Et infra : Nunc aperte cum gaudio cælus es ingressus : νῦν σαφῶς ὑμῶν ἐμβαπτεύεις γηδύμῳ. Et iterum : Ad angelorum ordines pervenisti : τῷ ἀγγέλων ἔσθασιν τὰ πάγια. Num refert ad x i i i. Februarii, *Santos Aquilam & Priscillam* e terra translatos, caelestem patriam habitasse : καὶ ἔτι μεταστάντες τῷ ὄντι γῆς κατοικῆσι τῆς ὑμετέρας. Et Martii 7. *Paulum simplicem* in caelestes domos vita functum abiisse : ἀπὸ τῆς γῆς ὑμῶν μεταστάντες. Tum in exequiarum officio sic orat sacerdos : Martyres fortissimi, o Christe, in caelestibus thalamis te assidue deprecantur : ἐν ὑψηλοῖς θαλάμοις διηνεκῶς σὺ ἱκετεύουσιν ὑμῶν. Locutus ille, inquit *Methodius*, sanctis animabus ad diem usque iudicii continendis destinatus cum sit in cælorum aliquo, etsi non est in supremo illo, ubi angeli, ut ait in evangelio Christus

Sanctorum
anima in
cælo sunt
sine paradiso.

Dominus, semper vident faciem Dei, & infinita ex divinitatis intuitu suavitare gaudent, non immerito illarum dicuntur, cum e corporibus abscedunt, deferri in cælum. Velim te, inquit *Romanus*, mentem advertere ad Synaxarii verba, continuoque intelliges, non significari cælum aliud, præter supremam totius beatitudinis sedem. Locus enim ille amœnissimus, in quo pseudo-Græci, liceat mihi sic eos sine convicio appellare, reservant animas ad iudicii usque diem, cælorum regnum esse non potest, cum sit potius animarum e cælorum regno exilium, & carcer paulo fortasse hoc nostro, in quo vivimus, iucundior. Locum illum, subjecit *Methodius*, sic fere cælorum regnum nuncupant, quo Christus modo ecclesiam suam etiam hic in terra positam dicit esse regnum cælorum, hoc saltem sensu, quod Deus gratia sua iis regnat, qui ad summum cæli regnum vocati sunt. Rem minime attingis, inquit *Romanus*. Nam cælorum illud regnum dicitur in Synaxario *patria celestis, æternumque domicilium*. Locus autem ille peramœnus, quo recludunt animas, nec patria est, nec æternitatem habet. Patria enim locus est quem vel pater tuus incolit, vel unde tibi origo est, vel ubi statuisti semper degere. Originem porro a Deo ducimus, quem, etsi immensus est, in cælorum tamen summo semper spectamus; nec æternum sanctis domicilium ullum est, nisi locus ille omnium supremus, in quo beatitudinem summam assequuntur. Ille vero, quem sibi fingunt, temporalis est, & finem habet, unde nimirum cum resurgent sancti, exituri sunt; atque adeo non est domicilium æternum. Quæro abs te, o *Methodi*, quænam angelorum sit civitas, ubinam novem distributi in ordines ante Christi thronum assistunt, ubinam sancti laborum mercedem inveniunt, & adepta hæreditate perfruuntur. Falsus est *Methodius* cælorum supremum beatitati summæ addictum vocibus istis notari. Nota ergo, inquit *Romanus*, quod e Triodii vestri codice refero, τῇ ἐς πίστεως τῆς περὶ ἀγάθου, feria v. Dominicæ illius, quæ ab comedendi casei facultate nuncupatur, sic legis: οἱ τὸν ἐν ἰσχυρὸν ἀπόλαυσιν μὴ ποθήσαντες ἀθλοφόροι ἐρανίων ἀγαθῶν ἡξιώθησαν, καὶ ἀγέλοις συμπολῖται γάρνασι: *Martyres cum terrenas voluptates non expetierint, digni bonis celestibus habiti, & concives ange-*

Sancti cum
angelis in
calo sunt.

lorum sunt effecti. Item feria vi. hebdomadæ ejusdem, τῇ
 ὡς παρὰ τῆς πνεύματι, ubi sanctorum omnium, qui vitæ re-
 ligiosæ virtutibus illustres extiterunt, memoria celebratur;
 ita viros eximios orando compellatis: ὑποιοι πατέρες, εἰς πᾶσαν
 τὴν γὰρ ἐξῆλθεν ὁ φθόγος τῆς κατὰ θεὸν ἀρετῆς. διὸ ἐν ταῖς ἡγε-
 νοῖς δέξατε μισθὸν τῆς καμάρων ἰμῶν, τῆς δαιμόνων λύσαντες τὰς
 φάλαγγας τῆς ἀγέλης ἐφθάσατε τὰ τῶν μαρτύρων. *Patres sancti,*
terram in omnem exiitis sonus factorum vestrorum laudabilium:
quamobrem in celis invenistis mercedem, & dissipato demonum
exercitu ad angelorum ordines pervenistis. Vis aliquid lucu-
 lencius? Dabit tibi sabbatum primum τῆς ἀγίων ἡμερῶν, ubi
 sic affantur B. Theodorum: τοφανοφόρος ἄγιε, παριστὰς σὺν ἀγγέ-
 λοις τῷ τῷ Χριστῷ ἵν' βήματι καὶ φωτὸς τοῦ ἐκείθεν πληρέμεθ' ὡς
 ὁρίσκει. Ora, o sancte, qui corona donatus redimitusque cum
 angelis ante thronum Christi adsisisti, & implevis hinc promi-
 cante lumine. Et feria iiii. hebdomadæ primæ: οἱ μάρτυρές
 σε, Χριστέ, ἐπιλαθόμενοι τῆς ἐν τῷ βίῳ καταφρονήσαντες ἔτι
 βασιλείων ἀπὸ τῆς μέλλουσας ζωῆς, ταύτης κληρονομίαν ἀνδείχθη-
 σαν, ὅθεν ἔτι ἀγγέλοις συναγάζονται. *Martyres tui, o Christe,*
vita presentis obliti, & propter futuram vitam aspernati suppli-
cia, ejus heredes facti sunt, & cum angelis exultant. Præterea
 feria i v. palmarum τῇ δ' τῆς βασιλείας ἐν τῷ ὄρει, in hunc mo-
 dum ad martyres habetur sermo: ὑμᾶς, πανδύσημοι μάρτυρες,
 ἐθλίψας, ἐστενοχωρίας, ἐλίμους, ἐδιωγμούς, ἐδὲ μάστιγας, ἐθυ-
 μὸς ἐπεφῶν, ἐξίφος, ἡδὲ πῦρ ἀπυλῆν χειρὸς θεοῦ διδυνάμηνται,
 πόθῳ δὲ μᾶλλον τὸ πρὸς αὐτὸν ὡς ἐν ἀλλοτρίοις ἀγωνισάμενοι
 σώμασι, τὴν φύσιν ἐλάβετε θανάτου καταφρονήσαντες. ὅθεν καὶ ἐπα-
 ξίως τῆς πόρων ὑμῶν μισθὸν ἐκομίσατε, ἡγενοῖν βασιλείας κλη-
 ρονόμοι γαρόντατε. *Vos, o celeberrimi martyres, non tribula-*
tio, non angustia, non fames, non persecutio, non flagella,
non furor belluarum, non gladius, neque ignis minitans,
potuerunt separare a Deo: sed potius illum desiderantes
quasi in alienis certantes corporibus, naturam obliti estis
morte contempta. Quocirca pro merito laborum vestrorum
 mercedem accepistis facti regni calorum heredes. Hinc Sy-
 naxarii liber ad xi. Septembris B. Theodoram, cum vivere
 desiit, tradit ingressam esse cum gaudio ad sponsum suum
 desiderabilem & expectatum, id est, Christum Dominum, qui

*Sancti in
 celo cum
 Christo
 sunt.*

virginibus sponſus eſt: ἀπῆλθε χαρὰ πρὸς ποθύνον νυμφίον. Et ad diem Februarii xix. narrat SS. Eugenium & Macarium oraffe, ut vitæ hujus vinculis ſolverentur, & eſſent cum Chriſto, cui poſtulado Dominus annuit: ἡτίσταντο δὲ πρὸς συνηγῆς οἱ μακάριοι ἀναλῦσαι, καὶ σὺν Χρῆστῷ εἶναι, καὶ τῆς δυνάστεως αὐτῶν ἐπακύντας ὁ κύριος μετατίσπειν ἀμφοτέρους. Sed re-
voco te ad Triodiam in ſabbato, non jam memini quo ſabbato, ſed εἰς τὸν ὀρθρον ſic legitis: πᾶσα πόλις ἐς ἥντις πικρὰ ὑμῶν τὰ λείψανα, ὧς ἀδελφοὶ μαρτυρεῖς· ὑμεῖς γὰρ ἰομίμως ἀδελήσαντες, σέφνον ἐράνιον ἐπαλάβετε. O premio donati martyres civitas omnis & regio veſtras veneratur reliquias: vos enim legiſtote certantes coronam celeſtem acceperitiſtis. Et in ſabbato medix in quadageſima hebdomadæ: πᾶσαν ἰδίαν ἀρχιςμῶν διελθόντες καὶ νόνον τῷ Βάσλει μὴ περὶόντες κλῖναι τιφάνους δόξης ἡγάθει ἐκ θεοῦ, Χρῆστομαρτυρεῖς. O qui omnem dedecoris ſpeciem deſeruiſtiſtis, Chriſti martyres, quique eo nunquam potuiſtiſtis induci, ut genu inſteteretis Belial, tulitiſtis a Deo coronam gloria. Et feria iv. ſecundæ in quadageſima hebdomadæ, hiſ iterum vocibus Græci martyribus gratulantur. πανόφημοι μαρτυρεῖς, ὑμᾶς οἷα ἡ γῆ κατέκρυψε, ἀλλ' οὐρανὸς ὑπεδέξατο, ἠνοίγησεν ἡμῖν ὡραδίως πόλις, ἐν τῷ γανόμῳ τῷ ἐξ ὧν τῆς ζωῆς ἐπαλάβετε. O celeberrimi martyres non vos terra abſcondit, ſed celum ſuſcepit. Vobis paradifi porta aperta ſunt, & in ejus penetralia ingreſſi fructu vite perfrui mini. Denique in paracleticis ſabbato in ἡχῳ β'. εἰδείας ἡμῖν τὸ θυμῶνους θανάτου τὰς δι-
ξόδους ὡς ἀθανάτους τῇ θεῷ δυνάμει σε, ὅτις εἰσόδους δὲ ἐγνώρι-
ſας τῆς ζωῆς ἀθάνατε, ἥσπερ οἱ μαρτυρεῖς σε νῦν ἐπαξίως ἐπέ-
τυχον. Divina virtute tua, mortis inimica tranſitum, ut im-
mortalis, & ingreſſus manifeſtaſti vite, quam merito martyres tui nunc confeſti ſunt. Hic Romanum interpellavit Ignatius, & Dies, inquit, te deficiat, Romane, ſi quæ in hanc ſenten-
tiam e Græcorum libris peti poſſunt, adducas in medium. Plura dixiſti, quam opus ſit. Nam ſi ſanctorum animæ, ut comminiſcuntur quidam, amæno tantum in loco ad beatita-
tem futuram reſervantur, falſum eſt ſanctos eſſe in civitate angelorum, perveniſſe ad Chriſtum, cum angelis throno Chriſti adſiſtere, ſuorum laborum percepiſſe mercedem, hæ-
reditatem celeſtem & gloriæ coronam adeptos fuiſſe, & fructu

Sancti ac-
ceperunt in
paradiſo co-
ronam glo-
ria.

vitæ, qui Deus est, perfrui: quod affirmant ubique Græcorum libri. Quippe in loco illo jucundo bona illa omnia præstolantur, neque ea, si autores illos audias, nisi perfecto communi judicio assequentur. O rem admirabilitatis plenam, exclamavit *Nicolaus*! Si legunt assecutos fuisse, cur dicunt nondum assecutos, sed assecuturos postea? Quod mireris magis, ait *Romanus*, non legunt modo beatitatem adeptos esse qualemcunque, sed absolutam & summam qua nulla sit major, qualis est quam sanctis tribuunt in Menæo ad xxix. Martii sub finem, dum illis sic gratulantur & supplicant: *Nunc cum angelis, o sancti, throno gloria adfistentes continuo, & trisolaris claritatis, sanctissimæ scilicet triados, splendoribus illustrati, omnes illuminate qui cum fide vestram ornant lucidam celebritatem: ἡδὴ μετ' ἀγγέλων, ἄγιοι, παρισηκώτες θεῶν τῆς δόξης πάντες, καὶ ταῖς ἀσραπαῖς τῆς περιστάσεως λαμπρότητος ἀνταξιοῦντοι πάντας φαῖσται τῷ φάσκειν ὑμῶν μεγαλειότητος πανήγυειν.* Hærebat toto animo cogitabundus Methodius, cum hæc audiret, quærirabatque qua se via ex his adeo constringentibus laqueis extricaret & eriperet. Invenit tandem, ut sibi videbatur, satis idoneam, & ait minime dubitare se, quin sancti statim a morte consecuti sint beatitatem, & scelerati infelicitatem summam, non re quidem ipsa, sed merito. Quem in modum princeps cum præmium ei qui in stadio vicerit, proposuit, si quis pugiles alios superaverit, hoc ipso dicitur præmium adeptus, quamvis illud nondum manu ceperit, sed ipsum sit post aliquot dumtaxat dies accepturus habiturusque. Utar, inquit *Romanus*, exemplo tuo, Methodi, atque illud in rem præsentem transferam. An qui vicit in stadio, præmium dici potest accepisse, quo nondum donatus est. Enimvero potest, reposuit *Methodius*, ut si princeps sic edicat. Qui vicerit, sit v. g. consul altero vertente anno. si quis vincat, hoc ipso consequentis anni accipit consulatum, quem tamen ipsa re nondum gerit. Non absimili ratione ita sanxit Deus: Vincenti æternam vitam dabo fruendam. Vincit, qui moritur Deo gratus, æternam accipit vitam, quamvis purissima ejus voluptate non sit, nisi post lustra aliquot, potiturus. Non patiar te effugere, inquit *Romanus*. Dic, amabo. An accepit vitam æternam, qui eam nec habuit unquam, nec jam habet. Fa-

Sancti adepti sunt beatitudinem æternam non merito solo, sed et ipsa.

teor posse aliquem vitam illam immortalem accipere, etsi non est ejus voluptate, nisi postea, fruiturus, quia voluptas aliud, aliud vita est, sed accipere vitam non potest, quin habeat vitam. Victor autem ille tuus, cujus meministi, non accipit anni alterius consulatum: quis enim accipiat quod nondum est? accipit quod est, jus scilicet consulatus suo tempore possidendi. Cum aderit autem notatus annus, tum vero consulatum accipiet, eritque & appellabitur consul. Revoca hic in memoriam quæ mox attulimus testimonia, saltem ultimum: palam erit non merito solo & spe secura, sed re ipsa ab sanctis beatitatem haberi. Enimvero non tantum ait paradisi portas fuisse martyribus apertas, sed ipsos in interiora ingressos, eoque quod majus est, frui ligno vitæ, id est, ipso Deo, in quo scilicet vita est, & omnium vita. Explicatius tibi vis aliquid & validius? Inspice Mōnæum ad Junii diem 11. ubi sic sanctum Nicephorum Constantinopolitanum patriarcham compellatis:

*Sancti nunc
in Deum fa-
cie ad fa-
ciem in-
suntur.*

εὐρες τὸ μακρότερον τέλος ὑπεξελθόντων τῶν ἐσώπρων καὶ τῆς ἀληθείας φανεύσης τῇ θεωρίᾳ τῶ ἀκρεγέτη καλλύς. *Invenisti beatum finem, subductis jam speculis & manifestata veritate, intuitu immortalis & incorruptæ pulchritudinis.* Et ad diem ejusdem mensis xxix. ubi in illud Philipp. c. 1. Cupio dissolvi, & esse cum Christo, sic Paulum alloquimini: νῦν ἀνάλυσαι, & ὁποσολε, πρὸς τὸν ὑπὸ σὲ ἀενάως ποδὺ μύρον, αὐτῷ π ὡς θεάπων συναυλιζόμενος, ἀπύσεις ἰκεσίαις τοὺς σὲς ἰκέτας πρὸς σε ἔλυσον. *Nunc* (ad hanc primam vocem adverte, Methodi, præfens enim tempus indicat, nihil futuri commonstrat) *Nunc exolutus es, o apostole, & ad eum quem desiderasti jugiter, pervenisti, cum ipso, uti minister ejus, versaris; eos ad te trahere qui tibi assidue supplicant. νῦν ὑδαμῶς ἐν αἰνίγματι ἐδὲ ἐν ἐσώπρω* Χειρὸς σοι ὁπιάσται πρὸς πρὸσωπον δὲ μᾶλλον ὁρᾶται πρὸσωπον, πλείως σοι τὸ πρῶτον ὁποκαλύπτων τῆς θεότητος. *Neque se tibi videndum nunc præbet Christus per speculum & in enigmate, sed cum intueris facie ad faciem, & tibi perfectissime conspiciendam ostendit divinitatem.* Ad diem vero Septembris xxvi. ita S. Joanni Evangelistæ gratulamini. νῦν σὺ ἐν αἰνίγματι πρὸς πρὸσωπον δὲ πρὸσωπον, τῆς τευφῆς τὸν χαίμαρρον ὁρᾶν σε ἤξιώσε, καὶ τὸν ποταμὸν τῆς εἰρήνης, & τὸ πηλὸν τῆς ἀθανασίας, ἢ

οὐν ἀρδενόμενος ἀπολαίεις τῆς θεότητος. *Te Deus dignum effecit, qui nunc aspicias non in enigmate, sed facie ad faciem, torrentem gaudiorum, fluvium pacis, fontem vite aeterna, quo tu perfusus divinitate frueris.* Eximium est etiam quod legis v. Decembris de S. Saba; οὐν ἐν ἑξανοῖς τῆς ἰσοπληθῆς λυθόντων, μακαρίων, καὶ θεῶν ὑποπλάσεις τὴν ἀγίαν τριάδα ἐκτυγχάνων ἀμέσως, ὡς τῆς πίστεως ἐκ πόθου πρὸντων σε. *Tu nunc, o beate, in calis es, & remotum a te est speculum, videsque plane ac pure Trinitatem, & sine interposito medio pro iis rogas, qui cum fide ac reverentia te colunt.* Audiisti sanctos facie ad faciem, sine speculo & enigmate, *nunc* intueri perfectissime in Deum, & divinitate *nunc* frui. Nimum urges, o Romane, inquit *Methodius*, & iis me armis verberas, quæ exosculari compellar, & admittere toto sinu. Sunt tamen qui respondeant, sanctos eo dici *nunc* pervenisse ad beatitatem perfectam æternamque, non quod jam reipsa pervenerint, sed quod ita securi sint & certi illius possidendæ, atque si jam illam essent consecuti. Nihil est, reposuit *Romanus*, nihil omnino hac responsione futilius, quæ si valeret, & esset vera, verum quoque esset te, quamvis vivas, sanoque sis & vegeto corpore, nihilo tamen minus mortuum esse, putidum esse & horrendum cadaver, scatere vermibus, & jacere in sepulcro. Nam sine dubitatione ulla post paullo hic te status excipiet. Et, si ad istorum normam ratiocinari fas est, licebit quoque asserere nunc prodiisse in lucem & adesse Anti-christum, factum mundo finem, & mortuos homines omnes ad commune iudicium, factorumque præmium vel pœnam surrexisse. Id enim nos expectamus, certi fore aliquando, & pari necessitate futurum, qua futurum isti dicunt, ut sancti e quietis loco temporali in æterna felicitatis domicilia traducantur. Quare hoc respondendi & dicendi genus si probamus, nihil jam superest in religione certi. Nam si cum dicuntur in cælum appulisse sancti, accepisse gloriæ coronam, nuncque in sanctissimam Trinitatem facie ad faciem intueri, his vocibus nihil significatur aliud, quam id boni expectari ab sanctis summa certitudine futurum. Qui legit in evangelio venisse Christum, & salutem hominibus attulisse, eodem poterit jure dicere

iis vocibus intelligi venturum certissime Christum Domi-
 num, & allaturum salutem, quod ista sic expectentur, ut
 nihil dubii sit quin sint futura. Quo dicto incidimus in Ju-
 dæorum maledictum errorem & immane flagitium. Audie-
 bat unus e monachis vir simplicior & valde bonus, nec satis
 capiebat, quo hæc pertineret disputatio. Is ad Methodium
 conversus, Itane, inquit, mi pater, Græci asserunt sanctos
 nondum in beatas sedes investos, nec Deo frui? Ubi ergo
 panagia Deipara, ubi apostoli, ubi S. Georgius? Certe
 nullum e Græcis vidi sanctos orantem, qui non attolleret ad
 cælum oculos, eoque illos mente & cogitatione adiret,
 confideretque, sibi bene illorum intercessione futurum, quod
 Deo amico & benevolo adsistant. Præterea tu ipse nuper cum
 mecum solatii gratia inviseres dominum Theodorum, cui
 præreptus est morte filius, hanc ipsi asserebas solatii causam,
 quod a terra ad cælum transvolasset, ab hominibus ad
 Deum, unaque cum angelis bono immenso frueretur. Ne-
 moque est, quod sciam, Græcorum, qui non hæc verba ad
 consolandum afferat. Visus est hac boni viri argumentatio-
 ne nonnihil impediti & interturbati Methodius: arrisit ta-
 men, &, Bene est, inquit, mi frater: liceat tibi inter oran-
 dum oculos, quo soles, efferre. At modo sine venerandos
 patres orationem profequi. Vim habet non modicam, in-
 quit *Ignatius*, hæc carissimi fratris animadversio, & certe
 mos hic orandi & consolandi antiquior est isto nescio quo
 loci festivi aut potius amæni carceris commento, ubi quies-
 cere animas fabulantur, dum corporibus redditæ judicium
 commune subeant, & evolent in cælum. Non erat, inquit
Romanus, meo quidem iudicio philosophiæ aut spiritualis
 vitæ peritus, qui locum hunc in quo exulant tum a terra,
 tum a cælo sanctorum animæ, dixit esse quietis locum. Ne-
 que enim nisi in possessio Deo potest conquietescere animus,
 sed acus magneticæ ad instar, motu perpetuo Deum ut po-
 lum suum postulat, nec moveri desinit, dum ipsum visum
 attingat, eique adhæreat. Atque anima cum impeditur,
 quominus se conjungat Deo, gravius hoc illi molestiusque
 accidit, quam igni, cum non finitur sursum efferri, vel plum-
 bo pondo c. quod a lapsu per vim prohibes. Nimirum quo

Nullum
 quietis lo-
 cum am- a
 esse possens
 adepto Deo.

res creatæ perfectione præstant aliis, eo majore inclinante impetu, vehementiusque in propositum sibi finem moventur. Quamobrem quiescere animæ non possunt, quibus obvelatus est Deus, maxime cum sunt corporibus exolutæ, & ab omnibus depravatæ naturæ impedimentis liberæ. Neque propter spem & expectationem suam conquiescunt. Ut enim recte vidit sapiens Salomon Prov. 3. *Spes quæ differtur, affligit animam.* Si affligit ea quæ de bono medico & creato est, quantum excruciat quæ est de increato & summo? Neque propter sacratissimas illas voluptates quibus forte in amœno illo loco perfunduntur, conquiescunt: quin eorum gustu laticum, augetur desiderium perveniendi ad fontem, unde emanant, & vexat. Neque etiam quies esse potest propter voluntatis creatæ cum divina consensionem: hæc enim esse non potest, nisi vim sibi anima faciat, seque vincat in appetitu innato, & maxime naturali, quo semper impellitur ad bonum illud immensum, cujus amore necessario æstuat & exardescit. Ut eloquar quod res est, inquit *Methodius*, aut fallor, aut nullus ex iis libris, quos in ecclesia legimus, mentionem habet loci hujus ad quietem animarum destinati, nisi unum Nicephori Xantopuli Synaxarion: sed ut recte die hesternæ est a te animadversum, nullius est in ecclesia momenti laici unius viri, & viri quidem non valde docti, autoritas, eo maxime sæculoscribentis, quo vigeant odia, & placebat ab Romanis per fas ac nefas discrepare. At nonnulli cum eo, ne mentiar, nunc loquuntur Græci, & si possunt ecclesiasticis suis libris confutari, non facile tamen eos arguas vel rationum momentis, vel sacrorum codicum autoritate, vel sanctorum patrum effatis. Hoc primum, reposuit *Romanus*, abs te velim, o *Methodi*, ne Græcos appelles eos, qui cum ecclesia Græca nec sentiunt, nec loquuntur. Deinde quod ais, ægre refelli eos, quantum habeat veritatis agnosce. Cautum est divina lege Lev. c. xix. ne quis operario, cum absolvit laborem, mercedem differat. *Non morabitur opus mercenarii apud te usque mane.* Quis credat, Deum legi ab se per summam æquitatem positæ prævaricari, nec propositam mercedem homini, qui illam suo sæpe sanguine, in-

Operario, cum absolvit laborem, statim merces tribuenda.

credibili certe labore commeritus est, nisi post annorum plura millia conferre? Homo dum moritur, operi & merito suo finem imponit. Est enim mors nox illa, de qua Christus in evangelio: *Venit nox, quando nemo potest operari.* Tum cadit ille ut arbor, *quæ ubicumque ceciderit, sive ad austrum paradisi, sive ad aquilonem gehennæ, illic erit.* Unde monebat Galatas Paulus c. 6. *Dum tempus habemus, operemur bonum ad omnes, maxime autem ad domesticos fidei.* Et Corinthios sic hortabatur: *Tempus breve est: ergo qui habent uxores, tanquam non habentes sint, &c. Et, Qui utuntur hoc mundo, tanquam non utantur.* Cum igitur opera, quibus proposita a Deo merces fuit, perfecerit homo, cum animam agit: cur mercedem statim Deus non tribuat? An homines, quos iussit mercenarius statim ab opere absoluto condictum solvere, se ipso vult æquiores? An vero animæ ab corporibus sejunctæ recipiendo præmio non sunt idoneæ? sunt enim vero maxime. Quippe constitutum homini præmium Deus ipse est, in quem intuentes beati sumus. At solius est animæ in divinitatem intueri, ipsamque aspectu beatissimo possidere. Eo nihil conducit corporis cum ipsa conjunctio: neque enim corporatis oculis incorporatus ille & ab omni concrectione secretissimus spiritus videtur. An forte arduum Deo sit præmio statim animas donare? Id vero quid veniat in mentem? *Facile est*, ait Ecclesiasticus cap. 11. *facile est coram Deo, in die obitus retribuere unicuique secundum vias suas.* Quo loci jubet, inspirante Deo, sapientissimus ille vir, in prosperis suppliciorum meminisse, præmiorum in adversis: quæ Deus præmia vel supplicia retribuet, non in die solum iudicii extremi, sed in ipso obitus die. Neque obstant prospere viventium opes atque potentia, aut miseriorum tenuitas & abjectio, quia coram Deo nihil non facile est. Quod si Deus neminem pœna vel præmio afficeret, nisi peractò communi ultimoque iudicio, frustra hic & inepte notasset obitus diem, satisque erat tum supplicii, tum mercedis habere mentionem. Adde hoc se modo Deum opt. max. cum angelis gessisse, ut statim finita merendi via beatitatem illis summam contulerit. Nec diem illum iudicii supremi expectavit; quo die angelos nihilominus, unaque ho-

Angeli finita via sunt statim beatitudinem consecuti.

mines judicabit. Angelos autem nunc Deo frui restatus est ipse Christus, dum parvulos commendabat, vel hoc nomine, quod ita sint Deo cari, ut custodiendos tradiderit angelis, *qui semper vident faciem Patris qui in calis est.* Quod si angelis id concessum a Deo est, quis neget datum homini? cum jus beatitudinis accipiendæ in homine, majus sit jure omni angelorum; tantoque majus, quanto Christus præstat angelis. Nam meritum hominis per Christum redempti, ipsum Christi meritum est nobis attributum. Præterea moram illam in persolvenda mercede tam diuturnam cum summo Dei erga sanctos amore & infinita benevolentia quæ concilies? Prov. 3. *Ne dicas amico tuo, Vade, & revertere, & cras tibi dabo; cum statim possis dare.* Occurrunt mihi non pauca, inquit *Methodius*, quæ hic tibi respondeam. Ac primum, ut admittam vim habere apud Deum qui lege omni superior est, quod præcipitur Levit. c. 19. ne scilicet differatur operario condicta merces: aio minime illam a Deo differri, cum eam proposuerit non a morte statim reddendam, sed in die judicii duntaxat. Audi ex evangelio Matth. c. 16. tunc reddendam esse mercedem: *Filius hominis venturus est in gloria Patris sui, & tunc reddet unicuique secundum opera ejus.* Audi ex Paulo Rom. 2. *Secundum autem duritiam tuam & impænitens cor thesaurizas tibi iram in die ira & revelationis justî judicii Dei.* Mirum est, reposuit *Romanus*, hæc abs te acuto viro proferri. Nam quid hinc arguis? Nemo negat, in die judicii communis & extremi mercedem cuilibet esse reddendam. Etsi enim potiore sui parte jam sit reddita, quandoquidem suam percepit anima; non est tamen reddita ex toto, cum sua nondum mercede corpus gaudeat. Audi tu Paulum 2. Cor. cap. 5. *Omnes nos oportet stare ante tribunal Christi, ut referat unusquisque propria corporis, prout gessit, sive bonum, sive malum.* Deinde etsi fateor venturum Christum in gloria Patris sui in die illo judicii extremi, mihi constat in ipso etiam judicii privati die, eadem in gloria cum angelis apparere, tumque animæ cuilibet iram suam justumque judicium suum revelare. Venire autem Christum, sive illi nos ad stare, cum morte defungimur, judicandos, si mihi non as-

*Dicit, cum
summe san-
ctos admet,
præmium il-
lis non dis-
feri.*

*In hora
mortis ani-
ma Christo
sistitur ju-
dicanda.*

sentiris, assentire libro tuo, assentire evangelio. Liber ille legitur apud Græcos in Syria, estque e dictis S. Joannis Chrysostomi compactus, ejusque concionum nomine circumfertur: sic habet concione LXXI. *Fe elladi la yalam haï yesafer elyoun aou gâdê, aou elân, aou elsaah elâtié kayf youjad mehmelan oufasihelan? tâmmal ya hada qaoul sayeduk esharou elân: fecnkou ma salamoun si ay saah yati rabbkom. Qui non novit an hodie sit profecturus, an die crastina, an hoc ipso temporis puncto, an consequente hora, qui fieri potest, ut negligens sit ac deses? Expende, o tu quisquises, & considera Domini tui dictum, Vigilate, nescitis enim qua hora Dominus vester sit venturus, id est, qua hora sitis morituri & sistendi Christo ad judicium. Lucæ quoque cap. 12. sic monet ipse Christus: Hoc scitote, quoniam si sciret paterfamilias qua hora fur veniret, vigilaret utique, & non sineret perfodi domum suam; & vos estote parati, quia qua hora non putatis, filius hominis veniet. Reddi autem tunc mercedem disce ex Paulo 2. ad Timoth. cap. 4. Ego, inquit, jam delibor, & tempus resolutionis meæ instat. Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die justus judex. Vides Paulum in illa resolutionis, id est, mortis suæ die coronam accepturum. Adde quod ex Ecclesiastico mox referebam, facile Deo esse in die obitus retribuere cuique secundum vias suas. Velim, inquit Methodius, & hoc etiam tibi dare, quod postea ad disceptandum iterum revocabimus, operarium scilicet, ubi primum imposuit labori finem, suo esse afficiendum præmio. At minime necesse est toto simul donari: potest enim conferri per partes; quod tute ipse oportet fatearis, cum reservatam corpori in futurum gloriam asseveres. Ita dixerit aliquis animam sanctam, cum primum discessit a corpore, mercedis suæ accipere nonnihil. Nam & segregatur ab impiis, & constituitur in amœnissimo quietis loco, & singulari perpetuaque divinarum rerum contemplatione fruitur, & incredibili perfunditur voluptate, qua prægustat beatitatem æternam. Contra accidit sceleratæ animæ, quæ in tenebricosam detrusa carceris specum, mœrore perpetuo conflictatur. Unde merito affirmat sacratissimus codex*

Dominum in die obitus unicuique secundum vias suas retribuere. Quæro abste, inquit *Romanus*, si cui rex deberet in præmium sexcenta aureorum millia, solveretque dimidiam obolum; an ille cui solvitur, dici posset mercedem promeritam accepisse? Sic habeto voluptates illas omnes amœni loci, quas esse nullas superiore loco declaravimus, etiamsi veræ essent, cum summa tamen felicitate collatas, ne dimidia quidem oboli habere pretium. Sic enim differunt, ut discrepat ab creatis rebus possessis creator ipse possessus. At unde nosti non dari ante commune iudicium nisi particulam illam & umbram felicitatis æternæ, cum angelis, ut dixi, constet simul esse collatam ab initio totam, atque ut homini conferatur, multa exigant, quæ sunt a nobis commemorata superius. Discrimen est immensum, respondit *Methodius*, homines inter & angelos. Hi enim cum sint spiritus ab omni corporis societate secreti, se solis sunt beatam vitam promeriti. At homines cum communi animæ & corporis conatu, evaserint felicitate æterna digni, non est ex æquitate, ut socius socium, anima carnem in illius consecutione præeat. Deinde angeli una omnes, non alii post alios sunt commeriti præmium, & illud omnes sunt simul adepti: at homines cum alii nascantur ex aliis, & sint aliis posteriores alii, non possunt simul beatitudinem assequi, nisi a prioribus posteriores expectentur, & merces communi omnibus loco & tempore tribuatur. Facit enim Deus quod paterfamilias, qui cum multos ad epulum invitavit, mensam non prius offert, quam omnes convenerint: sic nimirum expectat ipse, dum electorum numerus sub finem mundi compleatur, tum scilicet convivio omnes cælesti simul recreabit. Quod discrimen, inquit *Romanus*, tu petis ab arctissima corporis & animæ in agendo communione, nihil te admodum juvat. Neque necesse est, ut anima ad percipiendam felicitatem corpus suum præstoleretur. Quidquid enim fuit meriti, totum animæ fuit, cujus unius est bonum vel malum dijudicatum amplecti. Corpus autem sæpe merito nocuit, dum *aggravabat animam, & deprimebat sensum multa cogitantem*, ut ait Sapiens. Vel si profuit, eo juvit modo, quo hostis, qui victoris, cum vinci-

Decet animam in accipienda felicitate corpori præire.

tur, meritum auget. Quare corpus nihil ex sese habet meriti, neque præmium sibi exigit. Quod vero consequetur pulcritudinis & voluptatis, cum surget e tumulo, hoc illi anima sua commerita est & postulat. Nulla ergo fit injuria corpori, cum anima ante felicitate donatur, quam ipsum corpus suæ compos sit. Dic corpus animæ instrumentum esse. Quis instrumenti & artificis parem esse rationem statuatur, neque præmio affici debere artificem, quin sua etiam instrumento remuneratio eodem temporis puncto concedatur? Dic corpus animæ famulari. Quis afferat non prius induci ad epulas dominum debere, quin accesserit famulus; ipsique affideat? Sed fac suum etiam corpori esse meritum, proprioque sibi jure exposcere mercedem: an existimas graviter ipsum ferre, si sua sibi anima præeat, cumque illa idcirco, quod æmuli solent, de dignitatis gradu contendere? Corporis meritum, si quod est, merito animæ longe inferius fuit. Nam præterquam quod nihil efficitur ab corpore, cujus potiores partes non vindicet sibi anima, ab qua movetur ipsum & regitur: multa sunt ab anima præclare facta, quorum in societatem venire corpus non potest, ut sunt virtutum omnium pure spiritualium actiones, quales fidei, spei, & charitatis, aliarumque plurimarum, quæ placent ipsa per se se, & sine quibus nihil potest, quod corporis geratur consortio, Deo placere. Cum ergo meritum animæ, corporis merita immenso intervallo superet, quid mirum, si in percipienda felicitate corpori anteeat? Adde quod, cum corpus in rerum natura prius extiterit quam anima, æquum sit ut anima primas sua quoque vice habeat: cum corpus prius in terra apparuerit, prior ipsa in cælo effulgeat. Denique quandoquidem anima semper in agendo prævit corpori, merito illud in accipiendo præmio præcedit. Vim ego non facerem, inquit *Nicolaus*, in illa corporis & animæ societate: nihil enim dictis tuis videtur opponi posse; sed aliud quod est a *Methodio* allatum exemplum, valde urget & præclarum est. Vim ejus quod spectat, reposuit *Romanus*, facile illa potest infringi. Nam pater ille familias, quos invitavit ad convivium, non prius jubet affidere mensæ, quam omnes convenerint, quia non habet

horis singulis apparatus cibos quos offerat, nec semper prostat ferculis delicatioribus mensa onusta, nec decorum est ciborum reliquias amicis venientibus exhibere. At in cælo convivium æternum est, nec exhauritur vel minuitur divinus ille, qui editur, cibus: tantus erit post spatia annorum infinita, quantus fuit jam inde ab primis retro sæculis: totus sumitur, & totus manet. Deinde, ut vestris te Methodiumque verbis constringam, num in amœno illo quietis loco suavissimis animæ pascuntur voluptatibus, quas ipsis quasi in convivium Deus exhibet? Ecce convivio illas prius admittit, quàm adsint omnes: ecce anima beatitate saltem inchoata jucundissime fruitur, dum corroditur a vermibus corpus meriti socium, desinitque in scædissimum pulverem. Minime igitur necesse est ad habendam felicitatem, ut adsit corpus, vel ii convenient simul omnes, qui sunt ipsa donandi aliquando. Atenim, subjecit *Methodius*, sic edocet apostolus Heb. c. ii. *Hi omnes*, inquit, quorum scilicet in illo capite fit mentio, *testimonio fidei probati non acceperunt repromissionem, Deo pro nobis melius aliquid providente, ut non sine nobis consummarentur.* Audis sanctos non accepisse repromissionem? Quos, inquit *Romanus*, quos sanctos, quam repromissionem, quo tempore non acceperunt? Librum consule. Legere *Romanus* cœpit caput illud xi. epistolæ ad Hebræos, jussitque omnes advertere quod palam est, non alios hic appellari sanctos, quam qui sub lege veteri floruerunt. Non accepisse illos *repromissionem* tradit; tûmne, cum *fidei testimonio probati* obierunt, an vero ad hoc usque tempus, quo nos vivimus? At satis innuit loqui se de repromissione consummatæ beatitudinis, *ut non sine nobis*, inquit, *consummarentur.* Consummata autem seu absoluta beatitas duobus intelligi modis potest. Est enim illa beatitudo perfecta, qua totus homo corpore & anima beatur. Est etiam beatitas illa perfecta quâ hominis sic beatur animus, ut summum bonum possideat. Vis ab Paulo eo loci affirmari nondum sanctos illos testamenti veteris, vel hoc nostro tempore accepisse beatitudinem repromissam? Dabo hoc tibi liberaliter; sed intelligendum dicam de consummata totius hominis beatitudine, quæ beatitudo

Quo modo
sancti non
dum acceperunt
repromissionem.

tum vere consummatur & absolvitur, cum corpori suo anima reddita, suam etiam in illud felicitatem transfundit. Quam ob rem non ait Paulus sanctos non esse sine nobis beandos; asserit hoc duntaxat non esse consummandos. Verum alia mihi videtur mens apostoli. Hic enim instrumentum vetus cum novo confert, Christianosque cum antiquis hominibus virtute insignibus. Christianos docet præ cæteris, vel in hoc, a Deo dilectos, quod veteres illi, etsi tantum Dei causa conati & passi essent, non statim tamen a morte consequerentur felicitatem promissam; Christiani vero, postquam oclusas Adami peccato paradisi januas Christus reſeravit, sine mora, si digni sunt, assequantur. Atque hoc est *melius* illud quod nobis esse a Deo provisum Paulus testatur. Si enim ad habendam beatitudinem, perinde ut veteres illi, expectamus commune extremumque iudicium: qua in re superiores illis sumus, quove pacto nobis Deus in accipienda beatitudine *melius providit*? Vides, o Methodi, quamlibet in partem dictum Pauli interpreteris, minime favere adversariis, immo plane a nobis esse, si posteriore illud sensu, quo verior nullus est, admittas. Mihi perplacet, inquit *Nicolaus*, sensus ille posterior; neque eum vererem amplecti, si hoc mihi per Chrysostomum liceret: istum enim apostoli locum cum interpretatur hom. 28. negat sanctorum quemquam fuisse hæctenus coronatum. *Præcesserunt*, inquit, *in certaminibus, sed non præcesserunt in coronis: fratres enim expectant.* Coronatos hic negat, reposuit *Romanus*, hom. 28. quos asserit coronatos hom. 4. *Dic mihi*, inquit, *quid sibi volunt lampades, cerei, & hymni in funeribus mortuorum. Gratias scilicet agimus, quod eum, qui excessit, jam coronaverit, quod a laboribus liberaverit, quod exemerit metu, & apud se habeat: διακρίσεις ὅτι λοιπὸν ἐσθάνωσι τὸν ἀπέλθοντα, ὅτι τῷ πόνῳ ἀπὸλλάξει, ὅτι τῆς δουλείας ἐμβαλὼν ἔχει παρ' ἑαυτοῦ.* Et quoties vos ipsi in Triodio & Menæo jam coronatos esse dicitis? An in sese incurrit Chrysostomus, seque evertit? an vos illum impellitis? Coronatos negat, asserit coronatos. Idque verè, nondum sunt coronati ex toto, & solemniter in oculis omnium ritu: coronati sunt ex parte; coronam enim suam & beatitudinem animus accepit. Vellem, subjecit *Nicolaus*, alio
in

in loco diserte pronuntiaret apostolus, sanctorum animas, dum excedunt e corpore, in caelestem Jerusalem transmutare ad Deum. An excidit memoria, reposuit *Romanus*, quod ex Pauli ep. 2. ad Tim. c. 4. aliisque locis recitavimus? Sed ne dicta huc revolvam, habes in ejusdem ad Hebræos epistolæ capite 12. præclarum testimonium. Ait enim, in caelesti Jerusalem, quæ Dei viventis civitas est, habitare angelos, & spiritus justorum perfectorum, cum mediatore testamenti novi Christo JESU. *Accessistis*, inquit, *ad Sion montem & civitatem Dei viventis Jerusalem caelestem, & multorum millium angelorum frequentiam, & ecclesiam primitivorum qui conscripti sunt in calis, & judicem omnium Deum, & spiritus justorum perfectorum, & testamenti novi mediatorem JESUM.* At forte, objecit *Nicolaus*, descripsit hic apostolus Dei civitatem, non quali nunc conditione est, sed quali futura est post extremi judicii diem. Minime omnium, respondit *Romanus*: in illa enim cum Christo & angelis nequaquam collocat justorum corpora animabus conjuncta, sed ipsorum duntaxat spiritus. Deinde primitivos ait esse in calis conscriptos, id est, admissos. Postremo hortatur ad studium bonorum operum christianos, quod per ea accedant non ad terribilem montem, ut Hebræi veteres, ubi Deus non videbatur; sed ad caelestem Jerusalem, ubi angeli & sancti, ubi Christus & Deus est. Paulus idem magister orbis ad Philipp. c. 1. scribit: *Coarctor à duobus, desiderium habens dissolvi, & esse cum Christo, multo magis melius: permanere autem in carne, necessarium propter vos.* Quid ais? hic exclamat Chrysostomus serm. 4. *Cum hinc abiens sis in calum emigraturus, & futurus cum Christo: μάλλον ἐπιθυμῶν ὅπως τοῦ ὑεγαίνῃ μετὰ τοῦ Χριστοῦ, ἢ μὴ? Χερσὴ εἶναι: ignoras quid eligas. Neque hoc tantum, sed etiam hic manere eligis. Equis mercator navem habens sexcentis thesauris refertam, cum licet in portum subire, & quiete frui, mari adhuc jactari malit? Quis athleta, cum licet accipere coronam, pugnare possit, & caput concidendum obicere? Quis dux, cum liberari a bello potest cum gloria & trophæis, & cum rege in regia conquiescere, adhuc & sudare præpter, atque instructa acie dimicare? Est etiam locus egregius 2. Cor. c. 5. Sci-*

Probat
scriptura
testimonii
sanctos in
calo summa
felicitate
nunc frui.

*mus quoniam si terrestris domus nostra hujus habitationis dissolvatur. Quid scis, o Paule? quid futurum est? scisne te transferendum ad amœnum quietis locum, ad diem usque judicii extremi, unde postea in cælum evoles? hoc nescit Paulus. Scimus, inquit, quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, eternam in celis. Non novit Paulus nisi domos duas, domum mundi hujus, & domum cæli. Addit, si tamen vestiti & non nudi inveniamur. Nam de hominibus sanctis sermonem habet. Domus alia tertia Paulo nusquam visa est. Inferorum & purgatorii non meminit, vel quia domus non sunt, sed carceres, vel quia, ut dixi, de hominibus vestitis, id est, sanctissimis ibi loquitur. Expende quod adjungit: *Scientes quoniam dum sumus in corpore, peregrinamur à Domino: per fidem enim ambulamus, & non per speciem. Quid est? Num etiam dum extra corpus est, peregrinatur à Domino, in illo scilicet jucunditatis & tranquillitatis loco? Nondum hoc Paulus a Nicephoro Xanthopulo & summis hujuscemodi magistris didicerat. Credebat tum se præsentem Domino futurum, si peregrinaretur à corpore. Bonam, inquit, voluntatem habemus magis peregrinari a corpore, & præsentem esse ad Dominum. Ubi Chrysostomus hom. 10. Non extinguit vitam nostram, qui nos oppugnat & occidit. Noli timere. Confide, dum te obruncat: non enim solum a corruptione & gravi pondere te liberat, ἀλλὰ καὶ τῷ κυρίῳ σε ὁδοποιεῖ καὶ χάρις: sed ad Dominum te confestim transmittit. Jam postquam Paulum audiisti, ausculta Pauli magistrum & Deum. Quibus JESUM vocibus compellabat in cruce latronum ille fortunatissimus? Domine, memento mei, dum veneris in regnum tuum. Et dixit illi JESUS: Amen dico tibi, hodie mecum eris in paradiso. Paradisum igitur latro eo, quo mortuus est, die assecutus est. Hoc pueros ipsos Græci docent in Osetoecho minore: Ἀφ' ἐξ ὧν ὁ Ἀδὰμ ὠδεδίσθη γέροντι ἀποικὸς, διὰ τοῦτο δὲ σαυρὸς ὁ ληστὴς ὠδεδίσθη. Per lignum Adam exul e paradiso factus est: per lignum vero crucis latro in paradiso habitavit. An solus id privilegii est adeptus? Ascendens Christus in altum, inquit beatus apostolus Eph. 4. captivam duxit captivitatem. Id**

Explicatur
qualem in
paradisum
beatus latro
sit admissus.

est, veteres sanctos patres, qui captivorum in morem in locis terræ inferioribus detinebantur, Christus eduxit, eorumque cum ipsis ingressus est victor. Nisi bene explano, pessime errant Græci in Oſtoecho. *O Christe*, inquit, *vite largitor*, sponte propter mortuos es passus, & descendens ad inferos, ut prepotens, hinc eduxisti eos qui adventum tuum expectabant, eosque e manu fortis eripiens, dedisti eis, loco inferorum, paradisum incolere. Ζωοδότα Χεῖρ, εὐσεβῶς πάθος ἡμῶν διὰ θνήσκουσας, ἐν ἁδῇ ἢ καθελατὼν, ὡς δυνατὸς, τοῖς ἐκείτω ἔλωσιν μόνοντας τῷ σὺν, ἀφ' ὧν ὡς ἐν χειρὸς κραταῖς ὡς δὲ δίδωσι αἰδ' ἁδὲ οὐκ ἐν δίδωσιν. Constat igitur, si Græcos audimus, quotquot e sanctis hominibus Christus ex inferis eduxit, id est, homines omnes, qui morte sancta ante Christi ætatem perfuncti sunt, in paradisum evectos esse. Verum, inquit *Methodius*, paradisus ille hoc ipsum est, quod amœnus ille locus quem rejicis. Unde habes summæ felicitatis sedem esse? Quæro ego abs te, inquit *Romanus*, unde tu habes locum illum esse peramœnum, ubi exulant a Deo animæ, & ea, quam ardentissime exoptant, beatitudine carent? Cum hoc suum dictum probare *Methodius* non posset, voluit Romanum priore loco quod affirmarat demonstrare, pollicitus se postea facturum satis. Latronis, inquit *Romanus*, orationem contemplatus *Chrysostomus* serm. de Christo & latrone, & responsum Christi admiratus, Nullus rex, scribit, *patiatur unquam hominem latronem, aut alium e famulis aliquem secum confidentem in urbem ingredi. At iste hominum amantiſſimus Dominus hoc fecit: in sacram enim ingressus patriam, latronem secum induxit. eis τῷ ἱερῷ γὰρ εἰσιὼν πατρίδα τὸν λῃστὴν μετ' ἑαυτὸν εἰσφέρει. Quem paradisum non hic modo patriam Christi vocat, sed etiam τῷ θεῶν βασιλείᾳ, celorum regnum. Et *Ambrosius*, *Uerior est*, inquit, *gratia, quam precatio: semper enim Dominus plus tribuit, quam rogatur. Petiit scilicet latro, ut sui Christus meminisset in regno suo; plus fecit, illum regni ipsius fecit componentem. Regnum autem & patria Christi, nisi fallor, summæ felicitatis paradisus est. Et vero nisi educōs ex inferis antiquos patres ad summam paradisi felicitatem tranſtulit, quid adepti sunt boni mutato loco? Cum enim a corporum**

conditione immensum absint spiritus, perinde ipsis est deorsum sint vel sursum, si nihilo Deum magis intueantur. Ubique demum locorum sint, dum fruuntur beato illo aspectu, non desinunt esse in carcere & exilio. Denique quid paradisi intelligatur nomine, Græcos ipsos volo iudices. Repete quæ supra exposuimus ex ipsorum libris testimonia, quibus constat sanctorum animas in beatitudinis summæ cælo positas, nullo interjecto medio in Dei vultum intueri, & divinitate perfrui. Quo sensu etiam in Paracliticis in ἡμεῖς α'. τῇ β'. sic legunt: ἡδὴ παρελθόντες μαρτυρῆς τῶν πειρασμῶν τὸ ὕδωρ τὸ ἀνύποστατον καὶ τῶν αἰκιμῶν τῶν χαλεπῶν τὸ κλυδωνιον πᾶσις λιμὴν σαρκῶς κατέλιπότες, τῆς αὐτοῦ βασιλείας θείας χαλίνης ἀπαλαύοντες. Eodemque loci iterum: φέγεις ἀνιστήρις μάρτυρες φωτοειδὲς ἡνυδαροί, ἡξιώθητι, καὶ ἐν ἐκκλησίᾳ θεοτοτόκων ἀρραγέμεθι; καὶ ἀγίων χοροῖς ἀναχάλλεσθι. O martyres, e temptationum aqua fundo carente, & difficilium injuriarum fluctibus egressi, portum regni cælestis jam attigistis, & divina tranquillitate gaudetis, digni effecti, qui lumine illo, quod nescit occasum, illuminati fueritis, & in ecclesia primitivorum delectamini, & cum angelorum choris exultatis. Ubinam angeli exultant; ubi est primitivorum ecclesia; ubi lumen illud quod occasum nescit, ubi denique cæleste regnum, quo jam appulsi dicuntur sanctorum animæ? Sicubi est, certe in Dei beatorumque paradiso est. Nostris nos libris, inquit *Methodius*, nimio plus torques, o Romane. At, amabo, parabola zizaniorum agri quid fiet? Hanc enim Christus edisserens, plane ostendit in consummatione duntaxat sæculi tradendos igni flagitiosos homines, probos autem in cælo beandos. Volebant servi zizania ab tritico secernere: non passus est homo, qui seminavit bonum semen in agro suo, nisi tempore messis id fieri. Messis porro tempus consummatione sæculi definivit. Sic erit, inquit, in consummatione sæculi: mittet Filius hominis angelos suos, & colligent de regno ejus omnia scandala, & eos qui faciunt iniquitatem, & mittent eos in caminum ignis; ibi erit fletus & stridor dentium. Tunc iusti fulgebunt sicut sol in regno patris eorum. Tunc, ait, in consummatione nempe sæculi. Quod si sanctos statim a morte in cælum Deus admittat, ut doces; improbos

autem peccati reos demittat in tartarum : facta secretio est, quam vetuit Deus fieri ante sæculi consummationem. Si vero, subiecit *Romanus*, sanctos statim à morte Deus in amœnum quietis locum inducat, & malos in nocestissimum carcerem detrudat : nonne peræque facta erit utrorumque ab invicem secretio discessioque ? Et parabola ista zizaniorum quid fiet ? Dicam, inquit *Methodius*, eodem in loco proborum improborumque animas versari atque agere permixtas, hoc uno discrimine, quod improbi perpetuo degant in mœtore, intuitu futuræ pœnæ ; probi vero semper gaudeant, certi futuræ beatitatis. Ecce, reposuit *Romanus*, iterum secretionem affers, luctus gaudiique discrimine, & pessime sanctis consulis quos eodem cum improbis loco concludis & detines. Cumque sanctorum locus, vel te ipso teste, paradysus sit aliquis ; nam latroni ab Christo dictum est, *Hodie mecum eris in paradiso* : necesse erit, si quis te audiat, ut sint etiam in paradiso improbi, quos tamen eduxisse ab inferis Christus non legitur, cum inde probos secum evexit. Quid ergo, inquit *Methodius*, hac Christi parabola futurum est ? quid alia, ubi missis in vineam operariis tempore diverso, jubet eodem tempore mercedem tribui ? Arrisit *Romanus*, & , Noli vereri, ait : parabola utraque optime futurum est. Nam primum missi diversis horis in vineam operarii nihil possunt facessere negotii. Nemo enim eorum est, qui statim ab opere absoluto non acceperit mercedem : ita nemo homo est, qui statim ab finito per mortem labore præmium felicitate summa non acquirat. Parabola vero superiore hoc tantum Christus edocet, fore ad consummationem usque sæculi, malos bonis permixtos in orbe terrarum, neque futuram utrorumque secretionem, nisi in mundi occasu. *Tunc iusti*, qui anima sola nunc beati sunt, *fulgebunt sicut sol*, ob assumpti corporis lucem *in regno patris eorum*. Dixi tibi quid futurum parabolis tuis : enarra tu mihi vicissim, nisi ipsa in morte hominum animæ præmio vel pœna afficiantur pro meritis, quid fiet Lazari & divitis epulonis historia : divitem enim Christus refert inferorum in flammis, ubi mortuus est, sepultum, cum jam Lazarus in

*Qualis in
fine mundi
futura sit
proborum &
improborum
secretio.*

Divitiarum
Lazari pa-
rabola, rei
gesta histo-
ria est.

sinu Abraham, quo deportatus ab angelis fuerat, conquiesceret. Ac ne pures representari ab Christo futuram hominum post iudicium commune conditionem: vel hinc describi presentem intellige, quod dives non fratres suos modo commemorat, tum vitam in terra agentes; sed eorum numerum, quos moneri vult de instituenda sanctius vita, ne secum ad supplicii sui augmentum in flammam devolvantur. Atenim, inquit *Methodius*, hæc parabola est, non historia. Historiam esse Patres fere omnes insinuant, probant non pauci: liquet & ita Græcos sentire ex dominicæ, quæ est quadragesimalis quinta, officio. Hic enim ea de divite epulone & mendico Lazaro recitantur, quæ nisi historia esset, minime dicerentur. Sunt etiam in sancti huius Lazari memoriam ædificata templa, & ipsum Chrysostomus aperte sanctis annumerat homin. 71. in caput 5. *Joan. μιχαρόν η τομίζωμεν πνία. κ. γδ φερίστας ε καρπείας κ. πάσης φιλοσοφίας διδάσκαλος ημίν η πνία. επει ε. Λάζαρ. πνία συνίξη κ. ετεφανύτο, κ. ο Ιακώβ αψτε μέν επάρχειν επεδύμει, ε ο Ιωσήφ εν ιεράτη πνία εζητέει, κ. εχ' ουδ' ουλός μένοι ην, αλλά κ. δεσπότης. Ne quid mali esse paupertatem arbitremur: nobis enim prudentia, tolerantia & philosophia totius paupertas est magistra. Quandoquidem & Lazarus vitam pauperem duxit, & coronatus est, & Jacob panem solum optabat reperire, Joseph quoque in extremam adductus inopiam, non servus modo, sed & vinctus erat.* Divitis ipsius nomen prodit Euthymius, aitque Nineusim fuisse appellatum, cujus etiam domus vestigia in hanc usque diem Jerosolymis videntur, & ostenduntur peregrinis. Sed fac esse parabolam meram, quæ certissima historia est. Non nescis sic effingi ab sapientibus viris parabolas, ut, si non exhibeant, quod est reipsa vel fuit, nihil saltem contineant, quod e veritate esse non possit. Quare si nemo, dum nunc vivimus, flammis inferis crucietur, nunquam dixisset Dominus divitem epulonem his torqueri pœnis, cum fratres ejus viverent, eoque essent rerum statu, ut acta pœnitentia effugere illas possent. Qui enim parabolas enarrant, sic eas recitant quasi rei gestæ historiam, atque ita illas concinnant apte, ut nihil præ se ferant quod falsi formam habeat. Quemadmo-

dum si quis de filio prodigo parabolam institueret, referretque ipsum facta fame optasse saturari de ferro & saxis quæ porcis dantur in cibum; & cum domo convivioque a patre exceptus est, illum rogasse, ut his quoque epulis quinque fratres suos vita functos juberet simul adesse: merito repelleretur cum suis nugis. Neque enim porcorum cibus est ferrum aut saxa. Neque mortui homines ad edendum vel invitantur vel conveniunt. Quare nisi cruciarentur in inferno ante judicium extremum improbi, nunquam dixisset, vel in parabola, Christus divitem nunc torqueri. Parabolam hanc, inquit *Nicolaus*, audiebam nuper ex Cyrillo lib. 1. adversus Anthropomorphitas c. 16. historiam esse, sed non se tota, extitisse reipsa Lazarum & divitem Christi ætate, ut tradunt Hebræi, quorum futuram sortem Dominus, quasi si jam illam adepti essent, depingit, cum eam tamen non sint, nisi peracto communi judicio, subituri. Imo absurde facere illos scribit, qui aliquibus bonorum vel malorum operum retributionem ante factam fuisse cogitet, quam mortui ad vitam omnes surrexerint, & Christus e cælo judex descenderit. Non nego, respondit *Romanus*, ita dicere Cyrillum: at si his illius verbis pertendas evinci, ne animæ quidem hominum vita functorum factam esse retributionem; videris tu, an Cyrilli verba non satis explanata, disertissimis sacrorum codicum, & ecclesiasticorum, qui vobis in usu sunt, librorum verbis, quibus facta esse animæ retributio traditur, præponenda sint. Videris quæ Cyrillum cum Cyrillo concilies, qui de exitu animæ, *ὅτι ἐξέδωκε ψυχῆς*, conscriptus est, vulgoque extat typis excusus in Horologii calce. Exponit eximius ille doctor terrores illos primum, quibus afficitur anima ad aspectum terribilium, immanium, immitium, & sævissimorum dæmonum, *ὅν κ' ἡ αὐτὴ ἡ ἰδέα μόνη, χαλεποτέρῃ ὑπάρχει πείνης καὶ πόως*, quorum vel forma sola supplicio omni acerbior est. Et in manibus angelorum, quibus ipsa detinetur & portatur sistenda judicio, ubi quidquid boni gessit vel mali, sit propalam. Deinde, *Si digna*, inquit, *extiterit, assumunt eam angeli, & ab dæmonum erepta furore, ad illud evolat gaudium, quod nulla potest oratione declarari. Si vero peccati rea comperi-*

Cyrillus secum ipso conciliatur de felicitate sanctorum.

tur, deserunt illam angeli, & nigris horrendisque demonibus permittitur, qui illam immisericorditer verberant, & constrictam vinculis æternis, quæ nulla vis effringat, detrudunt in terram caligine obscuram, in inferiores partes, in carcerem tartareum, ubi sceleratorum hominum qui ab ipso mundi exordio mortui sunt, animæ vinctæ in tenebris densissimis delitescunt, & pœnis perpetuis excruciantur. Illic va, va continuo, illic eheu, illic vociferantur, nec est qui succurrat; clamant; nec ullus est qui liberet. Non potest illa rerum angustia explicari, non possunt loquendo explanari dolores jacentiam illic & conclusorum animarum: neque nullo hominum ore metus ille, & terror describi potest, neque ulla dicendi copia illorum conditio & ploratus exponi. Æternum gemunt; sed qui misereatur, nemo est. Exclamant ex imo; sed non est qui eos exaudiat. Lamentantur, nullus liberat. Invocant & plangunt: at qui commoveatur, nemo prorsus est. Hæc Cyrillus. Idemque libro 12. commentariorum in Joannis caput 19. v. 30. Sic existimandum est, & merito valde, ὅτι ἡ ψὴ τοῦ ἡγίου σωματίου αἱ τῆς ἀγάπης δυνάμεις τοῦ πατρὸς, sanctorum animas, postquam e terra velut in manus amantissimi patris excesserint, bonitati Dei ejusque misericordie commendari. Neque ut infidelium aliqui opinati sunt, circa monumenta versantur, sepulcrales expectantes inferias, neque, ut peccatorum animas, in immensi supplicii locum, hoc est, inferos detrudi, εἰς τὸν τοῦ ἀμάρτιας καὶ ὀλέθου κατακομιζονται τόπον; sed potius in manus patris omnium properare & servatoris nostri Christi, qui nobis hanc viam instauravit. Tradidit enim in patris manus animam suam, ut & nos initio in illa & per illam sumpto, claras spes habeamus, firmiter sentientes atque credentes, nos carnis mortem perpeffos in manibus fore Dei, & longe potiori statu, quam eramus in carne. Quocirca sapiens nobis Paulus scribit, melius esse dissolvi, & esse cum Christo. Atque ita qui sentiat fieri in animæ exitu, an docere is potest nullam nisi peracto communi extremoque judicio boni vel mali futuram mercedem? Si nullam tradit factam hætenus, negat factam homini toti, id est, corpori & animæ: non negat animæ ipsi concessam, ut ex allatis ejus verbis mox audiebas. Negare nempe non potest, nisi tum sibi, tum aliis patribus

patribus bellum moveat, quo bello victoria caderet. Nam quid unus adversus omnes, imo & adversum se? Si qua, inquit *Nicolaus*, patrum in hanc rem testimonia huc modo proferres, causam videreris omnino vicisse. In promptu sunt, reposuit *Romanus*. Aures præbe Chrysostomo S. Philogonium episcopum exornanti in hæc verba: *Beatum eapropter virum hunc sanctum prædico, quia etsi translatus est, & civitatem, quam nos incolimus, deseruit, transit in aliam quæ Dei est, & digressus ab hac ecclesia, in illam pervenit, quæ est primogenitorum in calis conscriptorum, atque his festis relictis ad celebritatem transvolavit angelorum. Quod enim sursum civitas sit, & ecclesia & celebritas, audi Paulum dicentem: Accessistis ad civitatem Dei viventis Jerusalem caelestem, & primogenitorum ecclesiam conscriptorum in calis, & frequentiam millium angelorum. Non solum autem propter multitudinem celestium virtutum, sed etiam propter bonorum copiam, & continuum gaudium & lætitiâ, hæc omnia quæ hic sunt, celebritatem & frequentiam appellavit. Neque enim aliud solet celebritatem facere, quam multitudo convenientium, & mercium venalium copia, cum triticum, hordeum & frugum species omnes, & greges ovium, & boum armenta, vestes, aliaque id genus plurima importantur, vendentibus aliis, aliis ementibus. Sed quid horum, queris, in calis est? Horum nihil; sed his multo excellentiora. Non enim sunt illic triticum, hordeum ac frugum variae species: sed illic, nempe in paradiso, ubique fructus spiritus. Gaudium, benevolentia, bonitas, pax, ac mansuetudinis summa exuperat copia. Non enim ovium greges, non boum armenta, sed spiritus justorum perfectorum, animarum virtutes, vitæque recte facta, in omni calo videre licet: non vestes aut amictus, sed coronas quovis auro pretiosiores, tum bravia certaminum præmia, aliaque bona innumera iis reposita, qui recte fecerint. Ad hæc, ibi est multitudo congregatorum longe tum copiosior, tum honoratior. Neque enim constat ex hominibus urbanis indigenisque; sed hic sunt angelorum & archangelorum infinita millia, illic sodalitia prophetarum, apostolorum ordines, cunei justorum, omnium qui fortiter rem gesserunt, varii cæns. Profecto miranda panegyris est. Jamque id sane majus est omnibus, quod in media frequentia versatur horum omnium rex. Etenim*

*Serm. de S.
Philogom.
c. 15.*

ubi dixit Paulus, Accessistis ad innumerabilem angelorum frequentiam; subjecit, & ad judicem universorum Deum. Quis unquam vidit in hominum celebritate prodeuntem regem? Hic quidem nemo vidit. Illic autem qui adsunt, perpetuo vident, quatenus illud videre licet, non solum presentem, sed etiam glorie suae splendore condecorantem universum cœtum. Et nostrae quidem celebritates sub meridiem plerumque solvantur, ille vero non item. Non enim mensum in orbem recursus, neque annorum circuitus, neque dierum numerum expectat, sed stat perpetuo, illiusque bona finem non habent, nec senescere possunt, nec marcescere. Nullus illic, ut hic, tumultus, nulla perturbatio, sed ingens omnium cum ordine decenti compositio, haud secus atque in cithara quâdam, modulatissimum concenium, & quarvis musica suaviorem reddentium utriusque creatura Domino, dum anima illic velut in sacris adytis divinisque mysteriis divinorum arcanorum mystagogiam peragit. Ad hanc beatam requiem transiit hodie B. Philogonius. Hactenus Chrysostomus. Nihil, inquit Nicolaus, hoc testimonio majus: quam enim accurate summam paradisi beatitudinem, quam aureo divinus ille magister ore depingit! Atque illam B. Philogonium dicit non assecuturum in mundi fine, sed hodie, cum mortuus est, assecutum. Chrysostomo, inquit Romanus, adjungo Gregorium Nyssenum in orat. funebri de Placilla imperatrice. Sic loquitur: Quid molestum & acerbum est, si a vite malis beata illa segregata est, & abjectis, ut peste quadam, corporis sordibus pura anima ad immortalem & incorruptam vitam transiit. Aufugit illinc, ut inquit propheta, dolor & molestia & gemitus. Pro his vero quid? indolentia, beatitas, liberatio ab quocunque malo, angelorum consuetudo, invisibilium contemplatio, societas cum Deo, letitia finem non habens. Nunquid igitur luctu prosequi reginam decet, cum intelligamus quae quibus commutaverit? κατέλιπε βασιλείαν γήινην, ἀλλὰ τὸν ἐσχάτιον κατέλαβεν. ἀπέθετο τὸν ἐν λίθων στέφανον, ἀλλὰ τὸν τῆς δόξης φειδήσατο. ἀπέδυσατο τὸν πορφυρεῖδα, ἀλλὰ χεῖρον ἐνδύσατο. Reliquit regnum terrestre, sed caeleste assecuta est: deposuit coronam lapidibus ornata, at glorie coronam sibi circumdedit: exuit purpuream vestem, sed Christum induit. Hoc est vere regium ac pretiosum indumentum. Hanc, qua hic est, pur-

puram audio concha cujusdam marine sanguine rubescere , at purpure supernæ Christi sanguis splendidum colorem dedit , &c. Brevius idem , at disertius in funere magni Antiochiæ episcopi Meletii. Non amplius , inquit , signo & umbra celestium servit , sed in ipsam rerum imaginem intuetur : non amplius per speculum & enigma , ἀλλ' αὐτοῦ θεοτόπου ἐντοχάειν θεῶ : sed ipse facie ad faciem versatur & colloquitur cum Deo. Basilii vero Gregorii hujus Nysseni frater homil. in Gordium martyrem, Gordium scribit tanta animi alacritate properasse ad pœnam, ut non liëtorum manibus, sed angelorum videretur tradendus. οὐ δὲ οὕτως αὐτὸν νοσφάζει ὡς ἀλάστορες θεοὶ τὴν μαρτυρίαν ζῶντι παρίσταναι ὡς τὸν Λάζαρον. Qui angeli illum postquam interemptus est , subito excipientes ad beatam vitam ut Lazarum transtulerunt. Præclara quoque Ephræmi Syri sententia est in serm. de iis qui in Christo obdormierunt. Emigrarunt , inquit , a nobis , qui bene & sancte ad Dominum profecti sunt : reliquerunt nos orphanos , & ad propriam patriam abierunt : reliquerunt corruptionem , & ad immortalitatem concesserunt : mundo occubuerunt , & apud Christum exorti sunt : e terra exierunt , & jam supernam Jerusalem inhabitant : vite præsentis vanitatem reliquerunt , & ad supernam beatitudinem pervenerunt. Hic Romanum interpellans Ignatius, Dies , inquit ; te deficit tam copiose differentem , nec advertis. Patere , subjecit Methodius, patere , absolvat : & quod spectat quidem sanctissimos patres nostros ; quos appellavit ex iis testes , hos habemus satis : at gravissimus hinc existit nodus , vobis exolvendus. Nam si jam adjudicata felicitas illis est qui eam sunt promeriti , & pœna æterna flagitiosis hominibus ; jam quoque peractum sit necesse est judicium : adeoque vel nullum erit finiente mundo , quod futurum ex evangelio docemur ; vel cum erit , frustra omnino est futurum. Peractum est , respondit Romanus , in cujusque morte judicium unum , fiet aliud in mundi fine. Commune & extremum hoc quidem , cum primum cujusque proprium sit & privatum. Neque Græcis ignota sunt ambo illa judicia. Nam primum illud quod mortem excipit , Paulus indicat Hebr. c. 9. Statutum est , inquit , hominibus semel mori , post hoc autem judi-

Cur per-
acto privato
judicio cu-
jusque in
morte, futu-
rum sit com-
mune aliud
in mundi fi-
ne.

cium. Non dicit, post hoc autem sedere in quietis vel perturbationis loco; sed cum morte iudicium copulat. Et ejus Ecclesiasticus meminit cap. xi. antea laudato : *In fine hominis denudatio operum ejus*. Et codices evangelii pariter, cum nos vigilare præcipiunt, ne Filius hominis, quicquid venturus est hora, quam nescimus, incautis adveniat. Denique Apoc. liber c. 20. ubi vinculis adstrictum satanam ad mille annos, id est, ad mundi usque finem memorat, quo tempore versantur cum Christo sanctorum animæ, & vivunt & regnant; quæ prima quædam resurrectio est : solvendum vero satanam in fine mundi, seducendas gentes, orbem igne comburendum, futuram omnium resurrectionem & iudicium commune. Describunt iudicium illud privatum Græci passim, in officio quod ἀκολουθία εἰς ψυχῶν ἀγῶντα appellant, tumque legunt, cum æger in moriendo graviter luctatur, & ingenti premicitur angustia, sic aiunt: ἰδὲ ἄγγελοι σείοντες ἀπέσπασαν τὴν σάρκα τοῦ θανάτου ἀφ' οὗ ἀθλίας ψυχῆς, & ἀπάγουσιν πρὸς κρίτην θεοῦ τὸν & φοβερόν. Ecce angeli miseram animam vincientes, illam repente & immaniter evellunt e corpore, & ad terribilem formidandumque iudicem abducunt. Et in Odoecheo minore sono i. sic virginem Deiparam solent orare : ἐν ὥρᾳ με τῇ φοβερᾷ τῇ θανάτου οὐ ἐξυρπάσον κατηργήσαντων δαιμόνων καὶ πάσης κολάσεως. In hora mortis tremenda ab accusantibus diabolis omnique pœna me libera. Vides, & audiebas etiam modo ex Cyrilli sermone πρὸ ἐξόδου ψυχῆς, de anima exitu, hominem in ipsa mortis hora, cum ab diabolis accusari, tum ab iudice summo Deo pœnis addici. Ephræmum Syrum hic nequeo missum facere : id enim quam explicatissime docet in libro de beatitud. *Beatus*, inquit, *quicumque in illa hora emigrationis, quando cum timore atque dolore anima separabitur a corpore, fiduciam repererit. Venturi enim sunt angeli, qui animam a corpore jam separatam, accipiant, sistantque ante tribunal immortalis ac tremendi iudicis. Quid ergo juvat, ait Methodius, quid juvat commune iudicium, postquam privato illo tulit quisque quod erat suum; & pœna impiis, iustis vero gloria decreta est & tributa. Multas tibi rationes, inquit Romanus, paucis offero, quas tecum expendas otiosius. Necessè est commune illud*

haberi iudicium, siue Christi, siue proborum hominum, siue improborum jus & merita expendas. Debetur hoc Christo, quo ab omnibus agnoscat omnium Dominus & Deus; quo palam ipse omnibus faciat, quantum uniuscuiusque causa, ut salutem assequeretur, egerit, miris & variis modis; quo denique plenam amoris infiniti & immensæ sapientiæ in administrandis rebus humanis Dei providentiam demonstret, quam suspicere noluerunt, & suscipere tot homines cæci ac perfidi, de qua dubitarunt tot alii, quam fere nullus pro meritis vel agnovit, vel adamavit. Neque par est communi illo iudicio carere sanctos. Decet enim, ut qui unius amore Dei tam præclare, sed tam occulte, dum viverent, egerunt, eorum tum merita appareant & celebrentur, ut quos mundus despexit, atque odio habuit, eos tandem admirationi habeat mundus & revereatur; ut in omnium oculis gloriæ coronam accipiant. Et si enim statim a morte reges fuerint, & regio palatio excepti, nec defuerit corona, regiisque opibus ac deliciis abundaverint, dilata solennis est coronæ impositio, dum fiat celeberrimus hominum omnium ad iudicium conventus. Quo more videmus hic, eos qui regiam dignitatem vel reipublicæ suffragiis vel hæreditatis jure sunt consecuti, non coronari, sed destinato quodam postea tempore, quo major erit magnatum frequentia, celebritasque populorum. Debuit & sceleratorum quoque hominum habita ratione, commune illud institui iudicium, ut revelentur omnibus omnia illorum vel occultissima flagitia, & qui pudorem omnem exuerunt ad peccandum, pudore omni suffundantur ad supplicium: ut visa sanctorum vel exteriori gloria, unde exciderint intelligant, factaque sui & illorum comparatione magis ac magis excrucientur; ut denique omnes agnoscant, quam merito pœnis adeo acerbis æternum damnentur. Deus bone! exclamavit *Nicolaus*, quo me terrore percellis vel hac levi quam facis iudicii mentione? quid tum futurum, cum erit reipsa? Qui nunc illius concutiuntur timore, respondit *Romanus*, non habebunt tunc quod reformident. Est enim parens sapientiæ timor ille, quam qui habet, & Christum qui sapientia ipsa est, habet, nec ab illo iudican-

degeret, apertum est cælum, Apoc. 4. & 6. Tum visi ante thronum Domini, circumque sacerdotes xxiv. illi scilicet qui in sanctis hominibus merito præcellunt & gloria. Sedebant ipsi quoque in thronis, induti candidissimis vestibus, & coronis aureis in capite ornati. Sanctorum etiam, qui occisi sunt propter Dei verbum, animæ ostensæ. Illæ sub altari positæ vehementi voce sanguinem suum de iis qui habitant in terra, vindicari efflagitabant. Permirum, inquit *Methodius*, harum te animarum meminisse: nihil enim æque adversariis tuis favet, atque quod loco Apocalypsis citato de iis scribitur. Vindictam enim illam cum exposcerent, id tulerunt responsi: *Quiescerent adhuc modicum*, (sub altari scilicet, quo amœna nostra quietis sedes exhibetur) *dum compleantur conservi eorum & fratres eorum, qui interficiendi sunt, sicut & illi*. Ecce dilatam impiorum pœnam, dum electorum compleatur in sæculi consummatione numerus. Interea acceperunt singulæ *stolas albas*, arrham nempe & securitatem futuræ beatitatis. Fateor, inquit *Romanus*, animas illas fortunatissimas sub altari quiescere. Sed altare illud in medio paradiso positum esse, quis neget? Imo esse ante ipsum Dei thronum Joannes asserit c. 8. in excelsissimo scilicet paradisi loco. Jam vero altare illud in cæli altissima parte coram Deo collocatum, quidnam est, nisi locus ille ubi agnus stat, qui *occisus ab initio mundi* dicitur? *Vidi*, inquit Joannes c. 5. *& ecce in medio throni & quatuor animalium, & in medio seniorum agnum stantem tanquam occisum*. Et cap. 8. ait super altare illud deferri atque deponi orationes sanctorum, id est, in manus Christi JESU, qui cum mediator sit & sequester, eas Deo Patri cum suis offert. Addit Joannes: *Et accepit angelus thuribulum, & implevit illud ex igne altaris, quem misit in terram*. Qua dicendi formula terribilem amantissimi Domini furorem in sceleratos homines effundendum indicat. Unde facile intelligas altare illud cæleste, sub quo beatæ animæ requiescunt, cum esse ipsissimum locum in quo Christus est: qui locus felicitatis totius oportet sit sedes. Hic constitutæ sanctorum animæ stola induuntur alba, quæ gloriæ vestis est & summæ beatitatis. Idque ante commune judicium. Vindicari enim san-

guinem suum poscunt de iis qui habitant in terra. Neque futura hæc vindicta dicitur die illo mundi extremo, sed paulo post, cum scilicet fratres alii martyrio destinati mortem obierint. Vel si tum temporis dici futuram pugnes, non repugnabo admodum: quia tunc in resumptis corporibus tyranni ac carnifices acerbius torquebuntur, quam martyres invictissimos cruciaverint in suis. Constituuntur autem animæ illæ beatæ sub altari, tum ut eas subesse Christo & inferiore loco stare, tum ut omnem beatitatem suam ab immolato Christo in ipsos derivari doceamur. Abstrusissima sunt, inquit *Nicolaus*, quæ hoc sacro Apocalypseos libro traduntur, & ad suam invertere quisque sententiam non ægre potest. Sed age, captu propiora, quæ promissisti, ex annalibus ecclesiasticis deprome exempla. Offero primum, reposuit *Romanus*, quæ recitatis die assumptæ in cælos Deiparæ. Hanc enim sanctissimam Virginem corpore & anima creditis in paradysum evectam, Filio assidere proximam, & angelis omnibus, ut merito, sic gloria superiorem cælo terrisque imperare. Lege librum illum concionum Arabicè conscriptum, quem Græci Athanasio cuidam Hierosolymitano patriarchæ tribuunt: lege ubi de B. Virginis dormitione sermonem habet, & hinc pete clarissima in hanc rem testimonia. Quoties optima illa non Christi modo, sed etiam nostrum omnium mater, suis visa est in hora mortis de cælo descendere, quo eos secum in æterna gaudia induceret. Florebat in Italia sæculo XIII. vir non miraculorum minus, quam virtutum gloria insignis, *Nicolaus* a Tolento. Is XIV. ineunte obiit, anno scilicet post natum Christum M. CCC. VI. Instante morte cæpit incredibili perfundi læticia, & quantum per vires licebat, gaudientis & exultantis animi voces emittere. Gaudii causam sciscitantibus fratribus, Causa est, respondit, quod hic mihi Christus adest, seque cum sanctissima Maria matre, beatoque patre Augustino dedit aspectabilem, hisque me vocibus suavissime compellant: *Euge serve bene & fidelis, intra in gaudium Domini tui.* Tum conversus ad Christum, subiecit: *In manus tuas, Domine, commendo spiritum meum.* Nec plura, & animam efflavit. Hoc exemplum eo protuli libentius, quod etiam-

etiamnum vir ille sanctissimus miraculis fulget, nec ita pridem tanta ex ejus brachio sanguinis copia profluxit, ut eo sacrata, qua continetur, atcula fere compleretur. Advertis vitum illum beatissimum ipsa mortis hora in Domini gaudium intravisse. Martham item Lazari sororem, Annales referunt, octo ante obitum diebus angelos aspexisse, cum sororem suam Magdalenam in cælum inferrent: quo die-
rum octo elapso spatio, cum ageret ipsa spiritum, Christum vidit, ab quo amicissime his verbis in beatam vocabatur patriam: *O qua me tuo in terris excepisti olim castello, veni, te meo vicissim excipiam in calis.* Exemplum utrumque Rebadeneyra accuratissimus scriptor ex probatissimis autoribus descripsit. At memorandum est quod affert Nicephorus vester eccl. Hist. suæ l. 8. c. 23. cum e cccxviii. patribus episcopi duo ante decessissent, quam Nicænæ synodi subscriberetur decretis. Illa postquam sanctissimi Patres obsignarunt manu propria, sese ad eorum sepulcra contulerunt, sicque illos sunt obtestati, ut *quoniam nullo interposito obice Trinitatis splendorem jam intuebantur clarius, dignarentur synodo secum, adscriptis suis etiam nominibus, assentiri.* Ac relicto hic libello abcefferunt. Postridie cum ad sepulcra conventum est, in libello recentes adhuc ipso-
rum subscriptiones subscriptionibus patrum aliis in hæc verba invenerunt insertas: *Chrysantus & Musonius qui cum patribus omnibus in sancta prima æcumenica synodo consensimus, quamvis corpore translati, manu tamen propria, nos quoque libello subscripsimus.* Vis recentiora? Vixit superiore sæculo Petrus ab Alcantara austerioris disciplinæ, & sanctimonix fama celeberrimus monachus, e religiosa S. Francisci Assinatis familia: is cum morbo illo, quo e vivis sublatus est, decumberet, ab sanctissima sæpe Virgine, sanctisque Joanne evangelista & Alberto invisebatur, tantoque ejus cubiculum emicabat undique lumine, ut ingredi fratrum nemo tum auderet, sed ad januam qui stabant, summa cum voluptate divinis illius colloquiis fruebantur. Tandem ille morti proximus, genua inflectens cepit psalmum hunc, *Latatus sum in his que dicta sunt mihi, In domum Domini ibimus,* suavissime decan-
rare, ac fratres admonens intueri se in B. Virginem & san-

&issimam Triadem, suamque ab illis mox excipiendam animam, effulsit in ejus vultu lux tam vegeta & rutilans, ut defigi in ipsum vix posset obtutus: qua in luce transvolavit ad æternam. Atque eo temporis puncto, & in ipso, ut sic loquar, suo in paradisum volatu S. Theresiæ visus est plenus admirabili gloriæ splendore; illamque allocutus; *O felicem*, inquit, *pœnitentiam*, *quæ mihi tantam a Deo gloriam promerita est*. Neque tum modo, sed alias sæpius beatæ illi virgini plenus cælesti gloria apparuit, & cælestibus eam consiliis instruxit. Quod quidem ipsa scripto contestata est. Theresiam autem testem cum nomino, virginem appello summe a Deo dilectam. Hujus etiamnum corpus, post annos a morte centum, incorruptum suavissimo liquore & quasi sanguine diffluit, quo multa ad Dei laudem & mortalium salutem miracula effecta sunt. Patere, inquit *Nicolaus*, abs te quæram Petri illius sanctissimi monachi, quænam esset pœnitentia. Vix credas, reposuit *Romanus*, quæ testes omni exceptione majores affirmarunt. Annorum xl. spatio vix diebus singulis horam unam & dimidiam somno dedit; neque dormiebat prostratus: cellulam enim incolebat, quæ pedes quatuor sua vel longitudine, vel latitudine non excederet. Nudo & aperto semper capite, diu noctuque, etiam frigidissima hieme annos septem & quadraginta permansit. Cilicium quo induebatur, ferreum per annos xx. nunquam deposuit. Jejunium & orationem sic coluit, ut nihil admirabilius. Sed nihil ista ad propositam quæstionem. Alia exempla narro. Illustre est quod describit Græcus autor Simeon Metaphrastes de SS. Juliano Antiocheno & Basilissæ ejus uxore virgine. Post Basilissæ obitum, cum varia & immania Julianus tormenta pertulisset Christi & religionis causa, dejectus est in carcerem obscœnum cum fidei & constantiæ suæ sociis, ubi cum Dei laudes pernoctando concineret, duplex illi chorus apparuit. Adduxerat ad Christi cultum milites viginti, quos septem fratrum opera Antonio sacerdoti abluendos sacris baptismi aquis tradiderat. Illi jam martyrio cum fratribus septem defuncti, & gloria cælesti donati, immensa luce in carcerem delapsi sunt, & ex parte altera virgines numero magno

Basilissa duce splendidis omnes induta vestibus, eratque vox una omnium plenissima suavitatis *Alleluia, alleluia*. Tum Basilissa Julianum allocuta, monuit certaminum esse finem, apertum ipsi jam cælum & apparatus coronam; expectare sanctos & adesse, ut ipsum exciperent. Juliani istius, inquit *Ignatius*, patria Antiochia perinsigne exemplum aliud mihi in memoriam revocat. Grassabatur in Antiochiæ finibus prædo famosus *Jonathas*. Cum eum insequerentur prætoriani milites, nec jam haberet quo evaderet, ad columnam S. Simeonis Styliæ se recipit, eamque amplexus Simeonem obtestatur ipsum non tam e satellitum, quam e Dei vindicis manibus eriperet, cujus in se districtam iram reformidabat. Quærenti sanctissimo Styliæ, an ipsum ex animo factorum pœniteret, paratusque esset pœnam flagitiis consentaneam in semittere, cum affirmando respondisset, pervenerunt ad cœnobium milites, & *Jonatham* sibi tradi postularunt. Vidit illos e columnæ fastigio Simeon, exclamavitque non vocante se, sed adducente Deo huc venisse *Jonatham*, & columnam tenuisse: ingrederentur, si ita luberet, at caverent sibi ab ira divina. Veriti milites, abscesserunt. *Jonathas* interea septem ipsos dies noctesque rotidem adhæsit columnæ, magna lacrymarum vi peccata eluens, sic, ut dolore confectus & exhaustis plangendo viribus, Simeonem alloquens, *Sine*, inquit, *pater optime, sine me hinc abire. At, fili mi*, respondit Simeon, *vide ne se discesseris, pristinam agendi viam repetas. Noli vereri, mi pater*, subjecit *Jonathas*: *hoc eo dico, quia Deus, cujus erga me singularis est clementia, mihi significavit factum sibi pœnitentia mea satis, & ecce ecce Dominus meus Christus* *Jesus* ad sese me vocat; vocantem sequor. Hæc cum diceret ardentissimo pectore, animam efflavit, quam asseruit B. Simeon vidisse se Domini manibus exceptam, & magno angelorum stipatam numero conscendere in cælum. Sic memorat in S. Simeonis vita doctissimus Rosweidus. O quantum, exclamavit *Nicolaus*, o quantum afferunt solatii hæc exempla! Patere, inquit *Romanus*, unicum nunc adducam quod afferat terrorem, sitque contestatissimæ veritatis. Scripsit illud S. Bonifacius Germaniæ apostolus epistola

In vita S.
Simeoni, a-
pud Rosweid.

*Cassius in
Aula san-
ctæ.*

ad Aldeburgium secunda. Cum vacaret eximius ille vir propagandæ apud Germanos fidei, revixit a mortuis quidam, & admirabilia quæ viderat & didicerat bene multa, Dei permisso narravit. Ac ne cui dubia essent quæ referebat, se Dei nutu iterum vixisse, eaque accepisse se divinitus, cum multis argumentis, tum hinc ostendit, quod nonnullis quæ clam ac nullo teste peccaverant, aperuit, ac Ceelredi Merciorum tyranni necem prædixit. Hunc, cum ad se accersivisset Bonifacius, iussit quæ mortuus viderat, candidè ex veritate prodere. Morem, inquit, imperanti tibi non possum non gerere. Verum heu! quam discrepant viventis & mortui hominis cogitata & iudicia! Cum discessit e corpore anima, tum is me stupor invasit qui hominem occuparet, si cæcus ab ortu multis post annis admirabilem mundi ornatum, & rerum tam variarum pulchritudinem claris apertisque oculis intueretur. Vix mihi punctum visus est orbis universus, nihil illo depressius & vilius. Mox Christus adfuit comitantibus infinito numero angelis: & apparuerunt parte ex altera vultu deformi & ad horrorem immittendum composito dæmones. At ex quo corpori reddita est anima, subobscurè & quasi per caliginem hæc inspicio. Ecce tibi hoc ipso puncto temporis accesserunt ex totius orbis partibus mortuorum animæ numero tanto, quanto mortalium nemini veniat in mentem. Habita est de singulis severa quæstio, & accuratissimo examine omnia expensa atque dijudicata sunt. Animæ paucæ statim conscenderunt in cælum: nonnullæ purgantibus flammis damnatæ quibus expiarentur, & dignæ purissimi loci ingressu & promissa felicitate fierent; innumeræ in subterraneas specus & immanes puteos, unde terribiles flammæ erumpebant, detrusæ sunt. Horrendum est quanta acerbitate distraherentur a dæmonibus. Ah! qui tum clamores & ejulatus! Pavebam ego interim supra modum omnem: cœperant enim accusare me diaboli. Passus omnes meos, verba & cogitata singula, nedum facta, habebant in numero. Urgebat me quovis actore vehementius accusatrix conscientia. Quod mihi, dum viverem, vix erat levissimæ culpæ loco, videbatur tum mihi flagitium ingens, immane,

atrox. Erat tunc in vivis homo, cui olim intuleram vulnus, illic, quo modo nescio, adfuit, & vindictam exposcebat effusi sanguinis. Prope excideram spe omni, cum custos angelus in meam defensionem surrexit, &, quæ feceram opera bona nonnulla, coram protulit: quorum intuitu, haud scio an provocatus secundum misericordiam suam magnam, Dominus concessit meum ut corpus repeterem, & exurgerem ad vitam, multis exemplo meo profuturus. Horrebam ad aspectum corporis jam fœtentis ac putrescentis. Nec pudēbat mediocriter propter hoc fœdissimum cadaver, ejusque sordidas voluptates a Deo me toties defecisse, decidisseque e calo. Ubi conjuncta iterum corpori anima fuit, steti septem ipsos dies stupore defixus, sicque conatus sum peccata deplangere, ut præ doloris acerbitate lacrymatus sim sanguine, cum nihil esset quo dignius scelera mea deslerem. Sic audivit ab redivivo homine Bonifacius, ita descripsit. At si vultis eorum exempla qui ex ipsis gehennæ ignibus mortales divino jussu monituri acceperunt, illa ex eo libro petite quem Agabius vir Græcus edidit, & peccantium salutem dixit. Omnium nunc teritur manibus vulgari idiomate Græco & Arábico. Erat in religiosorum cœtu sacerdos quidam inter suos pro ætate non indoctus. Is Bonifacii historiam cum audit, Methodium intuitus, Si veritatem, inquit, habet illa narratio, habet quoque Francorum de purgatorio sententia, quam etsi non plane rejicis, vidi te tamen identidem vocare in dubium. Hæc non alta admodum voce protulit, audit tamen ob vicinitatem loci *Ignatius*, & ait: Quin veritatem hæc historia habeat, nemo vocet jure in dubium, qui illam ab doctissimo sanctissimoque antistite conscriptam esse noverit. Sed ut veritatem non haberet, (neque enim in exemplis istis, etsi minime dubia sunt, vim facimus, qui certissima autoritate nitimur, & rationum pondere nostra omnia volumus æstimari) ut, inquam, veritatem non haberet quod ex divinissimo viro Germaniæ apostolo recitavimus; haberet tamen Francorum de purgatorio sententia, quæ ipsissima Græcæ ecclesiæ sententia est. Ecce, inquit *Romanus*, nova se offert ad differendum quæstio; sed amplissima est, nec eam patiuntur an-

gustia temporis pertractari. Vereor autem ne si de illa incipimus dicere, protrahatur ad multam noctem collocutio, & mihi videntur, nisi fallor, omnium nostrum oculi somno graves. Quare cum bona vestra venia discedamus; & crastina die, sacro peracto, dictoque vale inchoatam peregrinationem, juvante Deo, persequemur. Hoc vero ut fiat, patres optimi, inquit *Nicolaus*, non concedam volens, nec patiar, si me auditis, abire vos, dum quaeritis nostris omnibus feceritis satis. Capiendi somni gratia excedamus, sed memineritis vobis die crastina de purgatorio esse dicendum.



DIALOGUS VII

De purgatorio.

EXISTIMARUNT e Græcis quidam Latinos sacerdotes ea de causa recedere die proxime præterito, & inchoatam peregrinationem prosequi statuisse, quod minus parati essent ad solvendam quæ proposita fuerat de purgatorio quaestionem. Nam quid est, inquebant, quod religiosi illi viri, qui tam lubenter, imo tam cupide, tamque copiose superioribus diebus disputarunt, cum de purgatorio dicendi oblata ipsis occasio est, non urgebant pro more suo, ut dicerent; urgebant ut abirent. Nolite, reponerat *Methodius*, ita suspicari: novi ego hujusce potissimum religionis viros; vel in gravissimis difficultatibus non hærent: qui hærent in re perfacili, in qua vix quidquam est Græcos inter Latinosque controversiæ? Non nescio esse e nostris qui litem Francis de purgatorio moveant: sed pudet me profecto, cum ipsos audio, eorum vel ignorantia vel contumacia. Ego tamen, si ita lubet, obstinabo consulto animum, & Latinos sacerdotes, quo potero conatu, exercitationis gratia exagitabo. Propositum placuit: atque ubi primum hora data convenerunt Latini, post datam ac redditam ex lege urbanitaris salutem, sic dicere *Methodius*, exorsus est: Maximas habemus, agimusque vobis gratias,

venerandi patres, quod votis nostris annuistis, & cohonestare aliquot adhuc dies cœnobium nostrum præsentia vestra, nobisque vestra prodesse doctrina placuerit. Sed quoniam versari apud nos perbreui tempore statuistis, curare nostrum est, ne ulla nobis hora effluat ab percipiendo fructu vacua. Agite ergo: & quandoquidem pronuntiastis hesternæ die, non aliam esse ecclesiæ Græcæ atque Latinæ de purgatorio sententiam; tam gratum erit auditu nobis, quam arduum vobis demonstratu, cum ne purgatorii quidem nomen usquam usurpari apud nos in aperto sit. Sic convenerat Romanum inter & Ignatium, ut respondendi partirentur vices, & alteri alter succederet. Respondit igitur *Ignatius* suo ordine, &, Nihil interest, inquit, quod vocem illam purgatorii non usurpant vestri, si tenent rem ipsam. Constat tamen paullo post, utrumque vobis in usu esse: sed in rem ipsam prius intueri necesse est. Quæ si eadem apud Græcos Latinosque probata sit, patiemur illam ab unoquoque, quo libuerit nomine, appellari. Sic quia inter nos plane convenit de re ipsa eucharistici sacrificii, sinimus Græcos illud *λειτεργίαν* dicere, & Græci illud æquissime ferunt ab Latinis *missam* nominari. Probavit id responsi Methodius, neque se altercaturum de nomine promissit, si res ipsa appareret. Ita se res habet, inquit *Ignatius*. Triplex est hominum e vivis demigrantium conditio: alios enim, & heu! quam multos peccatorum gravium reos, ac minime pœnitentes facti mors invadit, hosque nobiscum Græci sentiunt statim ab obitu tradi in dæmonum manus, in æternitatem omnem cruciandos pro merito. Aliis mors advenit bene ab gratia divina comparatis, cum puri sunt ab omni labe, Deoque, quod debent pœnarum, sponte persolverunt; & illos consensu uno Græci Latinique profitentur summa continuo felicitate, quæ quidem ad animam spectet, donari. Jam tertium quoddam hominum genus est, quos mors occupat vel nondum ab omni peccatorum levium labe purgatos, vel nondum ab pœnæ persolvendæ debito plane absolutos. Purgari illos post vitam exolutis pœnis traditur tum Græca, tum Latina ecclesia, & ab peccatorum sordibus, meritaque perpeffione eximi Christianorum precibus passim

Triplex morientium hominum status.

edicit. Latinorum, inquit *Methodius*, sic sentire ecclesiam tibi assentimur: Græcam hac versari in sententia, nisi necessariis efficias argumentis, negabimus. Quæ enim refert de tertio illo hominum genere, ea Græci repudiant. Triadixi, subiecit *Ignatius*, quæ haud scio an Græcorum ullus negare possit. Primum est, excedere e vita nonnullos, quibus etiamnum adhæret leviorum peccatorum macula, quod scilicet peccata illa numero infinita (*septies enim in die cadit iustus*) vel non depoluerint confitendo, vel non satis deflexerint. Alterum est, aliquos sic morte perfunctos, ut, cum dignis pœnitentiæ fructibus satis Deo non fecerint, dum viverent, debitas mortui pœnas dependant. Tertium vero, iis tum peccatis, tum pœnis illos absolvi, cum propriis preces fundimus, & offerimus sacrificia. Estne in Græcis, cui hæc non verissima videantur? Erunt forte, inquit *Methodius*, qui post mortem superesse negent peccata ulla, nisi gravissima illa, quæ homines inferis damnant, neque possunt vel æternis flammis absumi. Ex ipsis, respondit *Ignatius*, confutabo illos ecclesiæ Græcæ libris, quos habent versantque continuo in manibus. In his multæ continentur orationes, quibus ab Deo efflagitant, ut defunctis peccata condonet. Peccata igitur habent quorum possit dari venia. Nam quemadmodum inepte & sacrilege aliquis à Deo postularet, ut B. Deiparæ aut S. Petro peccata remitteret, quia uterque pura mente est, & culpa vacat: Petro enim quod deliquit, remissum est; & Virgo Dei mater nullius unquam labe delicti polluta est. Ita si, qui vita functi sunt, carent omni peccati nævo, frustra & stulte ab Deo petitur, ut illis peccata dimittat, cum nulla habent, quibus possit venia impendi. Jam quoties Græci veniam hanc peccatorum mortuis efflagitant? Paraclitica aperi. Librum accepit aperuitque *Ignatius*, & occurrit quod in ἡχω πβ'. in hunc modum sabbati die legitur: ἀνάπαυσον, ὁ θεός, τῶν παρεκοιμημένων τὰ πνεύματα καὶ τῶν ἐκλήκτων σε παροτρὼν αὐτῶν τὰ πᾶσι ματα. Eorum qui obdormierunt, animabus da, Deus, cum electis tuis requiem, illorum offensiones condonans. Tum paginas alias sine delectu evolvens, incidit etiam in hæc verba: θανάτε τὸ κράτος καθελὼν ζωὴν τιλὴ ἀτελεύτητον πᾶσι πνεύσις
ἐπιήρασας,

E mortuis
nonnullis pec-
cata habent,
quæ a Deo
dimittuntur.

ἐπήρασαι, δίσποτα, ἐν ταύτῃ τέτρες τὰς ἐκδημήσαντας δούλω-
 χατάταξον, παρερῶν τὰ πιάσματα, συγχωρῶν ἀμάρτιας. O qui
 vim mortis cum evertisti, vitam nullis terminis definitam fide-
 libus omnibus effudisti, Domine, in illa eos constituere, qui pie
 decesserunt, ad eorum offensas minime respiciens, & condonans
 peccata. Tum alia in pagina sic reperit: ἡ τάφη σου, Χρυσὲ, καὶ
 ἀνάστασις πάντων γέγονε ζωὴ, ἀλλ' ὅτι το πολυῶντες βοῶμεν σοι.
 μὴ πάντων ἐκλεκτῶν. ὅς πιστῶς προσελάβε δούλους σου ἀνάπαυσον,
 τῶν τὰ πιάσματα πάντα συγχωρῶν. Tuum sepulcrum, tuæque
 resurrectio facta sunt omnium vita: propterea tibi audemus ex-
 clamare: Quos assumpsisti cum fide, servis tuis da requiem, pec-
 cata ipsorum omnia dimittens. Denique vix paginam libri
 hujus ullam explicuit, in qua non statim occurreret oratio,
 qua mortuis peccatorum venia peteretur. Græci igitur exi-
 stimant, inquit Ignatius, quædam mortuis hominibus hæ-
 rere peccata, quorum a Deo venia concedatur. Nimium
 profecto sit contumax, ait Nicolaus, qui illud inficias ierit.
 Nihil enim aliud non Paraclitica modo, sed libri nostri cæteri
 loquuntur. Jam quod mortui illi, subjecit Ignatius, peccatis
 quibusdam, etsi non gravibus, obstricti pœnarum debito
 teneantur, nullo ut id evincam, opus est testimonio. Nam
 omni peccato debetur pœna; & qui culpæ reus est, ab justo
 judice damnandus est, & afficiendus supplicio. Afferam
 tamen nonnulla; nec mutabo hunc Paracliticæ librum. τοὺς
 κοιμηθέντας πῶς ἐκείθιν ἀνάπαυσιν ὀδύνην, ὃ ἐπράξατο ἐπὶ γῆς
 ὡς ἐλήμεντα παρερῶν ὡς θεός. Quæ istic est requies, hanc dor-
 miens tuus concede, dimittens, ut Deus, quæ debita, dum versati
 in terra sunt, contraxerunt. Debita autem illa pœnæ sunt,
 quarum fit Deo homo debitor, cum peccat. Manent igitur
 mortuis aliquæ propter peccata exolvendæ pœnæ. Egregius
 quoque locus ille est: ὁ ἦν ἀθλητῶν τὰς ἐπὶ τὸν ἀγῶνα καὶ
 μάστιγας καὶ τὰς ἦν μελῶν ἀποκοπὰς, ἀλλ' ἰσθ' νῦν ὑπέρμειναν,
 δίσποτα, ἀσμενῶς δεξιὰ ἰδοὺ, ὅς προσελάβε, ῥύσαι κοιλίας.
 Athletarum certamina fortia & plagas & abscissiones membro-
 rum, quæ supra quam cogitari potest, patienter perulcrunt,
 suscipiens, quos e vivis assumpsisti, & pœna libera. Item: μετα-
 λατῆς εἰς χάριν ἦν πιστὶ κοιμηθέντων τὸν κόπον, προσθείας ἦν
 ἀθλοφύρον, θεοζώντις τέτρες δούλω πῶς ἀφροσύνην, χρυσὲ,

Quidam post
 mortem an-
 tequam bea-
 titate donen-
 tur, pœnas
 lunt.

ἔως φῶς τὸν ὄντων ὁ δὲ θύον ἔπεδῆσαν. Eorum qui in fide dormierunt, luctum & planctum, ob martyrum preces, muta in gaudium, sancte illos letitia circumcingens, o Christe, & ad lumen tuum dirige & inducito. Audi etiam istud: νεκρῶσας τὸν ἄδην ἀντὶ τῆς δυνάμει σου ὁ λογιθεὶς ἐν τοῖς νεκροῖς μόνος ἐλδοθεὶς, Χεῖρ, ψυχὰς ἐλδοθεῖσιν ἡμῶν ὁσεβῶν τῆς ἐν αὐτῇ κατακρίσεως. O qui invicta potentia tua mortem inferno attulisti, annumeratus mortuis, solus inter illos liber, Christe, libera animas proborum, tibi que devotorum hominum, ab ea, quæ in illo est, condemnatione, id est, a pœnis, quibus illæ in eo condemnatae sunt. Omitti non potest quod legunt Græci in Pentecostario suo, in vigilia Pentecostes, & officio, ut aiunt, adorationis: ὁ κ' ἐν αὐτῇ τῇ πεντεκστῇ ἑορτῇ κ' σωπεριώδει ἰλασµὸς µὲν ἱκεσίαις ὑπὲρ ἡµῶν κατηχοµένων ἐν ἄδῃ κατακλιώσας διδάσκει, μεγάλας τε παρέχων ἡµῖν ἐλπίδας αἴσιν τοῖς κατηχοµένοις ἡµῶν κατηχόντων αὐτὸς ἀνιστῶν, ἔωρα ψυχῶν ὥρα σου καταπέµπεις. Tu ille qui dignatus es in hoc perfectissimo & salutare festo propitiationes supplices, quæ oblatæ sunt propter eos qui in locis inferis detinentur, suscipere, magnæque spe nos afficis fore, ut detentis illis remissio earum quibus detinentur, acerbis et molestiarum, consolatioque abs te transmittatur. Vides testimoniis istis omnibus, quorum habes in libris tuis messem amplissimam, homines aliquot pro quibus orat ecclesia, manere luendæ pœnæ reos, quæ pœna postea condonetur, nec id ab ullis Græcis negari posse, nisi sanctissimos sibi libros mendacii arguerint, & proterve conculcaverint. Accedit id alterum, peccata illa quibus mortuorum inficiuntur animæ, & debita illa exolvendæ pœnæ obstare, quominus animæ in paradysum admittantur: atque adeo purgari sordibus suis debere & absolvi pœnis, quo pateat ipsis in beatissimas illas sedes aditus, & sanctorum felicitate potiantur. Non credis? libris ergo tuis fidem abnega: sic enim nobiscum tradunt. Ubi tradunt, inquit *Methodius*? Ibi, reposuit *Ignatius*, ubi preces pro mortuis descriptæ sunt. Para-

Peccata & pœna mortuis quibusdam remittuntur.

cliticam aperio. Ecce in ἡχῶ β'. petitis ab Christo, ut peccata mortuis condonet, sicque donet paradiso: ἔνθα ὁ δὲ νηπίεως, συναγῶς τε κ' λύπῃ, ὅπου τὸ φῶς ἐκλάμπει, Χεῖρ, τὴν σὴν πρὸς σῶπον, ἔνθα ἀγίων δῆμος νῦν ἀειχορεύουσι, τάξον πάντας τὰς

μετασάντας, τὰ πταίσματα αὐτῶν πάντα ὥσπερ βλάβαι, ὡς μὲν
 ἐλέημων. Eos, o Christe, qui hinc decesserunt, loco in illo col-
 loca, unde dolor & suspiria & cura exulans, ubi vultus tui lu-
 men effulget, ubi sancti nunc exultant, condonans ipsis peccata,
 ut qui solus es misericors. Et in Triodio τῆς μεγάλης σαββάτης
 εἰς τὸν ὁρθρον, in hunc oratis modum: σαυρῶ σου χρητὴροισι
 σαυρῶ θάρρῶντες οἱ δούλοι σου, ὡς ὅτε μετεστησαν, κύριε, εἰς
 τοῦ ἀντίλυτρον τῶν αὐτῶν πταισμάτων, ὥστε, τὸν σαυρον σου δάρη-
 σαι, & αἶμα τὸ χυθὲν ὡς κόσμῳ ζωῆς, τῇ εὐσπλαγχνίᾳ σου
 συγχρῶν τὰ πλημμελήματα, καὶ φωτίζαν ὥσπερ τὴν φεσσοῦ σου.
 Cruce tua gavisi, cruce confisi servi tui ad te, Domine, excef-
 serunt. Quibus nunc, o salvator, peccatorum ipsorum in solu-
 tionem dona crucem tuam & sanguinem pro mundi vita effusum,
 secundum clementiam tuam dimittens peccata, eosque vultus tui
 luce illuminans. Redeo ad Paracliticam. Audi: καὶ ἄλλες νοητῆς
 τάτης κατατυφῶνται τὰς μετασάντας καταζώουσιν τὸ αἶμα τὸ
 δύσμορφον ἐκκαθαίρου ὡς φιάνθρωπος τῆς ἀνθρώπου, δισποτα.
 Qui ex hoc mundo ad te, Domine, emigrarunt, eos fac dignos
 qui pulcritudine tua intelligibili fruantur, purgans eos peccati
 turpitudine, quia tu es amator hominum. Et hoc aliud attinge
 πολλή σε καὶ ἀφατος ἡ εὐσπλαγχνία σε, ἀμέτρητος ἄβυσσος ἡ
 τῆς φιάνθρωπίας σε. πταισματῶν ἢ ἀφισιν τοῖς μεταστάσι, Χεῖρ, εἰς
 εἶδός, & τῇ χεῖρι τῇ σὴ κακαθαρμῶν ἀνάδειξον. Misericordia
 tua multe & ineffabiles, & abyssus tui erga homines amoris non
 potest mensura ulla comprehendi. Iis igitur qui decesserunt, dona
 peccatorum remissionem, & ostende illos gratia tua purgatos.
 Ecce quam vere abs me dictum est non rem modo purga-
 torii, sed nomen ipsum apud Græcos reperiri. Nihil enim
 aliud nobis purgatorium est, quam locus ubi post obitum
 mortem animæ purgantur. Noli præterire silentio, inquit
 Romanus, testimonium aliud e Pentecostario petitem in
 Pentecostes perivigilio: ὕμνουντας ὡς τοῖς εἶχα τὸ θεῖον κράτος
 σε, ὡς ἐκ τῆς ἀρετῆς λάβεις, τέσσα φῶπθαι τὰς ἐργαζομένης, τῆς
 ἀμετρίας τῆς ἀχλὺς ἐκκαθαίρου, πολυέλεε. Quos e terra po-
 tentiam tuam divinam laudantes assumpsisti, eos lucis efficiens
 filios, & purgans peccati caligine suscipe, o multum misericors.
 Audiisti quo animæ modo post mortem purgantur a pecca-
 tis, nec posse prius felicitatis æternæ gaudia consequi, quam

Purgatorii
 nomen Græci
 usurpant suo
 modo.

iis plane mudentur. Absolvi præterea pœnis debere quas
 promeritæ sunt, vel totas luere, tum ex variis quæ recitavi,
 testimoniis constat, tum ex illis quæ mox adduco. Ecce
 tibi ex Paraclitica: ῥομφαία, δίστοτα, τὴν σπειρομήνην νυνὶ
 δίδω τοῖς οὖν δούλοις ἀκαλύπτως διελευν μεταστάντας τῇ βίῃ,
 ἔρδον τῷ ὡραδίῳ αὐτὸς κατασκηνώσαι, ὡς μὲν ὁ ἐλεῖμα.
Gladium distriktum nunc concede, Domine, servis tuis eva-
dere, & fac eos in paradiso habitare, qui e vita discesserunt, ut
qui solus es misericors. Verum operæ pretium hic repetere
 validum illud, quod habetur in pervigilio Pentecostes, testi-
 monium: ὁ κ' ἐν αὐτῇ τῇ παντελείῳ ἑορτῇ ἑσπρωθείωδι ἰλασµὸς
 µὲν ἰκεσίαις ἡµῶν τῇ καταχοµβῶν ἐν ἁδῇ καταξίωσας δέχεται, µα-
 γάλας τι παρέχον ἡµῖν ἐλπίδας ἀνείσιν τοῖς καταχοµβῶν τῇ καταχο-
 µβῶν αὐτὸς ἀνιάρων, κ' ὡραψυχῶν ὡρα σὺ καταπέµπεται.
 ἐπάκουον ἡµῶν τῇ ἀπεινῶν ἑσπῶν ἰκετῇ διεοµβῶν σὺ, ἑ ἀνά-
 παυσον τὰς ψυχὰς τῇ δάλων σὺ περκακοιµηµῶν ἐν τόπῳ φο-
 τινῶ, ἐν τόπῳ χλοερῶ, ἐν τόπῳ ἀναψύξεως, ἔνθα ἀπέδεξε
 πᾶσα ὀδύνη, λύπη ἑ στεαγµός, κ' κατὰ ταξὶν τὰ πνέµατα αὐτῇ
 ἐν σκληραῖς διχάων, κ' εἰρήνης κ' ἀνέσεως ἀξίωσον αὐτὰς. ἔπ' ἡ
 οἱ γενοὶ ἀνιῶσι σε, κλέει, εἰδὲ οἱ ἐν ἁδῇ ἐξοµολόγησιν παρρη-
 σάσσονται πρὸς ἑσέριν σοι. ἀλλ' ἡμεῖς οἱ ζῆντες ἐυλογῶµε σοι, κ'
 ἰκετεύοµε, κ' τὰς ἰλασθεῖας εὐχὰς κ' θυσίας προσάγειµε σοι
 ἡµῶν τῇ ψυχῶν αὐτῇ. *Tu qui in hoc perfectissimo & salutarē*
festo propitiations quidem supplices propter eos, qui in locis in-
feris detinentur, suscipere dignatus es, magnæque spe nos afficis
fore, ut detentis illis remissio earum quibus detinentur, acerbita-
tum & molestiarum, consolatioque abs te transmittatur: exaudi
nos viles homines te deprecantes suppliciter, & animabus ser-
vorum tuorum, qui mortui sunt, dona requiem, & fac eos ha-
bitare in loco lucido, loco virenti, loco refrigerii, ubi nullus
mæror, nullus dolor, suspiriumque nullum: & eorum animas
colloca in tabernaculis sanctorum, dignosque effice salute & pa-
ce: quia non mortui laudabunt te, Domine; neque qui sunt in
inferno, tibi audent confessionem offerre. Sed nos qui vivimus,
benedicimus tibi, & deprecamur, & preces propitiatorias, mis-
erisque offerimus tibi pro animabus ipsorum. Non sic interpre-
 tantur Arabes, inquit e Græcis unus nescioquis, sed in hunc
 modum: Qui dignaris suscipere in hoc perfectissimo & salu-

cari fello, quod petimus, misericorditer devote & suppliciter propter eos qui detinentur in inferis, & præbes nobis spem magnam: exaudi nos peccatores & abjectos homines, & illis, qui detinentur captivi ab hominibus improbis, quietem mitte, & fac quiescere animas servorum tuorum, &c. Qui sic interpretatus est, inquit *Ignatius*, vel Græce nesciit, vel fraudem voluit facere. Hæc enim ejus perturbatissima explanatio peccat in multis. 1. quod verba & verborum sententiam susque deque vertit. Verba quidem, quod has voces, *exaudi nos*, istis præmittat, *quietem detentis mitte*; cum Græci recto inter precandum ordine recitent: *Speramus te missurum consolationem & remissionem*. Tum addant, *exaudi nos deprecantes*, nimirum spes præire orationi debet: neque enim quis cum orat, à quo nihil sperat? Verborum quoque sententiam invertit. Ubi enim vox hic Græca, quæ homines improbos significat? Deinde quis est ille sermonis contextus? quo inter se pacto res coherent? Præterea voces istas, ἀνίστη καὶ ὠδύνη καὶ πένθος καὶ ἔλεος, silentio involvit. Minime vero oportuit involvere, cum his aperte significetur, mortuos pœnarum acerbitate quandoque constringi, qua exolvantur liberenturque a Deo consolatione accepta. Verum, ut ut sit, satis est & abunde quod proficitur loca quædam infera esse, ubi detineantur e servis Dei nonnulli jam vita functi, qui viventium juventur precibus, ut illinc ad cælum evadant. Profero jam tibi ex Paraclitica aliud: ῥῦσαι πρὸς τῆς γέννης, δέσποτα, τοὺς ἐξ ἡμῶν μεταστάντας, τῆς πλευρῆς σου τῇ λόγχῃ τῆς ἀμύνης τὸ χειρόγραφον τοῦτον, ὡς μόνος φιλόανθρωπος, ῥήξας, καὶ τῆς τῶν ἀγίων ἀξίων λαμπρότητος. *Libera ab igne gehennæ, o Domine, eos qui a nobis decesserunt, & ea qua perfossus es in latere lancea, lacera chirographum peccati ipsorum, & dignos effice splendore sanctorum.* ῥῦσαι γέννης πρὸς τῆς, καὶ ζοφεῶν τῶ ἀδύ, φιλόανθρωπε, σκηνομάτων τὰς δάλεις σου τὰς ἐν πίστει, δέσποτα, νεκροκλυτῶν τῇ σῇ πίστει & τῇ ἐλπίδι. *Servos tuos, o Domine, qui in fide speque tua dormierunt, libera ab igne gehennæ, & tabernaculis inferorum obscuris, o amator hominum.* Accipe & istud e Triodio, τὰς σαββάτω τῆς μύτης ἑβδομάδος sic legitis: ῥῦσαι πᾶν ἄνθρωπον καὶ ὁδόντων βρυγμᾶν, κύριε, καὶ ἔξοτρεν σκότους ἀφελ-

ὅς ἐστι πάντας, ὡς πίσει ὡροπλάγῃ, καὶ τὰ ἔξω τῆς ἐνδὲ τὸ φαῖ-
 τὸ σὲ ὡροπλάγῃ, κύμα, ἐκλάμπει εἰς αἰῶνας. *Quos in fide*
o Domine, suscepisti, eos omnes libera a verme torquente, &
dentium stridoribus, & ab tenebris exterioribus luce carenti-
bis, illos istic colloca, ubi vultus tui lumen effulget aeternum.
 Bene est, inquit *Abrahamus*, quem *Methodius* sui loco
 loqui iusserat; bene est: postremis his testimoniis constat
 minime apud nos mentionem haberi purgatorii vestri, sed
 inferni. Verum, inquit *Ignatius*, inferni nomine quid in-
 telligitis? Nam subijci apud vos varia voci huic significata
 video. Num satis, reposuit *Abrahamus*, tenebris exte-
 rioribus, dentium stridore, torquente verme, & ipso gehen-
 nae vocabulo depingitur? Locus est in terra depressissimus,
 ubi diabolus & angeli ejus, eos qui se illis obstrinxerint
 peccando, reique obierint, pœnis aeternis vexabunt. Pro
 illis preces fundimus. *Quis scit enim si convertatur, & ig-*
noscat Deus, ut aiebat Rex ille Ninives Jon. 3. & revertatur
a furore ira suæ? Num precibus sancti *Gregorii* pon-
 tificis Romani ereptus est a pœnis *Trajanus* imperator? Cur
 non eripiantur pariter alii, condonetque illis Deus, votis &
 sacrificiis dilectæ ecclesiæ suæ placatus. Videte, inquit
Ignatius, quo se *Abrahamus* immittat: cum evertere vult
 purgatorium, tum maxime adstruit, imo damnatorum
 hominum tartara in purgatorium mutat. Neque enim educi
 inde animas existimat, quam diu flagitiorum maculis fœdæ
 sunt, & odio divino prosequendæ, sed cum purgatæ ex hoc
 omnium sordium specu merentur abire. Quod si purgentur
 in inferno animæ, (quod dictu mirum est, neque forte
 ante audiistis, quam ab *Abrahamo* diceretur) infernus
 evasit in purgatorium. Atque illinc si divi *Gregorii* pre-
 cibus emerit *Trajanus*, quot alii emergent precibus mar-
 tyrum, quot prophetarum & apostolorum orationibus,
 quot præpotenti *Deiparæ* intercessionem, quot sanctorum om-
 nium conjunctis votis? Eos enim suas pro mortuis preces
 Deo offerre Græci tradunt in officio vigiliæ Pentecostes:
 νῦν, ἐλθῆναι, εἴη δύσωπει σε ἀγγέλων σὺν χειρὶ τῆς θεῆς σε-
 εραφίμ καὶ δικαιοσύνης, ἔξωσαι, θεόνοι, & ἀρχαί, & δυνάμεις τῆς σὺν
 ἀρχαγγέλοις, καὶ κυριότητες σε αἰτήσι, κραταίε, ὅτι ψυχὰς ἀπά-

Ecclesiæ pro
damnatis
minime
orat.

σας οἰκτειρήσεις, ἀσπὶς μετήσους. ἰδὺ οἱ δῆμοί σε τῷ περὶ τῷ
 ἔχαιτῶνται, τῷ ὑποσύλων δέονται χοροῖ, σὺν πατριάρχαις μῆτυ-
 σὶ πὶ εἶφος, σὺν ὁσίων πλήθεισιν εὐφραδίῃς ἀναβοᾶσι. σῶσον,
 φιλάνθρωπε, ψυχὰς πάντων τῷ ὅπῃ γῆς τεθνεώτων εὐσεβῶν δά-
 λαν σὺ. οἶδας τὰ πάντα, βλέπεις, καθεστῶς ἔ γινώσκεις βεβῆ-
 τὰ πλήθη, ἔ τὸ τῆς ζωῆς ἐκείνης πύλας. πᾶσι δίδῃς τὸ τῷ ἐγκλη-
 μάτων λύτρωσιν, καὶ ὡραδίῃς τῆς καλλωνῆς ἀξίωσιν πάντα, ὡς
 θεὸς μόνε, ἔς ἐξελέξω οἰκτῆρον πᾶσι οἰκέτας σὺ. Tum apo-
 stoli & prophetae προσβέβησαν ἐκτενῶς σοι τῷ δεσπότη σὺ τῇ
 ταύτῃ σε μητρί. ἀλάπαυσον ὁ θεὸς ψυχὰς, αὐτὸς περὶ λαβῆς.
 Nunc, o misericors, agmina te angelorum cum divinis cheru-
 bim seraphimque orant, potestates, throni, & principatus, &
 virtutes cum archangelis, & dominationes abs te petunt, o
 fortissime, ut animarum omnium quas transfulisti, miserearis.
 Ecce te rogant prophetarum populi, chori apostolorum precantur,
 cum patriarchis & martyribus turme, & cum iustorum multi-
 tudine exorabiliter exclamant: Salva, o amator hominum, ani-
 mas omnium servorum tuorum pietate preditorum, qui in terra
 obierunt. Nosti omnia, cernis, conspicias & agnoscis mortalium
 multitudinem, & uniuscuiusque vite terminum. Da omnibus red-
 emptionem a peccatis, & omnes, o qui solus es Deus, quos
 elegisti fideles domesticos tuos, dignos effice paradisi pulcritudine.
 Apostoli & prophetae totis viribus, cum matre tua te Dominum
 precantur: O Deus, animabus, quas tibi assumpsisti, dona re-
 quiem. Age modo: Trajanum impurissimum & infensissimum
 Christianæ religionis adversarium D. Gregorius, dum adhuc
 viveret, atque adeo peccatis non omnino careret, si potuit
 orando ab inferis eximere: quid poterunt angelorum om-
 nium & sanctorum cum B. virgine conjuncti cætus, cum
 impensissime defunctorum requiem a Deo efflagitant? Sed,
 mihi crede, neque sancti damnatis petunt salutem, neque
 veritatem habet Trajani liberatio: aut certe valde peccavit
 in V. synodo œcumenica spiritus sanctus, (absit verbo in-
 vidia) cum in Origenem, ejusque asseclas contorsit anathema.
 Neque enim damnatis illi favebant magis, quam faveat
 Abrahamus; imò illi minus. Docebant enim hæretici isti post
 annorum millia aliquot educendos ab inferorum cruciatibus
 Dei hostes, Trajanum autem foedissimum ac sceleratissimum

tyrannum longe ante annos mille S. Gregorii precibus Abrahamus evasisse vult. Non legit fortasse, quæ Dyonis. Areop. l. de eccl. hierar. p. 3. c. 7. apertissime docuit: τοῖς ἀνέγκεις καὶ ἐπιχρηταῖς τοῦτα κεκοιμῆσθαι. Antistes, inquit, *hec defunctis improbis non precatur. ἐπὶ γὰρ τῆς ἐκείνου δόξης ὁμιλοῦντες*), quia *impiam orationem frustra funderet*. De meo, inquit Abrahamus, noli putare historiam hanc depromptam. Narrat illam in Synaxario suo Nicephorus Xanthopulus, & illam, nisi fallor, e Joanne Damasceno exscripsit. Dignus profecto est, reposuit Ignatius, dignus est Nicephorus, cui fides omnis habeatur, etiam cum quod affirmat, hoc ipsum simul negat. Quale hoc est, de quo nunc differimus. Postquam enim Trajanum dixit e cruciatibus ereptum, mox aut certe paullo post, neminem ait hætenus damnatum cruciatibus fuisse, sed sceleratos omnes ad diem usque iudicii in loco nescio quo detineri pœnarum expectatione mœstos. At quam multis neganda est fides, si fidem adhibemus Nicephoro! Inclamar Isaias c. 66. *Vermis eorum non morietur, & ignis non extinguetur*. Reclamat, abnuitque Nicephorus: nam Trajani mortuus est vermis, & ignis extinctus. Abrahamus Isaias ætate major, nec minor autoritate, damnato diviti asserit Luc. 16. beatos inter atque damnatos *chaos magnum firmatum esse*, ut beatorum nemo, etiamsi velit, transire ad damnatos valeat, neque possit damnatorum ullus transire ad beatos. At transire posse contra Nicephorus pugnat, & evincit Trajani exemplo: potuit enim Trajanus. Accedit Paulus 2. Thess. c. 1. docetque impios *pœnas daturus in interitu æternas a facie Domini*. Ecce tamen Paulum confutat, ne dicam mendacii arguit, adducto Trajano, Nicephorus. Adjungit se Paulo Joannes Apocal. 14. *Si quis, inquit, adoraverit bestiam & imaginem ejus, & acceperit characterem in fronte sua, aut in manu sua, & hic bibet de vino ire Dei, quod mistum est mero in calice ire ipsius, & cruciabitur igne & sulfure in conspectu angelorum sanctorum, & ante conspectum agni, & fumus tormentorum eorum ascendet in sacula sæculorum*. Fumus tamen tormentorum Trajani, Nicephoro teste, non ascendit ad mille annos. Dixit Christus ipse Marc. 9. atque inculcavit, quod est ab Isaiâ promulgatum: *Vermis eorum*
non

non moritur, & ignis eorum non extinguatur. Cui dabimus fidem? Isaia, Abrahamo, Paulo, Joanni, patriarchis, prophetis, Christo ipsi? An Nicephoro Xanthopulo propter Trajani exemplum? Erubescerebat *Abrahamus*: nec erat, unde se tot implicatus argumentis expediret. Quid ergo, in-
 quiebat? Falsum est S. Gregorii precibus salutem Trajano concessam esse? Tam falsum est, respondit *Ignatius*, quam verum est S. Gregorium existimasse spem salutis omnem sceleratis hominibus, cum e vita decesserint, esse ablatam, ut fuisse probat epist. 115. lib. 6. variis sacrarum litterarum, & patrum testimoniis contra Gregorium presbyterum, & Theodorum diaconum, qui Christum, cum ad inferos descendit, salutem damnatis iis attulisse arbitrabantur, quos aiebant, ipso illic conspecto, credidisse; illosque severe jubet, ne haeticis accenseantur, mentem mutare. Et lib. 34. moral. c. 16. sic scribit: *Per semetipsam Veritas dicit: Ibunt hi in supplicium eternum, iussi autem in vitam eternam. Si igitur hoc verum non est quod minatus est, neque illud verum est quod promissit. Et si falsa minatus est, ut ab injustitia corrigeret; etiam falsa pollicitus est, ut ad justitiam provocaret.* Ita cum sentiret S. Gregorius, qui venire illi in mentem potuit, preces pro Trajano ex inferis educendo effundere? Nihili, per me licet, inquit *Abrahamus*, nihili fiat, quoniam ita vis, Nicephorus Xanthopulus. An Joannem Damascenum repelles eadem contestantem? Absit, reposuit *Ignatius*, Nam D. Gregorio Joannes Damascenus plane consentit lib. 2. de fid. orth. c. 4. ubi parem damnatorum hominum & daemonum sortem facit. *Post lapsum*, inquit, *praelusa jam est illis, diabolis scilicet, omnis resipiscendi facultas, quemadmodum & hominibus, postquam ex hac vita migraverunt.* Quid apertius? Ex quo liquet Trajani fabulam vel alterius esse, cui nomen quoque Joannes Damascenus fuerit, vel S. Joannis Damasceni operibus dolo malo immixtam. Sed ponamus Nicephori auctoritatem esse exceptione omni majorem, verique S. Gregorii precibus exemptum e pœnis esse Trajanum: non licebit propterea orare pro damnatis. Addit enim Nicephorus, id cum Deus Gregorio annuisset, statim imperasse, ne pro maledicti hujusmodi hominibus vice alia

Damnatio-
nem pena
nullus preci-
bus minuam-
tur.

preces fierent. Quod si jam in ipsorum gratiam funderentur, Dei infringeret^rur mandatum: qua divini præcepti violatione nihil impetrari a Deo potest, nulla mortuis accedere aut salus aut utilitas. Cum dico, subjecit *Abrahamus*, orare nos pro iis, qui mortui in flagitiis pœnas inferorum promeriti sunt, hoc tantum volo, si non plane evadunt salvi, mitigari saltem eorum pœnas. Vis, respondit *Ignatius*, quod fieri pacto nullo potest. Aliter enim est a Deo decretum. Audi quid Joannis ore Apoc. 14. doceat: *Fumus tormentorum eorum ascendet in secula seculorum, nec habent requiem die ac nocte*. Et meministi, credo, divitis illius epulonis, de quo Christus in evangelio, qui cum ab Abrahamo affundi ipsius linguæ guttae unam postulasset, hoc levissimum quod esse queat levamen, negavit posse illi tribui, aut solatium damnatis ullum ab beatis hominibus advenire. Quanto a nobis minus? Lege S. Cyrilli orationem jam laudatam de exitu animæ in fine Horologii, aut etiam Eucharistiae vestri, cujus etsi feci antea mentionem, operæ pretium est ejus hic tibi verba proferre. *Illic*, inquit, *dolor pungens, isque æternus, non interrupta, sempiternaque angustia, perpetuus fletus qui non mitescit, planctus qui non tepescit continuus, stridor dentium qui nunquam non auditur, continuata que non conspescunt suspiria, & lamenta repetita que non deservescunt*. *Illic* heu heu nulla unquam mora intermissum. *Clamant, neque est qui eripiat & salvet; vociferantur, neque est qui afferat libertatem & redimat*. His *Abrahamus* sibi sensit penitus os occludi, & in Methodium conjectis oculis, Tuum est, inquit, qui nosti plura, respondere. Ego sileo. Profitemur, subjecit *Methodius*, æternos esse damnatorum cruciatus. Neque pro illis nostras efferri preces, vel hinc patet, quod in necrosissimis nostris seu orationibus pro defunctis, memoriam agimus non cujuscunque generis hominum, sed τῶν κοιμνθέντων εὐσεβῶς, eorum qui pie mortui sunt; τῶν λατρεύσαντων θεῷ καθαρῶς, qui puram Deo servierunt, dum viverent, servitutem; τῶν δοῦλων θεοῦ εὐσεβῶς πίσει κεκοιμνμένων, καὶ ἐλπίδι ζωῆς αἰωνίου, piorum Dei servorum, qui in fide defuncti sunt, & spe æterna vite; πιστῶν ἱερῶς διαπολιπόντων τὸν βίον, fidelium qui sancte e vita decesserunt. Denique nullius in

gratiam preces fundimus, nisi qui Christi fidem vivens moriensque sit professus. At si pro damnatis liceret orare; non pro fidelibus modo, sed pro universis hominibus liceret, ac pro his magis, quippe qui minus fuerint in Deum ingrati. Denique pro mortuis cum oramus, eorum meminimus quos ad se Deus assumpsit, quos suscepit, ut constat ex iis quæ adduxit Ignatius testimoniis. At reprobos non suscipit Deus, sed a se rejicit. Age ergo, Methodi, inquit *Ignatius*: si pro damnatis Græci non orant, pro quibusnam orant? An pro sanctis? Nisi nobis, reposuit *Methodius*, superiori dissertatione sole clarius demonstrasses, homines sanctos statim a morte summo bono frui, torqueri vero impios æternis suppliciis; dicerem nondum latam in quemque sententiam, sed in die communis judicii ferendam: interea suæ omnes sortis incertos degere: orare nos ut iis beata sit, quorum facimus in precibus mentionem. Artisit *Ignatius*, & Novus, inquit, evaderes Nicephorus. Novus certe, quia ipse sanctos felicitatis, improbos supplicii securos facit, tu incertos. Ac, pace tua dixerim, deserto te, tui starent ab Nicephoro veteri. Nam si incertos sortis suæ mortuos facerent; cur tot in Synaxario sanctorum millia numerarent, cum non constaret utrum sancti sint divinæ in societatem gloriæ aliquando vocandi. Sanctis illis, inquit *Methodius*, non modo certam adscriberem salutem, sed aliis bene multis, quos affirmarem ex omnium turba singulari beneficio a Deo exceptos: reliquos vero hæere in dubio positos; atque eos esse, quorum gratia precamur. Ipsi forte, reposuit *Ignatius*, sua esset incerta conditio, sed minime esset in sese dubia. Nam vel peccatis commaculati, vel gratia mundati obiissent, atque adeo salus his, illis exitium constaret. Neque enim nescis, post mortem neque ad gloriam, neque ad pœnam meritum novum extare posse, sed *ubi ceciderit arbor, illic futuram. Venit enim nox*, ut aiebat Christus, *Eccl. 11.*
Ioan. 9. nox scilicet mortis, *quando nemo potest operari*. Atque adeo nihil admodum nostra apud Deum oratione juvarentur. Juvarentur, inquit *Methodius*: fierent enim pulso timore beatitudinis suæ securi: ex qua salutis certitudine ad sanctorum partem & gaudia transferrentur. Nam sic precamur: *εις τὴν*

κατάπαυσίν σε, Χριστέ, ὅπου πάντες οἱ ἅγιοί σε ἀναπαύουσιν), ἀνά-
 παυσεν ἄς ψυχὰς τῆς δούλων σε. *Animas, o Christe, servorum*
tuorum in tuam requiem, ubi sancti tui conquiescunt, transmi-
te. Poteras, subjecit *Ignatius*, orationem hanc, quæ multo
 est explicatior, asserre in ἰχω βαρεῖ sabbato: μὴ τῆς σιγῶν,
 ἐνθα τῆς αἰγῶν χορεῖα, καὶ ὅπου λαμπρότητες τῆς αἰγῶν, ὁ
 αἰωνίου ζωῆς ὑπόλαυσις, τὰς περικοιμηθέντας σου οἰκίας ἔξω,
 ἐλεῆμον, ὡς θις ἀθανάτος. *Cum justis, ubi tripudia angelo-*
rum, ubi sanctorum splendor, & æternæ vita fructio, servos tuos
qui occubuerunt, colloca, o misericors, ut qui Deus es immorta-
lis. Omī de industria, inquit *Methodius*, ne mihi oppone-
 res statim vita æterna sanctos cum angelis perfrui. Verum
 hoc tibi do, & aio animabus quibusdam differri a Deo ju-
 dicii sententiam, ipsasque in ancipiti constitutas, quid se
 deinceps futurum sit, nescire, hincque affligi, ac pro iis
 preces fieri, ut omni sollicitudinis metu deposito, & placato
 in beatas sedes inferantur. Cum vis, reposuit *Ignatius*,
 purgatorium effugere, in illud incidis vel invitus. Nam
 quæro: Cur metu isto & mœrore animæ illæ vexantur, non
 torquentur illo aliæ? Certe cum Deus sit æquissimus, causam
 habet, cur illas sic excruciet. Nulla autem alia esse potest,
 nisi peccata quædam levia nondum deleta, vel pœnarum de-
 bitum nondum exolutum: quibus pœnis peccatisque in eo
 sollicitudinis & supplicii loco faciunt satis, ac fidelium ora-
 tionibus votisque absolvuntur. Hoc autem vere purgato-
 rium est, sed tuum tuæque opinione extructum: neque
 enim istius omnino modi extat quod a Deo est institutum.
 Unde enim habes differri quibusdam judicii sententiam,
 eosque ad tempus relinqui salutis incertos, sollicitosque
 æternæ metu damnationis, cum vestri hodierni libri & san-
 cti Patres contestentur omnes judicium statim a morte fieri;
 ut demonstrabat hesternæ die Romanus, nulla facta nescio
 quorum exceptione? Romano adstipulari sanctos Patres unus
 illorum Joannes Damascenus scribit, serm. de iis qui in fide
 obdormierunt: φασὶ γὰρ οἱ φωτιζόμενοι θεόθεν ἄνθρωποι, ὅτι ὡς ἐν
 ζυγῶ ἐν τῇ ὑσάτῃ προῆ αἱ τῶν ἀνθρώπων δοκιμασίαι) περὶ εἰς.
Dicunt enim divinitus illuminati viri, hominum facta in ex-
tremo vitæ spiritu ad bilancem probari. Quippe sicut cum edu-

cuntur e carcere rei, quemadmodum ait Chrysostomus, hom. 14. in cap. 4. *Matth. educuntur ad iudicium; ita anima cum e corpore discedit, venit ad tremendum iudicium tot constricta vinculis, quot peccatis.* Jam cum sit æquissimi iudicis, reos cum torquet, ac pœnæ subicit, cur sic illos puniat, palam exponere, ut intelligant se jure vexari: quis putet Deum miseras animas cruciare, neque ipsis pœnæ significare meritum & causam? Quam ergo, inquit *Methodius*, Græcorum esse de purgatorio doctrinam existimas? Eam esse existimo, respondit *Ignatius*, quam legunt in suis libris. Hanc autem legunt, locum esse in terræ sinu, quem idcirco infernum vocant, ubi fervorum Dei animæ aliquot minus purgatæ, ab sanctorum cœtu & angelorum societate exulant, carent divino conspectu, & pœnarum gravium acerbitate plectuntur, dum vel sua per se exolvant justitiæ divinæ debita, vel fidelium hic precibus exolvantur. Declaravi hoc innumeris testimoniis. Inculco tibi quod semel jam atque iterum e Pentecostario protuli, ubi sic Deum Græci precantur: *Tu qui in hoc perfectissimo & salutari festo propitiationes quidem supplices propter eos qui in inferno detinentur, suscipere dignatus es.* Infernus ille, ut vides, misericordiæ est, non iræ; purgationis, non damnationis. Neque enim fufas pro damnatis preces Deus suscipit. Pergunt: *Magnaue spe nos afficis fore, ut detentis illis remissio illarum quibus detinentur molestiarum, consolatioque abs te transmittatur.* Audis molestia constrictos, & hos quidem Dei servos, ut mox sequitur, qui, ut scite mox advertebas, puram Deo servierunt servitutem, & sancte de vita excesserunt. Sed quam patiantur molestiam & acerbitem, ex iis quæ annectuntur, accipe. *Exaudi nos viles homines te suppliciter deprecantes, & animabus fervorum tuorum qui mortui sunt, dona requiem.* Ecce tibi e rebus molestis quod gravissimum est. Ab Deo, ad quem toto naturæ & gratiæ impetu feruntur, per vim abstractæ conquirere non possunt. *Et fac eos habitare in loco lucido, amaris enim tenebris conflantur; in loco virenti & amano, spurcissimum nempe carcerem incolunt; in loco refrigerii, flammis quippe ardentibus exuruntur; ubi nullus moror, nullus dolor, suspirium nullum.* Gemunt scilicet ubi

nunc sunt, & acerrimo dolore mœroreque gravissimo discruciantur. *Et eorum animas colloca in tabernaculis sanctorum*, unde exulant. *Dignosque effice salute & pace*, purgans eos a peccatis & pœnarum debita condonans, non ipsorum merito; *quia non mortui, Domine, laudabunt te ad meritum*, meriti enim tempus cum præsentī vita effluxit; *neque qui sunt in inferno, tibi audent confessionem offerre*, quam norunt minime acceptandam. *Sed nos qui vivimus*, possumusque, uti nobis, sic aliis impetrare, *pro ipsorum animabus preces & missas propitiatorias offerimus*. Haud scio an Latini usquam purgatorium disertioribus verbis explicent. Hac in re, inquit *Methodius*, non valde ab Latinis Græci discrepant, nisi plane ignari sunt & contumaces. Multis ego tibi obstiti non tam ex animo & sententia, quam exercitationis gratia & studio discendi. At quod aiebas modo purgari animas flammis, id animadverti doctissimis Græcis minime videri. Nolim ego, reposuit *Ignatius*, plus ab Græcis exigere, quam ecclesia exigit. Si volunt animas purgandas aliis torqueri pœnis quam flammis, ita existiment & bene valeant: licet enim, salva fide catholica, cum non sit pœnarum illarum genus apertissime definitum. At, mihi crede, Græci illi tui, si vere erant doctissimi, contentionis amore, non studio veritatis hunc ignis cruciatum negaverunt: planum est enim ab ecclesia Græca eum admitti. Juvat audire egregium super ea re Pentecostarii testimonium. Habetur illud in pervigilio Pentecostes: ἀπαντας, θάνατον, βροτὰς παντοῦ τῶν ἁγμάτων, εἰς μεταίτησιν σωτὴρ πιστὸς σε βασιλεὺς & ἀρχοντας ἐκκλησίας ἡμῶν καὶ κριτὰς λαῶν τε & φυλὰν τὰς παροῦσας ἐλέησον, οἰκτῆρμι καὶ ἀνάπαυσον μὲν, ὥπως σε ὑμνοῦμεν, ῥῦσαι πρὸς τὴν φοβερὰ δόξαν, φιλάνθρωπε, ἐκκλησίας σε σέπης, καὶ σῶσον μοναστῶν συστήματα ἱεροῦμένων πληθὺν χορείας λειτουργῶν σε ἐκκλησίαν, καὶ πάντας τῆς ἐκκλησίας καὶ ἐξίσωσον δόξης, ὥπως σε ὑμνοῦμεν εἰς πάντας τὰς αἰῶνας σάσον, ὡς δὲ σὺ ποτε χεῖρ ἐκτείνῃς, σῶσον, ἐλέησον, καὶ ἀνάπαυσον ψυχὰς, λαὸς σε τὰς πιστῶς πελίσσαντας τὸ πᾶν πᾶν τὴν ζωὴν ἐν πᾶσι καὶ ἐν χώρᾳ παντοῦ, καὶ ῥῦσαι τῆς γαίης καὶ πελάγους βασιλεῖς, ὥπως σε ὑμνοῦμεν εἰς πάντας τὰς αἰῶνας. O Domine, mortales omnes, quos salvator transulisti a nobis, fideles tuos reges & principes, præfectos terra & iudices, præsidēs populorum & tri-

In purga-
torio anima
torquentur
igne. Idque
agnoscit ec-
clesia Græca.

buum misericorditer excipe, misereare, & fac quiescere solus, ut te laudemus. Libera igne tremendo populos ecclesia tua sancta, o amator hominum, & salva monachorum catus, sacrorum hominum multitudinem, sacerdotum tuorum divinarum choros, & omnes ea dignos effice, quæ istic est, gloria, ut te laudemus per secula omnia. Salva, o Domine Christe, salva, misereare, & fac quiescere animas, populos tuos qui fideliter vitam exegerunt omni modo, in quolibet loco & regione, & libera gehenna & acerbitate pœnarum, βασάνων, ut te laudemus per secula omnia. Hic nota vocem hanc βασάνων. Nam βασανος pœna est probans, non exterminans, qualis damnatorum hominum pœna est. Da Paracliticæ librum, & hoc lege: ρῦσαι γένους πνεὺς π καὶ ζωοποιῶν τῷ ᾄδῳ, φιλάνθρωπος, σπηνωμάτων τὸς δούλους σου τὸς ἐν πίστει, δέωστα, κεκοιμημένους τῇ σῇ ἐ ἐλπίδι. Servos tuos, o Domine, qui in fide speque tua dormierunt, libera ab igne gehennæ, & tabernaculis inferorum obscuris, o amator hominum. Et iterum alio loco: ρῦσαι πνεὺς τῆς γενένης, δέωστα, τοῖς ἔξ ἡμῶν μεταστάτας τῆς πλωραῖ σου τῇ λόγχῃ τῆς αἰωνίου τοῦ χειρόγραφου, τέτων ὡς μένος φιλάνθρωπος ῥήξαι, καὶ τῆς τῆς ἀγίων ἀξίων λαμωρότητος. Libera ab igne gehennæ, o Domine, eos qui a nobis decesserunt, & ea qua perfossus es in latere, lancea lacera chirographum peccati ipsorum, & dignos effice splendore sanctorum, utpote qui solus es amator hominum. Scio, inquit Methodius, cum oramus pro mortuis, mentionem haberi ignis: at non illius purgatorii, sed tartarei & æterni, ut facile e precibus illis colligas quas e Triodio recitamus sabbato illo, quod paullo ante quadragesimam defunctorum commemorationi dicavimus. πνεὺς αἰὲ φλέγοντος καὶ ἐκ σκοτὸς ἀφεύγῃς, βρυγμῇ ὀδόντων ἐ σκόληκος ἀλκήκτος κολάζοντος ἐ πάσης ημωρίας ρῦσαι, σωτήρη ὡς, πάντας τοῖς δαυόντας πισῶς. Ab igne semper ardente, & e tenebris omni luce carentibus, & a stridore dentium, & a verme indefinenter cruciante, & omni supplicio, libera, o tu qui es salvator noster, omnes qui in fide mortui sunt. Et superiore quodam loco: ἐκ πάσης ἐς ἐλαβες γενεὰς καὶ γενεὰς. τῆς αἰωνίου λύτρωσαι κολάσεως. Quos ad te assumpsisti ex omni generatione & generatione, ab æterna pœna redime. Sed planius τῷ σαββάτῳ τῆς μίτης ἱεδομάδος, in hunc modum: ρῦσαι σκόληκος κολάζοντος

ἔ' ὀδόντων βρυγμῶν, κύριε, καὶ ἔξοπτεσσι σκύτεσσι ἀφελγῶν πάντα, οὐκ πίσει περσπλάσου, ἔ' πᾶσον τοῦτες ἐνθα τὸ φῶς τοῦ σου περσπάσου, Χριστέ, ἐκλάμπει εἰς αἰῶνα. *Ab verme cruciante & stridoribus dentium & tenebris exterioribus omni luce destitutis, quos tibi, Domine, assumpsisti, libera, ibique eos colloca, ubi lumen vultus tui, Christe, resplendet.* His ex omnibus quis non videat ignem memoratum inferni esse, non purgatorii. Neque enim purgatorius ignis æternus, neque sunt in purgatorio vel exteriores tenebræ, vel vermis corrodens, vel dentium stridor. Verum, inquit *Ignatius*, dic, amabo, pro quibus funduntur preces illæ? an pro damnatis, ut ab æterno supplicio liberentur? Absit ita sentiam, reposuit *Methodius*: funduntur enim pro iis, οὐκ ἔλαβε, ἔ' οὐκ περσπλάσπει: quos in fide mortuos accepit, quos ad se Dominus assumpsit, non quos a se reprobavit, & eiecit æterna pœna dignos. Atque adeo non inficias ierim, miratum esse me aliquando, cur preces huiusmodi fierent, & ab viro e vestris docto, quid sentiret, quævisse. Respondit fieri hoc per anteoccupationem. Aiebat enim in his precibus representari mortuum, non ut mortuum, sed ut morte defungentem, efflando animam, proque eo his in angustiis posito, cuius de salute nihil constar, orationes illas offerri. Cumque mihi nihil occurreret melius, assensus sum. Ego vero, inquit *Ignatius*, ejus illam anteoccupationem minime probare possum. Neque enim homo statuitur ita moriens, ut mox referebas, sed plane mortuus ab omni retro ætate, ἐκ πάσης γενεᾶς καὶ γενεᾶς, ἔ' ἀπ' αἰῶνος. Fiunt scilicet preces istæ identidem pro omnibus, qui ab ipso mundi exordio ad nostram usque ætatem vita excefferunt, si forte etiamnum indigent orationum suffragiis. Ac præterea quid juvat liberationem ab æterna pœna, post eorum mortem efflagitare a Deo, quam pœnam vel sancte moriendo evaserunt, vel in peccato mortui subierunt. Essent profecto preces illæ inanissimæ: ut si quis, cum haberet compertissimum, fratri suo vel irrogatam a rege capitis pœnam, vel condonata pœna datam coronam, regem adiret pœnam illam deprecaturus; molestus procul dubio deprecator accederet, diceretque rex: Quid a me sic efflagitas quod nosti. vel jam factum, vel jam fieri non posse. Ecclesiæ oranti cum
 non

non sit compertum, inquit *Methodius*, quo statu is sit, qui mortem obiit; & si consecutus omnino est vel salutem, vel calamitatem æternam, non frustra tamen pro illo preces effundit. Quemadmodum enim antiquissimis olim patribus Deus in futura Christi merita intuitus gratiam largitus est, & vitæ beatæ perennitatem: ita homini, cum moreretur, veniam forte concessit propter futuras postea pro ipsius salute orationes. Qua fere ratione regum aliquis principi reo parceret, pro quo fore sciret, ut carissimus sibi filius intercederet apud se. Hoc tibi si assentimur, reposuit *Ignatius*, licebit pro hominum quolibet genere, pro hæreticis ac paganis vita fundis, imo ex charitatis lege oportebit sacra facere & orare. Nam illos Deus, harum forte orationum intuitu, cum animam agerent, venia donaverit, & evexerit in cælum: id porro nefas esse Christiani norunt omnes & profitentur. Nefas autem est quod futuris post mortem precibus juvari ipsa in morte nemo valeat, qui juvari mortem antecedentibus ipsa in morte non potuit. Atque ut tuis te exemplis refellam: rex ille tuus, an reo in gratiam deprecaturi filii veniam daret, qui non daret in gratiam deprecantis? Deus vero, an ob merita futura Christi divinis aliquem donis affecisset, quem non affecisset ob præterita vel præsentia? Certe plus est in re præsentis quapiam, quam in eadem futura efficientiæ & virium. Si ergo nullus extitit orationum illarum fructus, quæ pro homine animam agente effusæ sunt, quis esse futurarum potest, ut sancte moriatur qui jam pridem mortuus est. At, subjecit *Methodius*, recitata superiore loco testimonia, qua tu ratione ad purgatorium transfers? Quis illud vocet gehennam, in eoque esse existimet tum ignem æternum, tum exteriores tenebras, & hujusmodi alia non pauca, quibus solemus damnatorum hominum carcerem indicare? Quid prohibet, inquit *Ignatius*, quominus sic arbitremur & loquamur? Non prohibet gehennæ vocabulum, si, unde sit deductum, adverteris. Neque enim nescis, locum quemdam in valle Cedron, fuisse non longe ab Hierosolymitana civitate, qui Ge-ennon c. 15. Jos. dicitur, id est, vallis Ennon. Erat autem Ennon ille e Jebusæorum gente loci dominus sua ætate. Quo postea

in loco Judæi idolum Moloch divino cultu venerati sunt, & suos illi liberos horrendum in modum immolarunt per ignem. Quamobrem locus omnis pœnis addictus ab nomine Ge-ennon gehennæ appellationem accepit: unde & id nominis purgatorio apte congruit. Imo aptissime ex Græcorum mente, si, ut in suo Spicilegio evangelico eruditissimus noster Possinus verbo *gehenna*, vocis hujus repetas originem ab Hebræa *ge* quæ *vallem* sonat, & *hinnom*, quæ *gemitum*: ut gehenna idem omnino sit quod *vallis gemitus*. Gemunt scilicet, ut fateantur Græci, post obitum animæ, debitis suis nondum absolutæ, dum ecclesiæ precibus adjunctæ in eum volent locum, unde gemitus omnis & dolor exultat. Est illud præterea in more apud homines positum, ut sicubi ignem ingentem validasque flammæ conspexerint, proferant statim illic infernum esse & gehennam. Accedit, purgatorium ignem non alium esse a tartareo, vel propter loci utriusque vicinitatem, vel propter Dei sic decernentis imperium, ut sentiunt probatissimi Theologi: Quæ cum ita se habeant, vere purgatorius ignis æternus est: at æternum non cruciat, nisi in damnatorum inferis. Est & alia significatione *αἰώνιος*, æternus; ea scilicet qua dicitis, *πάντας τοὺς ἀπ' αἰῶνος κακοῦντες*, omnes qui ab æterno, id est, ab exordio mundi defuncti sunt. Et Moyses Deut. 33. *Poma collium æternorum*, id est, qui a principio temporum extiterunt. Exitit enim ab initio conditarum rerum purgatorius ille ignis, vel nuncupari æternus hac etiam notione potest, qua quod longissimo tempore perseverat, dicitur æternum. Sic legitur Prov. 29. *Rex qui judicat in veritate pauperes, thronus ejus in æternum firmabitur*. Ignis porro purgatorius ad finem usque mundi ad animas purgandas adhibebitur, & illarum nonnullæ toto illo tempore patientur has flammæ. Multiplici illo sensu appellari æternus potest ille ignis, sed primo maxime, si recte video. Esse quoque in purgatorio *vermem torquentem* & *stridorem dentium* & *tenebras spississimas*, admittant necesse est, tum illi qui purgatorii cruciatus ab inferorum tormentis hoc uno fecernunt, quod hæc æternum & vehementissime sine modo ullo crucient, isti vero affligant certo dun-

taxat tempore, vehementissime quidem, sed non absque modo: tum ii qui se tota differre autumant. Nam stridor ille dentium doloris vehementiam, tenebrarum horror separationem a Dei lumine, vermis torquens objugantem conscientiam refert ac repræsentat. Est hæc etiam doctissimorum hominum sententia, dæmones, ut qui sunt pœnarum constituti a Deo ministri, excruciare in purgatorio animas. Quos inter Synesius ita tradit ep. 41. δαίμονες εἰσι κα-
 ρατήριοι, πύχην ἔχοντες ἐπὶ ταῖς ψυχαῖς, ἣν οἱ καθεύδεις ἐπὶ τοῖς
 ἱματίοις πνέουσιν. *Sunt purgatorii dæmones, eam artem pro
 animabus sortiti, quam fullones pro sordidis vestibus.* Probari
 & hoc potest eo quod affert Guillelmus abbas exemplo in
 vita S. Bernardi l. 1. cap. 10. ubi fratrem quemdam narrat
 verbis acerbioribus erga fratres uti solitum, Bernardo appa-
 ruisse vultu tristissimo & lugubri in veste, eique de pœna
 quam toleraret roganti, respondisse, se dæmonibus quatuor,
 ab quibus excruciaetur, esse traditum. Quæ cum diceret,
 e conspectu per vim ereptus est. Preces in ejus gratiam cum
 essent ab Bernardo injunctæ, & celebrata jejunia, dimissus
 a pœnis ad summam evolavit beatitatem, cujus luce admi-
 rabiliter effulgens se videndum rursus bene de se merito
 patri obtulit. Sed de his plus æquo a nobis dictum. Quid
 superest? Superest, inquit *Nicolaus*, ut tibi dubium aliquod
 meum exponam. Audivi enim de nostris nonnullos sic de
 iis, quas pro defunctis effundimus, orationibus statuere;
 eas ab patribus eo consilio inductas, non ut mortuos e pur-
 gatorio eximant; (censebant enim commentitium esse) sed
 ut ipsis cum resurgent, ab savissimis qui tum inundabunt,
 & judicio præbunt ignibus, incolumitatem exorent, & co-
 ram formidando iudice securitatem. Sic quippe oramus in Pa-
 traclicitica: οἱ κτὶ σὺ, ὁ πρὸς ἀγία, οἱ θάνοντες παρέρχοντι ἐν ὁρῇ
 ἐξαιτῶντες ἐν τῇ φλογὶ τῆς φοβερᾶς ἐκείνης, καὶ πυχὴν τὴν ἀγαθὴν
 δόξης τῆς ἀγίας σου ἐν ἡμέρᾳ κρίσεως. *Servi tui, o Trinitas san-
 cta, qui vita excesserunt, accedunt, postulantque ab flamma illa
 tremenda liberari, & frui sanctæ tue gloriæ bonis in die judicii.*
 Et in Triodio, sabbato illo defunctorum commemorationi
 consecrato: τῇ ἐρατῇ ἐν σάλπιγγι σαλπίζοντος τὸ σε ἀρχαγ-
 γέλε εἰς αἰδῶσιν ζωῆς ἀπάντων τότε, Χεῖρ, τὰς δόλως σε

Cur in præ-
 citis pro de-
 functis men-
 tio ultimi ju-
 dicii fiat.

ἀνάπαισον. *Ultima tuba insonante archangelo tuo in resurrectionem vite omnium, tunc servos tuos, o Christe, fac quiescere.* Bene est, inquit Ignatius, & nos idem exposcimus a Deo: sed ea re non evertitur purgatorium, sed una eademque opera cum mortuos e purgatorii pœnis, placato precibus Deo, liberamus, eos ab metu futuri finiente mundo iudicii præstamus securos. Solet autem ecclesia istis in precibus tum mortis, tum extremi iudicii, atque etiam inferni pavendum in modum meminisse, ut salutari terrore percellat viventes, dum mortuos orando adjuvat. Quod si nullum esse orationum pro mortuis fructum alium pertendunt, immensum errant. Præsens enim petitur salus. Audi e Paraclitica sabbato in ἥχῳ δ'. sic beatam Virginem precantur: πσιῶν ἰλασῆριον σὺ ἀνεδέχθης ἀγνῇ, κοινὸν κατὰ φύσιν καὶ μοιστεία θερμῇ, παρθένη θεόκυψε, ὅθεν ἔστι ἐν πίστει ὡς θεὸς θεὸν μετὰ πάντων φάνηδι νῦν μοιστῆς καὶ σωτῆρος πύλη ὡς πλάτος τῆ ὡραίου, τέρας εἰσαγάσας. *Visa es, o purissima, fidelium propitiatorium, commune perfugium, & mediatio fervens, o Virgo Deo desponsa, unde & eorum qui in fide ad Deum excesserunt, appare nunc mediatrix & salutaris porta, illos in paradislata spatia inducens.* Et in ἥχῳ β'. sabbato: ῥίμελν τῆ θανάτου ἔφθαρσεν, σε παρ' ζωφάρω θανάτου κατὰ ἰλεις διόσποτα, πᾶσι δὲ ἐπήγασας ζωὴν ἀθάνατον καὶ νεκροῖς ἐξανάστασιν σωτῆρ ἰδωρήσιο. ὅθεν σε δόξαμεθα, ἔ νῦν ἀνάπαισον πίστιν τῶς ὡς σε μετασάνας, καὶ τῆς ἀθανάτου σε δόξης τούτης κατὰξίωσον, φιλάνθρωπε. *Mortis vim & corruptionem vivifica morte tua, o Domine, sustulisti, vitam vero æternam omnibus effudisti, & qui salvator es, dedisti e mortuis exurgere.* Quare te precamur, eos qui ad te demigrarunt, fac nunc etiam quiescere, & illos, o amator hominum, dignos effice gloria immortalis. Rursus in ἥχῳ γ'. sabbato: ἰωὼ, ὡς μόνος ἀγαθὸς καὶ φιλάνθρωπος θεός, τοὺς μετὰ πάντας ὡς σε ἥστ' ὑπερῶν τῆς λιταῖς ἐν χερά τῆς ὡσεῶν τῆς κατασκήνωσον τῶ λύσιν ἥστ' πτασμαῖται παρεχον ἐλεῆμον ὡπῆς δὲ: μέγα ἔ πλάσιον ἔλεις. *Nunc o qui solus es bonus, & hominum amator Deus, eos qui ad te translati sunt, fac martyrum precibus, fac habitare & quiescere in regione terra, quam possident mites, absolutionem ipsis peccatorum concedens, & miserans ipsos ex magna & locuplete misericordia.* Plura protuli-

mus hujus dissertationis in decursu quibus petitur, ut *nunc*, hoc scilicet præsentis tempore Deus quietem mortuis largiatur, eosque *nunc* sanctis in cælo admisceat & æterna felicitate donet. Quo funditus evertuntur eorum commenta qui nostrarum pro mortuis orationum utilitatem ad judicii diem remittunt. Dixi. Dixisti, inquit *Nicolaus*, & protulisti e libris nostris satis superque. At non patiemur silere te, dum Romani exemplo doctrinam istam & sacrorum codicum autoritate & Patrum nostrorum dictis & Annalium fide comprobaveris. Hoc tibi tantum dabimus, respices & recreeris nonnihil, donec peracto prandio huc iterum pomeridianis horis conveniamus. Quod cum ultro concessisset, solutus est cætus.

*****+*****

DIALOGUS VIII.

Ejusdem argumenti continuatio.

CONVENERUNT hora condita Latini sacerdotes solitum in locum, quo jam religiosi Græci accesserant auctiore numero, quod ante meridiem, cum dimitteretur cætus, Ignatius se contestatissima & admirabilia adducturum Patrum & Annalium testimonia significasset. Cum assedissent omnes, Id mihi, inquit *Ignatius*, ab ornatissimo abbate impositum est oneris, ut quæ e vestris pro confirmanda purgatorii doctrina excerpti libris, divini verbi autoritate firmarem, muniremque Patrum vestrorum sententiis, tum illustrarem petitis ex Annalium fide exemplis. Et quamvis minime id necessarium videatur, quandoquidem officiorum sacrorum libri, qui leguntur in templis, vix aliud completantur, quam flores quosdam ex divini verbi & Patrum hortis virentibus collectos: non possum tamen non obsequi votis vestris, & venerandi abbatis imperio. Paucis dicam, ne sim molestus, & e multis testimoniis non multa proferam. Primum duci potest ex cap. Apocal. 21. ubi cælestis Jerusalem, sancta illa beatorum civitas ab dilecto apostolo depingitur: cujus ubi formam, opes, gloriam & delicias expressit; *Non intrabit in eam*, inquit, *aliquid coinquinatum.*

T iij

At hominum etiam proborum λατρευάντων, ut recitatis in precibus, *Πρὸ καθαρῆς, ἔιερῆς ἀπολιπόντων τὸν βίον*, quam multi *vita pie acta & morte sancte obita*, nonnullis etiamnum peccatorum levium inficiuntur maculis, quas delere, vel repentino oppressi morbo, vel solita humanæ imbecillitati negligentia impediti ante emissum spiritum non potuerunt? Quam multi sceleratissimorum hominum peccata moriendo execrantur, confitenturque, quorum exolvere pœnas debitas, ob instantem mortem, non licet? An horum par erit fortuna, quæ sanctissimorum hominum, & multos annos pœnitentium, ut subito cælesti scilicet gloria potiantur, quam illi vitæ longissimæ immensis laboribus sunt promeriti? An coinquinati tanto debito in eam ingredientur civitatem, in quam *non intrabit aliquid coinquinatum*? Porro illi, etsi nondum digni sunt, qui excipiantur in cælum, nihil habent tamen, quo rei æternæ pœnæ constituentur. Sunt enim peccatis lethalibus dolore suo, & confessionis sacramento absoluti. Unum deest, ut remittantur illis peccata levia, & quod habent debiti, quo promeritæ gloriæ, cujus in se pignus tenent Dei nimirum gratiam, possessione donentur. Ubinam, inquit *Nicolaus*, quove modo remitti illa debita produnt sacratissimi codices. Ea, respondit *Ignatius*, in saculo altero remitti insinuavit Christus Dominus Matth. 12. v. 32. uti docet Gregorius Magnus lib. 4. Dial. cap. 39. De quibusdam, ait, levibus culpis esse ante iudicium purgatorius ignis credendus est, pro eo quod Veritas dicit, quia, si quis in Spiritum sanctum blasphemiam dixerit, neque in hoc seculo remittetur ei, neque in futuro. In qua sententia datur intelligi, quasdam culpas in hoc seculo, quasdam vero in futuro posse laxari. Quod enim de uno negatur, consequens intellectus patet, quia de quibusdam conceditur. Sed tamen, ut prædixi, de parvis minimisque peccatis fieri posse credendum est. Sicut est assiduus otiosus sermo, immoderatus risus, vel peccatum cure rei familiaris, quæ vix sine culpa ab iis agitur, qui culpam qualiter declinare debeant, sciunt, aut in non gravibus rebus error ignorantia, quæ cuncta etiam post mortem gravant, si adhuc in hac vita positus minime fuerint relaxata. Gregorio prævit Areopagitarum decus Dionysius lib. de eccl. Hier. p. 3. cap. 7.

Rogat, inquit, antistes πάντα μὴ ἀφείναι τὰ δὲ ἀσθενήσαντα ἀδίνειαν ἢ ἑρπηγία πρὸς κοιμηθῆναι, κατατάξαι δὲ αὐτὸν ἐν φωτὶ καὶ χάριτι τῶν ζώντων εἰς κόλπους Ἀβραάμ & Ἰσαὰκ καὶ Ἰακώβ ἐν τόπῳ οὗ ἀπέδρα ὁ δούλη καὶ λύπη & στεναγμός. *Dimitti defuncto omnia quæ ex humana infirmitate admisit peccata, transferrique illum in lumen & regionem vivorum, in sinum Abrahe, Isaac & Jacob, unde dolor & tristitia gemitusque aufugiant.* Sinum vero illum interpretatur beatorum patriarcharum & aliorum sanctorum omnium divinissimas, felicissimasque quietis sedes, quæ viros omnes deiformes excipiunt ad beatissimam, & nunquam senescerem, quæ in ipsis habetur, consummationem, eis τὴν ἐν αὐταῖς ἀγάπην καὶ μακαριότητα τελείωσιν. Dionysium sequitur Basilii magnus, ubi cap. 4. Esaiæ interpretatur. Illud enim prophetæ enarrans, *Abluet Dominus sordes filiarum & filiorum Sion, & sanguinem Jerusalem expurgabit de medio ejus in spiritu judicii & in spiritu ardoris; docet baptismum seu purgationem quæ in spiritu judicii & in spiritu ardoris facienda est, futuram in altero sæculo per ignem.* Quo igne purgatorium vir sanctus expressit, cum in dæmonum inferis neque baptisimus sit, neque purgatio. μήποτε τρεῖς εἰσιν αἱ ἐπίνοιαι τῆ βαπτίσματος; ὁ, τι τὸ ῥύπον καθαίρειν, καὶ ἡ ἀφ' οὗ τοῦ πλύματος αἰσχρονομία; & ἡ ἐν τῷ πυρὶ τῆς κρίσεως βάσανος. ὥστε τὸ μὲν, ἐκπλύνειν, πρὸς τὴν ὥδιν ὑπόθεσιν τῆς ἀμύρτης λαμβάνεται, τὸ δὲ, πλύνειν κρίσεως, & πλύνειν καύσεως, πρὸς τὴν ἐν τῷ μέλλοντι αἰῶνι ἀφ' οὗ τοῦ πυρὸς δικαιοσύνη. Num forte, inquit, tres sunt baptismatis notiones? expurgatio scilicet sordium, regeneratio per spiritum, & ea quæ per ignem fit in judicio probatio. Ita ut illud, abluet, pro depositione peccati, quæ in hac vita fit, sumatur; hoc autem, in spiritu ardoris, ad eam referatur quæ per ignem fit in sæculo futuro probationem. Nec minus dilerte in caput 9. εἰάν οὐκ συνώσωμεν τὴν ἀμύρτιαν ἀφ' οὗ τῆς ἔξομολογήσεως, ἢ ποιήσωμεν αὐτὴν ἕνεκα ἀγένης, ἀξίαν τῆς ὑπὸ τῇ καθαρτικῇ πρὸς καταθεσθῆναι. Si igitur peccatum per confessionem detexerimus, jam succrescens peccati gramen arefecimus, dignum quod purgatorio igne absumatur. Basilio magno fratri suo non minor Gregorius Nyssenus consentit orat. de infantibus qui præmatura morte abripiuntur. Quid anima illa pueruli fiet? λέγει τὴν κατ' ἀξίαν ἀντίδοσιν, ἢ πρὸς καθαί-

ἐσμήνη καὶ τὰς τῆ βαγγελίας φωνάς, ἢ τῇ δεόσῳ τῆς ἀλογίας
 ἐνδοφύχουσα; *An accipiet meritam compensationem, vel igni
 purgata, juxta evangelii voces, vel rore benedictionis refrigera-
 ta?* Apertissime etiam in sua ad eos oratione qui ob fide-
 lium obitum lugent, hominem tradit purgari oportere,
 ἦτοι καὶ τὴν παροῦσαν ζωὴν δὲ ἀποστεύχῃς τε καὶ φιλοσοφίας, ἢ
 μὴ τὴν ἐνδεύον μετανάσασιν δὲ τῆς τῆ καθαρσίᾳ πρὸς χονείας:
*vel in hac praesenti vita orationis & sapientiae studio, vel post-
 quam ex hac vita abscessit, per ignis purgatorii fornacem.* Pau-
 loque post: καὶ τὴν ἐκ τοῦ σώματος ἔξοδον. . . ἐν τῇ μὴ διώματι
 μεταγείν τῆς θεότητος, μὴ τῆ καθαρσίᾳ πρὸς τὸν ἐμμιχθέντα
 τῇ ψυχῇ ῥύπον ὑποκαθήαντος. *Post exitum e corpore particeps
 esse divinitatis non poterit, nisi maculas animo immixtas pur-
 gatorii ignis abstulerit.* Hic Abrahamus Methodium intui-
 tus, Mirum, inquit: e Græcis sunt illi Patres, neque tan-
 tum purgatorii meminerunt, sed & ignis illic urentis! At-
 que ista, adjecit Ignatius, non sunt novi duntaxat testamen-
 ti, sed & veteris. Nostis enim quod Maccab. 1. 2. c. 12.
 refertur, sanctam & salutarem esse cogitationem pro defunctis
 exorare, ut ab peccatis solvantur. Sed audite Chrysostomum
 hom. 41. in 1. ad Cor. Si qui mortuus est, decessit peccator,
 quoad ejus fieri potest, opem ei ferre oportet, οὐ διακρίνεις, ἀλλ'
 δάκνεις καὶ ἱκετεύεις & ἐλεημοσύνας καὶ προσφορὰς: non lacry-
 mando, sed precibus & supplicationibus & eleemosynis & obla-
 tionibus. Non sunt enim hæc excogitata temere, neque frustra in
 divinis mysteriis eorum facimus memoriam qui excefferunt, &
 pro ipsis accedimus, agnum propositum, qui mundi peccatum tu-
 lit, rogantes: ἀλλ' ἵνα τις ἐντιῶθεν αὐτοῖς γῆνη) ὠφελυμία:
sed ut inde aliqua eis consolatio existat. Neque abs re qui altari
 adstat, dum pavenda perficiuntur mysteria, clamat pro omnibus
 Christo dormientibus, & pro iis qui illorum memoriam cele-
 brant. Ipsi igitur succurramus, & ipsorum meminerimus.
 Si enim Jobi filios patris sacrificium purgavit; quid dubitas,
 an nobis pro iis qui obierunt, offerentibus, eis accedat aliqua con-
 solatio? Gratificari Deus propter alios, aliis solet. Ne defati-
 gemur opitulandomortuis, & pro illis offerendo preces. Prostat
 enim commune mundi piaculum. ἢ πόινω ἀλλοῖς; καὶ δὲ
 ἐρῶ εἰς ὅπῃ τοσαῦτα δύνατον συζητῶμεν σωταραχὰν τῇ ἀπελ-
 θόντι;

Sōyn : Quid ergo doles, quid luges & lamentaris, quando defuncto potest tanta conciliari venia? Testimoniorum satis est, inquit *Methodius* : jam si placet ab Annalibus exempla nobis adducas. Sinite me, reposuit *Ignatius*, sinite me prius seletissimum Pauli locum Augustino interprete proponere. Sic ille in psal. 37. *Hac ille graviora formidans, excepta vita ista, in cujus malis plangit & gemit, rogat, & dicit : Domine, ne in indignatione tua arguas me. Non sum inter illos quibus dicturus es : Ite in ignem æternum, qui paratus est diabolo & angelis ejus. Neque in ira tua emendes me, ut in hac vita purges me, & talem me reddas, cui jam emendatorio igne non opus sit, propter illos qui salvi erunt, sic tamen quasi per ignem, 1. Cor. 3. Quare, nisi quia hic ædificant supra fundamentum ligna, fœnum, stipulam? ædificarent autem aurum, argentum, lapides preciosos, & de utroque igne securi essent, non solum de illo æterno qui in æternum cruciaturus est impios : Ite in ignem æternum ; sed etiam de illo qui emendabit eos, qui per ignem salvi erunt. Dicitur enim : Ipse autem salvus erit, sic tamen quasi per ignem. Et quia dicitur, salvus erit, contemnitur ille ignis. Ita plane quamvis salvi per ignem, gravior tamen erit ille ignis, quam quidquid potest homo pati in hac vita. Et nostis quanta hic passi sunt mali, & possunt pati. Et lib. de vera & falsa pœnitentia c. 18. Prius purgandus est igne purgationis, qui in aliud seculum distulit fructum conversionis. Hic autem ignis, etsi æternus non sit, miro tamen modo est gravis. Est plane, inquit *Nicolaus*, locus iste uterque terribilis. At, subjecit *Methodius*, aliam apostolici dicti interpretationem Chrysostomus adhibet. Adhibeat, inquit *Ignatius* : an continuo falsus est Augustinus, cujus doctrinam texta apud vos œcumenica synodus jubet recipi? Deinde, an cum interpretatur aliter, sic explicat, ut pertendat, neque loco isto, neque ullo sacrorum codicum alio probari purgatorium posse? Præterea an nescis sanctos Patres, cum alii aliter locum intelligunt aliquem, variam quidem ei, sed catholicam tamen tribuere sententiam? Denique fecit sanctissimum Chrysostomi nefariam in hæresim odium, ut vim Paulinis verbis inferret. Pugnant enim Origenistæ hoc declarari testimonio, liberandos.*

aliquando ex inferis reprobos; declarari contra voluit Chrysostomus, hoc ipso pronuntiato nunquam esse liberandos. Atque adeo verba ista, *salvus erit, sed tamen quasi per ignem*, sic sumpsit; In igne salvus erit, in illo scilicet æternum sine interitu cruciandus est. Sed quis statim non videat aliud esse, *Ipsè salvus erit, sed tamen quasi per ignem*; aliud, *In igne vivus erit?* Et vero non agit hic Paulus de homine peccati lethalis reo, sed de illo in quo habitat Spiritus sanctus, quique ædificat super Christum opus aliquod tanto fundamento minime consentaneum. Hunc porro hominem non ait exitium passurum, sed detrimentum, quia per ignem ipsi transeundum erit, sic tamen ut exoluta pœna salvus evadat. Quod est ab Basilio præclare animadversum in cap. 9. *Elaiæ*, cujus hæc verba, *Et erit populus sicut ab igne densus*, sic enarrat; *ὅτι ἀφανισμὸν ἀπειλεῖ, ἀλλὰ τὴν χάριτον ὑποφαίνει, καὶ τὸ ὅτι τὸ ὑποσώζω εἰρημνῶν, ἐπ' εἰς πᾶν τὸ ἔργον κατεργάσεται, (ζημιωθήσε), αὐτὸς δὲ σωθήσε), ἕως ὥς ἂν πύρος.* Non comminatur exterminium, sed purificationem innuit, juxta apostoli sententiam: quod si cujus opus arserit, detrimentum patietur; ipse autem salvus erit, sic tamen quasi per ignem. Ut sit, quamvis locum illum Chrysostomus non usurpat ad purgatorium adstruendum, abunde nobis est quod aliis in locis illud disertissime ac copiosissime comprobavit. Patres alii usurparunt, quos inter Ephraemus Syrus, sermone de everfione superbiæ, *An, inquit, non consideras illum per quem transibimus ignem? Quando igitur pertransentes eum, mundi deprehensi fuerimus & irreprehensibiles; tunc cognoscemus nos ipsi quales sumus. Dies enim Domini uniuscujusque opus declarabit, sicut scriptum est, quia in igne revelabitur.* Vultis adveham plura ab Gregorio Nazianzeno sub finem orationis habitæ in morte fratris Cæsarii; ab Athanasio quæst. 34. ad Antiochum principem; ab Epiphanio l. 3. advers. hæc. hæresi 75. ab Græcis denique Patribus aliis & Latinis? Frustra, inquit *Methodius*, tantam colligas nubem testium; cum verbum omne in ore duorum triumve Domini jussu & autoritate legum necesse sit stare. Expetimus quæ habes ex Annalibus exempla. Primum, reposuit *Ignatius*, e Triodii vestri Synaxario desumam, & referam

quasi ad verbum, ut vestro vos ore judicemini. Anres date. Theophilus imperator, doctrinæ novitate in ecclesiam inducta, multos in errorem impulit. Sacris imaginibus indistincto bello monachos & sacerdotes nonnullos, minis, præmiis, arte omni ab patrum fide amovit, quosque sibi non valuit adjungere, alios exulare jussit, meruit alios, alios alio mortis genere sustulit. Neque destitit duodecim ipsos annos infestari ecclesiam, dum gravi illum morbo Deus perculit. Sic ab aure dextra ad sinistram disruptus est miser, ut ejus per os ipsum viscera apparerent. Hic uxor ejus Theodora casu admirabili permota, cœpit animo multa versare; cum ecce somno capta videre sibi visa est Virginem beatissimam, ejusque in ulnis sub pueruli forma Christum Dominum, circum hinc inde stantes angelos, & ab angelis catenis ferreis constrictum conjugem suum. Vix discusso somno evigilaverat, cum imperatorem audit elata voce exclamantem: Væ mihi peccatori qui ob scelus effractarum imaginum in hanc adeo acerbam poenam incidi. Profiliit ad vocem Theodora, & acceptam statim Christi ac purissimæ Virginis imaginem Theophilo venerandam obtulit. Tum ille ad ejus aspectum poenitere, flere, orare, veniam precari. Advolarat plebs prope omnis, intentisque in imperatorem oculis hærebant admiratione defixa. Erat in turba nescioquis; ille divino quodam impulsus æstu Deiparæ virginis efferebat imaginem, & ostentabat. Eam, ut aspexit Theophilus, afferri petiit, & demississima mente veneratus ori sibi appressit. In ipso statim osculo rediit oris forma pristina, qualis fuerat. Tum voce magna palam exclamans, Vere, inquit, vere de sacris imaginibus sentire oportet, illasque cultu purissimo æquissimum est venerari. Continuo quas asservabat Augusta imagines, ex arcâ produxit, & imperatori exhibuit, quas ille summa fide amplexus est, totaque mente coluit. Obiit non ita multo post Theophilus: tumque Theodora quos ipse in carcerem imaginum causa detruserat, exemit e vinculis, ac Methodium inprimis patriarcham ex perobscuris illo antro, ubi fuerat acerbissima annos plurimos perpeffus. Flotebant hac ætate viri sanctitate insignes Juventius & Arsacius. Monentur ab angelo Nicomediam, ad Isaiam se

conferant, cujus ore de voluntate divina fierent certiores. Ad eum cum convenissent, Ite, inquit, ad Theodoram augustam & Methodium patriarcham: hæreticos omnes Episcopos quatrant & convocent, tum sacrum fiat, postquam reddita templo & affixa imagines fuerint. Hæc cum ab Isaia magno in mandatis accepissent, Constantinopolim reversi Methodio patriarchæ & orthodoxis civibus renuntiant audita. Cives cum patriarcha & clero ad Augustam se conferunt. Erat illa ab teneris annis rectam ecclesiæ fidem complexa. Quare statim sacræ quam deferabant imagini assurgens, eam deosculata singulari religionis sensu humeris suis imposuit, vocemque efferens, Feriatur, inquit, feriatur anathemate, qui sacras non suscipit aut veneratur imagines. Neque vero illarum cultus ad idolorum cultum similitudine accedit, neque iis honor habetur, nisi in eorum gratiam, quorum nobis formam exhibent & dignitatem. Hanc Theodoræ eximiam fidem incredibili lætitiâ exceperunt sacerdotes & antistites, & actis Deo gratiis collaudarunt. At Augusta ad eorum pedes provoluta, etiam atque etiam vehementi fletu petiit, ut Theophilo conjugii suo veniam exorarent. Votis annuunt: convocatisque in sanctæ Sophiæ templum civibus, & episcopis cum clero, jubet omnes patriarcha noctem totam vigiles orando exigere. Erat tum prima quadragesimalis jejunii hebdomada. Suas Augusta cum illis preces conjunxerat. At victa somno dum paululum quiescit, sibi ante columnam visa est stare, cui venerandæ crucis erat imago imposita, eoque accedere nescioquos suppliciorum instrumentis armatos, & ipsum imperatorem Theophilum a tergo manibus revinctum, quem homines quidam verberarent in via, & gravissime torquerent. Eum, ut vidit Theodora, statim agnovit, & assurgens, illos, dum pervenirent in S. Sophiæ templum, longo inseguta est intervallo. Hic hominem vidit in excelso solio confidentem, & in ejus conspectu sacram Christi imaginem. Adducitur coram Theophilo. Mox Augusta ad illius qui confidebat in solio, pedes accidens, veniam Theophilo precari. Cui vir ille Deum dignitate ac majestate referens, Nunc, inquit, o mulier, fidei tuæ & lacrymarum

ardentissimarum precumque tuarum merito, sed earum maxime quas antistites fuderunt, conjugii tuo Theophilo ignovi. Quæ cum dixisset, iussit illum exolvi vinculis, & tradi uxori. Assertum in libertatem, & ab pœna omni exemptum summa cum voluptate excepit Augusta, tantoque provocata beneficio deprædicare divinas laudes exorsa est, & gratias agere quam potuit ferventes & magnas. Hæc in somnis Theodoræ ostensa. Porro Methodius patriarcha vigiliis illis & precibus, quas proxime commemoravimus, ad finem deductis, hæreticorum imperatorum nomina omnia in charta descripsit, in iisque Theophili nomen. Chartam hanc complicatam & obsignatam annulo, clam sub sacri altaris mensa, nullo teste, deposuit. Atque aliquanto post tempore cum vigiliis feria vi. Methodius patriarcha ageret, angelum non sine pavore gravi conspexit, audiitque sic alloquentem: Pcectuas ac sacerdotum Deus opt. max. o Methodi, admisit, & veniam Theophilo imperatori concessit: noli quidquam amplius pro ipso petere. Incredibili perfusus gaudio patriarcha cum surrexisset, confestim ad templum se contulit, depositamque sub altari chartam accepit & explicuit, arque hæreticorum imperatorum quæ descripserat nomina omnia, nihil immutata reperit, præter Theophili, cujus ne vestigium quidem relictum est. Hic Methodius tota voce exclamans, Benedictus es, inquit, Domine, & admiranda tua opera. Perfertur ad Augustam felix nuntius, eoque recreatur. Legunt ista Græci, & in templis palam recitant. Quis ergo illos arguere audeat quasi purgatorium nesciant. Unde enim liberatus est Theophilus? Certe non dæmonum ac damnatorum ex inferis, unde educi neminem posse cum V. synodo Græci profitentur. Deinde peccata sua Theophilus summo animi dolore, cum moreretur, palam confessus atque execratus est: quo dolore veniam consecutus scelerum tartareis addici pœnis ab Deo clementissimo non potuit. Erant igitur purgatoriæ illæ pœnæ, ab quibus orationum beneficio exemptus est. Profero alterum e S. Gregorio pontifice maximo, quem Dialogum magnis ubique cum laudibus appellatis, exemplum. Scribit ille lib. 4. dial. c. 55. vel ut habet interpretatio Græca, ἵς monitum se, religiosum e

suis unum, qui tum morbo gravissimo premebatur, nummos aliquot clam collectos sibi habere, contra quam religiosis viris liceat, qui paupertatem voto professi, nihil sibi possunt vel lucrari vel asservere. Vetuit Gregorius, ne quis morienti illi fratrum adesset, ut cum se in peccati poenam desertum abjectumque adverteret, acerbior poenitentis animi sensu moveretur, & a Deo veniam facilius impetraret. Poenituit illum facti, & obiit. Porro ad exemplum ceterorum iussit S. Gregorius demortui cadaver in sterquilinum cum illis nummis projici, succlamantibus omnibus: *Pecunia tua tecum sit in perditionem.* Valuit ad emendationem, & virtutum accretionem poena. Ea enim perterriti fratres alii, non se illicitis modo, sed etiam licitis abdicarunt. Cum vero triginta ab ejus morte jam dies essent elapsi, *capit animus meus*, inquit Gregorius, *fratri defuncto compati, ejusque cum dolore gravi supplicia pensare, & si quod esset ereptionis ejus remedium querere.* Tunc evocato ad me ejusdem monasterii mei preposito, dixi: *Diu est quod frater iste, qui defunctus est, in igne cruciatur. Debemus ei charitatis aliquid impendere, & eum, in quantum possumus, ut eripatur adjuvare.* Vade itaque, & ab hodierna die diebus triginta continuis offerre pro eo sacrificium stude, ut nullus omnino pratermittatur dies, quo pro absolutione illius hostia salutaris non offeratur. Qui protinus abiecit, & dictis paruit. Nobis autem alia curantibus, idem frater qui fuerat mortuus, nocte quadam fratri suo germano Copioso apparuit per visionem. Quem ille cum vidisset, inquisivit dicens: *Quid est, frater? quomodo es?* Cui respondit: *Nunc usque male fui, sed jam modo bene sum, quia hodie communionem recepi, id est, in sanctorum sum societatem admissus.* Quod idem Copiosus pergens protinus indicavit fratribus in monasterio. Fratres vero solliciti computaverunt dies, & ipse dies extiterat, quo pro eo trigesima oblatio fuerat impleta. Cumque & Copiosus nesciret, quid pro eo fratres agerent, & fratres ignorassent, quid de illo Copiosus vidisset, uno eodemque tempore, dum cognoscit ille quid isti agerent, atque illi cognoscunt quid ille viderat, concordante simul visione & sacrificio res aperte clarnit, quia frater qui defunctus fuerat, per salutarem hostiam evasit supplicium. Hæc e Gregorio illo verè magno, quem tantis lau-

dibus Græci celebrant, ut neminem majoribus. Aliud jam vobis e S. Stanislai Cracoviensis episcopi & martyris historia depromo. Virum hunc sanctissimum infensissimo odio rex Poloniæ Boleslaus prosequabatur, quod ipsum non sine-
ret impune peccare. Existimarunt flagitiosi quidam homines se præclare de principe meritu-
ros, si optimo præsuli intenderent litem, e qua cum sese non posset expedire, ea excideret, qua florebat, virtutis absolutissimæ fama. Emerat ab viro, Petrum appellabant, numerata statim pecunia, sed omissa teste solutionis syngrapha, nullisque secum adhibitis testibus, prædium. Petro jam pridem mortuo hæredes coram rege vadimonium dicunt Stanislao, tanquam qui fraude rapuisset aliena. Suum esse prædium clamitant. Si vere emit, vel testes adducat, vel exhibeat syngrapham. Neutrum cum haberet ad manum innocentissimus antistes, propeque jam esset ut causa caderet, sententiam in diem tertium differri postulat, pollicitus se Petrum ipsum ab quo in ecclesiæ commodum prædium emerat, producturum in testem. Dictum excipitur risu: jam enim ab annis tribus Petrus obierat. Conceditur viro, ut arbitrabantur, simplicioris ingenii mora illa dierum trium. Quo spatio noctu diuque non destitit precibus ac jeuniis sibi Deum conciliare, & facere propitium. Dies cum tertius illuxit, facto sacro jubet effodi Petri tumulum. Ejus cadaver pastoralis pedo impellit, jubetque surgere, ac testimonium pro veritate dicere apud regem. Mirum! vix jusserat, Petrus exurgit, & Stanislao ad regem usque se præbet comitem. Confluxerat eo die ingens magnatum & judicum turba. Progre-
ditur cum suo Petro in medium Stanislao, & regem de more veneratus, Ecce tibi, inquit, o rex, Petrus ille ab summo & præpotente Deo missus in testem veri. Tum Petrus: Ita plane se res habet, venditum a me fuit Stanislao prædium, mihi-
que ab illo persolutum est pretium omne. Mox cœpit in actores, falsi reos, acerbius invehi, minatus vindicem Dei manum, nisi consentaneam crimini tanto pœnitentiam agerent. Obstupere ad miraculum omnes. Discedit adjudicata sibi causa Stanislao. Petrum rogat, num placeat manere in vivis; id se ab Deo opt. max. si ita lubet,

exoraturum. Absit, inquit : etsi enim, pater colendissime, jamdudum in purgatorio dura omnia patior, illic mihi satius salutis securum pati, quam ejusdem incertum hic vivere. At velim abs te pro tua in miseros caritate, mihi non desinas precibus & sacrificiis opem ferre, quo me citò Deus ad se transferat. Sepulcrum repetit, decumbit & moritur. Hæc vobis tria sufficiunt, ut reor, exempla. Pace tua dixerim, inquit *Nicolaus*, non sufficiunt. Quamvis enim ad faciendam fidem sint satis, non sunt tamen ad satietatem satis. Perge recitare. Et si habes, adjuuge antiquis illis exemplis aliqua recentiora. Etsi enim, Ignati, neutris jam opus est post adducta in istam rem tot rationum momenta, quæ maxime vos eruditi viri & fere una vultis attendi; valent tamen ad permovendos animos, certe ad recreandos. Quandoquidem vel ab invito, reposuit *Ignatius*, extorques imbecilliora hæc argumenta veritatis; prius nova quam profero exempla, sine me enarrare aliud, non e recentioribus illud quidem, sed neque ex antiquioribus istis. Est autem probatissimæ fidei. In oppido Hispaniæ, cui nomen Stella, vir nobilis Petrus ab Engeberto floruit. Is jam ætate provectior spreto mundo Cluniacensem ordinem ingressus est, & solebat fratribus commemorare admirabilia quædam, quibus permotus ad religiosum habitum capeffendum aspiraverat. Id cum rescivit Petrus Cluniacensis ordinis præpositus generalis, ne quid temere diceretur apud suos, Nazaram, ubi degebat Petrus, se contulit, eumque coram episcopis duobus rem totam jussit summa fide, prout gesta est, exponere. Alphonso juniore regnante, inquit Petrus, & bellum in Castellanos qui rebellaverant, movente, edictum est, ut ex unaquaque domo unus in militem mitteretur. Misi e domesticis meis Sancium, qui e bello redux non multo post tempore extinctus est, communi hominum fato. Quarto postquam obiit mense, cum essem in lecto, hiberna tempestate, de nocte quidem, sed vigil, nescioquem inspexi, qui foci cineres commoveret. Atque is detectis carbonibus ad illorum lucem magis apparuit. Ego etsi perterritus factus, rogavi tamen quisnam esset, quidve hic sibi esset negotii, quid vellet? Ego, inquit, here, tuus sum Sancius, Castellam

peto

*Causinus
in Aula
sancta.*

peto cum multis militibus aliis expiaturus peccata. At, re-
posui ipse, si te divina iussa alio evocant, quid huc diverti-
sti? Factum id, ait, Dei concessu: opem tuam imploro,
adjuva me. Missus a te superiore bello in militem, peccavi
multa, quorum nunc gravissimas pœnas exolvero. Tuis, ob-
testor te, dolorem meum precibus & eleemosynis leva. Est
mihi apud heram etiamnum nummorum aliquid, hoc jube
in meâ utilitatem animæ totum expendi. Posui tunc timo-
rem, cœpique multis Sancium meum sciscitari de quodam
Petro Dejaca populari meo, non ita pridem vitæ defuncto.
Jam, inquit, beatitatem consecutus est, ob eleemosynas in
nupta fame factas. Quæsi præterea de iudice mihi cogni-
to, recens quoque mortuo. De hoc, respondit, noli quæ-
rere. Jam enim iudex ille iniquissimus, & pecuniæ cupidi-
tate depravatissimus, pœnas criminum suorum æternas de-
pendit. Pergo & de rege Alphonsomagno percontari, cum
ecce mihi vox e fenestra, Id, inquit, ab Sancio noli sciscitari,
cum jam pridem e vivis princeps ille sublatus sit: ego qui
ab annis quinque decessi, novi de illo plura. Obstupui ad
vocem, conjectisque eo oculis unde advenerat, virum
aspexi fenestræ innixum. Ubinam igitur, dixi, Alphonsus
magnus? Multa, inquit, in suo e vitæ exitu passus est, sed
plurimum adjutus est religiosorum orationibus & votis.
Nunc autem quo loco vel statu sit, id vero nescio. Tum ille
ad Sancium, qui ad ignem federat, Age, inquit, jam abeun-
di tempus est: surge. Hic Sancius vehementer ingemiscens.
Here, exclamavit, ultimum hoc te oro, mei memine-
ris, & heram mone, ut quod dixi, expleat. Dixit, & abiit.
Postridie ab uxore mea didici re vera pecuniam apud se ab
Sanciorelictam esse. Et statim quod æquum erat, illi officio-
sissime persolvimus. Quantum capio ex dictis, inquit *Me-
thodius*, in Hispania purgatorii sedes est; memini tamen te
differere alias illud in imis terræ visceribus esse defossum.
Hoc certe affirmavi, respondit *Ignatius*, quia in illa terræ
depressissima specu, ut plurimum animæ cruciantur purgan-
tibus flammis. At nihil obstat quominus jubente Deo, pœ-
nas ibi dent, ubi peccarunt: quod sæpe fit. Atque ita nar-
rat S. Gregorius lib. dial. 4. cap. 55. nescioquem in balneo


quas incurrerat purgatorii pœnas exolvissē. Sic etſi dæmonum ac damnatorum locus infimis terræ partibus definiatur, nihil impedit, quominus hic e dæmonibus plurimi ſua ſecum ſupplicia circumferant. Verſari enim inter nos & in aëre dæmones cum tradunt SS. Patres, tum communis omnium ſententia eſt frequentiore experimento comprobata: verſari tamen eoſdem nunc in inferis, vos & Chriſtianorum reliqui profitemini. Legite Euchologii veſtri caput illud exorcismo- rum ab Baſilio magno conſcriptorum. Eo quippe loci diſertiffime pronuntiatis luciferum cum ab obſequio deſecit, fuiſſe a Deo ad infimas tartari partes cum angelis ſibi conſentientibus deturbatum. Verum in his minime neceſſum eſt immorari. Venio ad recentiores hitorias. Primam accipio e libello quem P. Franciſcus Rigordius e noſtris Peregrinationes ſuas apoſtolicas inſcripſit, remque, ut contigit, ipſiſſimis ejus verbis recito. Baciai, inquit, in India anno 1646. inſimæ claſſis magiſtro Barboſæ anima cujuſdam fratris coadjutoris, a tribus annis ibidem mortui, ſpecie corporis ter ſe videndam obtulit. Horruit primo aſpectu bonus magiſter, tum reſumpto ſpiritu animam compellat, eique petenti, cum facultate rectoris, horam ſerotinam recreationis ad colloquendum aſſignat. Statuto tempore adeſt anima; candelam accendit, & ſedes duas, honeſtiores unam magiſtro, utpote tonſura inauſurato, alteram minus honeſtam ſibi parat. Perterritus magiſter regreditur, ſed a patribus animoſe incitatus ingreditur. Sedet, anima aſſidente, tum multa ultro citroque percontantur. Quærit primum magiſter ab anima, quid perat? Sacrum, inquit, unum a quolibet ſacerdote, & coronam a ſingulis fratribus. Rogo præterea P. rectorem, ut decem pardaos (moneta eſt argentea medio nummo æquivalens) pauperibus erogat, ultra eos decem, quos ſingulis menſibus ſolet egenis erogare. Quærit deinde, num religioſi aliqui flammis purgantibus torqueantur. Torquentur, inquit, deſectu ſtudij perfectionis, zeli animarum, & venerationis atque attentionis, dum ſacerdotalis muneris honorarium penſum vel in choro vel in cubiculis oſcitanter & minus reverenter, vel in porticibus præcipitanter ac minus attente exolvunt. Quærit etiam quid animæ P. Manuelis de

Almeida visitatoris, qui nuper Goæ obierat, in egressu e corpore contigerit. Eum responder purgantes flammæ celerime prætervolasse, quod calumnias multas humili & religioso animo pertulisset, & quod pleniorē indulgentiam patribus societatis concessam, esset consecuta, quam, inquit, pauci consequuntur. Denique ut paucis multa quæ sancta obedientia silentio involvenda magistro injunxit, complectar, tertio ab mutuo colloquio die, anima multas gratias patri rectori egit, & toti collegio : magistrum monet, ne ab hoc privilegio speciali fiat elatiore animo. Tum amice & honorifice vale dicens in cælum evolat. Bonus magister hæsit attonitus, ac deinceps animi velut a sensibus abrepti alienationem pati visus est. Cum eo P. Franciscus, Bacciniquæ civitas pulcherrima est Lusitanis parens, familiariter egit. Mirum est istud, inquit *Nicolaus*, & plenum emolumentum exemplum. Admirabilius tibi profero, ait *Ignatius*, nec illud vetus, quod collocationem hanc nostram bona vestra venia concludam. Hoc peto ex ordinis nostri annalibus. Habebat non longe ab Bruxellensi civitate quodam in castello vir nobilis, cujus castelli partem sic infestant tenebant genii nonnulli, quemadmodum videbatur, pessimi, ut neminem liceret hic degere. Lapidem vir ille omnem movit, quo se turbis illis expediret, at irritum profusus labore. Interea Bruxellis cum ageret, ad ædes societatis Jesu non spe quidem repertiundæ salutis, sed solatii gratia se contulit. Incedit optimum in senem, a quo pacare animum jussus est, & metum ponere. Addidit religiosus sacerdos velle se adire ad ipsum, & oculis ipsis stupenda illa quæ narrabat, inspicere, idque se vel hoc ipso die, vel certe crastino facturum. Condicto tempore pater adfuit. Maximo honore ac singulari lætitia excipitur : facta cœna deduci se in eam castelli partem postulat, ubi horrendi illi quasi hominum omnia evertentium audiebantur tumultus. Eo deductus cum socio, (conclave erat ad latus aulae amplissimæ reconditum) Placeat, inquit, in hoc turbarum & portentorum loco noctem exigere. Apparatur locus, lumina accenduntur, ocluditur janua, & orationi ferventissimæ sese dant viri illi religiosi. Ecce tibi sub noctem mediam rumor strepitusque pro-

more exoritur, & accurrens vehementissimo impetu per aulam nescioquis, januam semel iterumque, silentibus de industria religiosis, pulsar, ac tandem impacto per vim pede dejecit, & intrat. Apparuit spectrum horrendum, exangue & aridum, lingua extra os promissa & pendula quasi sitientis supra modum canis, cæco quodam & pavendo igne ex oculis erumpente. Tum collecto obfirmatoque pater animo illud hominis monstrum Dei nomine compellat, exponat quis sit, ibique quid sibi velit. At ille, Responsum, inquit, ab eo accipies, qui me mox assequetur. Vix effluxerat horæ pars quarta, cum ecce alius immanitate par, nec absimilis vultu & habitu præceps accurrit ut alius, & arrepta sede illi asidet, & roganti patri quis esset, quid expeteret, Qui me, inquit, mox assequetur, dabit is tibi responsum. Paulo post persimilis alius pari impetu advenit, seque aliis in sede adjunxit, & paria quærenti religioso paria respondit. Denique non ita multo post quartus adfuit alius, sed dispare omnino incessu & forma. Erat enim venusto vultu, aspectu leni, modesto habitu: at dolentis tamen in modum & vinctis manibus videbatur. Intellexit ex hac varietate pater, hujus aliam, aliam ceterorum esse sortem, Quare ipsum aggressus, Obtestor, inquit, per sacratissimum Dei nomen, & eam, quam præstolaris misericordiam, aperias quis tu sis, quinam illi, quid exposcatis. Ego, reposuit, illi qui castelli hujus habetur dominus, sum pater. Porro ex his tribus, hic parens meus, ille avus, & ille abavus. Abavus hic meus dum intestinis ac domesticis bellis regio deflagraret, hoc sibi per vim castellum vindicavit, & legitimo hæredi surripuit, divitiarumque ac mundanæ gloriæ cupiditate captus inducere in animum non potuit, ut restitueret. Sic alterius bonis, dum viveret, abusus, commerita post mortem pœna affectus & æternis addictus incendiis. Hæc cum ipse diceret, e conspectu ejus ille abavus evanuit. Tum prosecutus dicere, Ille vero, inquit, avus meus parentis sui implicatus scelere, bona quæ noverat esse non sua, sibi detinuit, & his bonis mala quæ patitur, promeritus est æterna. Ad hanc vocem infelicissimus ille pariter excessit ab oculis. Jam autem, pergit, hic quem vides superesse de tribus, parens

meus est. Ipsi non plane constitit, se frui hereditate non sua, sed suspicabatur valde, & eadem qua progenitores alii cupiditate victus, neglexit de legitimo herede; imo cum arguente conscientia urgeretur, noluit inquirere. Quamobrem aliorum obstrictus scelere eandem incurrit aternam poenam. Ad hæc verba abscessit miser, & evanuit. Tum pergit iste: Mihi autem sic advenit hereditas, ut illam inierim quasi meam & paternam. Christianè vixi & obiit, admisi tamen aliqua, quorum in poenam tamdiu purgantibus suppliciis consistor, dum castellum hoc domino suo reddatur. Sic ergo adhortare filium meum, ut misertus mei legitimo heredi faciat quamprimum satis. Hæres ille ipsi in famulum obtrigit Joannes nomine. Tum apertissima indicavit argumenta, quibus de illius jure plane constabat, & evolavit. Quod superfuit e nocte cum effluxisset, ad virum nobilem religiosi adeunt. Is audito pro more strepitu, veritus ne pessime fuissent excepti, statim, quo se modo habeant, quærit; quid gestum sit, quid futurum deinceps. Præclare, inquit sacerdos, nobiscum actum est, nec tecum male, sed minus forte commode quam velles. Non mea, reposuit vir nobilis, sed Dei voluntas meo etiam incommodo & damno fiat. Num tibi, inquit, famulatur quidam nomine Joannes? Illius tu bono frueris, & ejus est hoc castellum, quod cum avi tui qui nobis visi sunt, jure nullo, imo injuria summa possederint, aternis sunt damnati cruciatibus. Parens vero tuus bonæ fidei possessor ob quædam peccata minus gravia purgantibus flammis torquetur, dum Joanni pro hereditate feceris satis. Heredem vero hunc esse, hinc & inde non dubiis testimoniis certum est. Quod cum vir nobilis e veritate comperisset, evocatum Joannem alloquitur; nihil dissimulat, & pactus, ut voluit, bonis conditionibus, illum locupletavit, nec ipse dejectus e statu est. Nec postea quidquam in castello auditum est, vel strepitus vel turbarum. Hic exclamavit *Nicolaus*, confige, o Domine, confige timore carnem meam, a judiciis tuis timui. Maximas vero, patres venerandi, Deo habemus, agimusque gratias, quod ejus ductu huc ad nos diverteritis tam admirabilia, tam utilia dicturi. Sed pergit. Nescio, inquit *Methodius*, an per tem-

pus liceat. Orandi enim jam instat hora, & cum diem crastinum festum habeamus, precationum officium prolixius est. Ita monuit, & factus est dicendi finis.



DIALOGUS IX.

De azymo & fermentato pane qui ad eucharisticum sacrificium adhibetur.

FACTUM est hoc festo die ingenti pompa ab Græcis sacrum, ut Latinis hospitibus suorum ostensione rituum gratificarentur: eque propositis panibus, unde frustra & partes ad consecrandum decerpserant, asservarunt optimos, quos ad edendum illis offerrent. Exactis demum precibus apparari mensam in amcenissimo loco Nicolaus jubet, & poni jentaculum. Allati sunt e jam commemoratis panibus nonnulli: cumque, expleta utcunque fame, quantum ad jentandum satis est, vix ullus cibos attingeret, cœpit Romanus panem ex his unum attentius contemplari. Quid est, inquit *Nicolaus*? quid illud demum, cujus quasi admiratione teneris defixus? Inspicio, reposuit *Romanus*, quadratum illud panis frustum, quod soletis ad sacra conficienda mysteria secernere; mihiq; impressæ istæ cum cruce voces valde arrident: *Ἰησοῦς Χριστὸς νικᾷ*. Vere enim vincit hic panis, qui sine dubio per consecrationem Christus est. Majore vi profecto vincit, quam subcinericius ille, qui delapsus e Gedeonis castris Madianitas olim prostravit. Crucis nos merito pascit, eoque pasti, ut aiebat Chrysostomus, evadimus leonibus ipsis formidabiliores & fortiores quovis hoste. Nescio, inquit *Methodius*, an peræque tibi placeat fermentata panis materia, ut placet forma. Ecclesiæ sim ego hostis, respondit *Romanus*, si quod probat illa, ipse improbem. Licere enim in fermentato pane sacrum facere, non tantum profitemur; sed Græcos, qui aliter palam autoritate sua faciant, & probatum totius ecclesiæ suæ ritum immutent, gravi se flagitio obligare affirmamus. Quid ergo Latini, subjecit *Methodius*, probatum illum morem abnuunt imitari? Quia

qui Latinorum est, inquit *Romanus*, probato illo vestro probatior est. Veritus est *Nicolaus*, ne Latini sacerdotes hac forte dissertatione offenderentur. Quamobrem eos compellans, Nolite, inquit, patres venerandi, existimare, id ab *Methodio* per contumeliam & exprobrationem prolatum. Video illum non alio quam discendi studio sic proponere. Ita est, subjunxit *Methodius*, & id ago, ne vacuus ab profectu hic nobis dies abeat. Nactus occasionem, ne prætervolaret, eam confestim arripui, deque azymis movere placuit quæstionem, non litem intendere. Audio e nostris nimio plures hoc Latinorum ritu non mediocriter offendi, quem ramen ab illis, ausu temerario, neque ulla bona ratione usurpari: quis credat? Nemo scilicet nescit, nullos esse Francis vel religionis studio, vel præstantia doctrinæ superiores. Velim igitur hodierna die ab Romano edoceri, cur Latini hac in parte ab Græcis disceperent. Quia satius habent, respondit *Romanus*, Christum imitari, quam Græcos. Porro certum est eucharistiam in azymis ab Christo, cum primum instituta est, fuisse confectam. Negant hoc Græci, inquit *Methodius*, & pugnant ab Christo fermentatum panem tunc abhibitum fuisse. Si quod pugnant, reposuit *Romanus*, necessariis evincunt argumentis, utemur in posterum fermentato: neque enim discedere ab Christo in re ulla, quantum licebit, volumus. Age ergo, unde Græci efficiunt ab Christo divina mysteria fuisse in fermentato consecrata? Hinc primum, inquit *Methodius*, quod produnt evangelii scriptores omnes, Christum ad hæc pavenda peragenda mysteria panem usum fuisse. *Panem* aiunt, *non azymum*: hoc nota. Et adde tu, reposuit *Romanus*, quod ecclesiæ magister, omnium ille facile princeps, Nicephorus Xanthopulus subtexit, *ut confundantur qui ad peragenda sacra usurpant azymum*. At missum hunc modo facito. Tibi vero, *Methodi*, quid videtur? Panis azymus non est panis? Negant esse, ait *Methodius*. At si affirmant Patres vestri, inquit *Romanus*, si persuadet non modo novum, sed vetus instrumentum, si ratio ipsa: quis apud vos fidem faciet? Deus ne Patrum ore, factorum codicum oraculis, & rationis ipsius autoritate contestans? an cum suis asseclis Xanthopulus ob-

Christus cum eucharistiam instituit, usus est pane azymo.

In Triod. suo.

Panis azymus vere panis est.

murmurans? Audi Theodoretum: ἀρτος ἀζυμος ὁ ἄζυμος. Panis dicitur, siue qui cum fermento est, siue qui azymus seu ab fermento purus. Audi Deum ipsum præcipientem Moyſi Exod. 12. 8. *Et edent carnes nocte illa assas igni & azymos panes.* Lege passim in Levitico, ubi meminit panis azymi, & maxime cap. 8. v. 26. *Tollens autem de canistro azymorum panem absque fermento.* Josue c. 5. v. 11. *Et comederunt de frugibus terræ die altero, azymos panes & potentiam ejusdem anni.* Bene est, inquit Methodius, & novi posse abs te adduci testimonia hujusmodi plura. Sed vide azyma non dici simpliciter panes, sed adjuncta vocula panes azymos. Quo intelligere est, vere ac simpliciter panes non esse, sed secundum quid dumtaxat, ut hac utar loquendi forma. Sicut aqua rosacea, non est aqua proprie, seu id quod nudo ac simplici aquæ nomine significatur. Aquam enim cum pronuntias absque adjuncto, aliud nemo cogitat præter aquam naturalem. Volo te, o Methodi, inquit Romanus, tuo aquæ exemplo, & ipsa tua ratiocinatione arguere. Aqua marina num vere & simpliciter aqua est, nihil obstante adjuncto? Cur ergo panis azymus, etiamsi sua illum quæ ex azymo ducitur, nota afficias, vere ac simpliciter panis non sit? An homo cum illum rationis particeps animal appellas, propterea non est vere animal, quia est particeps rationis? An nescis adjuncta illa differentias esse quasdam, quibus genus idem varias ad species contrahitur? Tam igitur panis azymus vere panis est, quam animal ratione præditum, vere est animal, & aqua marina proprie aqua. Exemplum verò aquæ rosacæ frustra est, cum sit aqua illa arte expressa, atque adeo si pro communi hominum existimatione illam species, sit alterius quasi generis ab iis aquis quæ natura fluunt. Deinde si quoniam azymi adjunctum panī adnectitur, panis vere esse desinit, desinet & panis alius esse panis, si fermentatus vocetur. Vocatur autem persæpe sacris in litteris, ut Deuter. c. 16. v. 2. *Immolabisque Phasē Domino Deo tuo de ovibus & de bobus in loco, quem elegerit Dominus Deus tuus, ut habiset nomen ejus ibi. Non comedes in eo panem fermentatum; septem diebus comedes absque fermento afflictionis panem.* Et Levit. 7. 13. *Si pro gratiarum actione oblatio fueris, offerent panes absque*

que fermento. Panes quoque fermentatos cum hostia gratiarum. Et alias passim fermentati panis meminerunt sacri codices. Sed vide quam liberaliter tecum agam. Vis sine addito panem azymum dici panem? Propositionis panes azymos fuisse doctissimorum hominum opinio est. Et in primis Josephi Judæorum doctissimi lib. 3. Antiquit. Jud. c. 10. ubi leges sacrificiorum & purificationum explicat. Et merito id colliges ex Levit. c. 8. ubi canistrum azymorum quod erat coram Domino, cum appellavit Moyses v. 26. tum azymos illos panes v. 31. consecrationis panes vocat. *Panes quoque consecrationis edite, qui positi sunt in canistro, sicut precepit mihi Dominus dicens: Aaron & filii ejus comedent eos.* Hos consecrationis seu propositionis panes, etsi azymi erant, hoc in commate 31. panes vocat sine azymi adjuncto; vocat & Christus ipse Matth. 12. 4. Sed aliud tibi profero ex evangelio testimonium, ad quod vel ipse contumacissimus Nicephorus obmutesceret. Quæro ex te, cum Christus Dominus, quo die surrexit e morte, sese duobus discipulis in villam Emmatæ proficiscentibus videndum præbuit, illic illum domo cœnaque paupere exceperunt: Qualis erat panis ille quem Christo ad manducandum dederunt? Dies illi azymorum erant, quo tempore capitale Judæis piaculum erat, vel levissimam fermentati panis micam domi habere. Hi vero discipuli erant religione, ut genere, Judæi, & inter Judæos probatissimæ virtutis, eaque propter, sic grati Christo, ut iis ipso quo surrexit die, nondum apostolis visus, apparuerit, seseque itineris dederit comitem. Et Christum cui porrigebant panem, quemque nondum agnoverant, ex iis quæ in via audierant, intelligebant hominem esse legis Mosaicæ ut scientiâ, sic studio ac zelo præstantem. Qualem, inquam, panem diebus azymorum discipuli illi Christi, tam probi Judæi, doctori Judæo, uti Christum putabant, legis studiosissimo, dic, qualem obtulerunt in cœna panem? Minime dubium est, inquit *Methodius*, quin obtulerint azymum. Ecce igitur tibi, reposuit *Romanus*, panis azymus, & is sine addito panis appellatus, Luc. 24. v. 30. *Et factum est cum recumberet cum eis, accepit panem. . .* Et infra: *Cognoverunt eum in fractione panis.* Adde nihil substan-

tia differre ab fermentato pane azymum, cum utrumque ex farina triticea & aqua constet, & azymum ab fermentato levibus quibusdam adjunctis discrepare. Valeat ergo, pace vestra dixerim, valeat Nicephorus ille, qui, quod patres, quod sacri codices, quod Christus, quod ratio ipsa panem esse dicit, negat ipse esse panem. Valeat ille, ne cogamur Christo, Patribus, communique sensui vale dicere. Panis est absque dubio, inquit *Nicolaus*, vere panis est vester azymus: quique hinc velit efficere Christum eucharistiam in fermentato pane consecrasse, quia dicitur accepisse panem; nihil omnino efficiet, cum etiam panis, ut planissime demonstrasti, possit esse azymus. Sed alia sunt exquisitiora argumenta, quale istud: ab Christo Domino non fuisse cum cæteris Judæis Pascha celebratum, sed die uno prius. Tempus enim anteverit, ut aperte Joannes indicat cap. 18. cum ait: Judæos illos qui Christum ad Pilatum adduxerunt, non intrasse in prætorium, *ut non contaminarentur, sed ut manducarent Pascha*. Eo igitur die quo Christus occisus in cruce fuit, ipsi Pascha manducarunt, quod Christus pridie cum discipulis suis ederat. Et vero opus erat figuram congruere veritati. Atque adeo debuit tum, verus agnus qui peccata mundi tollit, immolari, cum immolabatur agnus ille legalis, qui illius figura erat. Adde quod cum quærent summi sacerdotes & scribæ, quomodo *JESUM* dolo tenerent & occiderent, noluisse id facere, ut cap. 14. Marcus ait, in die festo. Fecissent autem, si die Pascha proxime consequente ipsum morti tradidissent. Ipso igitur die Paschatis cruci affixus est, confirmarique istud ex eo potest, quod eo die depositus e cruce est & sepultus fuit: quod minime ausi essent facere Judæi, si festus dies fuisset. Unde recte confit, cum Christus Judæorum Pascha die uno, ut suum ederet, anteverterit, fuisse tum in domibus fermentatum panem, quo usus est in conficienda eucharistia. Vide, quæso, inquit *Romanus*, quam parum ratiocinatione sua nos premant ii, ab quibus istam mutuatus es. Satis enim tu inspicias, vix in ea esse virium aliquid. Nam, amabo te, quænam ista est consecutio? Erat in domibus Judæorum fermentatus panis, cum Christus eucharistiam instituit. De-

mus nunc hoc tibi, quod pernegabimus postea. Quid porro? Ergo confecit in pane fermentato eucharistiam. Id minime sequitur. Neque enim hic deerat panis azymus, quem ad esum agni a se adhibitum potuit ad eucharistiam instituendam transferre, cum maxime ad manum esset; ac si solvere noluit legem ulla ex parte, debuit usurpare. Diebus enim ab immolato agno septem consequentibus nefas erat, prope dixi, videre, nedum attingere fermentatum, ut ex Levitico & Exodo facile intelliges. Vide hujus cap. 12. & illius 23. At mihi crede, abbas ornatissime, errant qui Christum fingunt die uno legitimum celebrandi Paschatis tempus antevertisse, adeoque paschalem agnum luna XI. manducasse. Itane minime illi verentur Christum prævaricatorem legis inducere, qui eam se testatur venisse implere, non solvere? Non audiunt sanctos Patres, cum docent Christum Dominum, quo Judæis omnem repellendi sui præcideret causam, exhibuisse se ad extremam usque vitæ horam legi obsequentissimum? Audiant saltem Nicephorum suum in suo τῆς ἀγίας καὶ μεγάλης πέντης συναγωγῆς, ubi ait Christum omnia, quæ lege præcipiuntur, servasse, ne prævaricator videretur. Atqui si Christus præstitutum a lege tempus antevertit, violavit legem: & in re quidem tanti momenti, ut lex eum, qui Pascha celebrare XI. luna primi mensis non posset, concesserit quidem differre ad XI. lunam mensis secundi, at nunquam sit passa die alia quam XI. peragi. Quid ergo, inquit *Nicolaus*, quid Joannes scribit, Judæos, quo die mortuus est Christus, noluisse in prætorium ingredi, ut non contaminarentur, sed ut manducarent Pascha? Ecce tibi, reposuit *Romanus*, adduco Joannem Chrysostomum hom. 84. in Matth. qui satis tibi faciat. Non intrarunt, inquit, in prætorium, ut non contaminarentur, sed ut manducarent Pascha. Quid igitur dicere est, Judæos scilicet die alia manducasse, & solvisse legem cupiditate incensos hujus perpetranda cedis? Non enim Christus Pasche tempus transgressus est, sed illi ad audendum quidlibet projecti, & mille legum proculcatores Hebræi. οὐκ εἰσῆλθόντες εἰς τὸ πραιτώριον, ἵνα μὴ μιαιθώσι, ἀλλ' ἵνα φάγωσι τὸ πάσχα. τί οὖν εἶπὺν, ὅτι ἐν ἑπτὰ ἡμέραις φάγον, καὶ τὸν νόμον ἔλυσαν ὁ δὲ τῷ

*Christus
luna XI.
Pascha cele-
bravit.*

ἐπιθυμίαν τὴν πρὸς τὴν σφαγὴν ταύτην ; ὅδε γὰρ αὐτὸς ὁ Χρῆστος πα-
 ρέβη τὸν καμρόν τῆ πάχα, ἀλλ' ἐκεῖνοι οἱ πάντα πολυῶντες, καὶ
 μυεῖς καταπατῶντες νόμους. *Nempe ardebant hujus cedis desi-*
derio, ac sepe conati illum tollere, minime potuerunt. Tunc au-
tem ex insperato ejus capiendi occasionem nacti elegerunt Pascha
dimittere, quo suam occidendi illius cupiditatem explerent. ἐπει-
 δη σφόδρα ἔξουν τῷ θυμῷ καὶ πολλὰκις ἐπιχειροῦντες ἀνελ-
 εῖν αὐτὸν ἔχουσιν. τότε δὲ λαβόντες αὐτὸν ἀπερσεκνήτως, εἰλοντο καὶ τὸ
 πάχα ἀφείναι. ἵνα τῷ τὴν φονικὴν αὐτὸν ἐμπλῆσαι ἐπιθυμίαν.
 Vis magistros auscultare alios, quos inter Epiphanius hæ-
 ref. 51. Lis erat hoc anno Judæos inter de vero lunæ xiv.
 tempore. Doctiores lunæ xiv. quintam feriam, alii sextam
 tribuebant. Sterit ab doctioribus doctissimus Christus, ea-
 que luna, quam certissime xiv. esse noverat, celebravit
 Pascha. Errare cum imperitis Christi hostes optarunt, &
 suo in Christum furori potius obtemperare, quam legi.
 Suum propterea Pascha ad sextam usque feriam distulerunt,
 quod ut edere Christo mortuo sibi liceret, pratorii ingres-
 su contaminari noluerunt. Vis aliud ex ipsis sacris litteris
 petikum responsum? Cum ingredi noluisse dicuntur Judæi,
 ut liceret manducare Pascha, non intelligitur Paschæ no-
 mine, paschalis agnus, quem superiore die manducaverant,
 sed significantur paschalia sacrificia, quibus immundos ves-
 ci minime fas erat. Paschalibus autem sacrificiis illis Pas-
 chæ tribui nomen pari jure potest, atque sacrificio primo
 paschalis agni, quod Pascha ab Matthæo c. 26. & ab Luca
 22. appellatur, ea, credo, de causa, quod dies ille Pascha
 dicebatur, quo nomine festum etiam azymorum Lucas do-
 navit cap. illo 22. *Prope erat dies festus azymorum, qui dici-*
tur Pascha. Cui sententiæ non mediocriter Chrysostomus
 favet hom. 83. in Joan. τί δὲ ὅτιν, ἵνα φάγωσι τὸ πάχα ; καὶ
 μὴ αὐτὸς λέγῃ αὐτὸ πεποικώς τῇ μίᾳ τῇ ἀζύμῳ. ἥτοι ἐν τῷ
 πάχα τὴν ἐορτὴν πάντων λέγει, ἢ ὅτι τότε ἐποίησεν τὸ πάχα. αὐτὸς
 πρὸς ματθεῖ αὐτὸ παρέδωκε, πρὸς τὴν ἐαυτοῦ σφαγὴν τῇ ὄψα-
 σκευῇ, ὅτε καὶ τὸ πολεῖον ἐγένετο πάχα. *Quid est, ut manduca-*
rent Pascha? Atqui ipse hoc jam peregerat primo die azymorum,
Vel igitur Pasche nomine festivitatem totam appellat ; vel quod
tunc celebrabant Pascha. Ipse pridie illud tradidit, suam in Pa-

pasceve reservans necem, quando & vetus factum est Pascha. Tam favet, subjecit *Nicolaus*, adversariis vestris eo loci *Chrysostomus*, quam tibi. Duas enim refert opiniones. Prima tua est, aliorum altera. Utra potior sit, non definit. Definit enimvero, inquit *Romanus*, tum hic, cum affirmet ab Christo peractum Pascha primo azymorum die; tum homilia 84. in Matthæum modo laudata. Quod autem vetus Pascha in Parasceve celebratum scribit, non scribit, an ab omnibus omnino Judæis, an ab aliis tantum, qui imperitorum de luna x i v. sententiam fuerant amplexi. Factum est quippe vere, si multos audimus, Pascha vetus tum feria quinta ab doctis & probis cum Christo Domino, tum feria sexta ab indoctis & furentibus, quæ pars tunc erat Judæorum maxima. Imo si *Chrysostomo* assentiris, e Christi comprehensoribus multi feria quinta celebrarunt Pascha. Ait enim hom. 83. in Matth. eos immisisse in Christum manus, illumque tenuisse κατ' αὐτὴν τὴν νύκτα, καὶ ἦν τὸ πάχα ἔφαγον, ὅπως ἔξοιεν & ἐμάνιστον. Ea ipsa nocte qua manducaverant Pascha, adeo incensi furore & amentes erant. Absit vero, ut *Chrysostomus*, qui obedientiam ab Christo legi sponte exhibitam ad extremum usque vitæ halitum commendat, iis faveat qui Pascha dicunt ab Domino luna x i i i. peractum, & in re tam gravi legis illum infractorem constituunt. Verum, inquit *Nicolaus*, videtur *Joannes evangelista* scribere. Neque enim tantum tradit Judæos non introisse in prætorium, ut minime contaminati manducarent Pascha, sed manifeste pronuntiat diem illum, quo Dominus cruci fuit affixus, Parasceven, id est, pervigilium Paschæ fuisse. *Erat autem Parasceve Pascha.* Quid apertius? Nihil apertius, reposuit *Romanus*, quam hæc verba nihil vobis prodesse. Aliud enim nihil est *Parasceve Pascha*, quam *Parasceve paschalis*, id est, ea quæ festis in paschalibus contingit. Feria enim sexta hoc proprio nomine ab Judæis dicebatur, quod tunc sabbato necessaria pararentur. Parasceve nempe, si verbum illud Latine efferas, preparatio est. Sic interpretatur *Marcus Joannem*: *Erat enim Parasceve*: mox explanans ait, quod est ante sabbatum. Quo sensu *Lucas* etiam c. 23. *Erat Parasceve, & sabbatum*

illucescebat. Et Matthæus sabbatum describens, *Altera*, inquit, *die quæ est post Parasceven.* Ergo, subjecit *Nicolaus*, dic ipso festo, excruciatuſ Christus Dominus & occiſus eſt? At veri illud ſimilitudinem non habet. Multa enim tunc acta ſunt, quæ Judæi die feſto prohibebantur facere. Et certe cum Chriſtum quærerent ad mortem, *dicebant non in die feſto*, Matth. 26. Dicebant, reſpondit *Romanus*, verum non religione feſti, aut legum, qui erant, ut ait Chryſoſtomus, legum ſexcentarum conculcatores, *μνείας νόμων καταπατέντες.* Dicebant, ut fatentur ipſi, *ne forte tumultus fieret in populo.* Deinde licere hoc ſibi putabant, quod intererāt, ſuo quidem iudicio, maximæ Dei gloriæ, inſanientibus Judæis illis, qui præ furore ſummas Chriſti virtutes ſumma vitia interpretabantur: unde Joannes c. 7. *Eum*, inquit, *quærebant apprehendere in die feſto.* Et c. 10. cum eſſent encœnia, lapidare voluerunt, & habebant in manibus exemplum ejus, qui, quo die ſabbatum factò opere violavit, eodem lapidibus occiſus & obrutus eſt, Num. 15. Nihil moror, inquit *Nicolaus*, perditiffimos illos Judæos qui Chriſto necem conſciverunt: ſed intueor Joſephum & Nicodemum conſtatiffimæ virtutis viros, multa Chriſtum ſepeliendo feciſſe, quæ feſto die non attentaffent. Quod egerunt, reſpoſuit *Romanus*, ſas erat die feſto exequi, quo ſcilicet die ſervitutis, non charitatis opera vetabantur. Conſtat illud ſenioris exemplo Tobix, qui cum eſſet dies feſtus Domini, ſepulturæ hominem interfectum dedit. Verum, inquit *Nicolaus*, ſi quo die maſtabatur paſchalis agnus, non eſt ipſe Dominus maſtatus, quæ erit figuræ cum veritate conſenſio? Veritas, ſubjecit *Romanus*, cum figura ſua præclare conveniet. Neque enim, ut ſibi perfecte veritas & figura concinant, neceſſe eſt, ut quidquid in uno eſt, repræſentetur in altero. Fac enim typum eſſe patientis duntaxat Chriſti agnum paſchalem. In paucis ſimilitudinem advertes. Nam præter puritatem agni, ejusque immolationem intactis offibus, haud ſcio, an quidquam aliud bene ſimile reperiās: nempe typum & veritatem minime oportet ſe totis eſſe ſimilia. An quia non comprehenſus eſt Chriſtus decima die menſis, ſicut capiebatur agnus, merito

negarem agnum esse patientis Christi imaginem? An Jo-
nas si de ceti ventre dominica die sub auroram non emis-
sus est, figura non erit Christi e sepulcro surgentis? At si
Patres audis, agnus paschalis eucharistiam nobis potissi-
mum exhibebat. Vide Chrysostomum tum hom. 83. in
Matth. tum ea quæ est de proditiōe Judæ, ubi Christum
tradit corpus & sanguinem suum dedisse discipulis, ut pas-
chalis agni figuram impleret. Sed consulendus tibi in pri-
mis Gregorius Nazianzenus orat. 2. de Paschate. Præcep-
tum enim dicit ut agnus luna xiv. mactaretur, quia tunc
discipulis suis daturus erat suum corpus & sanguinem. Pau-
cis accipe utriusque similitudinem. Offerebatur agnus pas-
chalis in sacrificium; sic & Christus in eucharistia in ve-
rum sacrificium offertur. Agni corpus ejusque sanguis
mactatione separabantur; sic corpus Christi & sanguis,
etsi minimè sejungi nunc possint ob adeptam immortalita-
tem, vi tamen verborum & mysterio separantur. Mandu-
cabatur paschalis agnus; manducatur etiam in eucharistia
Christus. Ille cum azymis, hic sub azymi panis forma &
gustu; ut ille, ita & hic in convivii morem. Sacrificium
agni institutum est in memoriam liberationis Israëlitarum
ex Ægypto; eucharistia in memoriam liberationis homi-
num e servitute tum peccati, tum diaboli. In multis aliis
sacrificium utrumque convenit. Verum hoc satis est super-
que ad respondendum. His quasi obrutus rationibus *Nico-*
laus, minime cæteroquin contentionis amans, vertit se ad
Methodium, &, Nescio quo, inquit, fato factum est, ut
tuas hic partes occupaverim. Mihi quod adjungam, nihil su-
perest. Videris tu quo Romanum pacto oppugnes. Non
dubito, inquit *Methodius*, quin panis azymus sit panis, &
valeat oblatum in hoc pane sacrificium. Atque ita sentire no-
stram Græcorum nationem vel ex eo patet, quod solent di-
sticare, nullam Christianorum sectam sic convenire cum
nostra, atque illam Francorum. At eorum in pane azymo
sacrificium si non valeret, non essent modo hæreticorum
omnium maxime detestandi, sed execrandi idololatræ, qui
Christi loco sacris in mysteriis adorarent massam azymam.
Neque enim in Christi corpus transmutatur nisi verus pa-

*Agni
paschalis sa-
crificium eu-
charistia fi-
gura fuit.*

nis. Latinos porro appellate idololatrias, quis, si sapit, audeat? Quid ergo, ait e Græcis quidam, quid Nicephoro nostro Xanthopulo & Synaxario suo fiet? Videtur enim sic existimasse panem, si azymus sit, non esse panem. Monet enim: *Vide ab Christo corpus suum panem dici, non vero azymum. Confundantur ergo qui in sacrificio azymum offerunt.* Ne mentiar, inquit *Methodius*, non occurrit, quî purgem ab omni culpa Nicephorum. Videtur enim hoc sentire corpus Christi panem esse usualem & fermentatum, quod valde Calvinianis placet, sed displicet Græcis maxime. Christi enim corpus, ut vere panis appellari possit, neque fermentatus panis est, neque azymus: divinus est, e purissimo castissimæ Virginis sanguine compactus atque concretus. Silere quidem illum in hac parte fuisset satius. Certe ita scripsisset: Vide ab Christo dici, corpus suum confici ex pane, non vero ex azymo. Eset enim excusationi locus aliquis. Dicerem enim hoc tantummodo illum significare voluisse panem fermentatum esse azymo in sacris faciendis longo intervallo potiozem. Tum enim verissime scripsisset. Pace tua dixerim, inquit *Romanus*, ne hoc quidem scripsisset vere. Unde enim habes azymum fermentato esse postponendum? Multis ex capitibus, reposuit *Methodius*, quorum maxime considerandum hoc, quod azymorum usus legem veterem & Judaïsmum sapit. Adhibebant enim Judæi in sacrificiis suis panem azymum. Si azymorum usus, inquit *Romanus*, Judaïsmum sapit, quia usurpabantur in sacrificiis veteribus azymi panes, Judaïsmum quoque redolet fermentati usus. Is enim in Judæorum sacris perinde offerebatur. Non credis? Explica Levit. c. 7. *Offerent quoque panes fermentatos cum hostia gratiarum, qui immolatur pro pacificis.* Etc. 23. agens de Pentecostes sacrificio, *Offeretis*, inquit, *sacrificium novum Domino panes primitiarum duos de duabus decimis simile fermentate, quos coquetis in primitias Domini.* At, audi me, non Judaizat vel qui fermentato utitur, vel qui azymo pane, nisi ad illius usum Judaica feratur mente, aut potius insania. Latinum vero ritum & Græcum si conferas inter se, plura sunt in Græco Judaicæ legi propiora, quam in Latino. Nolim, inquit *Methodius*, Latinos accensere Judæis. At fatearis

*Azymus
panis ad con-
sacrandam
eucharistiam
fermentato
opportunior.*

fatearis necesse est, panem azymum nescioquid innuere imperfecti, atque adeo minus congruere tantis tamque divinis mysteriis. Credo, reposuit *Romanus*: Christum latuit quid congrueret; erravitque, (absit verbo injuria) cum eucharistiam instituit in azymo. Nobis perplacet errare cum illo, atque ipsum, quantum fas est, imitari, cum omnia ad nostri eruditionem fecerit, dederitque exemplum, ut *quemadmodum ipse fecit, ita & nos faciamus*. Tibi hoc, inquit *Methodius*, gratuito admodum sumis, Christum in azymo eucharistiam consecrassse. Ad summum id efficias, colligi ex evangelio non posse, in azymo, an vero in fermentato fecerit. Necessariis, ait *Romanus*, id rationibus demonstratur: sed priusquam illas expono, si nosse vis qualis panis imperfectionem innuat, consule Græcos ipsos Arabes in sabbati majoris officio, eorumque lege in epistolam Pauli interpretationem, quam e verbis Chrysostomi concinnarunt. Illic enim quidquid imperfectionem redolet, fermentato pani affundunt, azymo autem quidquid est perfectionis. Et vero si rem ipsam oculo simplice ac minime invido, vel offenso inspiciamus, observare erit, fermentatum quidem panem valere ad divina mysteria, imo teneri Græcos ex præcepto ecclesiæ illum adhibere, ne temere consuetudo non mala, & illa quidem perverus, immutetur. At fatebimur azymum longe opportuniorē esse & viciniorem, convenientioremque sacris donis. Panis enim azymus figura est & signum puritatis, fermentatus insincerum quid & peccato proximum repræsentat, ut aiunt ex Chrysostomo Græci, in ea, quam modo laudabam, interpretatione. Quamobrem & Paulus 1. Cor. c. 5. dixit: *Expurgate vetus fermentum, ut sitis nova conspersio, sicut estis azymi*. Etenim *Pascha nostrum immolatus est Christus*. Itaque epulemur non in fermento veteri, neque in fermento malitiæ & nequitia, sed in azymis sinceritatis & veritatis. Ut demus, reposuit *Methodius*, panem azymum puritatem præ se majorem ferre, quandoquidem ita nostris, & potissimum Chrysostomo placuit; non aque tamen dolorem explicat, qui Christum fermenti adinstar totum, animo & corpore pervasit intime, cum mactatus est, & vivificam mortem obiit. Si Græci, inquit

Romanus, fermento id suo volunt adumbrare, laudamus plenum pietatis consilium. At si recte mentem advertis, perspicies Christi Domini cruciatus azymo, quam fermentato significari exquisitius. Fermentum, cum massam farinæ maceratam subiit, vix intelligo, quî dolores Christi nobis exhibeat. Fuerunt enim dolores illi gravissimi naturæ Christi humanæ, & maxime noxii. At panis ab fermento non gravitatem habet, sed levitatem; non molestum aliquid, sed conjunctam cum gustus suavitate salubritatem. Contra vero azymus gravitate sua, dolorum quibus oppressus est Christus, gravitatem belle indicat, & ea qua præditus est dulcedine & saporis suavitate, nos edocet bonitatis Christi, ejusque divinitatis summas in hoc sacramento delicias. At certe, inquit *Nicolaus*, præclare fermenti cum azymo admistione divinitatis cum humanitate facta in Christo conjunctio declaratur. Nec minus commode, ut ego reor, reposuit *Romanus*, aquæ & farinæ triticeæ permistione. Et magis forte commode. Nam fermento vis adumbrari divinitatem, quo nimirum massa farinacea solet perfici. At fermentum cum massa sit amara & corruptioni proxima, vererentur aliqui similem illi divinitatem facere. Aquæ vero nomine divinitas in sacris litteris afficitur, ut in hoc Christi dicto: *Qui in me credit, flumina de ventre ejus fluent aquæ vivæ. Hoc autem dixit de spiritu, quem accepturi erant credentes in eum.* Ut ut sit, laudent fermentatum panem pro arbitrio Græci: sit ille panis azymo in sese nobilior. At nobis post exemplum Christi nullus est ad sacra mysteria melior azymo & dignior. Ostende igitur, reposuit *Methodius*, Christum Dominum ad conficiendam eucharistiam usum azymo, punctum omne tum tuleris. Minime hoc arduum est, inquit *Romanus*, si unum mihi concesseris, quod Græca omnis admittit ecclesia: nempe Christum, dum vixit, Mosaicæ legis nunquam extitisse prævaricatorem, sed illam cura summa totam servasse. Sic tradit Chrysostomus, paucisque ut dicam, sic docent Patres omnes, sic Christus ipse de se testatur: & si pondus habet his adjunctus, Nicephorus Xanthopulus sic ipse scribit: sic denique ratio ipsa commonstrat. Cum enim Judæum fore Christum

prænantiaſſent prophætæ, eque Judæis ſanctiſſimum, iſ apparere debuit Judaicæ obſervatione legis obſervantiſſimus. Non poterat ſcilicet haberi pro Judæorum optimo, ſi Judæorum legem a Deo latam infringeret. Et verò Chriſtum legem accurate amplexum eſſe, conſtat ex Paulo, qui Filium Dei, Gal. 4. *factum fuiſſe ſub lege* monet: conſtat & ex ipſius hoſtibus, qui cum contra eum falſum etiam teſtimonium quærerent, qui afferre poſſet, plane neminem inveni-erunt. Attuliſſent autem non falſum, ſed veriſſimum teſtimonium, ſi vel una re legis violatorem probaſſent. Noli tot, inquit *Methodius*, abuti ad confirmandam rem certiſſimam teſtimoniis. Quid inde colligis? Colligo, reſpondit *Romanus*, Chriſtum juxta præſcriptum legis agnum paſchalem luna xiv. ediſſe, atque ex eo tempore nihil poſtea attigiſſe fermentati panis. Adeo enim hoc vetitum erat, ut, ſi quis vel fruſtulum domi habuiſſet, comediſſetque, expungeretur e populo Dei, Exod. cap. 12. Num. cap. 18. & Levit. 23. Sed ne dubio quidquam ſit loci, evangeliftæ ad unum omnes perſpicue id denuntiant. Quid Matthæus cap. 26? *Prima die azymorum acceſſerunt diſcipuli ad Jeſum dicentes: Ubi vis paremus tibi comedere Paſcha?* Quid Marcus c. 14? Magis explanat. *Primo, inquit, die azymorum quando Paſcha immolabant, dicunt ei diſcipuli: Quo vis eamus, & paremus tibi, ut manduces Paſcha?* Quid Lucas cap. 22? Abſque ambage, diſertiſſime. *Venit dies azymorum, in qua neceſſe erat occidi Paſcha, & miſit Petrum & Joannem dicens: Euntes parate nobis Paſcha.* Quid Joan. c. 13? Non obſcure, etſi cæteris minus aperte. *Ante diem feſtum Paſcha ſciens Jeſus, quia venit hora ejus, &c.* Die ſcilicet illo qui feſtum Paſchæ anteaſſit, lavit Chriſtus diſcipulorum pedes, inſtituitque euchariftiam. At dies ille feſtus luna erat xv. Neque enim xiv. dies feſtus erat, hoc quippe die licebat operari. Certe omnia tum Chriſtus egit ex Hebræorum conſuetudine. Ea autem erat hujusmodi. Luna xiv. ſub vesperam inſtituebantur cœnæ dux, & unicuique pedum præmittebatur ablutio. Edebatur in prima agnus paſchalis eo ritu qui deſcribitur Exod. 12. cap. in ſecunda panis azymus atque vinum ab patre-familias convivarum ſingulis diſtribuebatur. Panis quidem cum

his verbis: *Ecce panis afflictionis, de quo ederunt in Ægypto patres nostri. Qui esurit, accedat, & manducet pascha.* Panem porro hunc azymum cum accepit in manus suas Christus Dominus, *benedixit, fregit, deditque discipulis suis dicens: Accipite & manducate. Hoc est corpus meum, quod vobis datur.* Tum pater-familias accepto vini calice, gratias Deo agens, *Benedictus es, Domine, inquebat, qui fructus hujus vineam creavisti.* Hunc vero calicem cum porrexerat Christus discipulis suis dixit: *Accipite & bibite ex eo omnes. Hic est enim sanguis meus, qui pro vobis & pro multis effundetur in remissionem peccatorum.* In posteriore illa cœna, inquit *Methodius*, dimisso azymo, resumpsit fermentatum. Quo autore id proferens, reposuit *Romanus*? neque enim ita scripsit ullus Patrum, aut in ullo concilio legimus. Res autem hujusmodi si licet pro libidine, nullo teste, affirmare, quæ fabulæ non accedent evangelio? Deinde non solum Christus servavit Patrum, quam exposui, consuetudinem; sed legem maxime, qua cautum erat, ne quid esset in domibus fermentati ab esu paschalis agni ad dies septem. Præterea si contra legem usus est fermentato, quomodo illum Judas proculcata religionis, ut se ipse ab prodicionis utcunque purgaret ignominia, non inculavit? Aderat enim cum instituta est eucharistia, uti tradunt Patres, & legunt Græci Arabes feria v. majore ante Pascha. *Quemadmodum*, inquirunt, *non est societas luci cum tenebris; sic neque puritati cum impuritate: & quia Judas non dijudicavit, cum corpus Domini accepit, ipsum invasit diabolus, atque in eo sedem fixit.... Kama en la khalitha bein eldhou ou eldhulmé, kedalek, la schurké bein elthaher ou elneges, ou leagle en jhouda lam yemayez hada ellemiiz lemma. Achad jasad errabb, sakanno elschaythan.* Christus igitur, cum non esset omnino fermentatus panis, quo tempore consecravit eucharistiam, conficere illam, nisi in azymo, non potuit. Absit enim legis illum prævaricatorem dicamus. Legem, inquit *Nicolaus*, tum perfecit, cum pani azymo perfectiorem fermentatum substituit. Ergo, respondit *Romanus*, erravit valde Nicephorus vester, in quo nihil valde mirum forte occurrat; sed, quod vel cogitari non potest, errarunt vehementer Patres sanctissimi, qui Christum tum

maxime temporis omnia quæ legis erant, servasse pronuntiant, ne prævaricator videretur: ὅσα ὁ νόμος Ἀγγελῶν, ἵνα μὴ ὠφθαλμοὺς δίδῃ, ut habet Synaxarion τῆς ἀγίας καὶ μεγάλης πέμπτης. At visus omnino prævaricator fuisset, si fermentum tam severe prohibitum induxisset. Deinde panem azymum in divinis mysteriis aptiorem fermentato & significantiorem paulo ante demonstrabamus, neque necesse est jam dicta repetere. Memini, inquit *Nicolaus*, nec improbare azymum vestrum panem ullo jure possum. At, amabo, ex quo tempore inductus ille azymus? Num vides, subjunxit *Romanus*, ab Christo ipso investum ad nos per apostolorum manus temporibus consecutis devenisse? Sic de illo sensit vir acerrimi judicii, admirabilis doctrinæ, & sapientissimæ virtutis, S. Thomas doctor angelicus in 4. *Initio*, inquit, *universa ecclesia tam Orientalis quam Occidentalis azymo utebatur in sacris mysteriis, idque ex Christi & apostolorum institutione. Verum postea exorta hæresi Ebionitarum & Nazærorum, qui simul cum evangelio legalia servanda esse docebant: in horum detestationem tota ecclesia relictis azymis, fermentatos panes assumpsit ad mysteria. . . . Postmodum autem ea hæresi extincta, rediit ecclesia Latina ad morem antiquum consecrandi azymos, Græcis interea receptam ex occasione consuetudinem retinentibus. Azymi illius meminit Alexander papa Romanorum pontificum ab S. Petro septimus, anno post natum Christum, nisi fallor, c. l. in quadam epistola sua quæ habetur tom. 3. conc. part. 2. Hic definit aquam modicam vino immiscendam in calice, quo Christi cum ecclesia conjunctio significetur; & sacrificandum in azymis ad imitationem Christi, qui in conficiendo pavendo hoc mysterio, azymis usus est, quo summa ejus puritas representetur.* Forte, inquit *Nicolaus*, inducta hæc ab isto pontifice in ecclesiam mutatio est, cum ante ipsum nullus adhiberetur in sacris, nisi fermentatus panis. Monebat te modo divinus Thomas adhibitum ab Christo & apostolis azymum: certe usurpatum a Christo tradit Alexander; atque hoc tantum decreto suo voluit, ut, quod erat de azymis, & aqua vino immiscenda, apostolorum voce traditum, lege scripta firmaretur. Nam ad aquam quod pertinet, quæ in vinum infunditur, produnt S. Cyprianus &

Quando & quomodo panis vel azymus vel fermentatus adhibitus ad missam.

Justinus martyr id apostolos jussisse, quod ait tamen Alexander pontifex se decernere. De azymis vero panibus testatur Epiphanius hæres. 30. quæ de Ebionitis est, illos ab impuris illis hæreticis ad imitationem sanctorum ad formidanda mysteria acceptos primis ecclesiæ temporibus. *Mysteria, inquit, faciunt ad imitationem sanctorum de anno in annum per azyma, & alteram mysterii partem per aquam solum.* *μυστήρια δὲ διδόντες πλῆσι καὶ μίμνηντες ἀζύων ἐν τῇ ἐκκλησίᾳ ἀπὸ ἐνιαυτοῦ εἰς ἐνιαυτὸν δι' ἀζύμων, καὶ τὸ ἄλλο μέρος δι' ὕδατος μόνης.* Mirum illud perveterem illam, ut ut se habeat, azymorum consuetudinem, Græcorum Patrum tanto divini honoris & religionis flagrantium nemini ulla unquam ætate displicuisse, displicere modo recentioribus quibusdam Græcis, non admodum (quid enim dissimulem?) eruditis. Nam qui docti sunt, etsi, uti abbas colendissimus, & Methodius ornatissimus vir, multum ament fermentatum suum panem, non negant tamen azymum faciendo sacro peridoneum. Norunt quid Constantinopoli gestum sit, postquam in azymum debacchari cœpit Michael Cerularius. Arguit illum vehementissime Leo IX. summus pontifex, misitque apocrisarios cardinales duos Umbertum & Fredericum cum Petro Amalphitano episcopo ad Constantinum Monomachum imperatorem, qui de re tota inquirerent, & judicium ferrent. Excepti ab imperatore perhumaniter, & Nicetam Studiensem monachum retrahere hæreticum suum de azymo & sabbati jejunio & sacerdotum conjugio librum, eundemque ferire anathemate compulerunt; Michaellem vero, quod contumacius reluctaretur, e sede patriarchali depositum, & coacto ecclesiasticorum hominum & laicorum cœtu palam in sanctæ Sophiæ cum consentiente ipsi Leone Acridano damnatum fidelium communione carere jusserunt. Postea autem ad imperatorem ingressi in magna virorum principum frequentia, non scripto, ut in sanctæ Sophiæ, sed voce in Michaellem ejusque asseclas hoc aliud dixerunt anathema: *Quicumque oppugnat Romanæ & apostolicæ ecclesiæ fidem, & animo obstinato adversatur, quod in azymo sit sacrificio, anathema sit maranata, neque vocetur christianus orthodoxus, sed fermentarius hæreticus: fiat, fiat.* Consulite tom. concil. 3. part. 2.

Michael Cerularius apud Græcos azymoi panes impugnavit: damnatur.

epist. Leonis 7. & 8. & Leonem Ostiensem, aliosque annalium scriptores. Absit, inquit *Methodius*, sic excidere quemquam de mentis statu, ut neget posse in sacris adhiberi panem azymum. Valere scilicet vel hoc uno argumento palam est quod prædixit Malachias, *offerendam ab ortu solis ad occasum oblationem mundam in omni loco*. Quam oblationem missæ sacrificium Patres omnes interpretantur. Ea autem nisi valeret in azymo, non offerretur in omni loco, sed tantum apud nos Græcos, paucosque alios in minima mundi parte. Quare quidquid contentionis est Græcos inter atque Latinos, in eo vertitur, utro præstet uti, azymo, an fermentato. Utrumque vero valere certo est certius. Si quis adhuc dubitaret, subjecit *Romanus*, miraculis numero infinitis veteribus & novis, quam acceptum sit Deo fieri in azymo sacra mysteria, demonstrarem. O Deus te amet, inquit *Nicolaus*! demonstra. Mirum enim quantum superioribus, quæ recitastis, exemplis, profecerimus & fuerimus delectati. Multa tibi possem, ait *Romanus*, e sæculis omnibus adducere miracula, nisi pauca sufficerent, & modus esset tandem aliquis colloctioni tam prolixæ mihi ponendus. Nonnulla scripsit in sua *ἡς ἀμφοτέρων σωτηρία* vester Cretensis Agabius, quem adite parte 2. cap. 12. & 13. Incipiam ego ab hac ætate nostra, ante præfatus tamen more meo, hæc eo a me minime proferri, quasi veritati affirmandæ necessaria, quam tot necessariis argumentis asseruimus; sed veluti orationis ornamenta nonnulla, quibus defatigatus audiendi & percipiendi contentione animus non sine fructu & voluptate reficitur. Ecce primum, quod nobis referebat olim serenissimus princeps Henricus Longavillæ dux, vir sapientia & animi magnitudine ac probitate nemini in principibus secundus. Præerat in Germania christianissimi regis exercitibus, & urbem quandam, cujus mihi nomen excidit, ingressus, in templum se contulit. Occuparant illud Lutherani hæretici, & sanctissimum divinæ eucharistiæ tabernaculum e suo loco detractum, ignobili quodam in angulo deposuerant. Oclusum erat pro more fera ferrea tabernaculi ostiolum. Quærit princeps quid hoc rei sit. Respondent neminem esse qui attingere il-

lud audeat, ex quo faber quidam ferrarius de hæreticorum secta, cum eorum jussu effringere ostiolum conatus esset, invisibili quadam & præpotenti manu repulsus & prostratus est, vi tanta, ut toto corpore obriguerit, mentisque amiserit sensum, quem tamen perseverante metu paulo post recepit. Fabrum hunc, cum esse in vivis etiam tūm dux serenissimus audisset, ad se accitum, jubet ostiolum aperire. Ille subito, memor datæ olim pœnæ, mandatum, quanto potuit conatu deprecari, ad omnia alia se promptum offerre, hinc excusare obsequendi difficultatem, quod vindicem Dei iram non auderet vice altera concitare in caput suum. Noluit vim illi facere princeps humanissimus. Jussit eum qui sibi ab elemosynis erat, sacerdotem sacris indui vestibus, & facta oratione aperire ostiolum. Negotio nullo cum aperuisset, sacram invenit pyxidem, in qua sub azymi specie erat Christi corpus, quod summo cultu acceptum in diem alteram asservavit, qua die cum sacrum faceret, in communione illud absumpsit. Alterum afferro, quod mihi paucis ante annis enarrabat illustrissimus ac reverendissimus Maronitarum patriarcha Georgius, tremendo, ad faciendam fidem, jurejurando, Deique ipsius interposito nomine. Contigit illud ipsius ætate, ejusque in patria, ante annos, si bene memini, fere octo & viginti. Sacerdos e Maronitis factus sacro supellestilem altaris omnem deportarat domum, & in media supellestile positam in ligneo vasculo divinam eucharistiam strophiole involverat, thecamque sacrarum reliquiarum alteram. Plena domus erat fulcris ligneis, & rotundis illis tabellis, quas ad continendos sericos vermes e siccato boum stercore confingunt. Nescio quo factum casu est, ut excitato incendio tres ipsos dies arserit domus, redactaque sit in cineres. Cœpit die tertio infortunatus sacerdos cineres movere, ut calicem, si superesset, & nummos quosdam argenteos quos domi reliquerat, recuperaret. O miram Dei præpotentis providentiam! Mediis in cineribus nummos reperit flamarum æstu quasi liquefactos sibi invicem adhæsisse, exustum calicem, suo certe auro, quod caloris vi fluxerat, destitutum: strophium vero sic illæsum, quasi veritus esset
ignis

ignis ipsum allambere. Illud explicat, & pyxidem ligneam, & sacram, quæ in ea asservabatur, eucharistiam sub azymi specie invenit omnino intactam. Alterum huic non absimile miraculum legebam nuper in libro quem *Pastorum hortum* ejus autor Jacobus Merchantius theologiæ quondam professor inscripsit. Celebris est, inquit, (utor enim ipsissimis ejus verbis) in ecclesiam abbatialem Dominæ nostræ ab Faverneyo in comitatu Burgundiæ, dum festa Pentecostes celebrantur, concursus ob indulgentiam plenariam ab sede apostolica concessam. Quo tantæ hominum multitudini eo confluenti fieret satis, erectum est altare quoddam ligneum ad cancellos chori, cum sua supellectile bene multa, in quo depositum est cum suo argenteo vasculo sanctissimum sacramentum. Incidit ignis advertente nemine in supellectilem, unde in lignum invadens, quidquid erat in altari, & altare ipsum absumpsit. Inter has vero flammæ divina eucharistia in suo vase illæsa suspensaque in aëre, eodem quo prius stabat loco, rei nulli subnixæ perseveravit. Eoque mansit statu tres & triginta horas, populis ad id miraculi undique confluentibus. Die autem martis qui e festis Pentecostes tertius est, accessit pastor quidam vicinus cum populo suo, sacrumque in supremo altari fecit. Quod cum faceret, cereus qui fuerat coram admirabili eucharistia suspensus, per sese extinctus est. Tum sacerdos cum attolleret consecratam a se hostiam; quæ stabat in sua pyxide per miraculum in aëre suspensa, moveri cœpit, & levi motu super altare descendit. Explicatum erat infra divinam illam hostiam corporale, ut si ea se demitteret, ibi honorificè reciperetur. Quod & contigit. In eum enim locum sponte, nemine manuum adhibente, ut mox aiebam, delapsa est, omnium in conspectu. De miraculo isto diligentissime inquisitum est. Atque ita rem gestam esse testes supra quinquaginta omni exceptione majores confirmarunt. Quamobrem, cum ita consuissent gravissimi theologi ac fidei inquisitores, promulgari miraculum jussit illustrissimus ac reverendissimus Ferdinandus de Longuy, Bisuntinus archiepiscopus, anno 1608. Satis sunt hæc pauca de multis, quæ sæculo hoc nostro acciderunt miracula. Vultis aliqua superioris

ætatis. Admodum volumus, inquit *Nicolaus*, nec defatigabimur audiendo, utinam nec tu dicendo. Accipite igitur quæ sunt ab probatissimis autoribus memoriæ prodita. Judæus quidam Pragæ in Bohemiâ ad Christi religionem, ejurata patria impietate, transierat, sic tamen, ut ad suos vires modicæ fidei maxime propenderet. Familiaris erat religioso cuidam e sacra S. Francisci familia sacerdoti, cujus erat cælesti viatico ægros impertiri. Nactus occasionem proditor ille Judæus, Leonem appellabant, e tabernaculo tres consecratas hostias furripit, chartaque involvit, & Presburgum in Hungariam profectus, ad Judæi domum divertit. Multum inter sese illi de Christi religione collocuti, disserunt etiam de venerando eucharistiæ sacramento. Rogatus Leo, an id etiam sacramenti aliquando percepisset, affirmavit; eque sinu tres quas furatus erat, consecratas hostias Judæo hospiti aspiendas depromit. Duas a Leone impetrat, dumque domo abiret, asservat diligenter. Proficiscitur Leo. Tumque Judæus suis, quos convocarat, offert hostias; initoque omnes consilio experiendum aiunt quid habeant veritatis christianorum sacramenta. Assurgit audacior, & o sacrilegum furorem! hostias adaucto cultro transverberat, ac simul, Si vere, inquit, christianorum es Deus, virtutem hic tuam exere. Vix execrandam vocem emiserat, cum ecce tibi copia magna sanguis effluit, & fulmine pereutitur domus, tota deflagrat, simulque hospes cum uxore & filiis ejus duobus, ac Hebræis aliis pluribus communj absumitur incendio. Tres tantum incolumes evaserunt, mensa & hostiis in medio igne intactis. Monitus de incendio præfectus urbis, causam perquirat. Audit congregatos hic Judæos periisse, evasisse tres. Comprehenduntur illi, ac in carcerem detruduntur, Scelus confessi dirissimis pro merito exeruciantur suppliciis, semique vivi adauctis per corpus palis in via regia exponuntur ad spectaculum & exemplum anno 1591. Exclamavit hic *Methodius*: *Iustus es, Domine, & rectum judicium tuum. Horrendum est incidere in manus Dei viventis.* Ut horrendum hoc, subjecit *Romanus*, sic suave est injicere se ex vehementi amoris æstu in eandem Dei viventis manus. Inierat non multis ante annis societatem nostram B. Stanislaus Kostka juvenis Polonus, genere

illustris, sed virtutibus clarius. Prius ille quam societati nomen daret, gravem in morbum lapsus Viennæ in Austria, deque vita periclitatus, optabat sacro viatico muniri. Obstabat hospes hæreticus, cujus in ædibus habitabat. Memor legisse se de S. Barbara, cum qui se illi commendasset, nunquam mori ab eucharistia imparatum, toto conatu aggressus est hoc ab illa beneficium exposcere. Audiit ipsa orantem, & nocte quadam cum pane animam ageret, S. Barbaram videri sibi adventantem. Comitabantur illam angeli duo magna in luce secum sacram sub azymi forma eucharistiam deferentes, quam ex beatis illorum manibus singulari animi gustu & voluptate percepit. Aderat ejus institutioni præpositus Joannes Bilensayus, quem admonuit cælestibus hospitibus habere honorem, eosque demississime venerari. Hic idem postea Stanislaus cum a fratre profugus, religiosæ vitæ studio capefendæ, Romam peteret, essetque templum eo consilio ingressus, ut sacro pane reficeretur, advertit hæreticorum hoc esse templum. Unde animi dolore commotus, Dominum obrestatus est, ne ipsum cælesti hoc pabulo carere pateretur. Mox allapsus ei de cælo angelus excellenti forma Christi illum corpore sub azymi specie panis pro more pavit. Sic referunt societatis nostræ annales ad annum, nisi fallor, 1566. & 1567. Contigit alterum anno 1565. miraculum, quod fusissime recitat oculatus testis Remundus l. 2. c. 12. de ortu hæres. coque se, ne in hæresim laberetur, præservatum scribit. Invaserat dæmon faminam nomine Nicolam, quem exhibita eucharistia urgebat episcopus, ut ab ea exiret, his fere verbis: Adest, iniquissime spiritus, judex tuus: adest summa potestas; jam resiste, si potes: adest ille qui pro salute nostra passurus, *Nunc*, inquit, *princeps hujus mundi ejiciatur foras.* Hoc illud corpus quod de corpore Virginis sumptum est, quod in stipite crucis extensum est, quod in tumultu jacuit, quod a morte surrexit, quod videntibus discipulis ascendit in cælum. In hujus ergo majestatis terribilis potestate, tibi, spiritus maligne, præcipio, ut ab hac ancilla ejus egrediens, contingere eam deinceps non præsumas. Hic diabolus exuri, jactare se in omnes partes, torquere stupendum in modum miseram faminam. Rogatus pavoris causam, respondit se

pane illo torqueri propter vocem *Hoc est*, quo consecrandi formulam innuebat. Sæpiusque id repetens, ingenti demum fragore exiit, relictis sui fœdissimis vestigiis. Aderant hominum millia ferme decem, quorum non pauci hæresim quam sectabantur, execrati, Christi sese adjunxerunt ecclesiæ. Transilio ad sæculum aliud antecedens, & illustri quod ea ætate accidit miraculo, finem dissertationi faciam. Furto vir quidam sceleratissimus sacram, in qua asservabatur eucharistia, pyxidem argenteam Isvillæ abstulerat, & sarcinæ involutam, impositamque mulo, Turinam deferrebat. Urbem per portam templo S. Sylvestri proximam ingressus mulus, se statim ad terram abjicit, & sarcina, nullo solvente, se ipsam referat. Qua aperta Pyxis argentea, ubi pavenda continebantur mysteria, evolavit sursum, & medio in aëre cœpit solis instar radiorum emissionem admirabilem in modum effulgere, Monitus statim episcopus Ludovicus *Romagnan*, præcunte crucis vexillo ad locum se confert, ubi cum se cultu supplicii demisisset in genua, pyxis sacra in terram sola decidit, cum hæreret interea in aëre divinum sacramentum insolita luce emicans. Jussit afferri calicem episcopus, quem cum supposuisset hostiæ, sponte illa in ipsum delapsa est, & ad ecclesiam statim summo civium concursu delata. Contigit anno 1453. hoc miraculum. In sacello depictum extat, & publicis tabulis consignatum. An potuit azymi panis in missa usus miraculis illustrioribus comprobari? Potuit certe, & præterita tempora, si jam per otium liceret decurrere, afferrent admirabiliora? Tum *Nicolans*, Sic habeo, inquit, eum qui azymum vestrum in sacris panem negaverit esse offerendum, eumque oppugnet, in Deum ipsum pugnare. Hæc cum diceret, monitus est cum litterarum fasciculo venisse nuntium qui responsum urgeret. Quare dimisso cœtu Methodius sacerdotes Latinos ab Nicolao suscepit in cubiculum quietis causa deducendos.



DIALOGUS X.

De summa Romani pontificis in universam ecclesiam autoritate.

QUÆ venerant Nicolao matutinis horis litteræ, erant ab uno e patriarchis duobus qui de sede contendebant. Vocabat ille ad suas partes Nicolaum, quem jam alter sibi devincire studuerat. Cum omnes ad colloquium cum Latinis sacerdotibus convenissent, Videtis, inquit *Nicolaus*, quo rerum statu versetur, quibus & loqui periculosum est, & silere non licet. Vult recentior patriarcha nos adjungi sibi, verat alter. Urget uterque responsum. Utri ex jure meritoque dignitas illa competat, nescimus. Neque vero liquet. Itaque hæremus in ancipiti. Sic respondendum, inquit *Methodius*, ut neutrius incurras offensionem, dum uni tandem adjudicetur sedes. Utrique hujusmodi ego litteras darem, ut arbitraretur uterque, vel me ab ipso stare, vel neutrum esse. Tum conversus *Nicolaus* ad Latinos sacerdotes, Id consilii, inquit, in respondendo sum secutus; vobis autem quid videtur? Hic nactus occasionem *Ignatius* de Romano pontifice dicendi, Præclare, inquit, & ex prudentiæ legibus abs te actum est. Uterque enim, aut fallor, Romam ad pontificem scripsit. Is absque dubio audita causa sedem adjudicabit uni, cui tum parere necesse erit. Subrisit *Methodius*, & Video te, inquit, Ignati, de potestate papæ velle differere, quam solent Franci paulo ampliorem facere, quam par sit. Et certe agere de illa opportuniore vel loco vel tempore non poteras. Dixisti, subjecit *Ignatius*, alterutri sedem esse adjudicandam. Quis adjudicabit? Non aliquis, credo, Hebræus, aut alius qui nulla in ecclesia Christi autoritate valeat: non patriarchatum unus: neque enim patriarchæ sibi invicem imperant, neque auditum unquam est, ut Antiochenus antistes patriarcham Constantinopolitanis dederit, aut Constantinopolitanus Antiochenis, aut Alexandrinus Hierosolymitanis, aut Hierosolymitanus Alexandrinis. Quippe par in parem autoritas nulla est.

Patriarcharum controversia ab pontifice Romano dijudicanda.

Quid fieret autem, si Antiochenus patriarchatum adjudicaret uni, alteri Alexandrinus? Patriarcha foret, inquit *Methodius*, quem Alexandrinus diceret. Est enim patriarcharum iudex, unde & Alexandrinus papa nominatur. Verum, subiecit *Ignatius*, a quo habet hanc judicandi de ceteris potestatem? Non ab evangelio, non a conciliis. Ubi enim hoc scriptum vel traditum? Deinde quem unquam patriarcham autoritate sua vel constituit, vel deposuit? Denique si iudex omnium est, omnium est quoque maximus. Quæ enim par ipsius potestati autoritas est? At, credo, id minime illi Constantinopolitanus concedet, qui neminem novit in Oriente se majorem. Patriarcha erit, inquit *Methodius*, non quem Alexandrinus unus diceret, sed quem coacti in concilium patriarchæ & episcopi deligent. Mitto, reposuit *Ignatius*, si patriarcharum lites ad concilium vocandæ sunt, jugum impositum ecclesiæ, quo gravius nullum. Quot enim & quantæ exhaustiendæ difficultates, ut cogantur concilia? Quid si in coacta synodo id fiat quod factum est in latrocinatæ Ephesina, quam Theodosius junior sceleratorum antistitum fraude illusus synodo Nicænæ æquari iussit; in qua patriarchæ tres cum c c c c. patribus S. Flavianum perculerunt anathemate, eque sede Constantinopolitana per summum nefas deturbarunt? Mitto hæc, quæ alio forte loco revocanda mihi erunt, ac quæro: Si hujuscemodi contentio apostolorum temporibus incidisset, cujus fuisset eam dirimere, & adjudicare episcopatum? Fuissent-ne colligendi e toto orbe in concilium apostoli? An vero fuisset autoritas Petri satis? Quid Petro datum, inquit *Methodius*, quod non apostolis quoque cæteris sit concessum? Non parum, respondit *Ignatius*. Hæc de multis pauca e libris vestris accipite, unde velim a vobis ipsis litem dirimi. Id habet Petrus præ cæteris solus. Primo, *ut sis primarium ecclesiæ fundamentum, cui fundamenta alia, totumque ecclesiæ corpus innitantur.* Deinde, *ut apostolis ipsis præsit, qui, etsi ubique possent autoritate ab Christo accepta fidem promulgare, non tamen toti ubique terrarum invigilare ecclesiæ ex officio tenebantur.* Petrus vero tenebatur, ejusque erat muneris, quæ cæteri agerent apostoli, inspicere, non ad corrigendum, quippe nihil nisi

Petrus cæteris apostolis multiplici prærogativa & dignitate superior.

Spiritu sancto autore statuebant ; sed ad probandum atque firmandum. Haud scio, inquit *Methodius*, an quo tu modo ista affirmas, sic valeas demonstrare. Etsi enim Petrum nemo negat primum esse in discipulorum numero; quis tamen assentiatur tantum excelluisse cæteris, ac præ ipsis potuisse? Quis? subjecit *Ignatius*, rogando, quis? Quicumque, non dicam catholicus est, sed vere Græcus. Audi enim ut per partes omnia tibi probentur, quid concinant Græci xv. Januarii, quo die vincula S. Petri concelebrant & venerantur: ὁ σὰρξ καὶ αἷμα, Πέτρε, σοι, ἀλλ' ὁ πατὴρ ἐπέμψεν Θεοῦ γῆσιν τὸν Χριστὸν υἱὸν τοῦ πατρὸς ζῶντος. διό σε ὁ μακάριος αὐτὸς ἐπεσφύρευτο, καὶ τεχνύμας κέκληκε Πέτρον ὡς πέτρα βύσσιν ἀπράγῃ τῆς αὐτοῦ ἐκκλησίας. Non caro & sanguis, Petre, tibi, sed pater inspiravit Christum Dei Patris viventis filium theologicè profiteri. Quamobrem & te beatum ipse contestatus est, & Petrum consentaneo nomine appellavit, ut ipsius ecclesiæ fundamentalem petram quæ nequit effringi. Expende dicta. Quia Petrus Christi Domini professus est divinitatem, factus est Christi voce ecclesiæ petra fundamentalis, quæ effringi non possit. Hoc soli Petro datum est, qui solus apostolorum, aliis alia respondentibus, edixit: Tu es Christus filius Dei vivi. Quid ais, arguit *Methodius*, soli hoc concessum Petro, qui non nescis & ab Paulo apostolos alios fundamenta nominari? Non estis hospites & advena, verba sunt Pauli, sed estis cives sanctorum & domestici Dei superadificati super fundamentum apostolorum, Ephes. 2. Et Joannes cælestis civitatis fundamenta duodecim, duodecim apostolos esse scribit. Certe tradit ipsorum inscripta esse nominibus, Apoc. 21. v. 14. Sunt, respondit *Ignatius*, & apostoli cæteri fundamenta cum Petro, sed & in eodem Petro fundantur. Quippe in ipso Christus ecclesiam omnem suam ædificatam docuit, atque ipsos adeo apostolos, quos, nisi erro, ecclesiæ partem facis. διό, quamobrem. Hoc scilicet in confessionis præmium accepit, summoque lapidi angulari Christo innixus evasit, πέτρα βύσσις ἀπράγῃ τῆς αὐτοῦ ἐκκλησίας: petra & fundamentum ejus ecclesiæ nulla vi evertendum, cui, ut mox aiebam, aditructi sunt apostoli alii, ut essent in ipso, & cum ipso ecclesiæ fundamenta. Unde merito & scite Petrum so-

Petrus fundamentum, est apostolorum, & ecclesiæ & fidei.

Im appellant Græci κορυφαία κρηπίδα τῆς ἀποστόλων, *principem, summum, primum apostolorum fundamentum*. Idque in officio SS. apostolorum Junii xxx. si recte memini. Explanat hoc præclare Chrysostomus in cap. 16. Matth. hom. ut habent Græci, 54. καὶ ἐγὼ σοι λέγω, σὺ εἶ Πέτρος, &c. ἐν τῷ θιν δεικνυσὶ πολλὰς μέλλοντας ἥδη πιστεῖν. Ἐάνισσι αὐτῇ τὸ φρόνημα ἔ ποίημα ποιεῖ. ὁ πατὴρ πατρὸς Ἱερειάν Ἀβελιζομένῳ ἔλεγον ὡς σὺλον χαλκῶν, ἔ ὡς τῷ πῶρος πῆθισιν αὐτοῖς. ἀλλ' ἐκείνον μὲρ ἐνὶ ἔθνει, τῶτον δὲ, Πέτρον, πανταχῶ τῆς οἰκουμένης. Et infra: ἀνθρώπων θνητῶ πάντων τῶ ἐν τῷ ἔθνεϊ τῶ ὅσον ἐκείνου ἐνεχίσει τὰς κλεῖς αὐτῶ δὲς, ὅς τῶ ἐκκλησίαν πανταχῶ τῆς οἰκουμένης ὅσον ἐκείνου καὶ τῶ ἔθνεϊ ἰσχυροῦσαν ἀπόρην. Et ego dico tibi, Tu es Petrus, &c. Inde ostendit fore multos qui fidem amplecterentur, & ejus (Petri) confirmat sententiam, ipsumque facit pastorem. Quorum? Omnium scilicet qui erant postea credituri. Pergit enim: Pater allocutus Jeremiam dixit: Ut columnam abencam & ut murum, seu fundamentum, te constitui. Sed illum quidem (Jeremiam) genti uni, hunc vero (Petrum) totius ubique terrarum orbis. Tum, Homini, inquit, mortali omnium quæ sunt in celo, potestatem in manus tradidit, dans illi claves, qui ecclesiam ubique terrarum extendit, & fortiozem ostendit calo. Si cui apostolorum alteri paria legis concessa, huc depromito. Fateor, inquit Methodius, non legi similia. Quid enim hic dissimulem, quo non contentionis studio, sed amore veritatis convenimus? At quid ad rem hoc nostram? Ad rem maxime, reposuit Ignatius. Nam si Petrus solus, Græcis testibus, ex catholicorum etiam omnium confessione, fundamentalis in Christo petra est, cui ecclesia Christi, ipsique adeo apostoli incumbunt; quæ ecclesia privata, qui christianus Petro non unitur, vel innititur, extra Christi ecclesiam est. Ecclesia nulla est, inquit Methodius, quæ Petrum non agnoscat, seque illi tota animi devotione adjungat. Omnes illum fundamenti nomine condecorant, seque in illo fundatas esse deprædicant, in ejus scilicet fide illa, qua Christum professus est Dei filium. Non aiunt Græci, subjecit Ignatius, Petri fidem, sed Petrum hujusmodi fidem profitentem fundamentum esse ecclesiæ. Christus, ut Cyrillus tradit l. 2. comm. in Joan. cap. 1. Pet. um, ducto

*ducto a petra nomine, congrue voluit appellari. Erat enim in ipso suam fundaturus ecclesiam: πετρῶμας δὲ τῆς πέτρας μακρονόμαξ Πέτρος ἵπ' αὐτῷ γὰρ ἔμαλλε τὴν αὐτῆς θεμελίον ἐκκλησίαν. Et vero fides illa, si rem recte inspicimus, vinculum est ecclesiæ, non fundamentum. Est enim id cujus professione homines inter sese Christiani in societatem unam conne-
ctuntur. Petrus vero fidem illam sustinet, unaque eos quos in eandem religionem ipsa devincit. Unde Græci cum SS. Patribus Petrum non modo fundamentum ecclesiæ, sed etiam fidei nuncupant. Audi quod canunt ad xvi. Januarii, ubi B. Petri vincula venerantur: ἡ χριστὸς τῆς ἐκκλησίας Πέτρος ἡ πέτρα τῆς πίστεως. Petrus ecclesia fundamentum & fidei petra. Eodem item in officio: ἡ πέτρα Χριστὸς τῶν πίων τῆς πίστεως δοξάζας θαυράς αὐτῶν τὸν παρὸν θεον συγκαλεῖ ἅπαντας εὐφρανταί πιστεῖ τῇ θαύματι τῆς τιμίας αλύσεως. Christus petra Petrum fidei, cum quæ ecclesiæ suæ principem thronum obtinet, gloria præclare exornans omnes convocat, ut cum fide miraculum venerande catena festo celebrent. Bene est, inquit Methodius: petram fatemur fidei & ecclesiæ fundamentum. Quid hinc efficis? Sequitur id, reposuit Ignatius, quocumque tempore vel loco Christi existat ecclesia, fundamentum ejus Petrum esse, non jam quidem in se, ut qui jam pridem obiit, atque a nobis excessit, sed in suis successoribus: alias nunc careret fundamento ecclesia, quæ Petro caret. Verum cum ejus illum referant repræsententque successores; qui his adhæret, atque innititur, Petro ipsi incumbit. Qui vero ab illis se eximunt, & ab Petri se avellunt sede, ab ecclesiæ se fundamento segregant, atque ab ipsa continuo ecclesia. De his opportunior occurret postea dicendi locus. Petrum unum nunc spectemus, statuamusque quid ipsi soli sic conveniat, ut alteri nemini possit adscribi. Maneatque hoc primum: Petrum fundamentalem esse in Christo totius ecclesiæ petram, in qua ipsi etiam apostoli fundati sint. Id alterum expende: Soli Petro datum est, ut apostolis ipsis & fratribus suis, hoc est, omnibus totius ecclesiæ pastoribus præset. Quamobrem monebat illum Christus Luc. 22. Oravi pro te, Petre, ut non deficiat fides tua; & tu aliquando conversus confirma fratres tuos. Sed Græcos volo in testes, vos nimirum ipsos. Sic le-*

Petrus apostolis omnibusque ceteris totius ecclesiæ pastoribus præfuit.

gitis die Junii x x x, vestris in precibus : Χριστός. ο παρά-
 εν τῇ ἐκλογῇ, Πέτρε, κληρίδα τῆς πίστεως ἐσφαύωσθε. *Christus*
te in electione primum, o Petre, te fidei fundamentum corona-
vis. Et die Januarii x v i. νόμους τῶ Χριστοῦ ἐκείνους & ὡς
νομωμένοις τῶν δυνάμεων διδάξας ἀποστόλων ὁ κορυφαῖος, ὡς
δογματῶν βάσις ἀσπίς. Christi firmasti leges, earumque viola-
tores rectam earundem constitutionem observationemque docuisti
ut qui apostolorum es princeps, & dogmatum fidei fundamentum
nulla vi excutiendum. Vides hic coronatum ab Christo Pe-
trum & fratribus suis praepositum principem, ut satanam
cribrare eos & dissipare variis errorum & schismatum moti-
bis conantem, longe repellat, ipsosque tum contineat in
fide, tum in gradu stabiliat. Quod tunc temporis Petro Do-
minus potissimum indixit, cum suas illi oves pascendas tra-
didit, postquam surrexit a mortuis. Tunc enim, ut verbis
Chrysostomi utar, ὡς τῆς ἀρνήσεως ἑλληνιστῆς ἐγγχειρίζῃ
τῶν πρεσβυτέρων τῶν ἀδελφῶν; Christus abnegationis quasi obli-
tus, fratrum illi contulit praefecturam. Hincque factum, ait
sanctissimus Pater, ut hic propter conceditam sibi fratrum
curam, quid futurum sit coapostolo Joanne, interroget;
ὡς τῶν πρεσβυτέρων ἐπιστεύθη τῶν ἀδελφῶν, καὶ ὁ μόνος ἐτέρω τῶ
καὶ ἑαυτὸν οὐκ ἐπιτίπτει, ἀλλὰ καὶ αὐτὸς ὑπὲρ ἐτέρων πρεσβεύει
τῶν διδασκάλων πῦσιν λοιπὸν. καὶ Ἰωάννης μὲν σιγῇ, ἐκείνῳ δὲ
ἀνταλίζει. Hic concedita sibi fratrum praefectura, non solum
non committit alteri quae se spectant, sed & ipse praeterea magi-
strum adit de alio rogaturus. Et Joannes quidem silet, ille vero
sciscitatur & colloquitur. Verum curiosius tum Petrus percon-
tabatur: neque enim quod princeps apostolorum esset, ad
eius spectabat officium rescire qua morte defuncturus esset
coapostolus. Interrogat tamen, inquit Chrysostomus, quia
sibi praefectura fratrum fuerat mandata. Aures praebe divino
huic Chrysostomo, & ab eo accipe, quo Petrus loco inter
discipulos esset, quamque ex veritate praeeset omnibus au-
toritate stupenda. Aderant discipuli in sancto Sionis coena-
culo omnium facile praestantissimi, apostoli scilicet, & septua-
ginta illi duo ab Christo electi, aliique, numero omnes cen-
tum ferme & viginti. Surgens autem Petrus in medio dis-
cipulorum dixit, & ut fervens, habensque conceditum sibi a

Christo gregem, ut princeps illius chori semper primus incipit eloqui. Attendisti, ut grex ille congregatorum, in quibus erant apostoli, Petro erat concreditus: ὡς ἐμπιστευθεὶς ὡδὴ τὴ Χεῖρ πλὴν ποιῶντων, καὶ ὡς τὸ χόρη πρῶτος αἰεὶ παρῆτες ἀφ᾽ ἑαυτοῦ τὸ λόγῳ. Addit S. Pater, licuisse Petro, & maxime licuisse aliquem unum autoritate propria per sese substituere in Judæ locum. Id. vero minime illum fecisse, ne cui gratificari videretur; atque idcirco ex communi discipulorum sententia egisse omnia, non summa potestate, vel imperio. δεῖα δὲ αὐτὸν μὴ κοινῆς πάντα ποιῶντα γράμης. ἔδιν αὐθεντικῶς, ἔδιν ἀρχικῶς. Et infra: τί ἐν, ἐλθέτω αὐτὸν σὺ ἐν τῷ; & παύου. ἀλλ' ἵνα μὴ δείξῃ χαλεχθεῖν, τὸτο ἔπειθι. Aliam quoque rationem affert, quod nondum delapsus in ipsum esset S. Spiritus. Unde nondum accepto Spiritu sancto rem gerere debebat moderatius, & aliorum adhibito consilio. Merito tamen omnium primus, verba sunt Chrysostomi, sumit autoritatem in negotio, nempe qui omnes habebat sibi creditos & commissos. Omnium autem illorum de numero erant apostoli. Ad hunc enim dixit Christus: Et tu aliquando conversus confirma fratres tuos. Vim testimonii hujus admiratus Nicolaus, Ubi, inquit, ubi, amabo te, sic loquitur Chrysostomus? In suis, respondit Ignatius, in acta apostolorum commentariis, ubi de electione S. Matthiæ sermonem habet. Librum hunc, subjecit Nicolaus, hic habemus apud nos. Sed Græcum Chrysostomi idioma non intelligo, intelligit vero Methodius. Leget & explanabit: vix enim crediderim sic divinum illum Patrem testari. Nam quis Romanorum pontificum, ut esset suæ amantissimus dignitatis, Petro posset plus tribuere? Allatus est in medium liber, & consentire omnia visa sunt, tum quæ superius adducta, tum postremum istud: εἰκότως πρῶτος τὸ πρῶτον αὐθεντῶν, ἀπὸ γὰρ αὐτοῦ ΠΑΝΤΑΣ ἐγκλειθεὶς. πρῶτος γὰρ τὸτον εἶπεν ὁ Χεῖρ, καὶ οὐ ποτὶ ἐπιστάσαν ἐχέον τῆς πολλῆς σα. Pergo, inquit Ignatius, audite. Princeps pastorum ἐχρησίμην Christus Dominus Petrum solum tanti sui hujusce nominis atque officii participem voce sua effecit, creavitque πρῶτον ἀρχὴν pastorum principem, ubi agnos illi suos, imo & oves agnorum matres tradidit ad pascendum. unde est, inquit Chrysostomus, honi.

78. in Joan. unde est, ut aliis omiſſis, cum hoc Petro de iſtis collo-
 quatur? ἢ ὁπότε τὰς ἄλλας ὠδοδραμὰς τέτοιω ὡς τῶν ἀγέλας
 '); Rationes facti duas profert: alteram, ut ſic loquar, eſſen-
 tialem & neceſſariam; ex accidente alteram. Agnos & oves
 ſuas Petro Dominus tradidit ut paſceret: quia princeps erat
 apoſtolorum, diſcipulorum os, id eſt, oraculum ſive magiſter,
 & ſummus chori. Propterea Paulus aliis prætermiſſis Hieroſo-
 lymam aſcendit, τότε αὐτὸν ἰſορῆσαι, id eſt, (ſi poteſtatem
 vimque Græcæ vocis attendas, quin & totius conſecutionem
 ſermonis) non ut videret ſolum, ſed ut interrogaret Pe-
 trum, ut ab eo veritatem acciperet, non quam neſciret:
 quid enim neſcire poſſet, qui audierat arcana verba quæ
 non licet homini loqui, & paradifum ipſum in ſcholam ha-
 buerat? ſed quam ab viſibili paſtorum principe confir-
 tam, Galatis non ſatis ſine illa fortassis autoritate obedi-
 bus, proponeret. Verum ipſa Chryſoſtomi verba intueri &
 expende: ἡ δὲ ὁπότε τὰς ἄλλας ὠδοδραμὰς τέτοιω ὡς τῶν
 ἀγέλας'); ἐκκριτός ἦν ἡρῶς ὑποπόλων, καὶ σῶμα ἡρῶς μαθητῶν, &
 κορυφή τῆς χορῆς, ἀφ' οὗτο Εὐαγγέλιος ἀνέβη τότε αὐτὸν ἰſορῆσαι
 ὡς τὰς ἄλλας. Altera vero quæ ex accidente eſt, ratio
 ſic ab ſancto doctore profertur: ἅμα δὲ καὶ δίκην αὐτοῦ, ὅτι
 καὶ παρῆεν λοιπὸν, ὡς τῆς ἀνῆστας ἐκκληλαμῶν ἐγκρίσται
 τὴν παρῆσαν ἡρῶς ἀδελφάν. Hoc facto ſimul oſtendens ipſi
 Chriſtus Dominus, oportere de cætero ut conſideret; remque age-
 ret cum fiducia, negationis abolita memoria, fratrum illi com-
 miſit præfecturam & curam. Quam curam, ut jam monui, &
 docet minoris Octoechi liber, ſtatim ut accepit, exercuit,
 etiam præſente Chriſto, erga coapoſtolum: παντεφῶν αὐτὸν
 τοῖς μαθηταῖς σου, πάτηρ, καὶ τὴν αἰάσαν, Σίμωνι δίδωκες
 τὴν ἡρῶς περιβάτων νομὴν, εἰς ἀγάπης ἀντίκπουν τὴν τῇ ποι-
 μῶνι φρονήσαν αὐτῶν. διὸ & ἔλεγες· εἰ φιλεῖς με, Πέτρε, ποι-
 μανει τὰ ἀρνία μου, ποιμανει τὰ περιβάτα μου. ὁ δὲ διδῶς ἐκ-
 δεικνύοντο τὸ φιλόστοργον ὡς τῇ ἄλλῃ μαθητῇ πυνθάνει).
 Aſpectabilem te diſcipulis tuis, o ſalvator, poſt reſurrectionem
 exhibens, Simoni tradidiſti paſcendi officium in compenſationem
 amoris. Quapropter dixiſti: Si amas me, Petre, paſce agnos
 meos. Ipſe vero ſtatim oſtendens amorem paternum, alio de diſci-
 pulo interrogat, Vide ut Græci Petrum agnoſcunt apoſtolo-

rum pastorem & quasi patrem. Quoniam, inquit *Romanus*, Chrysostomi in Acta commentarios jam præ manibus habemus, quanto studio Petri principatum apostoli venerati sint, ex iis quæ in concilio Hierosolymitano sunt gesta, agnoscite. *Ἐπεὶ*, exclamat Chrysostomus hom. 33. *μὲν Πέτρον Παῦλος φθίγγει*, & *ἑδὺς ἐπισκομίζει*, *Ἰάκωβον ἀνίσχει*, καὶ οὕτως ἀποπνέει, ἐκείνῳ δὲ ὡς τῷ ἀρχῷ ἐγκριτικῶς. *Innuere*; post Petrum Paulus loquitur, & nemo contradicit. *Jacobus cum honore suscipit, neque ab ejus mente desilit. Illi enim commissus fuerat principatus.* Quid igitur, ait *Nicolaus*? Rem Jacobus definit, non Petrus. Majoris est enim proferre sententiam, Majorem, nisi fallor, inquit *Ignatius*, nunquam Græci fatebuntur Jacobum, qui ne illum quidem e duodecim apostolorum fuisse numero contendunt. Rem autem ab ipso definitam esse, non agnovit Chrysostomus, sed ab Petro, ut constat ex proxime allatis verbis. Locuti sunt post Petrum alii, uti Paulus & Jacobus. At omnes ex Petri sententia. Si erro, erro cum Chrysostomo & Patribus. Quid ergo, quæsiuit *Nicolaus*, Petrum inter apostolosque alios discriminis intercessit? Habes ex dictis, reposuit *Ignatius*. Erant apostoli ecclesiæ principes: at sub Christo rege, ejusque vicario B. Petro. Unde Ambrosius in cap. ult. Lucæ, Christum ait ex Petro quæsisisse: *Amas me? non ut disceret, sed ut doceret quem elevandus in celum, amoris sui nobis velut vicarium relinqueret.* Ideoque, ut ibidem Ambrosius explicat, jam non agnos ut primo quodam lacte pascendos, nec oviculus, ut secundo, sed oves jubetur pascere, perfectiores ut perfectior gubernaret. Hoc ipsum Græci profitentur in Menæo xxix. Junii: *τῆς πρὸς Χριστὸν, Πέτρε, φιλίας ἀγαπᾷς τοὺς μὲν πᾶσι, καὶ τὸν πάντα ὡς θεὸν εἰδὼτα λόγον. ἔδει καὶ τὸ φίλτατον ἐγκρίσει σοι ποίμνιον.* Tui in Christum amoris protulisti, Petre, testem verbum, cui ut Deo nota sunt omnia: ideo dilectissimum sibi gregem tibi commisit. Hic operæ pretium est iterum audire Chrysostomum in proxime appellata homilia. Quærenti, cum tantus esset Christi Domini in Petrum amor, cur Petrus Hierosolymis sedem non acceperit, sed Jacobus; respondet: *ἐπεὶ οὐκ εἴποιμι, ὅτι τῶτον ἢ τὸ θεῶν, ἀλλὰ τῆς οἰκονομίας ἐχρησάμενος διδάσκων.* Hoc dixerim, illum non privati cujusdam throni,

Petrus concilio Hierosolymitano præfuit.

Discrimen Petrum inter aliosque apostolos.

sed orbis totius consecratum esse magistrum. Quasi diceret: Quamvis apostoli universales etiam magistri essent, non tamen eadem qua Petrus autoritate & ratione, quippe qui princeps ipsorum & os erat. Qua igitur ratione? Exponit Leo, quem Latini magnum, Græci maximum infinitis laudibus deprædicant. De toto mundo, inquit ser. 3. de assumpt. Unus Petrus eligitur, qui & universarum gentium vocationi, omnibus apostolis, cunctisque ecclesie Patribus preponatur, ut quamvis in populo Dei multi sacerdotes sint, multique pastores, omnes tamen proprie regat Petrus, quos principaliter regit & Christus. Magnum & mirabile, dilectissimi, huic viro consortium potentia sua tribuit divina dignatio, & si quid commune cum eo ceteris voluit esse principibus, nunquam nisi per ipsum dedit, quidquid aliis non negavit. Jam quæro, de quo ullo unquam apostolo id unquam dictum, quod de Petro S. pontifex Leo pronuntiat: ab eo omnes proprie regi, quos principaliter regit Christus; & per ipsum ceteris ecclesie principibus tribui, quod ei cum ipsis etiam est commune. Majus est quod addit in illud Luc. 22. Confirma fratres tuos. In Petro, inquit, omnium fortitudo munitur, & divine gratia ita ordinatur auxilium, ut firmitas qua per Christum Petro tribuitur, per Petrum Apostolis conferatur. Quibus verbis mihi significare videtur S. Leo Christum Petro tum tribuisse firmitatem, cum ipsum fundamentalem ecclesie petram constituit, contra quam non prævaleant unquam inferorum portæ. Quam firmitatem ceteris quoque per sese dedit apostolis, quatenus eos cum petra illa inconcussa arctissimo unionis vinculo conjunxit. Ex istis, quæ attigi, capitibus paucis, palam est Christum sic ecclesie suæ instituisse hierarchiam, cum à nobis in cælum abcessit, ut unus præesset omnibus, haberetque totum terrarum orbem sibi commissum, ut loquitur Chrysostomus hom. 39. tom. 1. quæ 1 v. est adversus Judæos, essetque ecclesiarum columna, portus fidei, orbis terrarum magister, ut idem tradit hom. 39. codicis ejusdem, quæ de sanctis est Petro & Elia. Noli omittere, inquit Romanus, præclarum Optati Milevit. testimonium l. 7. adversus Parm. Sic habet: Propter bonum unitatis B. Petrus præferri omnibus apostolis, & claves regni calorum communicandas SOLUS accepit.

Durus est hic sermo, subiecit *Methodius*, & quis potest eum audire? Annon & apostoli alii claves ab Christo acceperunt, & communicarunt acceptas? Claves, inquit *Ignatius*, quas acceperunt, Petri erant; easque apostoli ceteris communicarunt, non ut sibi, sed Petro datas. Soli enim Petro in præmium meriti dictum est: *Et tibi dabo claves regni caelorum*. Unde Græci solum in apostolis Petrum janitorem celi appellant. Græcos igitur audi. Neque enim durus eorum, sed suavis sermo accedet. Sic loquuntur in Menæo die Junii x x x. οὐ ἐπαξίας πέτρα προσήγορεύης, ὅτι τῷ ἀνεξέδαντον πῖν ὁ κύριος τῆς ἐκκλησίας ἐκείνῃ, ἀρχιποιμένα τῶν λογικῶν προσβάτων χατίσσει. ἐντεῦθεν κλειδοῦχόν σε τῶν βασιλῶν πύλων, ὡς ἀγαθός, ἐνεχείρισεν ἀνοίγειν πᾶσι τοῖς μὲν πίστεως προσεδρόυσσι. *Ture tu ac merito petra nuncupatus es. Quando fidem ecclesia Dominus firmavit immotam, constituit te rationalium ovium pastorem pastorum principem. Hinc te portarum celestium, ut bonus, instituit clavigerum sive janitorem, quo omnibus qui cum fide assistunt huic celebritati, aperias. Egrege vero profitentur idem, imo disertius Græci Arabes in sua evangelii, quod post Pascha legitur, undecimi explanatione. Eam Chrysostomo tribuunt. Fearâd elmesseh en yebayen manzelet Botros ândo bâd toubeto leltelamid, felcdalek aaradh an hom, ou khatab Botros fi mauna elteqoddom ala el-maskoune ou ssiasce leha baâdo, ou aoudhaho mâ dalek enno sibilo, en yuthmân be-en kad emteha Jehoudo ou tegallad eltekedom âla akhoueto, ou ma aourad Jehoudo ou la ghayr ma falo, bel qâl ennak tebbeubni, feteqaddam âla akhovetak, ou adher elân heubbak elhâr elladi a oudhahro beafaal kulha, ellati beha ebtehez ana, ou nafsak ellati qolt ennak tebdelha men ageli, ebdelha elân leagele ghanami. Tum addit interpres: En Botros gad gïalo errab lelmaskoune raayan ou mudatberan. Voluit Christus significare discipulis, quo apud se Petrus, postquam resipuit, loco esset. Quamobrem ab illis deflexit, Petrumque allocutus est de præficiendo ipso orbi terrarum, ut eum POST SE REGERET SUI LOCO: ac ipsi simul declaravit securum ipsum esse debere, culpam abnegationis sua plane esse deletam, consecutumque id esse, ut fratribus præsideret. Neque habuit negationis mentionem ullam, aut alterius facti; sed ait: Si amas me, præsis fratribus tuis, &*

ardentissimum, quò delector, amorem tuum, quem factis omnibus ostendisti, nunc exhibe. Animam vero tuam, quam dixisti te pro me positurum, pone pro omnibus meis. Et infra: Petrum Dominus constituit terrarum orbis pastorem & gubernatorem. Non cessat id inculcare Chrysostomus hom. 53. quæ est de pœnit. 1. *Post illum, inquit, crudelem casum. Quod enim aequale stabnegationi malum? Attamen post tantum malum, illum rursus in priorem dignitatem restituit, & ecclesie universalis primum & gubernationem tradit.* *μὴ τὸ χαλεπὸν ἐκείνο πᾶμα, ἀρνίσεως γὰρ ὡδὴν ἴσον κακόν. ἀλλ' ὅμως μὴ τοσούτοι κακοί, πάλιν αὐτὸν πρὸς τὴν προτέραν ἐπανήγαγε πύλιν, & τὴν ἐπισκοπὴν τῆς οἰκουμένης ἐκκλησίας ἐπεχίρει.* Quæ cum ita sint, constetque Petrum esse fundamentalem petram; cui ecclesia omnis ejusque fides inniti debeat, si vestra hac hodierna de legitimo patriarcha contentio, aut alia fidem religionemque spectans, apostolorum ætate incidisset, non alioquam Petro judice fuisset decisa, petram illam fuissent omnes amplexi, quemque illa fulciret, huic ut columnæ suæ in fundamento solido positæ adhæsisent. Habitus in legitimum pastorem fuisset, qui intrasset per ostium, cuique ille clavicularius regni cælorum aperuisset aditum. Et verocum Græci, ut mox ex ipsorum libris referebam, Petrum profiteantur præfectum universo terrarum orbi, ut ipsum p̄qst Christum, Christi loco regeret; non dubitassent cum in ista causa appellare testem & judicem, quemadmodum Christum ipsum appellassent, si Christo vivente lis hæc orta esset. Eum coluissent patriarcham, quem Petrus dixisset, *qui solus*, ut ait Optatus Milevit. *claves regni cælorum aliis communicandas accepit, & per quem, ut scribit Leo pontifex, ipsis etiam apostolis firmitas ab Christo confertur, qui proprie regit OMNES quos Dominus principaliter regit, & per quem cæteris ecclesie principibus tribuitur, quod ei cum ipsis etiam est commune.* Ita est, inquit Nicolau: beatis illis ecclesie temporibus finis controversiæ huic nostræ fuisset Petro judice positus. At nunc cum a nobis Petrus abiit, cujus erit hanc dirimere? Ejus erit, reposuit Ignatius, in quo Petrus vivit & judicat. *Vivit autem & judicat in suis successoribus*, ut scribitur in tertia synodo. Petri autem successor alius ab Romano pontifice

tifice nemo est. Atque adeo cum Romanus pontifex *solus* sit Petri successor, non jus modo habet, sed necessitatem regendi catholicam ubique terrarum ecclesiam, & *solus* id habet. Hæc omnia, inquit *Methodius*, recte si demonstres & evincas, præclare de sede Romana mereberis, imo de christianorum tota gente, cui schismatis omnem fere viam præcideris. Audite ergo, subjecit *Ignatius*, & favente Deo e vestris etiam libris sic demonstrabo singula, ut nihil superesse dubii apud vos possit. Ac primum hoc statuo Petrum Romanum pontificem fuisse. Cum enim annos circiter sex Hierosolymis mansisset sedissetque Antiochiæ totidem ac paulo amplius, si qua Hieronymo fides lib. de script. eccl. si qua Eusebio in Chron. aliisque notæ magnæ autoribus, pontificiam sedem transtulit Romam, ibique annos viginti ecclesiæ præfuit, eamque inde administravit, dum vixit. Quin recte annotant Græci, eum sic Hierosolymis & Antiochiæ sedisse, ut quasi non sederit, sed per ea cucurrerit loca positurus Romæ sedem suam fixam & immobilem. Ita legimus in Menæo ad diem xvi. Januarii, qui dies vinculis S. Petri festus est: ἐν παλαιστίνῃ ὁ Χρῆσθῖς ἱππος καὶ δρόμος Πέτρος ὡς ἐν βαλβίδος περὶ ἑσπέρην, καὶ τὰ κόσμῳ κηρύξας ἐν Ρώμῃ μὲν τῇ δευτέρᾳ κατέπαυσεν. *Petrus Christi cursor & apostolus e Palestina quasi e repagulo prodians, & orbi predicans Roma in vetere conquivit.* Adde quod Junii die xxx. e Menæo eodem canitur: τῆς Ρώμης ἡ γέγονας αὐτῷ περὶ πόλεως, τῆς πεμμενίσας τῆς πόλεως δόξα καὶ κλέος, καὶ ἐκκλησίᾳς, Πέτρος, ἡ δὲ αἰώνια, καὶ πύλαι ἁδὲν ἢ κατηύσχουσιν ὄντος ταύτης, Χρῆστος ὡς ἀπέφθινεν. *Rome factus es primus episcopus, urbium omnium maxime gloria & decus, ecclesie fundamentum & fulcimen, portæque inferi non prævalebunt adversus eam, ut prænuntiatum ab Christo est.* Palam est, inquit *Methodius*, Petrum sediisse Romæ episcopum: perge. Adde & Romæ factum non modo episcopum, sed ecclesiæ fundamentum & columen, ut prodit proxime adductum testimonium. Pergo, reposuit *Ignatius*, aioque S. Petri successores Romæ suam habere constitutam sedem. Tantantur hoc concilia, tradunt SS. Patres, & suis in templis Græci concinunt. S. Leonem ita inter orandum compellunt. Februarii xvi. Πέτρος

Petrus Roma sedem suam posuit, ibique moratus est.

Petrus Romanus episcopus ecclesiæ fundamentum & columen.

Nullus alius in suprema auctoritate Petri successor præter Romanos.

τῆ κορυφαίᾳ θρόνῳ κληρονόμος ἐξημεύσας τὴν αὐτὴν ἔχων γνώμην
 καὶ τὴν ζῆλον θεόφρονος τῆς πίστεως. *Petri supremi principis, in
 ea quam tenuit, sede heres, illiusque consecutus mentem & di-
 vinum fidei zelum, jus dixisti.* Et infra: ὁ Πέτρος τῷ σέπῳ δια-
 δοχος, καὶ τὴν τῆς προεδρίας πλετησας, *sancti Petri successor*
dicitur, & eam possidere, quam Petrus habuit, presidendi digni-
tatem. Locus est alius perillustis ad xxiv. Novemb. de S.
 Clemente: τῆς ἡβῆ παθῶν ἐχλήσεως ἀπαρολήσας τὸν νῦν φεῖ
 τὴν γνώσιν ἡβῆ ὄντων, *ισχύτατε Κλήμη, ἀρολῆσθαι πεποίηκας.* Διό
 σε τὸ κρείως καὶ θεώτως ὄν, ἐπὶ ταύτῳ ἔλκυσε, *ἀφ' Πέτρος τῷ*
ἡβῆ ἀποστόλων ἐξάρχωντος, ὅς σε τῷ θεῷ μαμύηκει, καὶ αὐτὸν διαδο-
χον καταλέγειται ἄξιον, μὲν ὅν τὴν ἐκκλησίαν, πάνσοφει, καλῶς δια-
ρχῶν ἡρτυεῖται τέλει, ὡς αὐτὸν ἐξεδήμυσας, οἷα θεὸς διὰ ὄντι
συγγνώμης. *Affectuum perturbatione expeditus mentem circa*
entium cognitionem, Clemens sanctissime, occupasti. Quapropter
 ad hanc te primum & principale ens attraxit, *Petri opera apo-*
stolorum principis, qui te divinis initiavit, suumque te dignum
succesorem reliquit. Post quem, ο sapientissime, tu ecclesiam di-
 rigens, & praeclare administrans, ad illum finita per martyrium
 vita abscexisti, & quasi Deus Deo enti adheres. Porro Petrus
 cum cathedram suam & omnem ecclesiam commisit Cle-
 menti, usus est his verbis, si Clementem ipsum audimus in
 epist. 1. ad Jacobum fratrem Domini: *Sicut mihi tradita est*
a Domino nostro JESU-CHRISTO potestas ligandi solvendi-
que, ita & ego tibi committo, ut ordines dispositores diversa-
rum causarum, per quos actus non ecclesiastici profligantur. Et
tu minime curis seculi deditus reperiaris, sed solummodo oratio-
ni & predicationi ad populum vacare stude. Quibus Petri in
 verbis animadvertite traditam Clementi administrationem
 ecclesiæ, quemadmodum ipsa Petro ipsi ab Christo com-
 missa est. *Quid vis? Consule quæ de S. Sylvestro Januarii 11.*
die proferuntur. Ex his istud est: κορυφαῖος ὡφθης ἱερῆ συ-
 στήματος, *ιερόμυστα, καὶ τῷ κορυφαίῳ μαθητῇ ἐκόντος θρόνον.*
Princeps sacri ordinis, o pontifex, visus es, & discipulorum
principis sedem exornasti. Patrum jam testimonia si expetis,
 id Damasus docet ex Europa apud Theodoretum l. 5. Histor.
 c. 10. in ea epistola qua patribus synodi responderet. Id Cy-
 prianus ex Africa epist. 3. de Novatianis ad Cornelium scri-

bens, Navigare, inquit, *audent*, & ad Petri cathedram, atque ad principalem ecclesiam, unde unitas sacerdotalis exorta est, a schismaticis & profanis litteras ferre: nec cogitant eos esse Romanos, quorum fides apostolo pradicante laudata est, ad quos perfidia habere non potest accessum. Id Hieronymus ex Asia antroque Bethleemitico epist. 57. ad Damasum, Ego, inquit, nullum primum, nisi Petrum sequens, beatitudini tue, id est, Petri cathedra, communione consocior. Super illam petram adificatam ecclesiam scio. Quicumque extra hanc domum agnum comederit, profanus est. Quamobrem epist. 58. cum variis Syria distraheretur sectis, Ego, inquit, clamito: Si quis cathedra Petri jungitur, meus est. Augustinus vero in psal. contra Donatistas, Venite, inquit, fratres, si vultis ut inferamini in vite. Dolor est, cum vos videmus praeisofos ita jacere. Numerate sacerdotes vel ab ipsa Petri sede; & in illo patrum ordine, quis cui successerit, videte. Ipsa est petra, quam non vincunt superbe inferorum porta. Optat. Milevit. lib. 5. adversus Parmen. Negari non potest quin in urbe Roma Petro cathedra episcopalis sit collata, in qua sederit omnium apostolorum princeps Petrus, unde & Cephas appellatus est; in qua una cathedra unitas ab omnibus servaretur, ne ceteri apostoli singulas sibi quique defenderent, ut non schismaticus & peccator esset, qui contra singularem cathedram alteram collocaret. Conciliorum desideras auctoritatem? In promptu est. In Ephesina synodo Philip- pus sedis apostolicae legatus, dixit: Nulli dubium, imo seculis omnibus notum est quod beatissimus Petrus princeps & caput apostolorum, columna fidei, ecclesiae catholicae fundamentum regni claves accepit a Domino JESU CHRISTO, & ipsi data est potestas ligandi, solvendiue peccata, qui usque adhuc & in perpetuum in suis successoribus vivit & judicat. Hujus itaque secundum ordinem successor & locum tenens papa Celestinus nos ad hanc synodum misit. Et in IV. synodo exclamarunt patres: Petrus per Leonem hac locutus est. Et in VI. episcopi in Pro- phonet. ad Constantin. imper. Summus, inquit, pug- nabat nobiscum apostolorum princeps. Illius enim imitorem & successorem ejus cathedra habebamus, ὡπαλείφοντα, inungen- tem, id est, vires dantem, quomodo athletis dabantur inun- cto oleo. Et ibidem: Charta videbatur & atramentum, (nempe

in apostolicis litteris) *sed per Agathonem loquebatur Petrus.* Et in VII. Hadrianus papa aët. 2. in litter. ad imper. *Ipse princeps apostolorum beatissimus Petrus qui apostolica sedi primitus praesedit, sui apostolatus principatum & pastoralis cura successoribus suis, qui in ejus sacratissima sede perenniter sciffi sunt, dereliquit, quibus & autoritatis potestatem, quemadmodum a salvatore nostro Domino concessa est, & ipse quoque suis contulit, & tradidit divino jussu successoribus pontificibus.* Hæc omnia lecta, audita, scita & recepta sunt in conciliis, refragante nemine. Denique successores B. Petri Romæ sedere, vel id argumento est, quod sedes Romana sola per antoniniam sine addito *sedes apostolica* vocatur, & qui eam obtinet, nuncupatur *Apostolicus Episcopus, Apostolicus Pater.* Nimium sit perfrectæ frontis, inquit *Methodius*, qui Romanum pontificem negaverit esse Petri successorem. Verum sunt pontifices alii, qui id sibi dignitatis jure etiam vendicant, qualem esse, ut reor, fateberis Antiochenum. Si tu Græcus cum sis, respondit *Ignatius*, Græcorum ecclesiasticos libros consulueris, successorem Petri vocari ubique animadvertes Romanum papam, alium præterea neminem.

2. Alium nullus sanctorum Patrum hoc nomine vel appellat, vel novit dignum. 3. Si quis esset alius Petri successor, esset profecto, ut abs te dictum est, Antiochenus. Atqui ille nusquam ab sanctis Patribus sive in eorum libris, sive in conciliis, hac est appellatione cohonestatus. Imo Græci illum faciunt, unius S. Evodii successorem. Scribunt enim in Menæo ad diem xx. Decembris, *S. Ignatium fuisse secundum Antiochie patriarcham, eumque post Evodium sedisse.* Et merito ita scribunt. Quod enim Antiochiæ Petrus sederit, ibique consecravit ejus sedis Evodium episcopum, non sequitur Evodium ejus fuisse successorem, ut si qui nunc sedet Antiochenus patriarcha, sedemque habet Damasci, constitueret in Antiochena civitate episcopum, non continuo successor esset Antiocheni patriarchæ. Maneret enim in patriarchali gradu antistes ille, ab quo ipse consecratus est; & qui mortuo illo patriarcha, ejus sufficeretur in locum, patriarcha is esset: quique Antiochiæ præsul esset, non alia dignitate quam episcopi gauderet. Esto tamen, si

hoc obstinaveris impetrare, sit in regimine particularis ecclesię Petri successor Antiochenus patriarcha, (ne de rebus parvi momenti contentio sit) & eo fere sensu successor sit, quo episcopi dicuntur apostolorum successores in ordinis potestate, non in jurisdictionis autoritate, & amplitudine. Habeat etiam hoc Antiochenus supra ceteros, quod in ea particularis ecclesię sede versetur; in qua sedit Petrus. Cum tamen non sit Petri successor in immensitate potestatis, (hanc enim Petrus secum transtulit Romam, non se illa Antiochię abdicavit) non facit particula illa successionis, ut debeat ceteris omnino præferri patriarchis. Sicut si quis in Polonia comes, cum eligitur in regem, comitatum suum alicui tradat, non propterea qui regis successor est in comitatu, debet absolute dici regis successor, ac ducibus majoris notę, palatinisque ceteris anteire. Atque inde est quod Antiochenus patriarcha non federit usquam primo loco, qualis debetur successori apostolorum principis, sed olim tertio, nunc autem quarto. Factumque illud singulari Dei providentia, & sapientia ecclesię. Si enim B. Petrus dum antistites constitueret, illum anteposuisset Alexandrino, isque in Oriente ceteris prævivisset episcopis seu patriarchis: (quamvis non fuisset ratio ulla schismatis inducendi, quia necdum vere Petri successor esset) quid tamen non fuissent in tanta amplitudine ausi, cum minore præditi titulo Constantinopolitani præsules tantum sibi assumpserint? Video te, inquit *Nicolaus*, altissima jacere fundamenta: sed quam sis postea his molem substruaturus, nondum liquet. Audi, reposuit *Ignatius*, sic enim aio: Cum Romanus pontifex *solus* sit Petri successor, non jus modo habet, sed necessitatem regendi catholicam ubique ecclesiam; & id *solus* habet. Quod universalem ecclesiam, cujus partes regendas obtinent reliqui patriarchę & episcopi, Romanus pontifex habeat gubernandam, probat primo successionis ratio atque notio. Sicut enim Constantinopolitanus patriarcha antecessori successit in plenitudine potestatis, quę sedis ejus propria est, ad regendas sibi subiectas ecclesias, quia successor est: similiter Petri successor ea gaudet ad universalem administrandam ecclesiam potestate, qua pollebat antecessor

Romanus
pontifex jus
& necessita-
tem habet
regendi Ca-
tholicam ec-
clesiam.

suus B. Petrus. Pollebat autem generali in omnem Christi ecclesiam, ut superiore loco demonstravimus, autoritate: ergo & ejus successor Romanus pontifex. Atque id nisi admittimus, quam dicimus nunc christianam ecclesiam, compellimur fateri jam non esse eam quæ ab Christo instituta est, fundataque ab apostolis. In illa enim Christi & apostolorum ecclesia unus erat, cui, ut aiunt Patres, *græcè Christi omnis in universo terrarum orbe erat concreditus, quique omnibus præerat etiam ecclesiæ principibus*. Verum ecclesia Christi nescit occasum; & qualis condita est, talis stabit ad consummationem usque sæculi, & talis præteritis quoque retro temporibus perstitit: cumque multi sint qui partes ecclesiæ varias regant pro dignitate & officio, unus tamen est & semper extitit, qui toti & universæ ecclesiæ præsit & invigilet. Non credis? non rationum pondere vinceris? Reverere atatum autoritatem omnium. Ac primum repetè quæ paullo ante ex Græcorum ecclesiasticis libris retulimus de S. Clemente, quem successorem sibi Petrus reliquit in regenda ecclesia, sicut illam ab Christo Domino acceperat ipse administrandam: de S. Leone qui hæres dicitur apostolici, qui Petri erat, throni, id est, summæ Petri in regenda tota ecclesia catholica autoritatis. Neque enim throni nomine cathedra lignea vel lapidea intelligitur, sed, ut legitur ibidem, *ωγεσπία*. Et his adde quæ de sancto Celestino in Menæo legis ad v. i. Aprilis, ab eo scilicet fuisse per litteras Nestorium depositum, illumque in damnando hoc hæretico se B. Cyrillo sua illi commissæ autoritate adjunxisse. Patet hoc tum ex Græcorum, quod puerorum manibus teritur, Ermologio, ubi concilia in tabula variis distincta areolis repræsentantur. Hic enim Cyrillum testantur in Ephesina synodo S. Celestini pontificis Romani, vicarium præsedisse. Tradit id ipsum vernaculo suo idioma te Matth. Kigala Cypr. in sua *καὶ συνόψει διαφόρων ἱσοειδῶν*: *Celestinus papa significavit Cyrillo Alexandrino, ut sui loco vicarius sederet. ἐμνήστε τῷ Κυρίλλῳ καὶ εἴη εἰς τὸν τόπον τῆς καὶ εἰς τὸ ἀφῶσπόν τῆς*. Ita ille pag. σξ. Tum hoc maxime declaratur ex ipsis Celestini litteris ad Cyrillum datis in hæc verba: *Quamobrem nostræ sedis autoritate adscita, & nostra*

S. Chrysost.
S. Leo.

*vice ac loco cum potestate usus, hujusmodi severissime exequeris sententiam, ut nisi decem dierum intervallo, n. fariam doctrinam suam conceptis verbis anathematizes Nestorius, illico sanctitas tua illi ecclesie prospiciat. Quæro an hæc verba æqualis sint cum æquali, an superioris cum inferiore agentis? Non scribit videri sibi anathemati subjiciendum Nestorium, imperat subjici, & Constantinopolitanæ ecclesiæ provideri. Lege etiam in Menæi Synaxario quæ de S. Agapeto memoriæ produntur ad xvii. nisi fallor, ejusdem mensis Aprilis: cum scilicet Constantinopolim venisse, processisse illi obviam imperatorem cum suis, summis cum honoribus excepisse: ab eo S. pontifice Romano fuisse depositum & expulsam Anthimum patriarcham hæreticum, & Menam sacerdotem orthodoxum fuisse ab eodem in Anthimi sedem erectum. Quæ, Deus bone! hac autoritate major autoritas fingi potest? Quid majus Romanis in partibus audere posset? Quæ major obedientia ipsi deferri? Si hoc Constantinopoli Romanus pontifex ex officio facit, & refragante nemine; quis locus ab ejus divinitus tradita jurisdictione se eximat? Præclara etiam mense eodem ad diem xiii. de S. Martino papa Græci prædicant, quibus pontificia ejus in omnem ecclesiam potestas commendetur. Gregorium magnum cognomine Dialogum, xiv. Martii admirabiliter extollunt, aiuntque ab eo præscriptam sibi missam illam, qua utuntur in quadragesima jejuniorum tempore, seque legi illi ad hanc usque nostram ætatem esse obsecutos. Vultis exempla alia? Quidni velimus, inquit *Nicolaus*? perplacent quæ commemoras. Sunt apud me, pergit *Ignatius*, Annales ecclesiæ antiquissimi Arabice conscripti. Codex est annorum 500. & amplius. Autoris desideratur nomen: sed Græci ritus fuisse constat cum ex narrandi modo, tum ex eo quod Græcorum opinionibus ubique adhæret. Is quæ gesta sunt in ecclesia ab ejus ortu ad annum Christi circiter deccc. quasi compendio describit. E multis quibus Romani pontificis in ecclesiam omnem autoritas confirmatur, nonnulla expromam. De Athanasio patriarcha Alexandrino insigni illo propugnatore fidei, & Paulo confessore ita scribit: *Ambo ab ecclesiæ hostibus ejecti Romam se contulerunt ad papam Julium, &**

eos ille suis sedibus restituit. Lemma tharad homa elmukhâlesin dakhala ela medinet Roumié ela elbâba Ayoulins ou hou aaad homa ela kerafia. Et in concilio, quod e minoribus xli v. facit, sic scribit: Decus fidei promotum esse atque effulxisse in Oriente Julii papæ Romani administratione & cura. En aulou schân elamâne elmuqaddasé qad ersefâ si belad elscherk betedbir Ayoulins elbaba. Addit patriarcham Petrum qui S. Athanasio in patriarchatu Alexandrino successit, ut vidit impiorum adversus se conatus, seque ab sede exturbatum, confugisse Romam, exceptumque perhonorifice ab Damaso papa, & ab ipso sua redditum ecclesie fuisse. En Botros elladi aategab elriâse bad elqaddû Atanasios si elkursi Elaskanderani, lemma nadhar magiara aleih men elkofora elladin asqathouh men erriâsé sâr ela Roumié feqabelo elbaba Damasos bêghayet elkerame ou aâado ela kursih. Item in prædatoria illa synodo quæ Ephesi coacta est, cum legati pontificis Romani impietatem adverterunt Dioscori, ejusque prævaricationem & contumaciam, atque in eandem cum eo sententiam abiisse domnum Antiochenum patriarcham & alios cum eo præsules, stabilitamque eorum calculi hæresim, Dioscorum, eosque qui ab illo essent, damnavunt & perculerunt anathemate. Neque amenti Dioscoro, quod fecerat, satis fuit; quin etiam ad pontificem Romanum misit, postulavitque ut legatos suos, qui in se ausi sunt ferre anathema, communionem privaret. Lemma nadharek oukala baba Roumié ela khobt Dioscoros batrak Elaskandarié ou taaddih elbathel, ou ettesâq demnos batrak Anthakié ou ghayro mâo si teibit elghalath haramou Dioscoros ou qaoumo ayedan mâo ou lam yektefi elgiabel Dioscoros be amalô heita arsal ela baba Roumié la yemnâ ou kalah men elqortan ou men kan mahom men agle ma haramouh. Animadvertite qua potestate agerent legati ab Romano pontifice, quaque ratione Dioscorus, qui pudore postea omni excusso in S. Leonem papam insurrexit, tum veritus est in ejus legatos sententiam dicere, ne Christi vicarium pontificem ostenderet. Testantur iidem Annales minime auditum ab S. Leone Dioscorum, imo percussum anathemate fuisse, & beatum illum papam Constantinopolim misisse, atque imperasse, ne quis e sacerdotum ordine aut e populo, iis qui Dioscoro faverant, communionem jungeretur. Quæ mandata etiam

Antio-

Antiochiam transmisit. Sayar rosl ela medines el Konstantinié ou amas elkadené ou kafet elschaab en la yesharekou aahd men aoulayk ou kedalek ela medines Anthakié. Ecce mandata scribit Romanus pontifex tum Constantinopolitanæ, tum Antiochenæ ecclesiæ. Neque rejiciuntur illa vel a populo, vel a clero, vel ab ipsis patriarchis; sed obsequuntur planè omnes. Adeo constat papam esse vicarium Christi in universo orbe, & sancti Petri christianorum omnium patris & fundamenti ecclesiæ successorem. Addit memoratus *Annalium* liber ab S. Leone coactum Romæ concilium, tumque illum canones & mandata scripsisse, quæ ad imperatorem Constantinopolim misit, & ab ipso convocari synodum petiit. Ac prout voluit, habita est Chalcedone illa synodus. Synodi hujus quoniam fit a te mentio, inquit *Romanus*, amabo te, ne prætereamus silentio quæ de S. Leone ejusque missa ad concilium Chalcedonense epistola legunt in Synaxario Græci ad diem Februarii xviii. *Oppressit penitus hæreticorum blasphemias, (verba sunt Synaxarii) & quominus propagarentur, impedit, quo tempore Chalcedone habebatur IV. synodus. Tum scripsit, multaque huic synodo tradidit, quibus quæ recta fides esset, edocuit, & futurorum hæreticorum discussi errores. Misit & synodo epistolam, quam sancti Patres omnes susceperunt, habuerunt ut fidei orthodoxa propugnaculum, profissi voces in ea descriptas ab ipso Dei ore promanasse. Quamobrem ea recepta sibi conquiscescendum putarunt, securique illius ope ab hæreticis, eos cum valde oppugnarunt, tum fraudes illorum multiplices everterunt.* Hactenus Synaxarion, cujus, quæso, dicta perpendite. Videte qua synodus omnis veneratione papam audiit, ipsique obsecuta est, quæ neque quidquam edixit, nisi ex ejus sententia, neque hæreticos profligavit debellavitque, nisi ex ejus doctrina & autoritate. Sed perge, Ignati: neque enim meum est hodie dicere. Referunt, inquit *Ignatius*, laudati *Annales*, Felicem papam Romanum, ubi accepit ejectum ab Zenone imperatore e sede Antiochena Lekendiunam, (eo nomine patriarcham legitimum afficiunt, quem vulgo Martyrium alii vocant) damnatumque exilio legitimum antistitem; Petrum vero Cnapheum seu Fullonem in ejus locum invasisse, convoca-

to Romam concilio in perfidum invasorem anathematis fulmen intorsit, eique atque ipsius affectis communionem catholicam abrogavit. Observa qua cura summus pontifex ecclesiæ Antiochenæ consulat. Nec minore studio Constantinopolitanam foveat. *Hormisdas* papa factus de iis certior qua erant ab *Anastasio* imperatore & affectis ejus hæreticis gesta, Constantinopolim legatos misit, collegisque synodum. *Eo ipse* perse postea accessit, eque sacris dyptichis *Acacii*, *Afronise*, & *Timothei* aliorumque nomina erasit, qui partibus *Anastasi* imperatoris pro hæresi adhaeserant. Eratque civitas omnis hæreticis contumacibus referta. Hic quoque pontifex vere maximus Chalcedonensem confirmavit synodum, & jussit in nummis incidi ex parte altera Christi imaginem & *Desipæ* virginis; ex altera vero imperatoris effigiem. Ecce media in Constanti- nopoli papa jus dicit, quamvis esset civitas hæreticis referta. Denique, ut finem aliquando loquendi faciam, *Nicolaus* papa, cum audit *Photium* in sedem *S. Ignatii* hostiliter, contraque fas omne conscendisse, eum ipsiusque affectas commu- nione abscidit ecclesia; exemplumque *S. synodi* ab se celebratae *Michaeli* imperatori & patriarchis omnibus transmisit, ut eos ex ecclesia ejicerent, qui cum *Photio* communione jungerentur. Hæc sunt quæ a Græcis proferuntur summæ pontificum Romanorum in ecclesiam Christi omnem autoritatis monu- menta. Poteram testes dictorum appellare e sanctis Pa- tribus Græcis non paucos, & scriptores sacrorum Anna- lium ad unum omnes, *Eusebium*, *Theodoretum*, *Socra- tem*, *Sozomenum*, cæterosque vestros. Sed quia liber ille Arabica, qua utimini, lingua scriptus est, eumque ab mona- cho sacerdote Græco *Sophronio* Damasci emi, lubentius protuli. Quæ supersunt mihi dicenda, ea tum ex concilio- rum oraculis, tum ex rationum momentis deprompta sunt. Sed aliud in tempus sentio differenda. Patiemur, inquit *Nicolaus*, hac te nocte quiescere: at ultra diem crastinum differri tam utilem & eruditum sermonem minime con- cedemus.



DIALOGUS XI.

Ejusdem argumenti continuatio.

MIRUM est, quantos in religiosorum Græcorum animis motus excitaverint, quæ de Romani pontificis autoritate Ignatius docuit. Cur, inquiebant inter sese, cum hæc ita se habeant, & nostris tam multi non insistant his majorum vestigiis, & Petri apostolorum principis successoribus debitos honores minime deferunt? An Græci nostri recentiores antiquis illis patribus nostris magis sapiunt? Pro recentioribus stabant aliqui, pugnabantque, postquam ad Græcos Romanum imperium ab Constantino magno translatum est, cœperuntque imperatores Christiani ritu Græco vivere, translata quoque una ad illos esse B. Petri in regenda ecclesia auctoritatem. Affirmabant alii hæc usos olim præteritis temporibus Romanos pontifices potestate, sed ea, postquam errarunt, excidisse. Videbatur aliis Græcorum causa potior quam causa Romanorum, cum hi patriarcham a se unum habeant, illi quatuor. Varias eo modo abibant in sententias, cum advenerunt Latini sacerdotes ad datam horam, comite & duce Nicolao. Postquam suo quisque loco assedit, Audivimus, inquit *Nicolaus*, Romanos vestros pontifices nostris olim cura singulari & paternâ providisse ecclesiis. At idem fortasse ab Orientali ecclesia profectum est ad Occidentalem vestram beneficium, & patriarchæ nostri, temporibus quoque suis, de vestro judicarunt, & vestros vel deposuerunt vel restituerunt episcopos, expensa illorum post appellationem, ac decisa causa. Annales evolve, reposuit *Ignatius*, autores consule, quotquot ab condita ecclesia libros ediderunt vel catholicorum de numero, vel de grege hæreticorum. Nemo tradidit, nemini scribere venit in mentem, ullum e Romanis pontificibus ad sedis alterius patriarcham appellasse, aut e patriarchis aliquem Romanæ ecclesiæ providisse, cui Christus ipse per se satis providit contra portas inferi, ne prævaleant, cum scribant

Math. 16.

Dd ij

Romani
pontificis om-
nes iudicant,
ab omnibus
iudicantur.

cuncti Romanam ecclesiam consuluisset cæteris in orbe toto ecclesiis, ac de iis legitima autoritate iudicasse. Quo vel uno argumento, qui nulla anticipata opinione laboret, satis videat, Romani esse pontificis jus omnibus dicere, qui Christi ecclesia continentur, cum de religione aliquid statuendum. Sed minime hic opus est in re apertissima veritatem indagare conjecturis. Audiamus ipsa Spiritus sancti oracula, œcumenicas synodos. Sic habet Nicænæ canon v. 1. *Antiquæ consuetudines robur habeant, quæ in Aegypto, Lybia & Pentapoli, ut Alexandrinus episcopus horum omnium habeat potestatem; quia & episcopo, qui est Romæ, hoc est consuetum. Similiter autem & apud Antiochiam & apud cæteras provincias suis primatus seruentur ecclesiis.* Canon iste, inquit Methodius, nihil favet pontifici Romano, imo suam illi jurisdictionem describit, ut patriarchis aliis. Cum id vehementer negaret Ignatius, contraque Methodius affirmaret, Habemus hic, subiecit Nicolaus, exscriptos Arabicæ conciliorum canones in eo volumine quod *Librum legis* dicimus: operæ pretium erit canonem istum sextum perlegere. Accepit volumen Nicolaus, & ex ipso sic canonem recitavit. *Ou le yaltzem assenat elauuala ellari dakarnaba ou dakarouni elaba elauualoun leggamii men kan Bemesei ou Loubia ou Pentapolos aani barka ou eggabal, ou lejatiuu eskof Aßandaria lejakoun lahoun Iolsan aalathom kollehom leannahou bakem aala ggamaarethem, men aggel eskof Roumie aïdan lazem hade elaaide * ou yaltzem lahoun aïdan enyskoun mestoulouian aala kouarha ou Iakécha ou maouabaha aïdan fien lahoun erreiasa aala eggamaaa ou eggelous suon kchom ou elamr oulkalam faouk erroasa kollohom, oukadalek asdan lessaheb Antakié en yakoun mestaculian aala Iakéchi. Obliget omnes qui sunt in Aegypto & Lybia & Pentapoli, &c. Lex prima, cujus meminimus, memineruntque antiquissimi patres: Obediant Alexandrino episcopo, & ipse in eos omnes auctoritatem habeat. Est enim illorum iudex: quia & episcopo Romano fuit hoc consuetum, * atque necesse quoque est, ut ipse ejus (Alexandrinæ scilicet ecclesiæ) regionibus præsit, & locis iis quæ eatum sunt disioni subiecta: quia ipsius est præse ecclesiæ, & omnibus præsidere & imperare, & sententiam dicere supra omnes antistites. Similiterque Antiochenus patriarcha sua etiam*

* Scribe ex
vetustiore &
emendatiore
hac in parte
codicis Ara-
bico: Lazem
lehade elaa-
de.

* Vetustior
ille codex sic
habet: quia
Episcopo
hoc con-
suetum
est. Leon
alofkof la-
zem lehade
elaaide ou
yaltzem la-
hou aïdan

ditioni præst. Vides, inquit *Methodius*, Ignatium compellans, quam parum te hic canon juvet. Imo paria patriarcharum jura videtur facere. Quia enim pontifex Romanus suam habet ditionem, ubi autoritate summa præest; statuit idem quoque juris Alexandrino & Antiocheno patriarchis esse debere. Prius tibi quam respondeam, inquit *Ignatius*, velim abs te scire, an synodus illa Nicæna prout hoc in libro descripta est Arabico idiomate, sic apud vos admittatur, quasi veram religionis christianæ doctrinam complectatur, ut ab illius discedere placitis perinde sit, atque ab orthodoxorum cœtu. Sic existimamus, inquit *Methodius*, tantoque habemus librum illum in pretio, ut librum legis illum, non alio nomine vocemus, & multi negent laicis hominibus legere hunc licere: adeo sacer est nobis. Bene est, reposuit *Ignatius*: mihi notus est jam pridem liber ille. Jam mihi canonem Nicænæ illius cccxviii. patrum synodi: canonem, inquam, profer XLIV. & recita. *En yundor elbatriak elakul amren, amalbo, ahad mutharneo aon asaqseto febuldanhom ellari ouallouha, feen oueged menha schayan ala kbelaf ma yenbeghiselyeghayero ou yamerfih bema yera, lcenno hou abou giamiahom, ou hom benouh, ou ennema elmuthran firiseto aleyhom, hou touqirhom ayah, bemanzelet elakh elkebir, elladi yeqaddemouno akoueto ou yougeboun haqgo ou raeto behafon sfaseto ou kobro ala kul men rahit yedo, fikedalck yekoun lefahheb Roumie sulthan ala siyer eltpatriarchie mest Botros fima kan lo men essulthan ala gamia eltelamid. lcen sayedna elmesieh aathab hade elruibe elgialile fe yekoun lo sulthan ala giamia rouafa elnosranie ou gemaat ahlha lcenno hou khalfet elmesieh ala beyato errasoulie ou knayeso elelahye ou schâoubo errouhanie. fe men khâlaf hade elsenne segemaat elsynodos tehremo.* Inspiciat patriarcha quidquid archiepiscopi & episcopi sui sibi subiectis in regionibus egerint. Et si quid reperiat contra gestum atque oporteat, immutet illud, & præcipiat quod sibi e re esse videbitur. Est enim omnium pater, & illi ejus sunt filii. Archiepiscopus vero ita illis præest, & ab iis ipsi habetur honor, quasi qui frater major est, quem sibi fratres alii anteponunt: atque eidem jus suum debent & obedientiam præstare, quantum exigit ipsius dignitas & regendi munus. AD HUNC MODUM QUI

en yakoun
mesiaouian
âala kour-
hi. Et ipse
debeteriam
ejus (scilicet
Antio-
cheni) re-
gionibus
præstet. Vbi
nota pontifi-
cem Roma-
num solo e-
piscopi nomi-
ne designari,
quia cen-
trum est &
spons sacerdo-
talium unita-
tis & ordi-
nis.

Romam habet, ea in omnes patriarchas autoritate pollet, qua in discipulos omnes Petrus gaudebat. Dominus enim noster JESUS-CHRISTUS hac illum gloriosa dignitate donavit. Sit illi imperium in omnes christiane religionis antistites & populos: successit enim Christo vicarius in administranda apostolica ecclesia, & divinis suis ecclesiis & populis suis spiritualibus. Et quisquis hanc legem infregerit, anathema illi synodus dicit. Quid dicis tu, o Methodi, inquit Ignatius? An paria sunt Pontificis Romani & aliorum patriarcharum jura? An ita canone VI. definitum est? An sextum evertit quadagesimus ille quartus? & eo loci, absit verbo invidia, oblitus est Spiritus sanctus, quod antea decreverat? Mihi crede, non dissentit a se ipso sanctus ille veritatis Spiritus. Belle conveniunt canones illi duo, si vis sextum obscuriorem, quadagesimo quarto deserto & plano interpretari. Erubuit hic valde Methodius, & prope abfuit, quin Nicolao abbati propter allatum librum irasceret. Certe illum oculo torvorum intuitus, cum siluisset aliquantulum, Perge, inquit, Ignati, & quod habes dicere, palam facito. Canon ille VI. subjecit Ignatius, in synodo IV. nemine refragante, ad pontificis Romani autoritatem alia omni superiorem confirmandam adductus est, ubi maxime refragandi tempus & locus erat, ut paria posse haberi secundo saltem loco cum pontifice privilegia, & tribui ab concilio posse, Constantinopolitani probarent. Ergo luculentum est pontificiae potestatis testimonium. Non esset autem, si illud (*quia & episcopo qui Romae sedet, hoc est consuetum*) sic intelligas: *Quia & episcopo Romano hoc consuetum est, ut ipse etiam suis in paribus possit.* Hinc enim Alexandrini & Antiocheni aequalitas, nihil aliud demonstraretur. Deinde nullus subesse potest his verbis sensus qui recte congruat, nisi iste, qui planissimus est. *Horum omnium Alexandrinus habeat potestatem, quia & episcopo Romano hoc est consuetum, ut horum omnium Alexandrinus potestatem habeat.* Est enim vis pronominis, Hoc, ut quod proximum est, demonstret. Quasi diceretur: Duas ob rationes Alexandrinus horum omnium habeat potestatem, quia & consuetudines antiquae servandae sunt, quia etiam episcopo Romano, (qui, ut loquitur Chal-

cedonensis synodus, omnem primatum habet) consuetum hoc est, ut sinat Alexandrinum jure illo frui. Quod satis intelligitur ex Arabici interpretis versione. Refert Abrahamus Ecchellensis e Libano Maronita in suo de origine nominis papæ libro lectiones canonis hujus varias variarum nationum. Æthiopica plana est, nam istud nostrum, *quia episcopo Romano hoc consuetum est*, vertit, *quia Romanus patriarcha talia sic jubet*. Non multum abscedit, quæ Maronitarum est, *quia*, inquit, *episcopus Romanus huic adheret consuetudini. Lazam lehadé elaadé*. Vel potius obligat hac consuetudine. Sic enim accipi verbum *lazam*, constat ex canone v. i. concilii V. ex minoribus, quod Antiochenæ in ecclesiæ encæniis *yakanía* habitum est. Quicumque, inquit, ingressu ecclesiæ prohibitus interdicto episcopi fuerit, nemo illum nisi suus episcopus suscipiat. Si cum autem suus episcopus admiserit, aut si ad synodum, ubi coacta est, veniat, & excuset, & veniam obtestetur, concedatur. Id vero nisi fiat, magis abscondatur. Hæc autem sanctio sacerdotes, unaque laicos pariter obligat, *ou hada elhadd lazem elkahna oueleclmaniin ggamiaan*. Unde dubio procul intelligimus verbum *lazam* reddi Latine posse, & hic debere, obligandi verbo. Accedit quæ Jacobitarum est explanatio, *quia sic consentaneum est episcopo Romæ successori D. Petri, cum & ipse quoque præsit omnibus ejus provinciis*. Non aliter Græca quæ Melchitarum dicitur. *Leennabu hakedaouegeb lesqof Roumié, khalifel mayboiros ou hou musallathan ayedan ala kal beládha*. Sequuntur in eodem Nicænæ synodi canone v. i. hæc verba : *Similiter autem & apud Antiochiam*, &c. quasi etiam diceretur : Eisdem duas ob causas apud Antiochenam & cæteras provincias suis primatus servetur ecclesiis. Certe ante primam synodum distributas habebant provincias suas Alexandrinus, Antiochenus, aliique antistites ex antiqua, ut refert canon, consuetudine. Dic : A quo ? Non a seipsis; non ab synodis. Habebant ab Romano pontifice Petro, qui ecclesiam utramque, Antiochenam scilicet & Alexandrinam, condidit, & variis ad libitum nobilitavit privilegiis. Hoc saltem Alexandrino antistiti tribuit, ut Antiocheno antiquiori præiret. Porro Athanasius vi decretorum Nicænæ synodi

ad Julium I. appellavit. Et editos fuisse in Nicæno concilio canones, quibus data ab Christo pontificibus Romanis autoritas firmaretur, scribit S. Leo epist. 23. ad Theodof. August. in qua asserit, *canonum Nicæe habitorum decreta testari, quam necessario debeant esse irrita pseudosynodi Ephesinae acta post appellationem sedis apostolica ab legatus suis & S. Flaviano interjectam.* Festino de synodis aliis pauca referre. Synodi II. episcopi se mandato Romani pontificis, vi litterarum ejus convenisse profitentur apud Theodoret. l. 5. Hist. c. 9. Tertia synodus argumentorum plena est, quibus Romani pontificis in ecclesiam omnem jurisdictio confirmatur 1. parte concil. c. 14. Scribit ad Celestinum papam Cyrillus, *necessario admonendum esse Romanum episcopum de rebus gravioris momenti, ubi maxime fidei rectitudo labefactatur.* Et sub epistolæ finem, *Non prius, inquit, ab illius Nestorii communione abstinemus, quam hæc pietati tuæ nota faceremus. Ne igitur dedigneris statuere quod placuerit, & an communicandum cum illo sit, an vero libere ei denuntiandum, neminem communicare cum eo qui ita sentiat & doceat. Tua porro pietatis sententia omnes per litteras notificanda est reverendissimis Macedoniae episcopis, & cunctis Orientalibus.* Celestinus Cyrillo pro votis respondit, suaque illum autoritate munivit, ut synodo præfesset, ac Nestorium, si contumax obfisteret, sede deponeret. Contumacem prius damnavit synodus, quam pontificii legati, Arcadius, Projectus, & Philippus accederent. Voluerunt palam sibi fieri, quæ fuerant decreta, ut si legitima essent, ea approbarent. Ita factum est. Idem minime concessum Joanni Antiocheno, & aliis Asiæ episcopis. Philippus diaconus quid dixerit, commemoravimus superiore loco. Pronuntiavit Petri auctoritatem in Romano pontifice perseverare. Admiserunt omnes, ab nemine inficias itum est. Quarta synodus quæ, ut ait Marcianus imperator, S. Leone autore coacta est; quarta, inquam, synodus in sua ad Leonem papam epistola, hoc maximum in Dioscoro hæretico blasphemus, adulterus, incendiarius, homicida, scelus agnoscit, quod in ipsum, *cui vineæ custodia demandata est a salvatore, furorem extendit, nempe in S. Leonem, cui ausus est anathema dicere.* Hæc deinde addit:

Plane

Plane scientes apostolicum in vobis quidem radium, sepe vero ad Constantinopolitanam quoque ecclesiam more vestro curam gerentes, illum sparsisse, eo quod consueveritis bonorum vestrorum participatione vobis conjunctos abunde ditare. Et infra: Agnoscetes omne egregium natorum factum recurrere ad proprios parentes. Rogamus ergo decreto tuo nostrum honora judicium, & sicut nos CAPITI consensum præbimus in re præclara, ita & VERTEX adimpleat FILIIS quod præclarum est. Animadvertisti ecclesiam omnem in œcumenica synodo agnoscere summum pontificem Romanum ut caput suum, suumque patrem. Propero. In hac celeberrima synodo DCXXX. patrum act. I. Paschasius episcopus papa vicarius, cum stetisset in medio cum collegiis suis dixit: Beatissimi atque apostolici Romæ episcopi mandata habemus, quibus præcipere dignatus est, ut Dioscorus non sedeat in concilio: quod si tentaverit, ejiciatur. Et rationem postea reddit: Quia personam judicis arripuit, quam non habebat, & celebrare synodum ausus est, sine impetrata facultate a sede apostolica, quod nunquam factum est, nec fieri licet. Et cum Ægyptii præsules nollent Theodoretum admitti, senatores dixerunt: Ingre diatur & reverendus Theodoretus, quoniam illi Leo sanctissimus archiepiscopus restituit episcopatum. Deus bone! exclamavit hic Nicolaus, quantum patres illi nostri Romano papæ deferebant obedientiæ & honoris! Præcipit papa ne admittatur tantus patriarcha, quantus erat Alexandrinus, & synodo præcipit œcumenicæ, & œcumenica synodus, id est, ecclesia tota obsequitur! Nolunt recipi Theodoretum: ubi audiunt ab papa suum illi in Oriente restitutum episcopatum, nihil morantur, ipsum admittunt. Fatentur sine facultate papæ synodum haberi legitimam non posse: papam vocant caput suum & patrem. Quid posset ab Romanis ipsis majus, honorificentiusve excogitari & dici? & erat synodus illa DCXXX. patrum! Et aderant non Orientales modo antistites, sed augustus ipse Marcianus & augusta Pulcheria, & imperii principes nationis suæ & dignitatis amantissimi, ut contenderint Constantinopolitano episcopo privilegia in Oriente paria Romani papæ juribus ab pontifice summo S. Leone impetrare! Sed perge, Ignati. Ante synodi V. convocationem plures ex Oriente provinciæ apud Felicem pa-

Ec

pam de Petro Antiocheno datis litteris conquesti sunt, postularuntque, ut ejus excinderet hæreses. Testatur hoc ipse Felix in epistola sua ad Petrum illum Antiochenum patriarcham. Quinta vero illa synodus cum non haberet in condemnatione trium capitulorum, quæ erant Theodori Mopsuesteni, Theodoret, & Iba scripta quædam, consentientem Vigilium papam, non ausa est quidquam, quemadmodum fieri solet erga patriarchas alios, contra ipsum pronuntiare. Nec legitimæ autoritatem synodi prius habuit, quam a Romana sede rebus bene exploratis est probata. Quia, ut recte docet synodus VII. *lex synodorum est, ut Romanum pontificem cooperatorem habeant.* Quomodo, inquit act. 6. sit magna & generalis Iconomachorum synodus, quæ non habuit cooperantem illius temporis papam, vel sacerdotes ejus, neque per legatos, neque per encyclicam epistolam, ut postulat *lex conciliorum*? Hæc ubi unquam de cæteris patriarchis dicta? In III. synodo nulla habita est Constantinopolitani & Antiocheni ratio: valuit vel invitis ipsis: e IV. ejectus est Alexandrinus, atque e VI. Antiochenus expulsus. Sexta ista synodus in Prosphonetico ad Constantinum imperatorem testatur synodos œcumenicas, quas omnes enumerat, fuisse autoritate pontificis Romani congregatas. Scribit Constantinus imperator in epistola ad Leonem papam in hæc verba: *Christi oves in unum gregem redeimus, quæ ab uno & solo pastore bono pascantur, quocum & vos pascere jussi estis, & animam pro ovibus ponere. Ergo viriliter age, & confortare & accingere verbi gladio, & firmus pietatis stæ propugnator, omnemque hereticum auditum atque doctrinam pracidere stude, sicut & Petrus olim Judaici auditus sensorium gladio percutiens abstulit. Attolle securim spiritus, & omnem arborem ferentem fructus hæreseos, vel institutionibus transplanta, vel canonicis pænis excinde, & igni futura gehennæ trans mitte. Hortamur porro vestram serenissimam summitatem, ut quamprimum mittat, quem designare solet apocrisarium, ut is in regia & a Deo conservata nostra urbe degat, & in emergentibus sive dogmaticis, sive canonicis, ac prorsus in omnibus ecclesiasticis negotiis vestra sanctitatis personam referat.* Commemoravimus in superiore colloquio quam

pie atque ex animo hæc sancta synodus Agathonis papæ litteras dignitatis atque autoritatis pontificiæ testes exceperit. Septima denique synodus, ne plura accumulem, testatur, *non esse synodum, eam, cui non cooperetur Romanus pontifex.* Tarasius Constantinopolitanus patriarcha papam scribit *oculum esse ecclesie, qui toti corpori rectam veritatis viam ostendat.* Hadrianus papa aët. 2. in suis ad imperatorem litteris ait, *longa pravalente instantia, tandem autoritate sedis apostolicæ, Constantinopolitanam habuisse, ut esset secunda.* Lecta est item ejusdem papæ in eadem aët. epistola synodica ad Tarasium, in qua exponitur etiam summi pontificis autoritas, & docetur, *Romanam ecclesiam caput esse ecclesiarum omnium.* Quæ cum esset perlecta, Petrus & Petrus locum tenentes sanctissimi papæ veteris Romæ Hadriani dixerunt: *Dicat nobis Tarasius patriarcha regia urbis: Consentit-ne litteris sanctissimi papæ, an minus? Tarasius patriarcha respondit: Nos patrum præceptis imbuti sic confessi sumus & confitemur, concordamus, & vim litterarum lectarum confirmamus, &c.* De iisdem litteris: *Sancta synodus respondit: Sequimur, & probamus.* Quæro jam: An religione Græcus orthodoxus est, qui cum sanctissimis illis patribus non exclamat: *Sequimur, recipimus, & probamus.* Si qui tum rerum status erat, inquit *de turba unus*, nunc idem perseverat, nemo nostrum est, qui statim pariter non exclamet: sed forte prohibet aliquid, de quo sciscitabimur, cum rationum momenta protuleris, quibus te pontificis demonstraturum autoritatem pollicitus es. Venio igitur, reposuit *Ignatius*, ad rationum pondera, & ad pondus sanctuarii exigam omnia: singula enim e divinarum scripturarum deducam sententiis. Ac primum, hoc constat, ecclesiam ab Christo, corporis unius adinstar, constitutam esse. Corporis autem unius, nisi monstrum est, unum est caput. Dic, amabo, quisnam in ecclesia caput illud est. Ecclesiæ caput, inquit *Methodius*, nullum novimus, nisi Christum. Ergo, reposuit *Ignatius*, ecclesia tibi monstrum est, corpus scilicet aspectabile sub invisibili capite. Sed quod non nosti, noverunt patres vestri modo laudati in Ephesina maxime & Chalcedonenſi synodis, ut ex allatis antea testimoniis liquet: noverunt & qui libros vestros ecclesiasticos con-

*Necesse est
totius eccle-
siae aspecta-
bile aspecta-
bile caput no-
num esse.*

cinnarunt, ubi sæpe discipulorum caput Petrus dicitur: novit Paulus 1. Cor. c. 11: qui postquam Christi ecclesiam corpus esse unum docuit, mutuam membrorum omnium inter sese consensionem ac dependentiam exponens, qui in illo ecclesiae corpore caput est, cum scribit pedibus dicere non posse: *Opera vestra non indigeo*. Certe caput illud Christus esse non potest, cum possit pedibus, id est, christianorum minimis dicere; *Opera vestra non indigeo*. Quæro: Si quis Antiochenum patriarcham ecclesiae caput appellet; num vere illum appellat? Si ita est, inquit *junior nescioquis Græcus monachus*, ecclesiam ipse tu monstrum facis capite multiplici. Tor enim erunt capita, quot patriarchæ & antistites. Membra corporis singula, reposuit *Ignatius*, si seorsim illa spectas, suo capite prædita sunt, id est, parte aliqua prima & superiore. Sic enim brachii caput pars illa dicitur, quæ proxime collum attingit. At si in toto ista corpore conjunctim aspicias, rationem amittunt capitis, quia desinunt esse pars prima & superior: sed tum capitis nomen obtinet membrum illud, quod toti corpori cum emineat, in ejus partes omnes vitæ spiritum influit. Sic in ecclesia Christi, si privatas seorsim ecclesias consideres, patriarcha quilibet, & quivis antistes caput ecclesiae suæ est: at si ecclesiam in genere omnem complecteris, caput ejus aspectabile unum est Petrus, seu Petri successor. Neque hac responsione, opposuit *monachus ille junior*, potes evadere. Ecclesiae enim corpus saltem biceps facis. Caput scilicet ecclesiae Christus est, &, ut videtur tibi, caput etiam est Petri successor. Visibilis ecclesiae, reposuit *Ignatius*, visibile caput unum est Petrus, seu potius Christus in Petro, vel Petri successore. Est enim Petrus vicarium duntaxat caput. Quare si nomen illud strictissima significatione usurpes, caputque appelles, quod per se & quasi ex natura rei tale est, Christus unus caput est ecclesiae suæ. Quod si loqui placet cum Paulo apostolo & sanctis patribus, caputque appellas, quod in re sic primum est atque eminet, ut habeat sibi subiecta alia, quæ secum connexa sunt, eaque regat, merito jureque Petrus, vel ejus successor ecclesiae caput dicitur, quia ejus est ecclesiam Christi, quanta est, in orbe terrarum totam inspicere, cura-

re, dirigere; ut mox librorum vestrorum, Patrumque ac conciliorum testimoniis demonstrabam. Atque ut hoc tibi exemplo facili persuadeam, non nescis in sacro codice ecclesiam, quæ Christi sanctissima & purissima sponsa est, bene ordinati similitudine exercitus describi. Quod si igitur ponamus, multos esse v. g. duces in exercitu aliquo uno, eosque quatuor præfectis seu tribunis castrorum subditos, & tribunos illos viziro seu principi, qui toti exercitui imperat, parere; ecclesiam exemplo viziri absente rege exercitus imperatorem & caput dicimus. Regem enim persona sua refert. Exercitus autem cum quatuor in partes divisus sit, uniuscujusque partis sibi subjectæ tribunus dicitur caput. Ac partium illarum quatuor cum sit distributa quælibet varias in turmas & phalanges, quibus duces minores præsent, uniuscujusque turmæ qui dux est, ejusdem habetur & appellatur etiam caput. Hic tamen exercitus, ubi tot capita censentur, unus est sub uno capite & principe viziro, quocum collati alii, non jam capita, sed membra sunt. Ad hunc ferme modum ecclesia sancta una est & unus exercitus. Caput ejus proprio nomine, & potissimo jure Christus est. At quia minime jam adest aspectabili forma, nomen capitis ei addixit, quem sui vicarium præsidem in ecclesia constituit. Patriarchas sacri hujus exercitus principes tribunos merito dixeris, episcopos vero turmarum minorum duces. Singulis convenit capitis nomen, sed cum primo aspectabili capite, quocum ecclesiæ constant corpus, compositi, totam in illud capitis rationem a se refundunt, suntque sub illo sanctissimi hujus corporis partes primariæ. Sic ecclesia ovile unum est, & unus ovilis hujus est pastor, teste ipso Christo. An quia pastor ille unus, Christus est, non sunt in ecclesia pastores alii? Multos tamen memorat Paulus Eph. 4. 11. Et Christus ipse sui loco Petrum agnorum suorum & ovium creavit pastorem. Quemadmodum igitur pastor ecclesiæ suæ, sic Christus unus est, ut tamen ejusdem pastor sit Petrus vicaria dignitate; Petrus pariter vices Christi gerens in ecclesia, ecclesiæ caput est, quamvis caput ecclesiæ unum sit Christus.

Ecclesia totius pastor unus est.

Denique ne litem moveamus in verbo : cum Patres , cum concilia , cum Græci , cum Latini Petrum , vel ejus successorum caput ecclesiæ dicunt , hoc unum significant , in pastoribus ovilis christiani Petrum esse principem , *πρωτεύων* , ejusque esse seu successoris ipsius totum ubique corpus ecclesiæ , fratrum suorum , id est , patriarcharum aliorumque antistitum adhibita opera regere . Hoc igitur aio , hanc Petri & successorum ejus autoritatem qua caput ecclesiæ sunt , qui rescindit eum mysticum illud sanctissimumque corpus suo capite minuere , efficereque ecclesiam corpus visibile , sine visibili capite . Intelleximus , inquit *Nicolaus* : jam perge . Deinde , subjecit *Ignatius* , primatum hunc & autoritatem qui rejicit , nescio an ullam relinquat conservandæ in fide unitatis viam . Ad hoc enim necesse est præfici cum summa potestate unum aliquem , quem omnes audire teneantur . Id vero ut palam fiat , ponamus inter Alexandrinum & Constantinopolitanum patriarchas dissensionem in fide evenisse , uti re vera incidit S. Flavianum inter & impurum Dioscorum . Si contendimus neminem esse in ecclesia cæterorum caput & judicem , qua dignosci ratione poterit autor nefarii dogmatis ab eo qui fidem rectam proficitur ? Quæ ratio erit ineundæ concordæ ? Scribet , inquit *Nicolaus* , scribet contra Dioscorum Flavianus , & execrandam ejus opinionem petitis ex evangelio testimoniis profligabit , & si opus est , coget synodum , & Dioscorum damnabit . Verum , reposuit *Ignatius* , scribet etiam contra Flavianum Dioscorus , & illum evangelicis verbis ad suam mentem detortis sic oppugnabit , ut sibi vincere videatur , collecta quoque suorum synodo gravem dicet in Flavianum sententiam . Fateor , inquit *Nicolaus* , privatis illis synodis , & scriptis nihil fiet . Sed uterque unam in synodum cum cæteris patriarchis , Antiocheno scilicet atque Hierosolymitano , conveniet , & ex plurium consensu veritas apparebit . Sic olim gestum est , respondit *Ignatius* , & apparuit non veritas , sed falsitas , vicitque error . Convenerunt Ephesum quatuor illi patriarchæ , Dioscorus Alexandrinus , S. Flavianus Constantinopolitanus , Domnus Antiochenus , Juvenalis Hierosolymitanus , & patres cum iis c c c c . Patriarchæ illi

Ecclesia esse una non potest , nisi uno capite constituta .

omnes, S. Flaviano excepto, patres illi cccc. ferme omnes assensu sunt Dioscoro, definieruntque contra Christi fidem, naturam esse in Christo duntaxat unam. Quid factum esset, nisi Leo magnus Petri successor sua, qua pollet in ecclesiam omnem, autoritate usus, latrocinantium rescidisset synodum, damnatoque Dioscoro, quid sentiendum esset de duplici Christi natura, divina scilicet & humana, tum per se, tum per œcumenicum quod Chalcedonem indixit concilium, docuisset. Adde, inquit *Romanus*, si ad continendam in singulis orbis partibus christianos inter concordiam, necesse fuit institui patriarchas, quibus subessent archiepiscopi, cæterique cum sua plebe antistites, ad quos jus appellandi esset omnibus, quorum audire mandata tenerentur omnes; desiderari pari, imo potiori ratione in ecclesia tota unum qui amore paterno & summa autoritate omnes complexus, abscindi ab sese invicem patriarchas, eorumque ecclesias minime pateretur. Tertio, ait *Ignatius*, qui primatum Petri & autoritatem quam ab Christo in omnes christianos accepit, ait desiisse, is eam quam Christus instituit, ecclesiam desiisse pariter; necesse est ut affirmet, eandemque neget nunc esse apostolicam. Quam enim Christus condidit ecclesiam, totam voluit esse sub unius regimine; qui pastor esset omnium quos Christi grex comprehendere. Atque is fuit ecclesiæ status non apostolorum modo ætate, sed consecutis postea temporibus, ut innumeris demonstravimus Patrum, conciliorum, & Annalium testimoniis. Ecclesia porro Christi si desuit, jam christiani non sumus, & mentimur quoties ecclesiam, in qua versamur, dicimus apostolicam. Quarto, quicumque debitam Petro; ipsiusque successoribus obedientiam excussit, seque ab ea subduxit, se quoque subduxit ab Christi grege. Christus enim Petrum constituit gregi suo pastorem, cum ait, *Pasce agnos meos, pasce oves meas*. Quare quem non pascit Petrus, is Christi de grege nequaquam est. Quinto, Christus ecclesiam (qui ipsius est in illam amor) sic instruxit necessariis rebus, ut nihil deesse voluerit, quod ad sui conservationem merito exigeret. Ad hanc autem illius conservationem ipso apostolorum tempore, necesse esse Christus existimavit, ut eccle-

*Quinque
Petri seu
pontificis Ro-
mani pri-
matum, is
ecclesiam de-
struit.*

suae pastorem unum, qui orbi praesset universo, consti-
tueret; quamvis ætate illa christiani pauci essent, & omnes
fere ab apostolis exculsi, & virtute miraculorum præditi, &
visibili Spiritus sancti illapsu corroborati in fide. Si hoc
tum necesse, quanto nunc magis, cum christiani numero in-
numero jam existant, deferbuerit fidei ardor, & prodierint
haeretici multi subdoli & nefarii, qui opera omni depravant
fidem: quanto, inquam, nunc magis est necesse, ut existat
pastor unus, quem audire ecclesia tota debeat? Non desunt,
inquit, *Methodius*, christianis sui patriarchæ & episcopi,
ab quibus pascantur. Neque deerant, reposuit *Ignatius*, pri-
mis ecclesiæ temporibus apostoli, patriarchis & episcopis
merito, virtute, & gradu ipso superiores: at exigebat ta-
men tum temporis ecclesia pastorem unum, qui ejus utilita-
tes curaret. Quid tot, ait hic *Romanus*, persequeris argu-
menta? Nobis christianis Christi & Patrum autoritas omni
ratione potior est: & cum in suis Græci libris toties obser-
vent Romanum pontificem universam ecclesiam administra-
re, & omnes illi parere christianos, atque ipsos etiam pa-
triarchas; haud scio an gratus accidat reverendis illis pa-
tribus tuus hic prolixior sermo, quasi ipsi rem certissimam
vocent in dubium, tuque illos ad patrum suorum revocare
fidem pertendas. Erat, inquit *ex assidentibus Græcis unus*,
erat: Romani pontificis imperare, & toti præesse ecclesiæ,
cum Romani imperii moderator sedem habebat Romæ: sed
postquam in Orientem translatus est a Constantino magno
imperium, huc quoque, ut ita loquar, religionis advolutum
imperium est. Arrisit *Ignatius*, & Video, inquit, eorum te
oblitum quæ in legendis ecclesiæ Annalibus didicisti, nec sa-
tis ad ea quæ retulimus ex Græcorum libris, attendisse.
Non modo enim religionis imperium cum imperio mundi
Constantinopolim non transtulit Constantinus: sed ideo se-
dem mundani imperii illo transvexit, ne ubi imperabat in
suo vicario Romano pontifice, & religionis negotia mode-
ratur. Christus Dominus, ibi mundi ipse imperium Chri-
sti famulus teneret. Petat hoc ex Constantini rescripto,
quo Romam & adjacentes regiones pontificibus Romanis
cum corona sua & purpura legavit. Deinde post translatus

Constan-

*Sedes apo-
stolica non
est cum im-
perio Con-
stantinopo-
lim transla-
ta.*

Constantinopolim imperium, aut potius imperii Romani solium nunquam habere in universas Christi ecclesias auctoritatem Constantinopolitani antistites præ se tulerunt, imo nec Constantini ætate in patriarcharum numero habiti sunt. Auctoritatem hanc œcumenicam semper habuisse & habere se Romani pontifices verbis factisque ostenderunt, eamque reveriti sunt patriarchæ omnes, & Constantinopolitanus maxime. Athanasius magnus Alexandrinæ ecclesiæ patriarcha cum cæteris Ægypti patriarchis in ea quam omnium nomine dedit ad Romanum papam epistola, *dominum illum appellat apostolici verticis & throni, & totius ecclesiæ papam, & Romanam ecclesiam proficitur omnium mundi ecclesiarum matrem & caput.* Vide Theodoretum & Socratem Græcos, & utrumque lib. 2. Singularem Cyrilli Alexandrini erga Romanum pontificem observantiam declaravimus superius. Joannis Chrysostomi Constantinopolitani patriarchæ ab tumultuaria synodo damnati ad Innocentium papam appellationem, & vibratum ab eodem Innocentio in imperatorem Arcadium ejusque assecelas anathema, & concessam pœnitenti principi ab ipso veniam nemo nescit. Depositos ab Romanis pontificibus pro merito criminum patriarchas, & restitutos alios probata innocentia tum Annalium referunt scriptores, tum Græci in officio suo ecclesiastico recitant; idque post translatam & positam in Oriente sedem imperii. Præterea quis audit unquam, & ubi ab Christo vel Patribus dictum est, ecclesiæ statum ab imperiorum pendere fluxa & volubili fortuna, ut mutetur mutato imperio? Denique si ibi est religionis imperium, ubi Romanus imperator christianus dominatur, certe is jam apud Latinos regnat. Sed apage puerulorum ineptissima illa dicta, & imperitorum nihil sapientium somnia. Hoc nobis est satis, post translatam imperii Romani sedem, celebrata esse in Oriente concilia plura, quorum e testimoniis nuper allatis patet ab ecclesia universa pontificem Romanum habitum esse christianorum omnium *patrem & pastorem.* Id nominis & potestatis, inquit *monachus quidam senior*, tum dabant gratuito pontificibus Romanis concilia, id est, communi consensu christiani omnes: atque adeo quidquid id est auctoritatis, non

Vide Matth. Xigalam in sua vita quædam dicitur in regni ecclesie.

Iure divino Romanus pontifex ecclesiam universam regit.

alio quam humano jure ipsis cum sit concessum, mutari potuit & aboleri. Qua in synodo, quæsit *Ignatius*, quo tempore, quæ de causa jus illud mutatum & abolitum est? Quin imo ipso decursu temporis magis ac magis corroboratum & firmatum est. At minime id habent Romani pontifices Petri successores humano jure: habent Christi ipsius ore, agnos suos ovesque Petro concedentis, postquam illi claves regni cælorum tradidit, & petram illum instituit, in qua suæ fundamentum ecclesiæ poneret, quamque labefactare & evertere vis nulla posset, vel inferorum. Quod si Petrus id ab Christo juris obtinuit, obtinent & successores. Successoris enim & antecessoris causa una est & eadem. Num audiebas modo e litteris Hadriani papæ, quas recepit septima synodus, Petri apostolorum principis auctoritatem *divino jussu* in successores ipsius derivatam? Num audiebas quartam synodum profitentem, *vineæ*, id est, ecclesiæ Christi custodiam *Leoni papæ a salvatore demandatam*? Num audiebas in sexta *Petrum per Agathonem loqui*, id est, quod accepit auctoritatis ab Christo Petrus, in Agathone esse: eoque sensu dici in tertia *Petrum in suis successoribus vivere & judicare*? Audi e Patribus omnium instar, unum Athanasium in sua ad Felicem II. pontificem summum epistola. *Novimus*, inquit, *in magna Nicæna synodo voce una unaque sententia episcopos CCCXVIII. decrevisse, ut si quis episcopus accusatus suspicatur metropolitam suum, aut ecclesiasticos alios judices suos, adverso erga se animo affici, possit tum appellare ad Romanam Petri sedem æquitatis plenissimam, cui Dominus ligandi atque solvendi potestatem, cum nomine proprio & præcellenti prerogativa supra alias tradidit. Iste enim thronus ab Deo firmatus soliditatem accepit immobilem. Quandoquidem Dominus noster Christus JESUS apostolicam tuam sedem delegit, ut dignitatum omnium exemplar splendidissimum & formam. Iste thronus tuus sacer ille apex est, ad quem volvuntur omnes ecclesiæ, ab quo nutriuntur & confirmantur omnes. Et quemadmodum in Christum christiani omnes, sic Petrus in petram, id est, Christum, & in te Petri omnes ecclesiæ de integro recumbunt. Quia vere, ut testatur scriptura, tu es Petrus, & in hoc tuo fundamento constructæ sunt & solidata columna ecclesiæ, id est, anti-*

stites, qui necesse habent firmare & humeris suis sustinere ecclesiam. Tibi suas dedit claves regni calorum, ut cum autoritate solvas quæ sunt super terram. Tu es everfor impiarum hæresum & omnium adversantium profligator, ut corypheus, qui magister es & caput omnium, & quasi fons orthodoxæ & purissimæ doctrinæ. Vides quemadmodum agnovit Athanasius pontificis Romani auctoritatem a Deo esse, quod & synodi œcumenicæ sunt professæ. Ut sit a Deo autoritas illa, inquit monachus ille senior, num deperdi potest, si peccent in fide Romani pontifices? Sit ita, reposuit Ignatius: si quis eorum ita peccet, autoritate illa decidat: sed qui in ejus succedet locum orthodoxus, eam a Deo accipiet. Ex eoque id patet, quod in qualibet patriarcharum sede plurimos fuisse & periisse hæreticos constet: unde, credo, non efficiis patriarchas omnes etiam catholicos omni jam carere autoritate.

At cum erraverint in fide multi & Constantinopolitanorum & Alexandrinorum & Antiochenorum & Hierosolymitanorum, nullus Romanorum pontificum unquam erravit.

Nemo pontificum Romanorum erravit in fide.

Nempe pro Petro, qui in suis successoribus vivit & judicat, ut habet synodus III. Christus oravit, ut non deficeret fides ejus; cui propterea præcepit, ut fratres suos confirmaret. Quamobrem sic Petrum in Menæo compellatis ad xvi. Januarii, qui dies ejus vinculis festus est: νόμος τῆς Χριστοῦ ἐκράτυνας, καὶ ὡς δογματῶν τῶν ἀνερμίων ἐδιδάξας ἀποστόλων ὡς κορυφαῖον, ὡς δογματῶν βάσις ἀσφαλῆς. Leges Christi confirmasti, & legum transgressores rectam eorum constitutionem observantiamque docuisti, ut qui apostolorum corypheus es, & dogmatum fidei immobile fundamentum. Item de Petri successoribus concinunt. De S. Sylvestro ad ii. Januarii: ὡς δεῖται κορυφαῖον ἱερὸν πατρῶν, τὸ ἱερότατον δόγμα ἐκράτυνας ἀίρετικῶν ἀποφασχῶν ἀδύνατα δόγματα. Sacratissimum confirmasti dogma, hæreticorum dogmata divinitatem evertentia rescindens, quippe qui divinus sanctorum Patrum princeps eras corypheus. Adverte, ex eo quod Petrus & Sylvester coryphæi, hoc illis tribui proprium, ut hæreses evertant. Non everterent autem, si eas vel suscipere possent, vel docere. Sic ad xviii. Februarii de S. Leone: πᾶσι ὁρθοδοξίας τῇ τῆς Χριστοῦ, πάνσοφῃ Λέον, ἐκκλησίᾳ τῷ ὅθιως φέρον ἀνίστησας.

ἡμεῖς κατέχουσι αἰρετικῶν τὰς ἀδείας ἀγλαῖαι φάλαγγας καὶ τὰ
 συστήματα. Columnam fidei orthodoxa, sapientissime Leo, impi-
 gre ac strenue ecclesie excitasti, quam illa amplexa, impias hæ-
 reticorum turbas & exercitus solvit ac dissipat. Et ad XIII.
 April. de S. Martino papa: τί σε νῦν, Μαρτίνε, θεωροῦμεν ἔχο-
 μεν; ὁρῶ δὲ δῶν διδασκῶν καὶ διηγητῶν πανευκλεῖ, κορυφαῖον ἱερὸν
 δογματῶν δειῶν, ἀψευδῶς τῆ ψεύδους ἀλυσίστατον κατήραρον.
 Quo te nunc nomine, o Martine, appellabo? Doctrina orthodoxa
 magistrum, & moderatorem gloriosum, sacrum divinorum do-
 gmatum coryphaum, mendacii verissimum sine errore condemna-
 torem. Coryphaeus autem, ut vim nominis advertas, is est,
 teste Aristotele libro de mundo, cui dicepti omnes ut princi-
 pi concinunt. καὶ δὲ ἐν χορᾷ κορυφαῖος κατάρξαντος συνεπηγεῖ
 πᾶς ὁ χορὸς. Quid ergo, inquit Methodius, sexta synodus
 Honorium papam hæreticis annumerat? Legitur, reposuit
 Ignatius, cum hæreticis enumeratus Honorius, non nego.
 Nego enumeratum ab sancta synodo. Si enim hæreticus
 fuisset Honorius, eoque nomine damnatus, quomodo in
 hac ipsa synodo Agatho pontifex Romanus in ea epistola,
 quem susceperunt sanctissimi Patres, assereret, 1. apostoli-
 cam Christi ecclesiam per Dei gratiam a tramite apostolica tra-
 ditionis nunquam errasse, vel hæreticis novitatibus depravatam
 succubuisse? Quia dictum est Petro: Ego pro te rogavi, ut non
 deficiat fides tua. Et tu aliquando conversus confirma fratres
 tuos. 2. Quomodo scriberet, predecessores suos dominicis do-
 ctrinis instructos (ex quo novitatem hæreticam in Christi im-
 maculatam ecclesiam Constantinopolitana ecclesie præsules intro-
 ducere conabantur) nunquam neglexisse eos hortari, atque obse-
 crando commonere, ut a pravi dogmatis errore hæretico, saltem
 tacendo desisterent? 3. Quomodo in hac ipsa synodo Constanti-
 ninus Pogonatus in suo ad Leonem II. qui Agathonem suc-
 cessit, rescripto, Gloria, inquit, gloriosa facienti Deo, qui fi-
 dem apud vos conservavit indepravatam, ἀπαρρηχέιστοι? quo-
 modo enim id facturus non erat in ea petra, super quam ipse
 fundavit ecclesiam, & portis inferi, id est, hæreticorum insidias
 nunquam succubituram predixit, ex qua tanquam e celorum
 convexis sermo vera confessionis efflueret? Itane dicere in hac
 synodo imperator potuisset, fidem in Romanis pontificibus,

Honorius
 pontifex nec
 hæreticus
 fuit, nec hæ-
 reticis ab VI.
 synodo an-
 numeratus.

& apostolica cathedra Dei singulari munere perseverasse indepravatam, si depravatam in Honorio fuisse sacra synodus dixisset? 4. Si hæreticus fuisset Honorius, & ab synodo damnatus, esset certe ab aliquo istius ævi scriptore hoc traditum. Nullus autem scripsit; ne Photius quidem, qui in suo de septem œcumenicis synodis libro, cum sextæ mentionem facit, meminit Cyri, Sergii, Pyrrhi, Pauli & Petri; ac de Honorio nihil notat, quem minime prætermisisset appellare, si appellandi vel minima causa extitisset. 5. denique, quis credat synodum sanctissimam contra jus omne peccasse? Peccasset enim, si Honorium damnaasset, non absentem modo, sed mortuum, auditis quæ recitatæ sunt, catholicissimis ejus litteris, nulla præterea habita quæstione. Unde ergo, ait *Methodius*, in synodi acta irrepsit? Quid mirum, reposuit *Ignatius*, hæreticos aliquos Honorii nomen inseruisse actis synodi? Neque enim novum illud & inauditum in Oriente. Testatur Athanasius magnus in secunda suâ ad Felicem papam epistola, corruptos Nicænæ synodi canones, qui de Romani pontificis autoritate erant conscripti. Et Gregorius, quem Dialogum dicitis, papa ille nobis vobisque ter maximus, l. 6. ep. 31. quam dedit ad Eulogium Alexandrinum, & Athanasium Antiochenum, scribit, non omnes synodi II. canones ab ecclesia recipi, quia dubio procul depravationem passi sunt. Gregorius idem lib. 5. ep. 14. ad Narsetem Constantinopolitanæ civitatis exarcham, ab Constantinopolitanis corruptam fuisse monet Chalcedonensem synodum. Et in illa ipsa VI. synodo, quam essent tunc temporis ad scripta sacratiora adulteranda prompti nefarii homines, valde patuit. Protulerunt enim Monothelitæ libros duos Vigilii papæ, & Menæ patriarchæ, quasi sanctissimi illi viri actionem in Christo unam agnoscerent. Hactenus audieram, inquit *Nicolaus*, Monothelitis adhæsisse Honorium. Et legere etiam potuisti, ait *Ignatius*, nunquam adhæsisse, idque tum in S. Maximi dialogo contra Pyrrhum, ubi eximius ille martyr Honorio ætate suppar, qui cum allocutus est, qui fuerat Honorio a secretis, ut testatur Theoph. Isaur. Hist. Græc. calumniam illam vehementer confutat; ante ipsa synodi VI. tempora; tum in Joannis

Quia ratio-
ne Honorii
nomen in
acta synodi
VI. inter hæ-
reticorum
nomina im-
missum.

papæ IV. qui tertius ab illo pontificatum gessit, litteris ad Constantium imper. datis, quas non tantum habes in Collectaneis Anastasii, sed etiam in ecclesiasticis scriptorum Arabum Annalibus, & in hoc quem ibi servatis, Legis libro, ubi litteræ istæ vocantur apostolicæ: *Ou en Youhanna elqaddis katab sehifé fischân hada elshek, ou ma kânet aleih men elmutqaddemin, ou yegib an elmetouaffi belaudre, ou hou Aonorius elbatriark, ou anfadha elaelmalek bel Konstantinié. Joannes Romanus patriarcha epistolam scripsit de hac controversia & veterum sententia, respondetque pro antecessore suo Honorio patriarcha, ipsumque allata excusatione purgat, docetque id tantum ab Honorio traditum non fuisse in humanitate Christi voluntates illas duas, carnis & spiritus, repugnantes, quarum sub lucta nos gemimus: etsi in eodux essent aliæ, humanitatis scilicet, altera divinitatis. Certe extant in synodi VI. actis epistolæ Honorii duæ, quibus unam in Christo voluntatem, & operationem unam dici prohibet. Quin vester ille Legis liber, etsi scriptum, docet Honorium cum hæreticis aliis, quod judicio suo peccaverit, seque illis accommodaverit; non audet tamen dicere hæreticum fuisse Honorium: verum ea quæ est ab synodo probata sententia, significari dumtaxat rectæ administrationis in ipso defectum. Reque vera rem gessit non satis strenue. Nimium enim verebatur sectæ utriusque assensibus displicere & facessere molestiam. Audi. Giamâ elsynodos elsâdes, fenadaron si megiaouret Sofronios le Kouros fa essefaou abou ha aye-dan, ou raou en ha hi elhaq seqadaou beha aleyh ou aougiabou hermo ou qathâou, ou en elhadaya lemma sâret men Kouros el Sergios, taasab mâou katabou Aounorios batriark Roumié leen-no kan asa errâi ou ouasaghom yerid bedalek naqs elsedbir. Coacta est synodus sexta. Inspexerunt Patres Sophronii adversus Cyrum contentionem, aquissimamque judicarunt, & ipsum omnino veritatem asserere. Hinc contra Cyrum sententiam dixerunt, illumque prænuntiaverunt dignum anathemate, & ab communione ecclesiæ segregarunt. Sergius autem missis ab Cyro muneribus labefactatus cum illo viros conjunxit. Honorium quoque Romanum patriarcham scripserunt, quia judicio peccavit, & ab ipsis stetit, id est, in recta rerum administratione defecit. Qua*

igitur via, inquit *Nicolaus*, Honorii nomen hæreticis adjunctum est? Ea, respondit *Ignatius*, qua synodi primæ & secundæ canones depravati sunt aliqui, dolo malo scilicet male de Deo sentientium hominum. Insertum existimant viri docti ab Theodoro Constantinopolitano patriarcha. Is cum e presbytero syncello & custode vasorum creatus esset novæ Romæ summus antistes, Monothelitarum hæresim audacissime propugnavit. Quo nomine Constantinus imperator eum e dignitatis gradu amovendum, & subrogandum in ejus sedem Georgium curavit. Sexta illum postea synodus cum antecessoribus suis episcopis damnavit, ut testantur Anastasius biblioth. in Agathone, & Theophanes Græcus. Et vero, cur ei pepercisset, qui & hæresim procacissime promoverat, & colligendæ synodi potissima imperatori causa fuerat, cuique & patres omnes, & imperatorem maxime esse insensos necesse erat? Post absolutam synodum, anno consequente mortuus est Georgius patriarcha, & in ejus locum ejurata in speciem hæresi, ut ait Niceph. in Chron. & placato imperatore restitutus est Theodorus. Visum est, ut ego suspicor quidem, imperatori e re catholica id esse, tum ut illustre resipiscendi exemplum palam efferret, tum ut alios similis veniæ impetrandæ spe ad catholicas partes alliceret. Utut sit cum synodalia acta evulganda, & Romam mittenda Theodorus accepisset ab hæreticorum se numero, eraso suo nomine, exemit, & Honorium papam sui loco inscripsit, sive ut vetus suum in Romanam sedem odium expleret, sive ut suis ea re gratificaretur Monothelitis, qui se tanto nomine maxime sustentabant. Nec mirum est acta synodi sic corrupta, cum Romam delata sunt, fuisse ab Leone II. suscepta. Et si enim græve videbatur in his actis dici contra jus omne Honorium hæreticum, eumque ab ecclesia Dei projici, qui sancte in ea mortem obierat, & primæ sedis episcopi judicari, qui omnes judicat, & a nemine judicatur; videbatur longe gravius universam rursus Honorii gratia conturbare ecclesiam, & animos Monothelitis facere, defenso, qui illis plus æquo faverat, hoc pontifice. Quin optimum factu censuit, si ad conterendos omnino Mono-

thelitas Honorium ipse durius perstringeret, non quod hæreticus fuit, sed *quod apostolicam ecclesiam apostolica traditionis doctrina non illustravit, & prophana prodicione immaculatam fidem subvertere conatus est*, cum conatus est silentium indicere utrique parti, ubi loqui valide oportebat; sive ut magis se explicat in sua ad Hispaniæ episcopos epistola, quod *flammam hæreticæ pravitatis non, ut decuit auctoritatem apostolicam, extinxit incipientem, sed negligendo conforvit*. Aliunde satis provisum apostolicæ sedis dignitati in hac ipsa synodo advertebat tum Agathonis papæ, tum Constantini imperatoris litteris, quibus pontificum Romanorum neminem errasse in fide apertissime scribitur. Egregie profecto vestra defenditis, inquit *e monachorum numero nescioquis*: sed una re videmur vobis Latinis superiores, quod a vobis stat patriarcha unus dumtaxat, Romanus scilicet episcopus, cum Græcis vero quatuor sunt. Quæro, subjecit *Ignatius*: Unde nosti quid patriarchæ sentiant? An apud te animorum omnes depoluerunt arcana? scis eos odisse, ac minime revereri pontificem? Qui nunc vobis præsunt, eos non novi; novi antecessorum multos datis ad papam litteris ejus veneratos esse, quam habet a Deo, universalissimam auctoritatem. Absit ut de patriarchis hodiernis minus recte sentiam. Quis credat viros illos, qui cæteris cum virtute, tum rerum ecclesiasticarum scientia eminent, ut eminent dignitate, nescire, quod in libris suis tam sæpe legunt, potestate divinitus adscita papam universæ ecclesiæ jus dicere; vel cum sciant, nolle tamen, aut ex obstinatione animi, aut turpi metu profiteri? Quid vero, si fateantur, timendum habent, cum nulla re jus illorum minuendum propterea sit, sintque pro more ad eorum arbitrium constituendi ab ipsis ecclesiarum præfides, & subjæctæ sibi regiones perinde administrandæ? An vero ipsis decedet quidquam, si habeant amicum papam, & sua cum illo conjunctione omnes inter se devinciant christianos, ut sint cor unum, & anima una, & ovile perfecte unum? Imo vero in ea concordia multum emolumenti est. Primum & maximum omnium & unicum quod spectare debemus, animæ salus, quam assequi ii non possunt qui schisma vel fovent, vel amant. Alterum

Patriarcha
universi Ro-
mano ponti-
fici non præ-
valent.

tum est, auxilia multa in afflictis rebus affutura. Neque enim amantes fratres frater maximus deseret: quæque apud Moscovitas reperiunt, hæc eadem & ampliora consequentur apud alios christianos; aliaque plurima quæ dicere omitto. Consentiant modo inter se Græci omnes, & sinant patriarchas suos bonos sine metu agere, tum quæ dixi, imo & dictis majora experientur. Quod si patriarchas Orientis ponamus (avertat autem Deus) minime consentire cum capite ecclesiæ, erunt ii, ut si cui regi fratres sint quatuor, qui vastis quibusdam provinciis ex lege & patrio more sub regia autoritate præsent, atque ii in regem postea insurgant, & detrectent imperium. Dic, amabo, id ipsis putas licere? Et qui illorum partibus sese adjungent, hos laudabis? Et asseverabis jure id ipsos facere, quia quatuor sunt, rex vero unus? Quæro etiam: Quando Dioscorus Alexandrinus patriarcha, & Domnus Antiochenus, & Hierosolymitanus Juvenalis confirmarunt in Ephesina prædatoria synodo Eutychianos errores, an necesse tum fuit, ut patriarchas illos sequerentur christianæ ecclesiæ, quia ii numero plures; & defererent S. Leonem papam qui in eos anathema dixit, ipsorumque errores coacta Chalcedonensi synodo profligavit? S. Leoni, inquit *Nicolaus*, omnino oportuit adhærere, & adhæserunt majores nostri, quorum vestigiis non modo tutum est insistere, sed necessarium. Superest, Ignati, ut perillustri aliquo exemplo pontificiam autoritatem illam demonstres. Multa jam sunt abs te allata, fateor, sed ea verbo uno enarrasti. Utere nunc prolixiore quodam sermone: nulla enim re magis cum delectamur, tum persuademur, quam exemplis. Narrat, inquit *Ignatius*, per vetus ille Annalium manuscriptus codex quingentorum annorum, mortuo patriarchæ Methodio successisse sacerdotem monachum Ignatium nomine, Michaelis filium illius, qui Nicephori imperatoris filia genitus fuerat. Contigit autem, ut cum die quodam festo in sacras ades accessisset imperator, quo vivificis communicaret mysteriis, ei se avunculus ipsius Bardas adjunxerit. Sanctam imperator quidem communionem percepit: at Bardas cum se quoque mensæ divinæ admovisset, ab Ignatio patriarcha repulsus est, quod esset Dei

legem gravi prævaricatus peccato. (nempe, quod hic prætermittit Annalium liber, ejecta uxore infante, fœminam sibi confanguineam acceperat, conjunxeratque matrimonio) Ignatio eam ob rem vehementer offensus Bardas perdendi illius ansam quærebat, & quodlibet ipsi damnum molitus, sua eum exturbare dignitate nitebatur. Hinc collecta sceleratorum hominum multitudo ad Michaelē imperatorem ingressus, his testibus, illum tentatæ in regnum proditiōis accusat. Imperator quod minime rebus attenderet, & facile sibi pateretur imponi, accusationem excepit, jussitque Ignatium in Terebynthum insulam exulare. Tum in regia plenam iniquitatis habuit synodum, qua suffectus in Ignatii locum Photius est. Noli, inquit *Romanus*, silentio præterire quid antea pœnarum perpeffus sit sanctissimus Ignatius. Cum enim patriarchatu abdicare se nollēt, conclusus in Copronymi sepulcro sævissimis hominibus custodiendus traditur. Unde cum viri probi opera evasisset, iterum comprehensus, vix credi potest quantis sit ipse exagitatus suppliciis, quam immaniter vexati sint omnes alii, qui ab illo pro jure stabant. Novi ego, reposuit *Ignatius*, quæ memoras omnia ab Græcis autoribus summa fide esse conscripta. At nihil huc afferō, nisi quod meus ille vetustissimus codex continet & quasi ad verbum. Tuum erit, si quid omittit, id enarrando supplere, quale istud est: Photium hunc e laico contra canonum præscripta fuisse sex dierum spatio creatum patriarcham. 1. enim die monachi donatus est habitu, 2. anagnostes factus, 3. subdiaconus, 4. diaconus, 5. presbyter: 6. denique die qui natalis erat Domini, in patriarcham ab Gregorio Syracusano episcopo excommunicato consecratus est. Sed redeo ad meum codicem. In Ignatii exitium Bardas ipso vehementius Photius incubuit, & in eum nefanda multa machinatus est. Plurimorum fidem cum pecunia corrupisset, fuissetque præmiis variis eorum testimonia mercatus, contestati illi sunt Ignatium sponte patriarchatu cessisse, cogente omnino nemine. Quo facto, sedem Constantinopolitanam, contra jus omne, adnitente Barda imperatoris, ut diximus, avunculo, invasit. Quod gestum est, Michaelē annum jam

quintum imperante. Tum canonum ecclesiæ violator ille Photius, non satis habuit, contra quam fas est, Dei legem prævaricando calcare: quin imperatorem præterea commovebat in Ignatium, aulicos & principes muneribus multis sibi obligabat, quo ab principe impetraret, ut Ignatio secundum in insulam Mitylenem exilium decerneret. Hinc ille synodum impiam adversus Ignatium in Blachernis collegit, qua Ignatius ab ecclesiæ communione abscissus, dejecti de gradu una & in exilium cum Ignatio depulsi omnes sive archiepiscopi, sive episcopi, qui synodo nollent subscribere, & testari ab Ignatio perpetrata omnia, quæ in ipsum synodus conjecerat. Tum inceptor ille sedis Photius *Ann. 859.* ad Nicolaum papam litteras dedit, quibus per dolum significabat Ignatium ultro patriarchatu cessisse propter morbos, quibus confectus suo satis defungi munere non valeret. Nicolaus missis Constantinopolim legatis, de iis, quæ per fraudem sancto Ignatio imposuerat, jubet inquiri. Legatorum *Ann. 860.* uni nomen erat *Zudithon*, (nescivit Annalium autor appellare Arabice Rodoaldum) alter *Zacharias* dicebatur. Audito eorum proximo adventu, Photius conquisivit multos, quos pecunia & muneribus depravavit, adjunxit e foro plures, atque e villis urbi proximis rusticos in urbem convenientes. Aulae vero principes, nummis alios, alios amplissimorum sacerdotiorum promissione sibi adscivit, & in ecclesia apostolica LXXII. antistitem iniquorum, ac populi deceptorum concilium celebravit. Adstitit hæc sceleratorum turba in sanctissimi evangelii & venerandæ crucis conspectu, coram ambobus ab pontifice Romano missis legatis, quos etiam pecunia labefactatos sibi Photius conciliaverat. Jurare compulsi, jure jurando affirmarunt Ignatium annos ipsos XI. quorum spatio patriarchatum habuerat, neque jus cuiquam dixisse, neque creditum sibi gregem ex æquitatis legibus rexisse vel unum diem aut alterum; sed omnia ex animi libidine gessisse. Photium, inquit *Romanus*, narrant Annales Græci minime his contentum voluisse, ut suam ipse Ignatius manu sua damnationem probaret. Quod ut faceret, vinculis nullis aut verberibus cogi potuit. Tandem ab tortoribus in marmoreo strato crucis in-

modum extensus prosternitur in faciem, & noctem totam lancearum punctationibus excarnificatur. Cumque magnam vim effudisset sanguinis, & vix spiraret, arrepta ejus manu carnifices crucis signum in charta, subscriptionis loco, effingunt. Quia accepta charta, Photius in ea sic scripsit: *Ego Ignatius Constantinopolitanus confiteor me ingressum esse sine calculis, non canonice electum, & his annis non sancte me gessisse, sed tyrannice.* O flagitium, exclamavit hic *Nicolaus!* o scelus nulla satis pœna plectendum! Parum hoc, subjecit *Romanus.* Nam cum postea imperator Ignatium passus esset domum redire, voluit Photius, ut id ipsum voce ipse suus Ignatius in ecclesia in Pentecoste profiteretur. Imo & eidem cruce oculos, & manum abscindere venit Photio in mentem. Jam aderant milites qui vim facerent, cum Ignatius re audita servi in morem indutus, ac sportas duas ex uno pendentes ligno humeris efferens, aufugit; variasque perlustrans insulas, & latebras sæpe mutans, victum sibi mendicato diu paravit, & gravia quæque perpeffus est. Vindice denique Deo civitas Constantinopolitana maximis terræ motibus est concussa; quorum causam cum omnes fere in vexationem Ignatii refunderent, Michaelis imperatoris & Bardæ ipsius accepta jurejurando fide Ignatius suum se in cœnobium recepit. Appellavit interea ad Nicolaum, quem *presidem & patriarcham sedium omnium ac principis apostolorum successorem & universalem papam* suis litteris nominat. Sed jam recita, Ignati, e codice tuo quid gestum postea. Cum primum, inquit *Ignatius*, Nicolao papæ res innovit, & legatorum in accipiendis Photii muneribus flagitium, anathemate illos perculit, multatosque bonis omnibus in exilium amandavit. Habita quoque Romæ synodo dixit anathema Photio, illumque e fidelium cœtu, atque ipsius assecras semovit. Quicumque vero initiati ab ipso sacris ordinibus fuissent, eos jussit nullis officii sacri ministeriis admisceri, sive archiepiscopali, sive episcopali, sive sacerdotali, sive diaconatus dignitate gauderent; sacraque exscriptum synodi ad Michaellem imperatorem, & ad omnes transmisit patriarchas, ut eos ab ecclesia ejicerent, qui communicarent Photio. Hæc ubi Photius audit, animo

conturbatus & incensus est, & Michaellem imperatorem adiens, ea sibi omnia evenisse conquestus est, & propter missam ab Ignatio & magnatibus ad papam legationem, & propter negotia ea, quæ ipsi cum augusta matre sua intercesserant. Omni deinde composita fraude, cæpit eos qui e regio comitatu erant, suis occæcare largitionibus, induxitque in palatium libellos, in quibus legatorum Romanorum & omnium antistitum, imo & Ignatii ipsius referebantur subscriptiones ac testimonia, unde palam esset sponte se Ignatium, ac cogente nemine, abdicasse. Quæ postquam ad arbitrium fraudibus suis contextuit atque perfecit, ea emisit in lucem, & coacto fraudulento impuroque concilio evulgavit. Cum autem archiepiscopi, episcopi, & archimandritæ, ac ceteri sacerdotes hæc omnia conspexerunt, adverteruntque libellos istos in eos ferre anathema, qui per dolum, mala fide, quidquam egissent; factum habuerunt pro rato, deque omnibus Nicolaum papam, missio cum litteris Chalcedonensi episcopo, fecerunt certiore. Verum fraus postea iniquissimæ synodi adversus Ignatium collectæ patuit. Porro res Photii, addit vetus hic Annalium codex, ejusque in causa Ignatii crimina prolixum desiderarent sermonem. Habetur vero totum illud in libro ecclesiæ sanctæ, cui, Collector historiarum, nomen est. Quod desideratur in codice tuo, inquit *Nicolans*, suppleas quæso ex Annalibus aliis: juvat enim non nescire, quo fine tot Photii ac tanta flagitia conclusa sint. Quoniam jubes, reposuit *Ignatius*, paucis multa complectar, & summa rerum dumtaxat capita, ne fastidio sim, delibabo. Favit Photio Michael imperator, deditque ad Nicolaum pontificem acerbissimas litteras, quibus pontifex mitissime respondit, sic tamen ut dignas incendio pronunciarit; imo aliis postea litteris, eas ut igni traderet, sub anathematis pœna præceperit. Concessit tamen, ut Ignatii Photiique causa recognosceretur iterum: at Romæ, quo illi ambo vel per se, vel per legatos suos convenirent. Non multo post Petrum apostolum senferunt ultorem irreligiosi principes. Bardas nocte quadam sibi visus est S. Petrum intueri in solio assidentem, ejusque pedibus provolutum Ignatium, & efflagi-

tantem ut illatam sibi ulcisceretur injuriam : beatissimum vero Petrum precibus ejus & lacrymis motum , nescio cui hic adstanti gladium tradidisse , quo Bardam primum , tum postea imperatorem in frustra concideret. Turbatus est somnio Bardas , non mutatus. Nam ineunte quadragesima milites misit , qui Ignatium prohiberent , vel sacrum facere , vel cum ullo habere sermonem. At somnio fidem eventus fecit. Nam Bardas adversus Cretenses in exercitu cum imperatore profectus , cum essent in plano imperatoris tentoria , sua ipse in colle statuit. Quo fastu graviter offensus imperator , jubet illum interfici. Quod cum facere ob hominis immanem potentiam reformidarent ceteri , ausus est Basilus cubiculo imperatoris præpositus , abstractumque ab pedibus imperatoris , quo se veniam deprecaturus abjecerat , gladio confodit , & militibus permisit frustatim concidendum. Tum Michael Basilium imperii socium adscivit , creavitque Cæsarem. Is cum ab flagitiis multis deterreret imperatorem , eique obsisteret , illius in se odium concitavit , & ab ipso jussus est occidi. Evasis Basilus sicarii manum , & Michaellem vino obrutum aggressus cum suis interemit , eique manus abscidit. Hinc in palatium inductus edicitur imperator. Interim Photius coacta suorum synodo in Nicolaum pontificem ausus est sententiam anathematis proferre , missisque ad Ludovicum I I. in Occidente imperantem legatis , ei , si Nicolaum sede exturbaret , Orientis imperium promisit. At Basilus statim atque adeptus est regnum , Photio ejecto sanctum Ignatium restituit. Nec mora , Basilii imperatoris & Ignatii legati Romam profecti , Hadrianum Nicolai successorem pro more venerati sunt. Acta Photianæ synodi adversus Nicolaum papam edita , cum magna detestatione & pedum proculcatione , imo & percussione gladii , tanquam ab ipso diabolo per os Photii eructata exhibuerunt. Illa Hadrianus collecta Romam synodo flammis jussit absumi. Ubi & id maxime admirandum evenit , ut cum in ignem fuissent conjecta , & vehementissime tum plueret , pluvia quasi injecto oleo flammam auxerit , quibus sunt redacta in cineres , & emerferit teterrimus inde fœtor. Vide Nicetam Paphlag. in vita S. Ignatii. Nec

Romæ modo combusta sunt aëta illa spurcissima, sed etiam Constantinopoli; quo cum Hadriani papæ & omnium patriarcharum legati convenissent, octava celebrata est œcumenica synodus, & Photius cum non resipisceret, intincto in Christi sanguinem calamo, damnatus est, & ejus scripta exusta. Obiit postea Ignatius, quem Græci religioso cultu ut sanctissimum colunt xxiii. Octobris, & catholica ubique ecclesia deprædicat. Jam, quod mirum, Photius ille diris omnibus toties devotus, suis & Santabareni nescio-cujus præstigiis, cum in gratiam Basilii imperatoris rediisset, mortuo quoque Ignatio in sedem rediit. Quin etiam missa ad Joannem tum papam legatione, confirmationem impetrat. In quo cum se minus viriliter pontifex gessisset, pro fœmina si non habitus est, certe fabulæ de Joanna papissa dedit occasionem. Joannis gratia abusus Photius, legatis ejus seductis, quas ab eo acceperat litteras, depravat, & habita synodo octavam œcumenicam ab Hadriano celebratam damnat: sed damnatus ipse propterea ab Joanne, tandem ab Leone sapiente, postquam excessit Basilius, deturbatus e sede fuit, & in cœnobium Armenorum amandatus, sceleratissimam paulo post vitam sine clausit non meliore. Ex iis quæ sunt a me ex Annalibus vestris commemorata, satis intelligitis, quantum pontifices Romanos vestri in Oriente & antistites, & imperatores observarent, quamque ab ejus nutibus & judicio penderent, ubi res fidei ac religionis agebatur. Sunt ista, inquit *Nicolaus*, contestatiora, quam ut refelli possint; & quod factum in omni ætate fuit, nostri, ut opinor, patriarchæ facerent, nisi principum Turcarum metus obstarer, per quos deferri pontificibus Romanis obedientiam minime licet. Forte faciunt, reposuit *Ignatius*, patriarchæ vestri, quod tu reris fieri non posse. Nam cum sint non dignitate modo, sed etiam virtute & doctrina superiores cæteris, quid debeant non nesciunt, & quod sciunt debere se non omittunt. Quid enim ita de ipsis vetat existimare nos & sentire? Non vetant, hoc scio, non vetant Turcæ principes suo illos defungi erga pontifices Romanos officio, uti christianorum neminem vetant Romani pontifices Turcis principibus,

quod suum est, exolvere. Quot Latinorum millia Turcico imperio subjacent, qui cum sint Romanis pontificibus obsequentissimi, tum Turcæ imperatori fidem, quam debent, studiosissime servant? Quid faciant patriarchæ nostri, inquit *senior quidam monachus*, nec scio, nec admodum curo scire. Hoc scio, caput ecclesiæ sub Christo vicarium papam esse; illum apud me, ut patrem & magistrum veneror, nec credo plus Deum a me, & ipsum quoque pontificem exigere. Hoc fac, respondit *Ignatius*, hoc fac, & vives. Nec dubito, quin ita omnes faciant, qui primum quarunt regnum Dei & justitiam ejus, depositoque omnium partium studio, (quo nihil iniquius, vel exitiosius) non hominibus, non sibi placere, sed Deo contendunt. Nec enim aliter haberi ab homine potest æterna salus. Nam quo pacto eam ille consequatur, qui contra evangelii decreta & statuta conciliorum & Patrum præcepta ab apostolico patre & ovium Christi pastore, nullo penitus jure se abjungat? Causam abjungendi se gravem habere se nonnulli putant. Quænam illa sit, crastina die audies, cum pro more conveniemus ad colloquium.

DIALOGUS XII.

De emendato calendario.

AD FUERUNT hora solita qui erant ab negotiis liberi: atque ubi suis omnes locis assederunt, Latinos sacerdotes intuitus *Nicolaus*, Nullo, inquit, jure dicebatis hesternæ die factam Græcorum ab Latinis discessionem, causam illis abjungendi se esse nullam. Gravem proferunt e nostris non pauci, &, ut putant, necessariam. Queruntur enim inductam in religione ab Latinis esse mutationem. Si veritatem, respondit *Romanus*, cujus erat die illo dicere, ista expositio habet, eos valde laudo qui se ab Latinis segregant. At si plena falsitatis est, execratur eos Christus, qui corpus suum, id est, ecclesiam suam, varias discerpunt in partes & dilacerant; quo flagitio gravius nullum Chrysostomus

soltoimus agnoscebat. Quæ porro est a nostris inuenta mutatio? Pascha, inquit *Nicolaus*, & festa alia jejuniaque suis e sedibus eiecerunt. Quid ais, subjecit *Romanus*? Quadragesimali tempore non jejunant, non celebrant statim ab jejunio festa paschalia? jejunant, inquit *Nicolaus*, & celebrant, verum æquo citius celebrant. Nam quæ certis sunt diebus affixa, ea diebus decem ante peragunt quam solebant: quæ verò definita quadam moventur lege, ea accelerant hebdomadis aliquando quatuor, & sæpe quinque, aliquando una. Jam vero jejunia quod spectat, eum tenent jejunandi morem, qui jejuniorum vim & meritum elidit. Bene habet, reposuit *Romanus*. At si quid vitii in celebratione festorum est, vitium est, ut video, diligentia: neque tanti momenti est, ut propterea Græcis liceat sese ab ecclesiæ aspestabili capite, membrisque principibus segregare, atque illud incendere odium, quo deflagrat ecclesia, totque hominum millia pereunt, irridentibus ethnicis christianorum recordiam, plaudente sibi & prædam locupletem agente satana. Quod si rem accurate expendas, eque Patrum decretis, imo vestris, qui sunt ad manum, libris judices, non peccamus diligentia, sed suo omnia tempore, quemadmodum sancitum est, facimus. Græci contra ab Patrum aberrant legibus, & conciliorum placita invertunt. Quia tamen festorum hæc celebratio fidei integritatem non evertit, pacis gratia, cujus amore discipulos suos Christus definit, eos toleramus errare, quibus sic placet, & quantum fas erit, tolerabimus. Deus bone, inquit *Methodius*! quam gravem nobis inussisti notam, qui conciliorum nos decretis minime obtemperare dixisti! & eorum quidem pronuntiata, cum amplectimur in omnibus, tum maxime in ea quam agitamus lite, neque vobis accedimus, ne videamur ab eorum discedere institutis. Atque adeo cum mutastis traditas ab ipsis celebrandi Paschatis leges, nihil duximus immutandum. Utri pareant Patrum conciliorumque sanctionibus, inquit *Romanus*, facile est dignoscere, si quod ab ipsis statutum est, ponamus ob oculos. Profer librum illum Arabice scriptum, quem librum Legis dicitis. Hunc statim protulit *Methodius*, & Romano porrexit. Is aperto volumine statim incidit in synodum Nicænam.

Hh

Quo tempore Pascha celebrandum.

ecumenicarum primam, ubi scribitur quid de Paschate celebrando iudicatum ab Patribus & sancitum sit. Tum verba ipsa libri, ne immutata quidem vocola legit, palamque recitavit. *Fe elába ettesaqou giamiañ bád elmesaouñadas elgezilé elshedidé ou elhugiage elouadeha en yekoun elsafehh si elyoum eltales elladi qám fih rabbena ou mukhúlesna men beyn elamouas men mubteda youm elgiumah elmuqaddasse ellari tallam fiba ou bou youm elahad elladi ala eldayem yati bad safehh elyhond, elladi metálo si elhesab elladi asafouh berouhh elqodos enno eda kan safehh elyhond si youm elahhad elladi hou abhad elzeitouné elmarouf belbaya ellati tassir há elshâniné yekoun safehh elmesiehh elmegid si elahhad elladi bado ou en kan eletnayn aou etteláta aou elarbah aou elkhamis aou elgemah aou elsebt yekoun safehh elmesiehh si youm elahhad elladi bad safehh elyoud ou ala hada elrasin ettesaqet elgemaab, elmuqaddasé. Post habitos utro citroque sermones multos & graves, & adducta in medium apertissima argumenta, in eam vocé una Patres convenérunt sententiam, Pascha celebrari debere die tertia, quâ surrexit a mortuis Dominus ac servator noster, quâ scilicet ab sexta feria, qua passus est, numeratur, & dominica dies est, quæ Judaicum Pascha sequitur. Atque illius habes exemplum in calendario, cujus dederunt inspirante Spiritu sancto fundamentum. Ut scilicet cum Judaicum Pascha in dominicam olivarum incidit, quam & palmarum dicimus, celebretur gloriosum Christi Pascha subsequente dominica. Si vero in 2. 3. 4. 5. 6. feriam aut in sabbatum cadat, fiat Christi Pascha dominica illa, quæ Judaicum Pascha consequitur. In hanc porro definitionem consensu uno ab sanctissima synodo itum est. Necessé est igitur, inquit Romanus, nos scire quo die Judaicum Pascha contingat, quandoquidem sic ab eo pender nostrum, ut nisi exácto illo peragi non debeat. Quo vero die esse oporteat Judaicum Pascha, non aliunde melius discas, quam e veterè Mosaico instrumento. Audi præcipientem Deum Levitici c. 23. *Mense primo, quarta decima die mensis, ad vesperam, Phase Domini est. Et num. 9. Faciant filii Israël Phase in tempore suo, quarta decima die mensis hujus ad vesperam juxta omnes ceremonias & justificationes ejus.* Judæis hoc olim traditum; nobis vero christianis quid præceptum? Audiebas modo me recitantem ex*

vestro Legis libro Pascha nobis esse dominica illa celebrandum, quæ Judæorum Pascha, id est, diem lunæ xiv. sequitur. Dic, Methodi, an obtemperant cccxviii. Patrum decreto, qui minime id observant? Si libro nostro assentimur, reposuit *Nicolaus*, Pascha peragi ea dominica debet, quæ diem lunæ xiv. sequitur. Id vero, inquit *Romanus*, jam Græci non agunt, neque Pascha unquam celebrant nisi post diem lunæ xvii. & aliquando xviii. Verbi gratia, dies lunæ xiv. Græcorum Paschati hoc anno 1677. prævia continget feria vi. qui dies Aprili mensi juxta Græcorum computum sextus erit. Quare ex mandato conciliorum & Patrum dominica consequente celebrandum Pascha esset, octavo scilicet Aprilis: quod tamen eo die minime celebrabunt, sed x v. duntaxat die. Amabo vos, quid hoc rei est? Patres sanctissimos, imo ecclesiam catholicam eorum ore, Pascha fatemini addixisse dominicæ illi quæ lunam xiv. consequitur, nec tamen dominica illa Pascha peragitis, sed remotiore alia. Num illud est, palam, & ex animi destinatione Patrum edicta & ecclesiæ præcepta infringere? Cogis me, inquit *Methodius*, vel invitum assentiri tibi, & fateri errorem nostrum. At vestrum etiam fateamini necesse est, & multo graviolem. Quem vero errorem, quæsit *Romanus*? Pascha, inquit *Methodius*, nonnunquam cum Hebræis peragitis, luna scilicet xv. totiesque istud, quoties epacta est 24. & D dominicalis littera, id est, quater spatio annorum 532. quæ magna est revolutio paschalis. Si quid peccamus, inquit *Romanus*, raro peccamus, quique annorum 535. spatio quater duntaxat aberramus, venia sumus dignissimi. At profecto nihil peccamus. Peccaremus vero, nisi luna xv. faceremus. Judæi si legi parent, Pascha celebrant luna xiv. Audi Mosem Num. c. 9. *Præcepitque Moyses filiis Israel, ut facerent Phasce, qui fecerunt tempore suo, xiv. die mensis, ad vespem.* Audi Josue c. 5. *Manseruntque filii Israel in Galgalis, & fecerunt ibi Phasce xiv. die mensis, ad vespem, in campesribus Jericho.* Audi Esdram l. i. c. 6. *Fecerunt autem filii Israel transmigrationis Pascha, xiv. die mensis primi.* Quin etiam sic additum fuit a Deo xiv. lunæ, ut si quid fuisset impedimenti, quominus die

*Pascha celebrant
XV. luna, si
ipsa in diem
dominicum
incidat.*

illo celebrarent Hebræi, iussi sint diem xiv. consequentis lunæ expectare, qua xiv. die festum agerent. Num. c. 9. Præcepitque Moyses filiis Israel, ut facerent Phase. Qui fecerunt tempore suo, xiv. die mensis ad vespèram in monte Sinai. Juxta omnia quæ mandaverat Dominus Moysi, fecerunt filii Israel. Ecce autem quidam immundi super anima hominis, qui non poterant facere Phase in die isto, accedentes ad Moysen & Aaron dixerunt eis: Immundissimus super anima hominis. Quare fraudamur, ut non valeamus oblationem offerre Domino in tempore suo inter filios Israel? Quibus respondit Moyses: Stete, ut consulam, quid præcipiat Dominus de vobis. Locutusque est Dominus ad Moysen dicens: Homo qui fuerit immundus super anima, siue in via procul, in gente vestra faciat Phase Domino in mense secundo xiv. die mensis, ad vespèram. Cum ergo Judaicum Pascha autore Deo diem lunæ xiv. obtineat, non celebrat cum Judæis, nisi qui die illa xiv. celebrat quod a nobis factum nunquam est, & nunquam fiet; cumque parte ex alia jubeant SS. Patres Pascha ea dominica peragi, quæ lunæ diem xiv. sequitur: certe si luna xv. dominica est, ea paschalis erit. Atque ita liber hic Legis præscribit, cum imperat Pascha nostrum dominica die celebrari, si proxime antecedente sabbato Judaicum fuit. Sic porro decerni a Patribus, ut enarravimus, testis est Eusebius Hist. eccl. l. 5. Ambrosius in epist. ad episcopos per Æmiliam constitutos. Beda lib. de rat. temp. c. 57. Pascha, inquit Methodius, die illa lunæ xiv. minime finitur, sed protrahitur ad xv. & paschalis quidem agnus immolabatur xiv. ad vespèram, sed manducabatur de nocte postea, id est, xv. jam inchoata. Pascha vero luna etiam xv. contineri testatur abunde Lucas c. 22. ubi ait: *Appropinquabat autem dies festus azymorum, qui dicitur Pascha.* Festus autem ille dies non erat luna xiv., qua decurrente licebat opera diebus festis verita exequi; sed lunam xv. obtinebat totam. Atque adeo si luna xv. celebratis, vos necesse est cum Judæis Pascha facere. Mirum est, reposuit Romanus, abs te etudito viro ista proferri. Neque enim non legisti quæ sunt ab Mose tradita. Levit. c. 23. sic docet: *Mense primo quarta decima die mensis Phase Domini est, & xv. die mensis hujus solemnitas azymorum Domini est.* Repete su-

periora alia quæ attulimus testimonia, quibus sacri codices x i v. diei Pascha ascribunt. x v. Pascha proprie non erat, sed dies festus azymorum: qui tamen Paschæ appellatione gaudebat, ut sex alii consequentes dies. Quin & ipsæ paschales victimæ eodem nomine dicebantur, teste Moyse Deuter. c. 16. *Immolabisque Phase Domino Deo tuo de ovibus & de bobus, in loco, quem elegerit Dominus Deus tuus, ut habites nomen ejus ibi.* Nempe sacrificia hæc, & dies illi principem illam cæremoniā, quæ luna x i v. ad vesperam perficiebatur, & proprium Pascha erat, attingebant ut appendices & ornamenta, nec alia quam ipsius de causā festivitatem habebant. Eadem etiam nunc ratione Pascha nuncupamus, non eam modo diem qua Christus surrexit e mortuis, sed etiam consequentes illam dies. Quare etsi dies lunæ x v. magna ab Judæis celebritate transigatur, non est Paschæ tamen, sed azymorum solemnitas. Pascha enim verum, quod in immolatione agni positum est pridie antecessit, luna scilicet x i v. Audi Joseph. l. 3. antiq. Jud. c. 10. *Mense, inquit, Xantico, qui nostris Nisan vocatur, & annum exorditur, luna x i v. sole arietem obtinente, quandoquidem hoc mense ab Ægyptiaca servitute liberati sumus, sacrificium, quod tunc exevnites fecisse diximus, Pascha nominatum, quotannis instaurare lege jubemur, celebramusque id per sodalitia, nihil e victimis insequentem diem relinquentes, quæ est x v. & azymorum festivitatis prima. Nam hoc festum priori continenter succedit.* Utut sit, inquit *Methodius*: num nefas est die illo peragere Pascha qui Judæis sollemnis est? Si hoc nefas, respondit *Romanus*, gravissimo vos sæpe scelere obstringitis, cum eo die celebratis Pascha, qui e septem paschalibus ultimus est. Etsi enim, quod ait Levitici liber c. 23. *dies primus est celeberrimus & sanctus*, celebriorem tamen & sanctiorem esse septimum prodit. At ubi legisti unquam vetitum esse, ne, qui dies Hebræis festus est, nobis paschalis sit? Evolve Patrum decreta, conciliorum leges, ipsas librorum vestrorum sententias. Hoc prohibent ne Pascha nostrum die lunæ x i v. quo die Judæi celebrant suum, peragatur, & quarto decimanos damnant non quinto-decimanos. Jubent Pascha dominica

Quoniam
Latini heb-
domada una
ab Græcis in
Paschate ce-
lebrando di-
screpant.

lunam xiv. consequente fieri. Nimirum Christi Domini resurrectionem Paschate nostro colimus : quæ resurrectio non xiv. luna, sed dominica, quæ proxime illam secuta est, contigit. Vide autem quam aberretis. Neque enim dominica lunam xiv. consequente, ut par esset, celebratis sæpe Pascha, sed illud in dominicam alteram transfertis. Quod hoc anno 1677. a vobis fiet. Si ea re peccamus, inquit *Methodius*, quia nos proxima post xiv. lunam dominica aliquando Pascha non agimus, cum tamen ea Christus Dominus die surrexerit; peccatis vos quoque qui luna xv. Pascha celebratis, cum Christus Dominus opinione vestra luna duntaxat xvi. surrexerit e mortuis. Non video, inquit *Romanus*, quid hic peccati advertas. Nam cum Pascha celebrari semper die ab luna xiv. tertio non possit, quia sæpe non est dominicus, celebrari ea saltem dominica debuit, quæ proxima post illam est. Ea enim dominica surrexit Christus. Ac, ne pluribus vos morer, ante calendarii emendationem vicinis potissimum Nicænæ synodi temporibus luna xv. sæpe Pascha celebratum est. Atque ut exemplum unum e Clavio nostro proferam : anno Christi 340. bissextili, luna illa xv. Pascha contigit, die Martii 30. Erat enim aureus numerus xvi. lunam xiv. in 29. Martii die adscribens. Littera vero dominicalis post diem intercalatam erat E, qua dies Martii 30. notabatur. Imo, quod admiraberis magis, christianorum Paschata & Judæorum in eundem concurrerunt diem, ut notat Ricciolus, annis Christi 326. Aprilis 3. & 346. Martii 23. & 350. Aprilis 8. & 400. Aprilis 1. & 475. April. 5. & 495. Martii 26. & 500. April. 2. & 602. April. 15. & 700. April. 11. & 722. April. 12. nempe ob diversitatem cyclorum. Quam diebus istis volebant Judæi contingere lunam xiv. contendebant christiani esse xv. adeoque sibi paschalem. Certe ab majoribus vestris nostrisque celebratum esse Pascha luna xv. quin & plenilunio, constat ex cyclorum accuratissimis rationibus. Inspice laterculum e Ricciolo descriptum.

Anni Christi, in quibus Pascha in plenilunio contigit.

Anni Chr.	Aureus numerus.	Lit. Dom.	Pascha in Plenilunio.
206	4	B	3 April.
350	9	G	8 April.
401	3	F	14 April.
465	10	C	28 Mart.
509	16	D	22 Mart.
560	10	DC	28 Mart.
604	16	ED	22 Mart.
662	17	D	10 April.
709	7	F	31 Mart.
760	1	FE	6 April.
804	6	GF	31 Mart.
851	16	D	22 Mart.
902	10	C	28 Mart.
953	4	B	3 April.
977	9	G	8 April.
1001	14	E	13 April.
1051	7	F	31 Mart.
1102	1	E	6 April.
1150	11	A	16 April.
1197	1	E	6 April.
1245	11	A	16 April.
1249	8	D	19 April.
1360	13	ED	5 April.
1404	18	FE	30 Mart.
1462	19	C	18 April.
1505	5	E	23 Mart.
1539	1	E	6 April.
1560	3	GF	14 April.
1580	4	CB	3 April.

Quæsit hic *Nicolaus*: Si vetere in calendario illud olim continebat, quid causæ est, cur modo non fiat? Causa est, inquit *Romanus*, veteris error calendarii summa accuratone emendatus: aureum enim numerum adhibet calendarium ve-

*Vnde fluxit
veteris
calendarii
error: & a
se luna.*

tus, quasi lunæ ac solis motus accurate peræquantem, cum tamen non adæquet accurate. Censebant veteres, cum sol lunaque ab eodem puncto decurrere spatia sua cœpissent, annorum 19. intervallo ad idem punctum regredi, quo recurrerent singulis 19. annorum intervallis. Quare in altera 19. annorum periodo, iisdem plane diebus, atque in priore novilunia describebant. Ut, si 1. periodi prioris anno contingerat novilunium 8. Martii, hic etiam post annos 19. pariter contingeret. Verum aliter paullo sese res habet. Neque enim luna ad idem omnino punctum dici, unde cum sole discesserat, recurrit post annos 19. sed illud antevertit hora 1. 27'. 32". altera; vero 19. annorum periodo duabus horis & minutis aliquot, & sic periodis singulis, ut 300. annorum paulloque amplius spatio punctum illud die uno antecedit: nunc vero lunaris antecessio quattriduo superet metam illam. Unde cum aureus numerus lunam xiv. indicat, dudum illa præterit, factaque est ex rei veritate xvii. Quare in ea quam modo Græci scribunt, Paschatis inveniendi methodo, Pascha legale ad xvii. lunam annotant. Quo mirari licet incredibilem eorum quibus errare placet, cæcitatem, ne quid gravius pronuntiem. Nam quid illud est, cum Deus lunæ xiv. Pascha legale addixerit, illud te ad xvii. impune devolvere? Certe vir e Græcorum gente ornatissimus, &, quod Romanæ ecclesiæ beneficium est, litteris excultissimus, Hilarion Zigala Cyprius tabulam huiusce formæ unam mihi exhibuit. Cum itaque nullam Græci jam habeant xiv. lunæ rationem, & in xvii. duntaxat intueantur; mirum non est, si xv. nunquam celebrent. Quod tamen factum olim ab ipsis est, cum legale Pascha lunæ xiv. Deo sic iubente, tribuebant, & evangelicum proxima post illum dominica ex Patrum synodorumque placitis exquebantur. Quodque admirabilitatem habet majorem, qui non ferunt nos lunæ xv. Pascha peragere, quod Christus, inquirunt, non altero ab Paschate Judæorum die, sed tertio quartove surrexerit, illi sua se accusatione involvunt. Scribunt enim legale Pascha ad xvii. lunam, & xviii. celebrant aliquando suum, cum tamen Christus non nisi tertio, ut perpendunt, post legale Pascha die vitam mortis domitor receperit.

reperit. Adde quod, si quid in antevertendo peccatur, cadit in ipsos etiam Græcos id peccati. Quippe qui sæpe die Martii *xxii.* & *xxiii.* & *xxiv.* Pascha faciant, cum tamen a mortuis revixisse Christum Dominum *xxv.* duntaxat die, in confesso sit. Hæc Romano demonstrante silebant omnes, nec cuiquam, quod objiceret, occurrebat. Ubi enim gentium traditum, non esse celebrandum Pascha, nisi post lunam *xvii.* ubi scriptum peccare eos qui *xv.* illud peragunt, si in dominicam diem illa incidat? *Nicolaus* tandem, ut alio sermonem averteret, Facile capimus, inquit, quæ sunt abs te nunc explanata: atque hinc intelligere est, cum dissidemus a vobis in celebrando Paschate una tantum hebdomada, id fieri quando luna *xiv.* feria quinta, aut sexta, aut sabbato contingit. Cum enim vos Pascha post *xiv.* lunam agatis, dominica sequente fiet: non item nobis quibus non licet facere, nisi post *xvii.* At unde est ut aliquando mense uno toto, imo hebdomadis quinque ipsis discrepemus: quod anno 1674. evenit. In causa est, reposuit *Romanus*, æquinoctiorum antecessio. Pendet enim ab æquinoctio verno legitima Paschatis celebratio: quippe quod mense primo lunaris anni peragi debeat. Mensis autem primus ille est in hujuscemodi anno, cujus dies *xiv.* vel ipsa æquinoctii dies est, vel proxime æquinoctium sequitur. Dies autem æquinoctii fit *xxi.* Martii. Quare mensis primus quo celebrari Pascha debet, is est cujus *xiv.* dies vel incidit in *xxi.* Martii, vel *xxi.* proxime sequitur. Ut ergo intelligas quo tempore Pascha nostrum esse debeat: vide primum, quo fiat die æquinoctium vernum. Diem hunc *xxi.* Martii dicito. Deinde adverte, quando futura sit luna *xiv.* Et consequentem dominicam Pascha esse pronuntia. Sic enim Paschatis rationem institui debere ab sanctissimis Patribus traditum nobis est. In eo porro peccatis, quod cum sit ab Patribus æquinoctium vernum *xxi.* Martii additum, delabi illud ab ea sede passi estis ad *xi.* Martii, eoque amplius. Inde enim est ut lunam *xiv.* quæ facta æquinoctio ex Dei ecclesiæque mandato paschalis est, cum sit mensis lunaris primus, non habeatis paschalem, sed alteram expectetis, quæ post *xxi.* Martii vestri diem occurrat: at-

Unde fit ut Latini Græcis, quinque aliquando hebdomadis, præcant in peragendo Paschate.

Juan. Damasc. l. 2. de fide orth. c. 7. de luce, igne, luminaribus, sole, luna, & stellis.
Aries, inquit, mense Martio, die 21. solem excipit.

que adeo non primo, sed secundo mense vobis Pascha sit. v. g. contigit æquinoctium anno 1674. die Martii vestri xi. feria i v. eodemque die luna xiv. exitit. Est ergo hic mensis primus, estque hoc mense Pascha celebrandum dominica illa quæ lunam sequetur xi v. Non celebrastis autem, quia cum Patres æquinoctium xxi. Martii devinxerint, sic computatis, quasi xxi. Martii vestri die etiamnum oriretur, lunamque eam paschalem facitis, quæ statim ab xxi. die illo vestro decima septima erit. Non fuit autem, nisi dominico die Aprilis vestri xii. nec Pascha peregistis, nisi consequente dominica xix. istius mensis vestri; id est, quinque hebdomadis ipsis statutum a lege tempus prætergredi veriti non estis. Multa dixisti, inquit *Methodius*, quibus nisi lux affulgeat uberior, non omnino assentimur. Fatemur mense lunari primo, quem Hebræi *Nisan* appellant, quique pro vario lunæ decursu mox Martium nostrum obtinet, mox Aprilem, quo utroque mense Pascha fit: fatemur, inquam, hoc primo mense Pascha esse peragendum. At unde habes mensem illum lunarem dici primum, cuius dies xi v. vel in æquinoctium cadit, vel proxime jam præterito succedit. Habeo, reposuit *Romanus*, ab autoritate omnium qui eruditorum hominum nomine censentur. Horum enim reperias neminem, qui mensem illum primum alia ratione definiat. Si quem habes qui aliter definiat, hunc appella. Ego tibi e multis paucos profero. Joseph. l. 3. antiq. Judaic. c. 10. sic scribit: τὸ δὲ μὲν τῶν Ἑβραίων, ὃς Νισάν παρ' ἡμῖν καλεῖται, ἔτ' ἐπεὶ ἐβλὴν ἀρχή, τὸ σαρκοφάγον καὶ σελήνην, ἐν κρίσιν τῶν ἡλίου καὶ σελήνης. Mense autem *Xanthico*, qui nostris *Nisan* vocatur, & annum exorditur, luna xi v. sole arietem obtinente, quandoquidem hoc mense ab *Ægyptiaca* servitute liberati sumus, sacrificium, quod tunc excuntes fecisse diximus, Pascha nominatum, quotannis instaurare lege jubemur. Accedat Eusebius autor Græcus c. 27. l. 7. Hystor. eccl. Anatolius quoque Laodicensis episcopus testimonium affert Philonis Hebræi, Agathobulique, & Aristobuli. qui unus fuit lxx. interpretum. Hi statuunt nefas esse Pascha celebrare nisi facto æquinoctio, luna soli, cum subit arietem, opposita. Atque id ut plane intelligas, sic habe,

In anno lu.
nariq. pri-
mo mense

Philo de vit.
Μοϋσῆς τὴν
ἀρχὴν τῆς
ἐν ἡμέρας
ἡμέρας ἀνα-
γερσεν μένα
Νισάν.

Judæos lunarem annum quo utuntur, solitos accommodare solari. Hæc enim *luminaria duo* constituit Deus in *firmamento tali*, ut dividant diem ac noctem, & sint in signa & tempora & dies & annos. Nemo autem nescit solaris principium anni verno æquinoctio notari, quo tempore arietem sol ingreditur. Quare ut lunaris annus solari congrueret, ejus quoque initium æquinoctio verno, quantum licuit, addixerunt, postquam sic est a Deo ipso constitutum Exod. 12. *Mensis iste vobis principium mensium, primus erit in mensibus anni.* Verum, inquit *Nicolaus*, curensem illum non dicis in lunari anno primum, cujus novilunium magis ad æquinoctium accedit? Opportunius enim videtur plenilunio seu xiv. die; quo die mensis est propemodum parte sui media elapsus. Reposuit *Romanus*, naturalem lunæ annum ab plenilunio inchoari. Est enim in plenilunio primum condita, ut præesset nocti. Ac præterea constitui mensis primus ille non potuit, cujus novilunium propius ab æquinoctio abfuisset. Nam quid fiet, si novilunia duo æquis intervallis ab æquinoctio distent, uti fit, cum plenilunium medium in meridiem xxi. Martii incidit? Exemplum ponit Clavius in vetere calendario, in quo aureus numerus vii. ad diem vi. Martii, & ad v. Aprilis scribitur: in novo autem epacta 25. ad diem utrumque, æqualibus ab xxi. Martii spatiis. Quodnam novilunium primi mensis tunc futurum est? Quæro iterum, inquit *Nicolaus*, quæro (ne quid nesciamus) curensem primum eum non dixerunt, cujus dies xiv. proxime æquinoctium attingit, sive præcedat, sive sequatur. Voluerunt autem eum esse, cujus dies xiv. vel in æquinoctium cadit, vel proxime ab illo elapso distat. Causa hæc, ait *Romanus*, mihi venit in mentem, quod, cum lunaris mensis accommodetur solari, is esse primus debet, qui cum solari primo mense vel omnes, vel certe plures suos dies decurrit. Verum quocunque modo res se habeat, constat autoritate majorum lunarem eumensem primum esse, cujus dies xiv. vel in ipso æquinoctio contingit, vel ab ipso proxime elapso numeratur. Quin ita sit, nihil obsisto, inquit *Nicolaus*. Quî porro efficis die Martii nostri x. non xxi. æquinoctium fieri? Nullos, adjecit *Romanus*, velim

Quo tempore
æquinoctium
vernum fiat.

mihi testes nisi oculos tuos. Intuere solare horologium, in quo signa ex arte sint descripta, solem videbis umbra sua primum arietis gradum lambere, cum dies est Martii mensis vestri undecimus. In eoque si Babylonice horæ, quæ ab ortu solis recensentur, depictæ sunt, diem advertes duodecim horarum esse, & totidem horarum noctem, atque adeo contigisse æquinoctium. Quin etiam, si sic lubet, Persas, Arabes, Turcasque consule. Diem hunc vestrum x i. *Nouveau* appellant, id est, novum diem, seu novi anni diem primum, illumque ut nascentis veris ortum celebrant. At Patres, qui dies æquinoctio verno natalis est, cum xx i. Martii esse volunt. Illis ergo si estis liberi obsequentes, necesse est, ut cum diem, non jam x i. sed exemplo nostro xx i. numeretis. Id vero, inquit *Nicolaus*, qui fieri potest, ut qui dies x i. est, in xx i. evadat? Res est, reposuit *Romanus*, nullius prope negotii. Cum aderit dies Martii apud vos x i. dicite hunc xx i. & intermedios dies percensere hoc duntaxat anno prætermittite; confecta res erit, & Patrum conciliorumque decretis, ut decet, parebitis, imo & rationi. Qui enim plus accepit quam par erat, tenetur quod nimium est reddere. At in numerando quod ab synodo Nicæna effluxit tempore, dies decem, eoque amplius, supra quam necesse fuit, invexitis, quos idcirco, ne aberretis, debetis expungere. Idque nisi feceritis, post aliquot annorum millia ex computi vestri ratione mense Decembri æquinoctium, & media æstate paschale festum, & verno tempore natale Christi occurreret. Fecit admirationem dicti novitas: cœperuntque Romanum urgere, totam ut rem exponeret. Tum ille, Annus, inquit, diebus constat 365. horis 5. 49'. Prolixiorem Julius Cæsar minutis undecim edixerat, & omnium tunc opinione accuratissime, atque adeo censebatur dierum esse 365. & horarum 6. Hinc nata est æquinoctii antecessio. v. g. ponamus æquinoctium Nicænæ synodi ætate, media nocte, quæ inter x x, & x x i. Martii intercessit, contigisse. Cum recurrit media illa nox vertente anno, non fuit hoc temporis puncto æquinoctium, sed minutis undecim antevertit & sex horis. Anno altero prædictum temporis punctum antevertit horis 12. & minutis

Nulla prope
negotio ca-
lendarii
emendatio
potest ad-
mitti.

Nisi emen-
detur, ma-
xima se-
quentur in-
commoda.

Vnde nata
æquinoctio-
rum anteces-
sio.

22. Anno tertio, horis 18. & minutis 33. Quarto vero anno insertus est Februario dies unus, quem bissextilem appellamus. Collectæ sunt enim horæ, quæ cum essent 24. diem unum effecerunt, sed omiſſa sunt minuta, quæ spatio 133. annorum simul accepta diem unum constituerunt. Sicque æquinoctium non jam inter xx. & xxi. Martii, sed inter xix. & xx. occurrit. Elapsis vero aliis 133. circiter annis, factum est æquinoctium nocte illa quæ inter xviii. & xix. erat media. In hunc modum singulis 133. circiter annis antecessit die uno æquinoctium, ut jam apud vos fiat inter x. & xi. diem Martii. Quare semper apud vos recedet æquinoctium, dum percurrat tempestates anni singulas; simulque movebuntur e suis sedibus festa omnia. Neque enim tum hieme, ut oportet, natalis Christi erit, sed vere; neque Pascha verna tempestate celebrabitur, sed æstiva; & menses hibernos ver obtinebit, æstas vernos, æstivos autumnus, hiems vero autumnales; & mirabuntur posterius, cum audient, friguisse Decembri. Qua rerum, temporumque perturbatione quid fingi potest gravius? Experimur, inquit *Nicolaus*, non raro æstivis caloribus Pascha nostrum ardere. Tumque, nisi fallor, subjecit *Romanus*, intelligitis, quantum distat vestrum celebrandi Paschatis tempus ab eo, quo suum Dominus fecit. Frigus enim erat, adeoque vehemens, ut igne famuli quo calefierent, haberent opus, quemadmodum evangelista testatur. Quid ergo, inquit *Methodius*, errarunt Nicænæ synodi sanctissimi ac doctissimi cccxviii. Patres, cum illud quo utimur, nobis calendarium tradiderunt? Non errarunt, reposuit *Romanus*. Præceperunt enim, ut, quomodo Romæ in usu erat, Pascha æquinoctii tempore, primo scilicet mense, eaque, quæ lunam xiv. excipit, dominica celebraretur. Quo nihil æquius vel sapientius edici potest. Calendarium vero non condiderunt, sed condi jussunt hujuscemodi, quo recte & absque errore tum luna illa xiv. indicaretur, tum affigeretur diei xxi. Martii æquinoctium. Demandata hæc in primis provincia est Eusebio Cæsariensi episcopo & Ægyptiis magistris. Varii varia procuderunt calendaria. Nullum placuit ad tempora usque Justiniani imperatoris, quo Dionysius nomine Exiguus

Ioan. 18.

*Calendario
errata ab syn-
odo Nicænâ
minime flu-
xerunt.*

Quo studio
quæ pruden-
tia est emendatum
calendarium.

suum obtulit cæteris paulo accuratius, quo sumus annos bene multos usi, dum puduit errare, & irrideri a doctis. Quam enim indignum christianos hominum, qui unquam extiterint, eruditissimos, calendarium abhibere, quo luna indicetur x i v. cum e rei veritate, x v i. esse vel ipsis oculis usurpamus; tumque notare diem æquinoctii, cum jam dierum decem spatio præterit: atque ita Pascha peragere, contra omnia Patrum decreta, secundo sæpissime mense, & dominica alia, quam quæ lunam x i v. sequitur! Pudebat olim maxime doctissimos Græcos tanti erroris, contenditque apud imperatorem Andronicum unus ipsorum Nicephorus Gregoras, ut juberet calendarium emendatius instrui, quo & æquinoctium ad x x i. Martii revocaretur, & luna x i v. recte notaretur. Tandem Gregorius XIII. pont. max. præclarum hoc opus summa vel hæreticorum ipsorum approbatione confecit. Accitis enim ex orbe toto peritissimis magistris, quod Patres, quod concilia super celebrando Paschate decreverant, proposuit, eosque jussit calendarium efformare, quo accuratissime Patrum omnium conciliorumque leges servarentur. Scripsit & ad Græcorum in Oriente patriarchas, omnesque christianos pontifex ille vere maximus litteras paterni amoris plenas, quo suam etiam operi manum darent. Probarunt tunc temporis plerique conatum. Quin & Ignatius patriarcha Antiochenus Romam eo tempore se contulit, quo emendationi vacabant, tabulasque & regulas inveniendorum festorum mobilium, quibus sui utebantur Orientales, attulit, obtulitque. Ac denique pro votis, Deo bene juvante, confectum est emendatissimum calendarium. Rogavit *Methodius*, qua ratione revocatum sit ad x x i. Martii æquinoctium, ætasque lunæ, in qua errabat aureus numerus, quo alio meliore cyclo demonstrata. Rem istam omnem respondit *Romanus* non posse tam brevi tempore exponi; declarari tamen hoc posse: deprehensum scilicet æquinoctium decem ipsos dies ab x x i. Martii retro delapsum, quod Julius Cæsar annum fecisset minutis x i. quam se vera sit, longiorem, eorumque collectione minorum ab tempore Nicænæ I. synodi ad annum 1582. quo absoluta est calendarii emendatio, decem confici dies, quos,

etsi non extiterant, nihilo secius, quasi extitissent, ex errore numerabamus. Refecti sunt, & qui dies erat v. Octobris, dictus est xv. quique xi. Martii erat, appellatus est xx i. Deinde cum e collectis minutis illis annorum 133. circiter intervallo, existat dies superfluous, ne rursus e sede sua discedat æquinoctium, diem illum centesimo quoque anno demimus, quem propterea omittimus facere bissextilem. Et quia centum annorum spatio non existit ex minutorum summa dies integer, nimioque plus tollimus, id restitimus quater centesimo quoque anno, quem facimus pro more bissextilem. Indeque est ut hæreat, quemadmodum edicunt Patres, in xx i. Martii civile æquinoctium. Aurei autem numeri loco cyclus epactarum adinventus est, quo accuratius lunæ ætas exhibetur. At quid est, inquit *Nicolaus*, quod videmini aliquando Judæis in celebrando Paschate anteire, cum lex Patrum jubeat christianum Pascha Judaico posterius esse? Pascha nostrum, inquit *Romanus*, Judaico semper posterius est. Judaicum enim appello quod primo mense fit, & xiv. ipsius luna. Quod si quando insaniant hodierni Hebræi, & Pascha secundo mense celebrent, æquumne est, ut insaniamus pariter, & sacratissima instituta proculecemos? Si veniret illis in mentem ad Maium mensem differre Pascha, an differretis pariter, ne videremini Judæis anteire? Majoribus porro nostris vestrisque quid fiet demum, qui Pascha ante Judæos, ut ex aurei numeri & litterarum dominicalium rationibus demonstratur, celebrarunt annis Christi 326. & 346. & 350. & 475. & 495? qui Pascha eodem cum Judæis die peregerunt annis superiore loco non parvo numero descriptis? Errare tum Judæos in appellando lunæ die opinabantur christiani, nec in Judæorum gratiam, sibi cum Judæis putabant esse errandum. Aderat in cœtu *nescioquis e rure senior sacerdos*, qui cum probari plerisque ea videret, quæ ab Romano dicebantur, non tulit; vocemque efferens, Si peccamus, inquit, in celebrando Paschate, quæ fit, ut peccatum nostrum miraculo Deus quotannis approbet, emissæ divinitus e sanctissimo Christi sepulcro luce, qua cerei fidelium accenduntur, majoris hebdomadæ sabbato, nostri pridie Paschatis. Id mira-

culi, inquit *Romanus*, si vere existat, non eo fit, ut probeat Deus vestram in celebrando Paschate contrariam decretis Patrum consuetudinem; alias quod illorum ore edixit, miraculo ipse suo everteret. Quare si ex veritate fiat, vel ad commendandam loci sanctitatem, vel ad excitandam populi pietatem, vel alia de causa fit. Eo autem nec fidei integritatem confirmari, nec declarari celebrandi Paschatis legitimum tempus, palam est: quandoquidem Armeni quos habetis hæreticos, tum vobiscum fere quotannis, tum seorsim a vobis, quando tempore alio Pascha peragunt, lumen illud pariter atque vos excipiunt & ostentant. Contingit enim ut Armeni a vobis in celebrando Paschate aliquando etsi perraro dissideant ita, ut dierum octo discrimen sit. Evenit hoc 32. ferme abhinc annis, quo tempore Amuratus imperator Babylonem, sive, ut ajunt, Bagdadum, obsessurus in has Orientis partes accessit. Tum enim Armeni profusa pecunia id egerunt, ne vobis liceret sacrum ignem efferre, donec ipsi excepissent. Verum ope Georgiani nesciocujus principis accepto ab imperatore mandato pro more vestro fecistis, pro suo Armeni octiduo post. Utrique sanctissimo sepulcro lumen, prout libuit, protulistis, diversis, ut apparet, temporibus, cum tamen legitimi Paschatis tempus unum sit. Ecquid, reposuit *plenus ille ruris sacerdos*, dubitas, an fiat; nec vereris hæreticis te adjungere qui illud negant? Si aliud nihil profiteantur erroris, inquit *Romanus*, hæreticos noli illos dicere, ne forte incidas ipse in hæresim. Qui enim quod nusquam a Deo revelatum est, christiana fide affirmat credendum, errat in fide ipse graviter. Alio illos nomine, si ita placet, appella, dic difficiles ad assentiendum, dic cæcos, dic contumaces, etsi nihil agunt durior illa censura dignum. Tu pro libito miraculum hoc asserere, alios patere sentire, ut volunt, qui te sinunt, quæ narrant miracula, vel admittere, vel repudiare ad arbitrium. Amabo te, inquit *senior ille vir*, tu ipse quid sentias, coram aperi. Cum hic nollet *Romanus* plenam invidiæ quæstionem solvere, ne grave id quibusdam accideret, duceretque silere satius, quam vel infirmi alicujus offendere animum, licere aiebat illæsa fide, quid quisque vellet, arbitrari & dicere. Verum

cum

cum urgerent omnes, affirmarentque, quidquid eloqueretur, fore gratissimum, cœpit hunc in modum disserere: Si quid veritatis habet miraculum istud, cur in occulto sit, teste nemine, occlusisque diligentissime januis? Eset profecto e re christiana Deique gloria, ut omnium in oculis ederetur. Tum enim locus dubio nullus esset, ac intuitu facti admirabilis ad religionis capeffendam veritatem errore deposito homines convolarent. Deinde si vere miraculum est, cur in occulto illo loco non admittunt saltem e Francis unum, virum pium, religiosum & doctum, qui rem videat & probet, quemadmodum uni ex Armenis copiam introeundi faciunt, quem tamen hæreticum censent & Dei hostem? Contestante enim veritatem Franco, eoque religioso & erudito, causa dubitandi fere omnis tolleretur. Præterea, (quod annotandum in primis) si autore Deo id portenti existeret: qui lumen illud divinum exoriri e vivifico sepulcro intuerentur, & exciperent, afficerentur religionis sensu admirabili, & quasi extra se raperentur: atque inde prodirent stupore sacro & pio tremore perculsi. Prodeunt autem eo quo sunt ingressi vultu, iisdem oculis, re nulla immutati, nihilque præ se admirationis ferunt. Denique lumen hoc quale tandem est, quo absumuntur cerei, inflammantur barbæ, manus uruntur, nec excipitur nisi pingui materia. Lumen hoc merus ignis est, non qualis ardebat in rubo incombusto coram Moyse; nam comburit: nec qualis ascendebat de petra, cum extendebat angelus summitatem virgæ in conspectu Gedeonis, nulla-que eum fovente materia idonea, panes carnesque consumpsit; hic enim non ardet nisi in morem ignis alterius naturalis: nec qualis delabebatur e cælo, Elia invocante, coram infinita hominum multitudine, vorabatque holocaustum & ligna & lapides, pulverem quoque & aquam; hic enim nemo scit, unde sit, sitque nullo teste legitimo, januis occlusis, nihilque præter naturæ consuetudinem efficit: nec qualis post reditum e Babylonica servitute, Nehemiæ interventu ex aqua puteali & crassa ad solis ortum effulsit, inspeçantibus omnibus; hic enim clam exoritur: nec qualis vere olim emittebatur a Deo in sanctissimi sepul-

*D: miraculo
sacri luminis
quod aiumt
Domini se-
pulcro per
se, mel-
liusque ope-
ra, erumpere.*

3. Reg. 18.

2. Macc. 1.

cri, quod resurrectionis appellant, templo, sabbato majoris hebdomadae. Tunc scilicet patebant fores omni ex parte; aderant non christiani modo miraculi testes, sed ipsi ethnici, & in omnium conspectu divinitus enato igne lampades accendebantur. Audi testes. Refert Urspergensis abbas apud Gretser. lib. 2. de cruce in hunc modum. Anno 1161. die sacratissimi sabbati, quo secundum antiquae misericordiae Domini paraclesin, baptismate jam consecrato, lumen de caelo devoti expectamus, usque ad vesperam orationibus solitis institimus. At propter peccata nostra dono caelesti, quod ante nos etiam in conspectu gentium christiani suscipere solebant, frustrati, absque omni festiva synaxis officio, noctem illam resurrectionis Dominicæ lugendo transegi-
mus. Sed summo mane cum litaniiis a sepulcro Domini nudi pedes processimus, ingressique sumus ante templum Domini in monte Moria, in loco & area, ubi David in tribulatione pestis exauditus fuit, ubi & eos qui devote orarent, Salomoni exaudiendos Dominus promisit. Mox ergo post preces & lacrymas vix inde egressi eramus, & ecce concrepantia signa & laudes altisonas in occursum nobis, ab his qui remanserant, reboantes, audivimus. Intrantes ergo ecclesiam sepulcri, lampades duas caelitus incensas summo gaudio conspeximus. Quid plura? a baptismi officio quo pridie cessaveramus, incipientes totum servitutis nostrae pensum, usque ad missae complementum lata devotione persolvimus. Nobis vero egressis in missam Syrorum, qui post nos in eodem choro psallere solent, lampades aliae divinitus accenduntur. Sic contingit, ut pauci intra Jerusalem vel christiani vel pagani tam evidentem Dei potentiam non cernerent. Ecce tibi testis alius Rudolphus monachus lib. 4. Hist. Die magni illius sabbati, quo ignis Dei potentia mirabili veniens, ab universo populo expectatur, ibi cum ceteris incolis & peregrinis Guillelmo comite Pictaviensi, & aliis principibus peregrinis Odolricus Aurelianus praesul adstabat. Jamque erat dies ipsa in vesperam transiens, repente penes horam, qua sperabatur ignis affuturus, unus Sarracenorum scurra impudentissimus, ex plurima illorum multitudine quae adesse solet, exclamavit,

*Vid. Mer-
santi. coron.
sandel. myst.
6. 7.*

21. 2.

2. 1. 1.

ut christianis mos est, cum primum videtur, ἀντὶ τοῦ κλέειν ἑλάνου, & cavillanter cachinnum emisit, extensaque manu arripuit cereum de manu cujusdam christiani aufugere tentans. At illico arreptus a dæmonio turpiter nimium vexari cœpit, quem prosequens christianus cereum abstulit. Ille vero tortus acerrime, protinus inter Sarracenorum manus expiravit. Quod factum omnibus terrorem immisit, christianis autem gaudium & exultationem. Statim vero, ut assolet, Dei virtute erumpens ignis ex una lampadum, quæ ibidem pendent, cursim eruendo cæteros inflammavit. Quam lampadem cum suo oleo dictus episcopus Aurelianus emens auri libra a Jordano, qui tum erat patriarcha, secum detulit, atque in sede propria reposuit, ubi plurima infirmis contulit beneficia. Nihil tum fiebat in occulto, palam omnia, ne caderet in christianos quod ait Christus Joan. 3. *Omnis qui male agit, odit lucem, & non venit ad lucem, ut non arguantur opera ejus. Qui autem facit veritatem, venit ad lucem, ut manifestentur opera ejus, quia in Deo sunt facta.* Si tunc, inquit *Nicolaus*, fiebat id miraculi, cur nunc non fiat? An minus habet sanctitatis sepulcrum illud, unde devicta morte vita enata est? An minus christiani nunc sumus, quam tunc isti erant? Nimio plus quaris, inquit *Romanus*, pace tua dixerim, nimio plus quam sit necesse, quamque respondere vellem, nisi me cogeres. Manet vivifico sepulcro sua sanctitas, sed non mansit christianis omnibus sua. Quam enim multi ab ecclesiæ capite & corpore se abjungunt, & odio nequissimo Romanam fidem, quam apostolus commendat, & sedem Petri quam firmavit Christus, nulla de causa impetunt: nihil veriti gravem Pauli sententiam, 1. Cor. 13. *Si linguis, inquit, hominum loquar & angelorum, caritatem autem non habeam, factus sum velut æsonans & cymbalum tinniens: & si habuero omnem fidem, ita ut montes transferam, caritatem autem non habuero, nihil sum: & si distribuero in cibos pauperum omnes facultates meas, & si tradidero corpus meum, ita ut ardeam; caritatem autem non habuero, nihil mihi prodest.* Quam multi sacerdotia, sacras dignitates & Spiritus sancti dona mundinantur! Notat Augustinus sacrum ignem apud Judæos

Vid. Franc.
Richard. in
suo fidei
Clp.

eatenus mansisse, dum Jason datis pecuniis pontificatum
 ab Antiocho rege mercatus est; postea evanuisse: quo si-
 gnificaret Spiritus sancti ignem simoniacorum ritibus ac
 mysteriis minime allucere. Fac alias esse miraculi cessan-
 tis causas. Certe continuandis admirabilibus portentis lege
 nulla Deus tenetur. Testatur Beda l. de loc. sanct. 7.
 ascensionis dominicæ die post factum sacrum annis singulis
 solitum esse ventum excitari adeo vehementem, ut deji-
 rentur in terram qui aderant: tota vero nocte ardere variis
 in locis ignes, & lucere flammæ, ut mons quasi ex toto
 igneus videretur. Nunc istorum nihil apparet. Arcæ mi-
 racula, quanto tempore ante Christum natum esse desi-
 erunt; & sexcenta hujuscemodi alia, quæ commemorare
 frustra sit. Mittamus ista, inquit *Methodius*: vidi enim e
 nostris non paucos oculatiores cæteris, qui non valde mira-
 culo huic accrederent. Nos quoque, subjicit *Romanus*, e
 vestris non paucos audimus nolle illius haberi mentionem.
 Narrabat olim mihi P. Georgius Rihelius vir probatissimæ
 fidei, se, cum aliquando reverendissimum episcopum Bery-
 tensen Græcum invisisset, adfuisse religiosos Græcos, qui
 facta istius miraculi mentione, significarunt movendas esse
 quæstiones alias, sibi de illius falsitate jampridem constare.
 Novi & ego alium primæ notæ non aliter contestantem.
 Erat etiam e nostris P. Hieronymus Queyrotius, vir in
 litteris Græcis eruditissimus, & illustrissimo patriarchæ Je-
 rosolymitano Græco perfamiliaris. Is cum ab amicissimo
 patriarcha fuisset amice, remotis arbitris, percunctatus,
 quo res modo gereretur; respondit arridens, *φυσικὴ*, na-
 turæ vi. Noster quoque P. Franc. Richardus audit Atha-
 nasium Byzantium virum e Græcis sapientiæ laude insi-
 gnem, cum referret, studio comperiundæ veritatis Jero-
 solymam contulisse se, idque unum potuisse ab reveren-
 dissimo patriarcha habere responsi, *quidquid fieret in locis*
sanctis, sanctum esse. Melecius Samatricius & Myræus epi-
 scopus, cum accepisset Meletium Alexandrinum e Græcis
 patriarcham vetus calendarium contra novum scriptis pro-
 pugnasse, neque sacri illius luminis, quod sabbato sancto
 celebrant, meminisse; ad ipsum contendit, causam sciscita-

turus, cur omisisset de illo dicere, unde lūculento Romanos argumento propelleret. Sciscitanti respondit coram viris Alexandrinæ ecclesiæ principibus: *Hoc miraculum vel unum si ecclesia nostra superesset, quotquot sunt a fide christiana alieni brevi sese ei adjungerent.* Tum Jerosolymam petiit: deque miraculo cum ab illustrissimo Theophane patriarcha Græco quæsisset; ille nihil simulans *lumen illud arte hominum minime laudanda fieri* fassus est. Remque totam illustrissimo Cyrillo Constantinopolitano patriarchæ aperuit datis ad ipsum litteris x x i. Aug. anno Christi 1627. easque litteras ad veritatis, id est, Dei gloriam, mandari typis & evulgari permisit. Sed de his hætenus. Hoc unum addam, inquit *Ignatius*, nihil esse tam gravi tot tamque idoneorum testium fide opus; miraculi falsitatem oculos in ipsos incurrere. Hanc ipse his meis vidi anno 1674. vidit testis omni exceptione major, excellentissimus D. Olerius marchio *de Nointel*, Regis Christianissimi apud Turcarum imperatorem legatus: viderunt quotquot aderant e suis. Sabbato illo quò illud fieri miraculum dicitur, ego paterque e nostris Græcorum peramans Robertus Salgerius, simul matutinis horis in sacrum sanctissimi sepulcri templum spectandi gratia sumus ingressi. Expavit primum sapientissimus ille vir ad inconditos tumultuantium hominum clamores & ejulatus: tum in aream divini loci nobis progressis, occurrit non orantium turba, non prostrata ad venerationem sacratissimi monumenti multitudo, non psallentium sacerdotum chorus, non quidvis aliud quod ad miraculum patrandum movere Deum valeat, sed insipientium juvenum & virorum vis magna. Circumcursabant illi præcipiti impetu sacrum sepulcrum, eosque edebant ludos, quos apud plebem vix ederent inverecondi de trivio histriones. Mox risum & cachinnos efferre; mox in iram versi mutuis sese verberibus cædere; inde compositis ad latitiam animis pileolos sibi mutuo ac vestes detrahere; sibi mutuo infilire in dorsum; tum junctis manibus coronam agere, & excipere humeris stantes alios; hinc ducere choream, & in terram mixtim prolabi; mox excurrere & vociferari. Pauca e multis delibo. Nam quid loquar Maho-

metanos satellites in medium quandoque profligare, & fustibus scivire, ut compescant, pace vestra dixerim, hominum protervorum atque impudentium conatus? Misit præpositus ab imperatore Turca sanctissimi sepulcri custodiæ, Turca ipse, misit qui debitæ in augustissimo loco modestiæ admoneret, prohiberetque ab sacrilegò illo tumultu. Haud scio an sitis mihi fidem habituri: dicam enim quod vix quisquam possit credere. Apud Turcam præsidem intercessit e Græcis vir primæ notæ, ne prohiberet, sed sineret solito omnia cursu evolvi. Passus est. Noster ibi Salgerius continere se non potuit, quin exclamaret nostro idiomate: *Hæc tumultuantium vesania non alio quam diabolo autore concitatur.* Pudet enarrare quæ postea non oculis modo, sed naribus hausimus. Fætebat immundo stercore multis in partibus sacratissimus locus, eoque fætor qui ne sex dierum quidem spatio evanescit. Denique ea fiunt isto sabbato, ut e Coptis qui ibi adest sacerdos, mihi dixerit, templum non jam templum, sed tartaream furentium daemonum speluncam esse. Hic ad miraculum apparatus est. O apparatus, exclamavit *Romanus*, quo, vel si Deus vellet maxime miraculi gratiam conferre, omnino cohiberetur, ne conferret! Sed perge. Perseverant, inquit *Ignatius*, incompressi illi motus & inconditi clamores ad horam post meridiem primam aut alteram; tumque videas omni ex parte occæcatam plebem efferre in altum cereos, & luminis sacri efflagitare illapsum, respicere Armenos sua ex parte, sublatifque oculis, testudinis scrutari angulos, num forte hinc adveniat; aspicere pariter Græcos e sua; omnes vociferari, & inter se comprimere. Paulo post ecce tibi Mahometani satellites Græcis sacerdotibus viam remota fustibus turba faciunt. Illi præmissis non parvo numero vexillis sacris & crucibus, ad pompam & majestatem induti, non magno pietatis, ut apparet, affectu, sacratissimum sepulcrum ter lustrant. Tum qui præest ex antistitibus Græcis, admissò secum Armeno uno, sanctissimum locum ingressus, januam sedulo occludit, quam foris armati fustibus Mahometani milites ab accessu populi tuentur. Qui tum clamores & motus efflagitantium ex omni parte divinum lumen! Vix

effluxerat quadrantis horæ pars tertia, ac ne effluxerat quidem, cum aperitur sepulcri augustissimi janua, forasque se emittit Græcus antistes (is erat Gazensis præsul) utraque manu fasciculum cereorum gestans, ut multiplicatis cereis copiosior flamma erumpat, hæreatque tenacius: prodiit pariter Armenus: ambo elata & audaci fronte, nihil præ se vel admirationis vel stuporis, quod viso miraculo usuvenit, ferentes. Saltitabat Armenus sacerdos magno impetu, concitatoque ad suos cursu pergebat, turbam a se obversa cereorum flammæ propellens; tumque mirabar homines ab divino illo, ut arbitrantur, lumine, sibi formidare, & barbæ suæ. Interea circumstabant antistitem suum Græci, proferebantque ad accendendum cereos, urgebant, compri-mebant sic, ut in præsulis manibus, omine non bono, divinum sit extinctum lumen. Si divinum est, inquit *Romanus*, quomodo potuit extingui, quod ardere vel in mediis aquis valeat, & ex sese nullius ope materiæ effulgere? Sine me, reposuit *Ignatius*, rem uti gesta est, commemorare; tum ex auditis, quod videbitur, efficies & concludes. Regressus in Domini sepulcrum Gazensis, ex ibi accensa lampade cereos denuo succendit, unde suos Græci alii inflammaverunt. Tum cœpit compleri fumo locus omnis, & fumi caligine lumen illud quasi obrui. An vero format divinum lumen, subjecit interrogando *Romanus*, tantumque abest, ut dispellat tenebras, quin faciat, suæque se fuligine prope extinguat? At forte lampades, quibus ubique templum ornatur, manum admovente nemine, exceperunt lumen, & arserunt? Observabam, inquit *Ignatius*, eas maxime, quæ supra sacratissimum sepulcrum in erecta illic testudine dependent: nec istæ, nec aliæ ullæ per miraculum sunt accensæ, sed ut erant, perseverarunt extinctæ, dum admota manu Græci suas, suas Armeni accenderunt. Aderant e primoribus Turcis cum excellentissimo legato nonnulli; mirabantur hi plebis cecitatem. Obstupui ego; & paulo post religiosum virum Dominicum *de Lasdival*, terræ sanctæ procuratorem, rogavi, num esset super ea re olim cum illustrissimo patriarcha Nectario collocutus. Collocutum se respondit, dum amicus erat, illumque sibi amice

confessum, excuti lumen illud humana arte, seque majorum exemplo quasi ex necessitate peccare, ne, si quomodo id fiat, intelligeret populus, pars magna ad ethnicos, Christi abjecta fide, transvolaret. At nescio an probaret excusationem Paulus, qui negat facienda mala esse, ut bona eveniant. Præter quam quod nullo fere negotio. sapiens moderator incommodo huic occurrat: ut sit, ex gesta re, & summa fide ab me commemorata, quid de lumine isto sentiendum sit, intelligite. Superest, reposuit *Nicolaus*, ut si qua habes ad novi commendationem calendarii miracula, pro more tuo ea referas. Jam enim quid sentiendum sit, abunde capimus. Non desunt, inquit *Romanus*. Narrat e Bzovio P. Franc. Richardus ἐν Τάφῳ τῆς πίστεως, quo tempore approbata est ab summo pontifice calendarii emendatio, cum docti viri duo pontificiis in hortis hiberno tempore deambulant, deque illa emendatione agerent, dixisse unum, non magis fieri posse, ut recta esset ac legitima, quam fieri tunc poterat, ut arbor quam habebant ob oculos, nuces suas hoc perfrigido tempore emitteret. Ecce tibi ad illam vocem, quæ videbatur arbor aruisse, nuces protulit, quarum aliquas in thesauro pontificum asservatas fuisse Bzovius scribit. Vis plura? audi. Deus ipse in faciendis miraculis novum calendarium sequitur. Narro quod refert in hæc verba Ricciolus noster, vir in mathematicis disciplinis longe celeberrimus. S. Geltrudis, inquit, Sueciæ in vigilia nativitatæ Domini virgam aridam plantavit in horto sui monasterii, impetravitque ut in honorem triplicis virginitatis Deiparæ Mariæ, folia, & brevi intervallo flores, & paulo post fructus eadem nocte produceret. Quod miraculum etiam diu post Gregorianam correctionem quotannis instaurabatur: nosque dum Parmæ essemus anno, ni fallor, 1629. vidimus ramusculum ex ea arbore missum a P. Nigronio ex aula Viennensi. Testatur Reybadeneira gravis autor ad xxvi. Julii in suo de sanctorum fastis eximio libro, Ravellæ, quæ urbs est Neapolitani regni, contineri quoque in phiala quadam e S. Pantaleonis seu Panteleemonis concreto sanguine, qui annis singulis quo die ex novi calendarii computo martyris ornatissimi

natissimi memoria celebratur, solvitur & ebullit. Tradunt & in Annalibus suis Hispani scriptores, Valentiolæ non longe ab Almagro in Hispania, die S. Augustini festo plures cereos accendi & ardere per diem, nulla ponderis sui facta jactura. Fides sit penes autores. Dicit nihil admirabilius potest, inquit *senior ille parochus*. Verum cum res ista fidem minime offendant: num satius esset ob pacis commoda communibus festis nos uti, eodemque tempore jejunare? Fateor, respondit *Romanus*, fore satius: sed fieri id non potest, nisi vel nos Latini vestrum Græcorum calendarium amplectamur, vel vos nostrum. Jam tu videris utrum æquius. Numero si componamini cum Latinis, vos estis paucissimi: potentia, si vires spectetis & regna, infinito intervallo, ut pater, inferiores; qui estis scilicet fere omnes servitutis jugo constricti: in orbis particula vos collecti; nos toto in orbe positi: nos ex Patrum & conciliorum legibus festa & jejunandi tempus servamus; vos contra quam præceptum est, facitis: factum nostrum certissimis Deus miraculis comprobatur; vestrum nullis. Quamobrem, si cedere multitudo paucitati, vis infirmitati, partiæ totum, error veritati, contumaciæ obedientia, Deus homini debet; debemus & nos morem mutare nostrum, & vestrum amplecti. At si homo loquentem per miracula audire Deum debet, si obsequi Patribus, si antepone veritatem errori, si totius habere rationem potius quam partis, si denique flumina minora in mare devolvi debent; debetis & vos Romanæ ecclesiæ in celebrandis festis consuetudinem admittere. Et admitteretis, si patrum vestrorum insistere vestigiis placeat. Orta enim olim primis ecclesiæ temporibus super celebratione Paschatis christianos inter controversia, B. Polycarpus Smyrnenensis episcopus S. Joannis Evangelistæ discipulus, non satis habuit audisse apostolum, eumque apostolum quem diligebat JESUS; at sui esse officii judicavit eum consulere, cui, magistro suo præsentem, JESUS oves suas pascendas tradidit. Quamobrem Anicetum adiit, ab eoque celebrandi Paschatis regulam accepit. Theophilus postea Cæsareæ in Palæstina archiepiscopus Romam quoque se contulit, ab Victore pontifice mandata super eadem contentione finienda quæ-

Græci Latini nos in celebrando Paschate debent imitari.

siturus. Nicæna quoque synodus ccccxviii. Patrum, quid facto opus edicens pro Paschate temporibus suis peragendo, quid observaret Romana ecclesia attendit, iussitque ecclesias omnes cæteras, illius sese accommodare consuetudini. Vide Socratem & Theodoretum Historicos Græcos. Atque ut de nostris exemplum quoque proferam; scribit venerabilis Beda Hist. eccl. l. 3. c. 25. excitatam in Anglia anno Christi 664. de faciendi Paschatis legitimo tempore controversiam. Disceptabant acriter super ea re Wilfridus presbyter & Colmanus monachus. Litem omnem rex ingeniose & uno pene verbo diremit. Sciscitatus enim, an uterque contendentium verba illa, *Tu es Petrus, & super hanc petram ædificabo ecclesiam meam, & porta inferi non prævalebunt adversus eam*; ab Christo dicta apostolorum principi fateretur; cum ambo ita se credere ac profiteri respondissent. *Et ego*, inquit rex, *ego vobis dico, quia hic S. Petrus est ostiarius ille, cui nolo contradicere; sed in quantum novi & valeo, hujus cupio in omnibus obedire statutis, ne forte me adveniente ad fores regni calorum, non sit qui referet averso illo qui claves tenere probatur.* Hanc regis sententiam exceperunt assensu uno omnes, ac nemini visum est recedendum ab apostolicæ sedis laudata in celebrando Paschate consuetudine: neque metuendum est ab summo iudice Christo Domino, si nos ejus oves, illum quem præposuit nobis, pastorem audierimus, fuerimusque, quo duxit, secuti. Est vero metuendi ratio gravissima, si oves cum simus Petro concreditæ, Petrum per suos successores pascentem, neque sequi, neque audire velimus. Tum *Nicolaus* religiosos suos cœnobitas contuitus: Mihi, inquit, ii videntur peccare non parum, qui Latinos temere arguunt: summa enim sapientia res suas ex Dei ecclesiæque mandatis moderantur. Superest ut religiosissimi illi patres qua sitratione instauratum calendarium exponant, tum suum jejunandi morem nobis aperiant & probent. Multa enim habent in usu quæ christianorum natio nulla observat. De calendario emendato recitabo, inquit *Romanus*, quæ sunt brevissime ab Ricciolo nostro & accuratissime collecta. *Vitium calendarii veteris anno 1260. detexit Joan. de sacro Bosco, ac deinde Joan. de*

Saxonia, & Robertus Lincolnensis episcopus, regulas quasdam scripserunt pro reformando calendario, & postea Petrus Philumena & Nicephorus Gregoras, & anno 1372. Isaacius Argyrus, & in concilio Constantiensi Petrus de Aliaco cardinalis & episcopus Cameracensis anno 1414. & in concilio Basileensi Nicolaus cardinalis Cusanus ann. 1436. 1439. & 1460. Postea Joannes Regiomontanus a Sixto IV. ad id negotii Romam evocatus obiit 1476. & sepultus est in Panthcone. Postea errores calendarii relati rursus sunt ad Leonem X. & ad concilium Lateranense annis 1513. & 1516. scripsitque tunc ad Leonem X. Paulus Mildeburgensis, episcopus Forosempronienensis suam summam, & Joannes Stocferinus, Albertus Pighius, & Joannes Echius, rogantes & Maximilianum I. imp. ut hoc negotium susciperent, suam formam reformationis exhibentes, quam postea imminente concilio Tridentino exhibuit ex sua intentione Petrus Pyratus & Lucas Gauricus, aliique, rogantes Pium IV. ut in hanc reformationem incumberet. Itaque ex ejus nutu decreta fuit hæc reformatio in concilio Tridentino. Eaque occasione Campanus, Joseph Molatius, Joseph Zarlinus sua de hoc scripta vulgarunt. Convocatis denique Romam harum rerum peritioribus, & per decennium discussis variis formulis prelata est ea, quam Aloysius & Antonius Lilius fratres excogitarunt: missa ab Gregorio XIIII. ad reges, principes, & respub. placuit, & anno 1582. summo consensu recepta est. Hæc ita Ricciolus. De nostro jejunandi more pomeridianis horis dicemus. Sentio enim nunc alio vos evocari.

DIALOGUS XIII.

De jejunio Latinorum.

CUM convenissent pomeridianis horis ex pacto, qui tempore matutino adfuerant, *Methodius* Latinos sacerdotes compellans, Haud scio, inquit, unde factum sit, cur vos ab reliquis christianorum nationibus sic in jejunando recesseritis, ut nulla vobis, ne Maronitana quidem, quæ tota vestra est, consentiat. Jejunatis sabbato: feria I. v. non abstinetis ab esu carnium: pisces, & quibusdam in locis

LI ij.

lactinia quadragesimali tempore comeditis; solvitis meridie jejunium, & religiosi apud vos monachi extra jejunii dies vescuntur carnibus. Mirum est, reposuit *Ignatius*, id arguere te, quod in vobis alii pariter arguant, & in qualibet secta christiana. Alia enim Græcorum sunt, alia Armenorum, Surianorum alia, alia Maronitarum, Nestorianorum alia jejunia. Græci hebdomadis ante quadragesimam duabus id agunt quod christiani nulli alii; altera enim tota carnem manducant, tota altera lactiniis utuntur, ne exceptis quidem feria i v. & vi. Armenis & Nestorianis olei & vini usus non licet; licet nunc Græcis. Licet Armenis, Maronitis, Surianis, Nestorianisque carniū esus & lactiniorum ab Paschate ad Ascensionem Domini; Græcis non licet. Carnibus vescuntur Suriani i v. feria & v i. horis vespertinis, quod nefas aliis christianis. Armeni jejunia sic per annum sua distribuunt, eoque ritu jejunant, quo præter eos nulli alii. Nestoriani in honorem apostolorum jejunant dies 50. & totidem alios in prophetæ Eliæ venerationem; quod minime fit a Græcis. Hoc ad vitandam prævaricationis labem satis, quod in jejunandi admittenda lege convenient, etsi in servandæ legis ritu discrepant. Ista enim rituum varietas non minus ad splendorem confert ecclesiæ, quam juvat ad pulcritudinem corporis varietas quam cernimus, membrorum, & ad vestis venustatem eorum, quibus intextur, discrimen colorum. Est enim Christi ecclesia, regina illa quam hinc commendat vates regius ps. 44. *Adstipit, inquit, regina a dextris tuis in vestitu deaurato circumdata varietate.* Græci ipsi non eodem ritu jejunant. Testatur Socrates l. 5. c. 22. alios jejuniorum tempore solere vesci piscibus, alios avibus etiam quasi piscium more, ut tradit Moses, ex aqua prognatis, alios ova sola fructusque edere, panem alios, alios ipso etiam pane abstinuisse. Nunc in Moscovia Græci pisces edunt quadragesimali tempore. Constantinopoli, Alexandria, Jerosolymis jejunium meridie nunc solvunt: idque

Christianorum gens nulla in jejuniorum ritu cum alia convenit.

Sua in jejunandi consuetudinem Græci sæpe mutant.

ii. i v. & vi. dumtaxat feriis; diebus enim aliis sibi licere putant, qua placet hora, & edere & bibere, vel summo mane; nec valde creditur peccare, qui etiam recensitis modo feriis jejunium ante meridiem solveret. Olim absti-

nebant a vino omnes, teste Joanne Chrysostomo homilia viii. de pœnitentia; producebant ad vesperam jejunium, si Basilio magno credimus. Immo Tertullianus l. contr. Psych. c. 13. stationum jejunia qualibet i v. feria & v i. ut mos tum erat, celebrata *semi-jejunia* appellat: quasi quadragesimalia duntaxat quæ prorogabantur ad vesperam, vera essent & solida jejunia. Et si qua fides libello huic, quem Horologii nomine appellatis, ita scribitur ad calcem de jejuniis Græcorum. *Quinquagesimus*, inquiunt, *sacra Laodicensis synodi canon sic habet: Non oportet ultima sanctæ quadragesimæ hebdomada feria v. solvi jejunium, & toto quadragesimæ tempore negligenter agere. Verum oportet satram omnem quadragesimam explere jejuniis. Neque ullo cibo utantur nisi arido & sicco.* Quis eum nunc temporis ritum observat? Alias quoque, ut aiunt, teste Michaeli patriarcha, *jusserunt apostoli post Vespere obitum, ut in ejus honorem quadragesimale jejunium aliud celebraretur, ab v i. Julii die, ad xv. Augusti. Neque enim atate illa ullum præmittebant natali Christi jejunium.* De suis præterea jejuniis Græci sic loquuntur e scriptis Matthæi philosophi. *Quadragesimale in primis jejunium*, inquiunt, *quo Paschati præitur, solum præceptum est ab initio. Jejunia vero reliqua si extitissent, ea commemoraret canon apostolorum xlvii. At quod spectat cætera illa jejunia, apostolorum scilicet, & B. Virginis, & natalis Domini, nemo nos, meo quidem judicio, qui recte sentiat, arguendos propterea existimabit.* Audi etiam quid de Græcorum jejuniis Gregorius Hieromonachus protosyncellus, qui & patriarcha Constantinopolitanus, contra Marcum Ephesium, scribat: *Non novit igitur, ut videtur, eximius ille vir, quod & in hac magna civitate varie sunt consuetudines jejuniorum & ecclesiasticorum rituum: sunt enim qui ante Christi natalem jejunare incipiunt die 14. Novembris, alii Decembris 6. & 20. alii sunt qui jejunium Calendis Maii in honorem ascensionis Dominica inchoant, & alii alia servant jejunia, & in quadragesima alii sabbato & dominicis diebus pisces comedunt, alii aliis etiam diebus, alii penitus abstinent.* καὶ οἱ μὲν τὰ σάββατα καὶ τὰς κυριακὰς ἀγίας καὶ μεγάλης Παναγικῆς ἡμέρας ἐσθίουσι, ἑπὶ δὲ ἔσθλας ἡμέρας, ἄλλοι δὲ τὰ πᾶν ἀπέχουσι. Deus bone! Quæ major fingi potest in

jejunando consuetudinum rituumque varietas, & mutatio, quam quæ extitit apud Græcos! Vide Socratem lib. 5. c. 22. Nemo tamen nostrum litem illis ea de causa movit. Neque enim nescimus quod præcipit apostolus Rom. 14. *Infirmum autem in fide assumite, non in disceptationibus cogitationum. Alius enim credit se manducare omnia: qui autem infirmus est, olus manducet. Is qui manducat, non manducantem non spernat, & qui non manducat, manducantem non judicat: Deus enim illum assumpsit. Tu quis es, qui iudicas alienum servum? Domino suo stat, aut cadit; stabit autem: potens est enim Deus statuere illum. Nam alius iudicat diem inter diem. Unusquisque in suo sensu abundet. Qui sapit diem, Domino sapit, & qui manducat, Domino manducat: gratias enim agit Deo. Et qui non manducat, Domino non manducat, & gratias agit Deo: nemo enim nostrum sibi vivit, & nemo sibi moritur: sive enim vivimus, Domino vivimus; sive morimur, Domino morimur: sive ergo vivimus, sive morimur, Domini sumus.* Quæ cum ita sint, eaque Græci legant, & legantur ipsis dominica ea, qua relictis carnibus caseo & lacticiiniis viam sibi ad quadragesimam muniunt; unde est; ut contra Pauli & ecclesiæ suæ mandatum *judicent manducantes, diemque inter diem judicent*, & vetent sabbatis jejunari. Non est hæc, subjecit *Nicolaus*, ab nobis imposita lex, ne sit sabbato jejunium. Sanxerunt id apostoli canone e suis L X V. quem & Trullana synodus canone L V. renovat. Fac, reposuit *Ignatius*, ita statuisse apostolos temporibus suis necessitate compulsos, tum quod placebat Judæos sabbaticæ quietis amantiores demereri, & adducere sensim, hæc relicta lege, ad Christi jugum; tum quod edocente Spiritu sancto forte prænoverant futuros paullo post hæreticos qui dicerent, Deum illum, qui corporata condidit, & quievit die V I I. minime esse colendum, imo in ejus odium, quo die quievit jejunandum esse & laborandum. Verum quæ sunt ab apostolis olim in canonibus suis præcepta, non nescis ea mutatis temporibus ad magnam partem mutata apud ipsos Græcos, ut ipsa canonum lectione facile quivis videat. Atque ut omissis majoribus minimum quid, quia magis ad rem facit, commemorem, num imperat canon L X I X. quartæ

ac sextæ feriæ jejunium, neque tempus ullum excipit; Excipiunt tamen Græci, nec jejunium illud observant, tum paschalis festi hebdomada i. tum ea quæ est Pentecostes, totoque illo tempore, quod ab natali Domini ad Epiphaniam decurrit, & duabus illis hebdomadis, quæ quadragesimale jejunium propius attingunt. Quod facimus, inquit *Nicolaus*, probante & concedente ecclesia facimus. Et id quidem, reposuit *Ignatius*, contra apostolicum canonem. At canones apostolici, subjecit *Nicolaus*, nihil aliud sunt, quam leges ab ecclesia positæ, quas, ut potuit ecclesia prohibito condere, moderati quoque ad arbitrium potest & mutare. Neque enim minus nunc autoritatis habet ecclesia, quam tum habuit. Responsum hoc tuum accipio, inquit *Ignatius*, idemque illud tibi refero. Legem potuit ecclesia ponere, ne sabbato jejunaretur, ut potuit jubere feriæ i v. & v i. jejunium. At quemadmodum potuit, quibus voluit per annum diebus, legem hanc tollere, potuit & illam sabbatici jejunii pro voluntate mutare. Quot enim alias pro rerum statu ac temporum conditione mutavit? Epistolarum Pauli, refragante nemine, major est autoritas, quam apostolicorum canonum. Quid jubet Paulus i. Timoth. cap. 5. *Vidua deligatur non minus sexaginta annorum*, quæ scilicet diaconissæ fungatur munere. Et canone lxx i v. Nicænæ synodi, ut refert Franc. Turrianus, idem cavetur. Mutavit legem hanc in Chalcedonensi concilio ecclesia, ejusque deligendæ quæ xl. annorum esset, potestatem fecit. Quin &, si Zonaræ habemus fidem, in canone xix. Nicænæ synodi licuit dispensante episcopo eas consecrare quæ xxxv. imo & xxx. annis minores essent. Sublatæ demum postea ab ecclesia diaconissæ. Quamvis ergo verè fuisset ab apostolis editus canon ille de jejunio sabbati, potuit illum ecclesia, ut alias multas etiam apostolicas leges sapientissime mutare. Itaque si pertendis obstinate canonem illum esse verum, dabo hoc; sed mutatum autoritate ecclesiæ affirmabo. At eruditorum hominum nemo pro vero eum habet. Nullus enim sanctorum patrum ejus meminit. Imo Epiphanius qui, nisi fallor, non nesciebat apostolicos canones, in expositione fidei dominicam diem in i. d. sabb. b.

Ecclesia pro rerum & temporum varietate varias consuetudines inducit.

Nullus est apost. canon de jejunio sabbati.

jejuniū eximit solam, uti & Gangrensis synodus canon. XVII. sabbatum exemisset similiter, si ita fuisset ab apostolis sanctum. Neque edixissent in Occidente Petrus & Paulus apostolorum principes, jejuniū sabbato, ut eos fecisse tradunt August. epist. 85. & Innocent. papa ep. 11. Consentit recentior autor Græcus Zigaras, ubi narrat dominica die Simonem magum ab B. Petro ex alto dejectum, cum pridie jejuniū induxisset. Unde nostram jejunandi in sabbatis tradit emanasse consuetudinem. Certe Socrates vester l. 5. cap. 22. Romanos scribit sabbatis omnibus jejunare: *πάντα σαββάτων νηστεύοντες*. Ex quo intelligas, cum hic ibidem ait Romæ non fuisse in quadragesima sabbatis jejunatum, Romæ nomine non illam veterem, sed novam, Constantinopolim scilicet, appellari. Ego, inquit *Methodius*, in vestri gratiam sic dicerem; vobis per apostolos jejuniū hoc licuisse, vetitum nobis per eosdem. Neque id temere, aut levibus de causis. Cum enim hic Judæis immixti degeremus, quos allicere ad fidem opus erat, voluerunt honorem haberi sabbato, ut propiores nobis Judæos facerent, si ipsis non nihil nos juberent accedere, quod abs te mox audiebam, & probavi. Vexat multos Ignatii Antiocheni episcopi auctoritas, quod in sua ad Philippenses epistola pronuntiet, eos qui sabbato jejunant, si sabbatum majoris hebdomadæ excipias, Christum rursus cruci affigere: *ὅτι Χριστὸν τὸν ὁ Θεὸς ἔκρινεν*. Christi inquit, interfector est. At ex eo quod mox aiebas, & meministi me in Epiphanii de hæresibus libro, hæresi 41. legere, commode explanatur. Erant enim qui sabbato eam mente jejunabant, ut corporatorum deo, quem dicebant & malum esse, & sabbato quievissent, quantum poterant, adversarentur. Illos ait Ignatius Antiochenus hoc suo hæretico jejuniō gravissime peccare. Adde, Ignatium quoque, cum respiceret fore, ut Judæi hoc sabbati jejuniō vehementer offensi ab amplectenda Christi fide omnino detererentur, scripsisse, ab iis denuo crucifigi Christum qui sabbato jejunarent, quippe qui jejuniō illo suo minime tunc temporis necessario, illum perderent, pro quo Christus mortuus est, Christumque adeo in homine Judæo fidem propterea repellente, quasi interimerent. Non capio, inquit *Ignatius*, quomodo

Explicatur
difficilis S.
Ignatii Anti-
och., locus.

quomodo e vestris quidam sic abhorrent ab jejunio sabbati, ut non vereantur male illis dicere, qui sabbato jejunant. Sciunt enim Paulum anachoretarum principem, Antonium magnum, Simeonem stylitam, Mariam Ægyptiam, & quot alios e Latinis, quos sanctos habent, & publico in templis suis officio venerantur, sabbato jejunasse. Latinis porro illis antiquiorem esse in Romana ecclesia sabbato jejunandi consuetudinem patet, tum ex Aug. epist. 85. tum ex Hieronymo ep. 28. ad Lucinium. Recita, quaeso, inquit *Romanus*, Hieronymi verba ipsa: præclare enim de re proposita. definit. Quæsierat, inquit *Ignatius*, quæsierat Lucinius ille ab Hieronymo de jejunio sabbati; sic respondit. Hieronymus: *De sabbato quod scribis, utrum jejunandum sit. ego illud te breviter admonendum puto, traditiones ecclesiasticas, præsertim quæ fidei non officiant, ita observandas, ut a majoribus tradita sunt, nec aliorum consuetudinem, aliorum contrario more subverti. Atque utinam omni tempore jejunare possimus: quod in actis apostolorum diebus Pentecostes, & die dominica apostolum Paulum, & cum eo credentes fecisse legimus. Nec ideo Manichæorum hæresis accusandi sunt, cum carnalis cibus præferri non debuerit spiritali. Nec hoc dico, quod dominicis diebus jejunandum putem, & contentas quinquaginta diebus ferias auferam; sed unaquaque provincia abundet in suo sensu, & præcepta majorum leges apostolicas arbitrentur.* Hieronymo juvat Augustinum accensere. *Alia vero, inquit ep. 118. quæ per loca terrarum regionesque variantur, sicuti est quod alii jejunant sabbato, alii vero non: alii quotidie communicant corpori & sanguini Domini: alii certis diebus accipiunt. Alibi nullus dies intermittitur, quo non offeratur: alibi sabbato tantum & dominico: & si quid aliud hujusmodi animadverti potest, totum hoc genus rerum liberas habet observationes. Nihil proferri, inquit Nicolaus, ad solvendam quæstionem accommodatius potest. At quæ movit ad jejunium illud instituendum ratio? Dic tu, reposuit Ignatius, quæ Græcos impulerit ad feriæ i. v. jejunium? Canon, subjecit Nicolaus, canon apostolicus, si non scriptus; scriptum enim negas: at certe traditus. Merito autem illud, quia feria i. v. Judas de prodendo Judæis Christo pactus est. Majus ego aliquid,*

*Cur sabbato
jejunetur.*

inquit *Ignatius*, tibi profero. Movit enim ad jejunandum sabbato Christi autoritas. Sic enim *Matth.* cap. 9. loquitur: *Non possunt filii sponsi jejunare, quandiu cum illis est sponsus. Venient autem dies, cum auferetur ab iis sponsus, & tunc jejunabunt.* Audin' jejunaturos Christi discipulos diebus illis, quibus ablatus ipsis sponsus est? Dies autem illos quos esse dices, nisi feriam v. i. & sabbatum? Nempe Christum Dominum habuerunt in potestate Judæi, eumque abstulerunt discipulis feria v. i. qua cruci est affixus, & sabbato, quo apposita custodia in sepulcro detentus est, sanctissima interim matre & discipulis summo in luctu planctuque degentibus. Ac præterea Petrus, ut aiebam, Simonem magum profligaturus jejunium illud imperavit, & hinc quoque devolutam ad nos & constitutam jejunandi sabbato consuetudinem tradiderunt scriptores. Esse porro Deo gratissimam miraculis non paucis palam factum est. Insigne fuit quod refert Cæsarius l. 7. c. 39. de latrone illo Tridentinæ regionis, qui cum religiosi cujusdam viri consilio statuisset sabbatis singulis in B. Virginis honorem jejunare, idque servasset; captus postea, & capite ploxus est, peccatis confessione privata atque publica deletis. Tum in campum cadaver abjectum est, & humo conditum. Ecce tibi autem de nocte lumen admirabile loco affulsit. Eo cum accessissent virgines quatuor formosissimæ aperto tumulo, caput relicto corpori restituunt & annectunt; corpus in arcam opere eximio confectam involutum purpura deponunt; indeque ad civitatis deferunt fores, accensa in cujusque manu face. Præerat quatuor illis una alia cæteris forma & majestate nobilior. Expaverunt vigiles ad aspectum: sed revocatis animis jubentur ab augustissima regina illa, quæ se Deiparam Virginem prodidit, monere episcopum, ut clientem illum suum perhonorifico in sacra æde loco sepeliat. Monitus episcopus, postridie mane jussis obtemperat, miratus & caput corpori redditum, connexumque, & arcæ, purpuræque, qua continebatur cadaver, elegantiam. Quo miraculo permoti bene multi sibi spontaneum sabbatis singulis ad cultum B. Virginis jejunium indixerunt. AD JEJUNIUM illud quod attinet, inquit

Nicolaus, fecisti haecenus satis: sed mirum est jejunii vim piscium esu & lacticiniorum etiam, quibusdam certe in regionibus, a vobis infringi. Verbo reponam, inquit *Ignatius*, a nobis non magis quam ab Moscovitis Græcis infringi. Piscibus enim in quadragesima vescuntur, nec ea satis habent ad victum olera, quibus abundant; & usos olim christianos esse non paucos modo referebamus e Socrate. Deinde quo responso refellent Græci Armenos, si exprobrent Græcos jejuniorum suorum vim olei vinique usu, addo & coctionis elidere? Neque argui immerito id videtur, cum Græci in Horologii sui calce fateantur sibi ab Laodicensa synodo præceptum, ut nullo nisi arido cibo jejunium quadragesimale decurrant; Græcisque Chrysostomus scribat ab vino tunc penitus abstinendum. Quin & Græcorum Typicon & Horologion certis jejuniorum diebus licere monent, & comestionem duplicem, & olei usum, aliaque hujusmodi, unde constat diebus cæteris non licere. Fecerunt tamen sibi licitum; ut & licere sibi putarunt quater & amplius in anno carnes feria I v. & v i. comedere, contra canonem quem volunt esse apostolicum. Amabo vos: quo jure sit, ut qui magis jejuniorum rationem suo ipsi testimonio quam alii quilibet immutarent, de jejunio litem Latinis moveant, qui ab majorum institutis minime recedunt? Quæ enim in synodo præceptum illis est, ne pisces edant, ne, etiamsi desit oleum, lacticiniis utantur? Lege decretum Thelesphori papæ anno 134. quo nihil veratur aliud, nisi carnis usus. Cur non audiunt monentem Paulum Rom. 14. *Qui non manducat, manducantem non judicet*. Quid distant pisces illi quos adhibemus ad mensam, ab piscium ovibus & visceribus, ab illis ostreis & piscibus nesciocujus generis, quibus ipsi mensas, si ita lubet, & stomachum onerant? An nesciunt in hoc maxime positum jejunium christianum, ut una duntaxat vice comedatur? Dicentne non jejunasse olim Judæos, quod, licet die toto nihil cibi attingerent, carnibus utebantur ad cœnam? Jejunasse tamen illos sacræ litteræ testantur. Bene est, inquit *Nicolaus*: feramus id in laicis. At quis ferat monachos & religiosos viros per anni decursum carnes edere, quod apud vos usuvenit? Feret id,

Latinis licet pisces quadragesima tempore edere, & nonnullis in partibus lacticinia.

Carnibus vesci non est religioso viro indignum.

respondit *Ignatius*, qui religiosorum principes apostolos carnem manducasse e sacris codicibus acceperit, imo id Christi consilio quasi injunctum, *Luc. 10. In quamcunque civitatem intraveritis, & susceperint vos, manducate quæ apponuntur vobis.* Et *Act. 10.* magnum e cælo summittitur Petro linteam, in quo erant omnia quadrupedia, & serpentina terra, & volatilia cæli: & facta est vox ad eum: *surge, Petre, occide, & manduca.* Et *Paulus 1. Corinth. c. 8. Si esca*, inquit, scandalizat fratrem meum, non manducabo carnem in æternum. Feret id qui Christum Dominum religiosorum hominum caput & exemplar carnem manducasse noverit, uti sacra evangeliorum volumina contestantur. Manducavit enim paschalem agnum cum suis: ut cætera prætermittam, quæ illi instituta sunt variis in locis, convivia. Feret id qui hanc ab carne abstinentiam novo, non veteri jure Græcis religiosis præceptam e Græcorum ipsorum Annalibus didicerit. Audi *Zigaram* vestrum. Imperante, inquit, *Theophane* *Augusta* provinciale habitum est concilium, qua vetitus monachis carniū esus est. Rem, quemadmodum gesta est, enarro. Sabbato sancto cum sese *Augusta* in cœnobium quoddam missæ audiendæ gratia contulisset, templum ingressa neminem nisi sacerdotem unum, ædituum & cœnobii præsidem reperit. Obstupuit eo die monachos hinc abesse, accersit ædituum, sciscitatur de monachis, cur absint, ubi degant. Ille occupatos in horto respondit apparandis in crastinum diem cibis. Quo cum deduci se jussisset, monachos invenit, omnes prope tinctis sanguine manibus, cum illi agnos, hi vitulos, alii ex omni animalium genere jugularent, pelles alii plumasque detraherent. Ægerrime id tulit *Augusta*, doluitque religiosos viros, sacro missæ sacrificio, quod est immortalium ac divinorum animorum alimentum, abfuisse, ut vacarent instruendis caduco corpori epulis. Siluit tamen, dum festi dies abirent. Dominica vero ea quæ Pascha proxime excipit, vocatis patriarcha, episcopis, aliisque e clero non paucis, synodus provincialis habita est. Tum Patres monuit minime decere, neque vero oportere ab monachis carnes edi, quippe qui mundo, iisque quæ mundi sunt, remiserint nuntium, atque in mortuorum numero censean-

cur. Probavit synodus Augustæ sententiam, voceque unâ sancitum est, ne monachi carnes ederent. Quam legem scripserunt & obsignarunt. Hæc e Zigara pene ad verbum. Paucis absolvam. Non in eo posita est religiosæ vitæ ratio, ut quis carnem non attingat. Eo continetur, ut quis abjectis opibus Christum pauperem pauper sequatur; voluptatibus repudiatis castitatem colat; & dimissa ad præsidis nutum voluntate, obedientia duce regatur. Propono, inquit *Nicolaus*, difficiliorem nodum, quem ubi docte pro Latinorum more exolveris, secedemus ad quietem. Suffocatorum & sanguinis esus apostolica lege in Jerosolymitana synodo vetitus est, cur legem adeo gravem non veremini infringere. Propono ego tibi, subjecit *Ignatius*, nodum non ab similem quem teneris solvere; nec potes, quin solveris illum tuum. Num est apostolica lege cautum, ut vidua deligatur ad diaconisæ officium non minus sexaginta annorum? cur deligi permittit Chalcedonensis synodus eam quæ sit quadraginta? Dicebamus modo, inquit *Nicolaus*, mutare ecclesiam posse quod est ab apostolis institutum: quia etsi fieri hoc nisi ægre non debeat, fieri tamen nonnunquam necesse fuit, rerum ac temporum conditione mutata. Sic reponam, inquit *Ignatius*, canonem de suffocatis apostolicum, eo, quo conditus est, tempore, ad Judæorum conciliandos animos necessarium, mutatis temporibus, & dominante Christi religione, mutari ab ecclesia debuisse, ne obstringi etiamnum legis antiquæ mandatis, & gravi illo, ab quo nos Christus exemit, premi jugo videremur. Augustini certe ætate in Africanis partibus, hæc apostolica constitutio, ut testatur ipse, desierat observari, vidente ac probante ecclesia. Adjungo suffocatorum esum non fuisse ecclesiæ Christi universæ prohibitum, sed Antiochenis duntaxat circumque adjacentibus populis, ubi exorta de legalibus contentio turbas moverat, & offenderat Judæos, institutorum veterum amantiores. Lege in Actorum capite x v quibusnam canonem hunc scribant. *Apostoli*, inquiunt, & *seniores fratres*, *his qui sunt Antiochia & Syria & Cilicie fratribus ex gentibus, salutem.* Non scribunt totius orbis fratribus, sed illis paucis, quos ne teneri quidem hac suffocatorum ob-

*Suffocata
& sanguinem
lucere
edere.*

*l. 32. contr.
Euseb. c. 13.*

servatione, uti nec ulla veteri & Mosaica lege demonstrat Petrus. Et demonstrat satis Jacobus, cum ait scribendum illis esse, ut abstineant. Etsi enim non obligabantur ex lege Christi, voluerunt illos levi ista lege ad tempus saltem astringi: & visum est hoc illis imponendum oneris, quod necesse illud tunc appareret demulcendis Judæorum animis, Christoque conciliandis. Hanc rationem nimirum affert Jacobus cum ait: *Moses enim a temporibus antiquis habet in singulis civitatibus, qui eum prædicant in synagogis, ubi per omne sabbatum legitur.* Unde concludendum relinquit gravissimum hoc Judæis fore, si omnem ejus legem aboleri statim animadverterent, maxime de suffocatis. Hoc unum quippe illa ejus ratio innuit, aut certe, quod vel cogitare nefas est, Moïsis legem christianis esse servandam efficit. Suasit porro Jacobus averti ab suffocatis: cum enim ab iis omnino Judæi abhorrent, si christianos iis uti deprehendissent, eorum fuissent societatem execrati. Denique ea lege, eoque canone christianos omnes non obligari, argumento etiam est, quod ibidem veteretur pariter idolothytorum esus, quem licitum tamen Paulus docet 1. Cor. c. 8. *Neque, inquit, si manducaverimus, (idolothyta scilicet, de quibus quærebatur) abundabimus; neque, si non manducaverimus, deficiemus. Videte autem ne forte hac LICENTIA VESTRA offendiculum fiat infirmis.* Si vetitus esus ille est christianis omnibus, quomodo licitum esse Paulus asserit, Paulus, inquam, qui adfuerat in concilio, qui missus Antiochia ad apostolos, qui ab apostolis Antiochiam remissus promulgandi canonis causa fuerat. Cæterum cum lex illa Judæis ad fidem alliciendis peropportuna visa esset, multis aliis in locis susceptam esse varia synodorum variarum decreta ostendunt. At postquam illorum concidit natio execranda, & aucta est in universo terrarum orbe Christi religio, has legis antiquæ, quam servare non licet, reliquias christiani dimiserunt. Nihil opus est, inquit *Romanus*, ut rem ex sese planam uberiore sermone sapientissimis patribus explices; satis effulget ex hoc quo utuntur *imponendi* verbo, cum aiunt apostoli *id se tantum imponere oneris*: satis, inquam, elucet, hoc esse præceptum apostolicum seu eccle-

siasticum mandatum, quale est abstinencia a carnibus feria vi. quod cum immutare certis quibusdam anni diebus ecclesiæ Græcæ licuerit, licuit & istud, ut multa alia omni tempore. Apostolos vero hac usos cum Judæis benignitate constat ex Pauli factō, qui sibi Timotheum assumens eum circumcidit *propter Judæos*, qui erant in illis locis, Act. 16. cum ipse tamen Galatis scribat: *Si circumcidamini, Christus vobis nihil proderit*. Nunc vale ornatissimis istis patribus dicendum, & agendæ pro tanta ipsorum erga nos humanitate gratiæ. Die enim crastina proficiscendum nobis est. Hic exurgens *Nicolaus*, & utrumque maxima benevolentiæ significatione complexus, Nostrum est, inquit, vobis rependere quas possumus gratias, ab quibus non fuimus cohonestati modo, sed edocti. At beneficium a vobis nunc etiam aliud exigimus, ut qui tot dies ad colloquendum concessistis, unum saltem ad valedicendum tribuatis.

DIALOGUS XIV.

De sculptis extanti opere imaginibus & signo crucis.

CUM hæc Græcorum hominum singularis neque dum visa humanitas, tum vis imbrium vehementissima quæ triduum obtinuit, Romano Ignatioque discessum cogitantibus fuit in mora. Quamobrem pro more, ubi persoluto divino penso, otium fuit, ad ipsos *Nicolaus* cum suis convenit, & apprecatus faustam lucem, Videtis, inquit, patres colendissimi, quam nobis faveat hoc diluvio Deus, unde terræ ubertas, nobis doctrinæ vestræ fructus accedet. Super sunt perpauca, quæ rogare vos vestris de rebus, nisi grave est, velimus, ne quis ultra incurrat obex mutux inter nos consensionem & optatissimæ paci. Cum pergratum hoc sibi accidere uterque significasset. Quæsit primum *Nicolaus*, quo jure sculptas e ligno vel fusas ære aliove metallo imagines Franci erigerent, & venerarentur. Pari, inquit *Ignatius*, atque vos jure. Nam etsi hujusce formæ vidi apud vos non admodum multas, vidi tamen non paucas. Sacros evan-

*Sculpturam
imaginum
usque licet,
etiam Grae-
cos.*

geliorum codices argenteis crucibus soletis ornare, quibus Christi imaginem argento-fusam & extantem ut plurimum affigitis. Praefules dum sacris operantur, sæpe quoque crucem manu deferunt eleganti opere e ligno excavatam & exsculptam, cujus in sinu varia religionis mysteria affabre excisa prominentibus figuris conspeximus. Cruces ipsas adhibetis plerasque non pictas duntaxat, sed defectas e ligno, aut e metallo effectas. Cumque non ita pridem agerem Damasci, secum e Moscovia candelabrum eximium illustrissimus patriarcha Macarius attulit, cujus in vertice crux ænea Christi imaginem solidam & extantem offerebat. Hæc cum diceret *Ignatius*, accessit e vicina civitate nescioquis, & aulam ingressus coepit prostrato ad terram corpore bis terve Nicolaum venerari, & acceptam ejus dexteram exosculatus jussit, quem adduxerat, servum, sacculum sericum aperire, unde extractum evangeliorum volumen abbati porrexit, legavitque cœnobio in perpetuum munus. Erat concinne compactus liber, & laminis munitus argenteis, quaque parte plebi obvertitur, cum deferitur per templum, argentea in medio tabella Christum exhibebat solido & extanti opere cruci appensum, & opere consimili Mariam hinc Deiparam, Joannem inde dilectum discipulum ipsi adstantes. Postquam abscessit qui librum attulerat; Palam est, inquit *Ignatius*, quod affirmabam modo, prominentis ac solidæ formæ imagines usurpari apud vos. Habetis illas hoc sacro in libro: Et, si fas est dicere, id imaginum genus in te ipso aspeximus. Cur enim vir ille bonus ad terram usque provolutus tibi venerationem eam detulit, qua deferre Christo majorem vix posset. Tene constituit sibi Deum? Absit, inquit *Nicolaus*: sed tenuitatis oblitus meæ, expressam in me sacerdotii charactere & auctoritatis nota Christi formam veneratus est. Nam si vir uxori suæ *imago & gloria Dei est*, ut Pauli verba adhibeam; jure certe potiori ecclesiæ sacerdotes, & maxime antistites, id ipsum sunt christianæ plebi. Et vero sui nos imagines effinxit Christus, cum dixit: *Qui vos audit, me audit; & qui vos recipit, me recipit*. Præclare omnino, & assentior, reposuit *Ignatius*. At si licet Christum in vivis istis imaginibus ita colere, si licet in mortuis tabellis & planis depictum, quam ob rem

non

non liceat in statuis exhibitum? In causa est, inquit *Nicolaus*, quod statuae præ se idolorum similitudinem ferunt. Ad eum enim modum exsculpta e ligno, aut metallo fusa proponebantur ad cultum. Et tibi forte constat, subjecit *Ignatius*, idola penicillo depicta in tabulis, nullam habuisse venerationem? Mihi minime dubium est habuisse: ac proinde, si abjiciendæ sunt statuae, pictas perinde tabellas procul mittendas. Neque, opinor, alia de causa pictas apud vos imagines Iconoclastæ tanta vesania confregerunt, quam quod non idolis modo similes dicerent, sed idola; nec ullum statuas inter pictasque imagines ab idolorum cultoribus discrimen positum intelligerent. Audite me, si quid esset in exsculptis imaginibus retinendis vitii vel periculi, nec uti liceret nisi planis & pictis, dixisset id sine dubio Patrum aliquis, & in primis cruditus ille imaginum defensor S. Joannes Damascenus; certe monuissent sanctissimi c.c.l. synodi VII. Patres. Cumque sessione 7. anathema in eos dixerunt, qui sacras imagines idola appellarent, distinxissent sculptas inter & pictas, hisque admissis, illas annumerassent idolis. Plane aliter statuit divina synodus, definitque imagines qualibet sint e materia efformatæ, religiose colendas. Atque id cum evincere sacrorum codicum testimoniis aggreditur, exempla adducit, non pictarum rasis in tabellis imaginum, sed sculptarum & mole sua consistentium. Ipsas ejus voces accipe. Suas enim fecit, quæ erant Leontii Neapoleos in Cypro episcopi, dum eas summa approbatione excepit. Vere, inquit, *terribilis sermo, qui mandat Israeli non facere omne sculptile, neque iconem, neque similitudinem, quæcunque sunt in calo, & quæcunque sunt in terra: & ipsemet præcepit Moysi facere sculptilia animalia Cherubim, qui & Ezechieli plenum imaginibus, & similitudinibus sculptilium leonum, palmarum & hominum templum ostendit. Unde & Salomon ex lege accepta figura plenum fecit templum aneis & sculptilibus & fusilibus leonibus & bobus & palmis & hominibus: & tamen non est in his reprehensus a Deo. Si igitur me reprehendere vis in imaginibus, reprehende Deum, qui hoc facere jussit, ut in recordationem sui essent apud nos. Judeus dixit. Sed non adorabantur illa similitudines, si-*

*Sculpta
imagines
non sunt
idolorum lo-
co.*

Exod. 20.

cut dii, sed ad recordationem solam efficiebantur. Christianus dixit: Bene dixisti., quia penes nos sicut dii non adorantur sanctorum characteres & imagines & forma. Hæc Leontius & ex eo sacra synodus. Tum addit, per signum crucis saluari & adorari crucifixum Dominum, ut veneratur imperatorem qui sigillum ejus exosculatur, &c. Et sicut Jacob acceptam a filiis suis tunicam sanguinolentam Joseph, deosculatus est cum lacrimis, & oculis apposuit; & non vestitum amans & honorans hoc fecit; sed per ipsum astimans Josephum osculari & ipsum in manibus habere: sic & christiani omnes imaginem Christi vel apostoli vel martyris tenentes & salutantes carne, astimamus animo tenere ipsum Christum, vel martyrem ejus. Plura si placeat e synodi actis repetere. Jam quæro. Num statuar perinde sanctorum sunt imagines ac tabellæ depictæ? An cultus in sculpto ligno, aut fuso ære sistit? An vero hinc ad Christum ipsum, ejusque divos pertinet? Ac, si rem volumus ipsam nullo partium studio æstimare, num extans imago prototypum aptius refert ac plenius? Neque vero si statuis sunt olim abusi ethnici homines, continuo execrandæ & amovendæ statuar sunt; aut detestanda pariter atque evertenda scancias sidera fere omnia, quæ sunt ab paganis deorum in numero habita. Panem quoque repudies ac vinum, nec in sacris adhiberi sinas, cum sint etiam in fœdissimis illorum sacrificiis usurpata; atque, ut ait per Leontium episcopum septimæ œcumenica synodus, insurgas in ipsum Deum, cuius jussu ad arcæ latera Cherubinorum statuar sunt erectæ. Te ipsum denique tuosque anathemate ferias, qui, ut memorabam initio, sculptas quoque ac solidas imagines, tum in crucibus, tum in sacris instrumentis desertis, ac singulari veneratione prosequimini. Quid est ergo, inquit *Nicolaus*, quod nostros lego sic idolum ab imagine distinguere, ut idolum sit, v. g. lignum ad viri fæminæve similitudinem sculptum, cujus pedes, manus, aut alia membra manu possis secernere ac tenere; imago vero, cujus partem e corpore nullam seorsim accipere manu valeas? Quod & volunt S. Germanum Constantinopolitanum episcopum apud Leonem Isauricum imperatorem definivisse, cum cum ab perfringendis imaginibus deducere contenderet. Sic apostolus Zigaras

in Compend. hist. sic Damascenus Studita serm. 2. sui Thefauri. Recentiores omnes Græcos si audias, reposuit *Ignatius*, audies permira. Ita nuper audiebam antistitem e principibus, cum non mediocri in Romanam ecclesiam odio arderet, pronuntiare hæreticos, qui Christum pingerent clavis tribus cruci affixum, ratus Latinos solemnī lege, non ad arbitrium ita facere; nec ipse advertens Græcos ipsos hoc ipsum pro libito pingentes usurpare, & in ipso Calvarie monte Christum proponere tribus clavis e cruce pendentem. At vide quam non apostolice apostolus Zigaras definiat. Si idolum est, cujus adumbrata membra manu possint apprehendi; idola fuere qui viris sanctis visi sunt angeli, & ille in primis qui cum Jacobo colluctatus est: idola fuere illa Cherubim, quæ Deus apponi arce præcepit; & ipse Deus idolum fuit, cum se Danieli senis in formam conspiciendum præbuit: ipsi vos quoque idola estis, cum vos vestri venerantur, uti qui Christum refertis. Et si imago illud est, cujus membrum nullum secerni manu & capi possit, pessime erravit Paulus, cum Christum Dominum, imo & virum quemlibet scripsit imaginem esse Dei. Certe Paulus iste orbis magister non aliud novit imaginem inter & idolum discrimen, quam quod hoc rei minime existentis similitudo sit, adeoque, ut loquitur Habacuc, imago falsa; (*Scimus*, inquit apostolus, *quia idolum nihil est*) illa autem verum aliquid representet. Nolite existimare ita desipuisse sanctissimum ac doctissimum Germanum, quomodo ei Zigaras affingit. Et vero cum de ipso Nicephorus Callistus, Zonaras, atque Cedrenus, alique in Annalibus enarrant multa, nemo illum sic dixisse, sic sensisse commemorat. Præterea quænam hæc est oscitantia, ut idoli significatum ad viri fæminæque simulacrum contrahas, quasi idola non fuerint quadrupedum olerumque imagines, imo bruta ipsa animantia atque olera, quibus Ægyptii, ut populos alios taceam, divinitatem tribuebant. Idolum enim est non falsi modo expressa forma numinis, sed numen ipsum falsum. Patere, inquit *Meihodius*, si scripsit ex veritate Zigaras, Germanum nostrum excusum: neque enim id officit causæ vestræ. Cum sanctissimus ille vir imperatorem videret plane decrevisse sacrarum

Quoddam
discrimen
inter imagi-
nem & idolum.

c. 2.

everſionem imaginum, neque revocari ab ſententia omnino poſſe, futuri ejus concedendum duxit, ut ſtatuas quaſi idola eſſent, deponi juberet; ſineret vero uſurpari pro more depiſtas tabellas quas ab idolorum abeſſe forma, cum noſſent omnes, nihil erat, ſi aſſervarentur vel peccati vel periculi. Qua via cum totum non poſſet, partem ſaltem habere ſalvā enitebatur. Potuit quidem optare, inquit *Ignatius*, ut ſibi piſtas in tabellis imagines concederet. At imagines ſolidi & extantis operis idola dicere, cum idola non ſint, minime potuit. Ut ut ſit, ſubjicit *Nicolaus*: at mihi aſſentiaris neceſſe eſt, cum propiores idolis ſtatuæ ſint, quam tabellæ, religioſius illos facere qui tabellis unis contenti ſtatuas removent. Hoc argumento tuo, inquit *Ignatius*, valde nobis Iconoclaſtas commendas: cum enim abſit ab idolis longius, qui nullas, quam qui piſtas adhibet imagines, religioſiſſime fecerunt illi qui vehementi idolorum ducti odio, omnes Judæorum hortatu deturbarunt imagines, nullo piſtarum vel ſculptarum diſcrimine. Mihi vero ſapere videntur illi qui ſanctorum Patrum & conciliorum exemplo, nihil inter imagines diſtinguunt, & licere aiunt, quod licere Deus voluit. Imo ſi miraculorum teſtimonio rem æſtimare ac definire perplacet, videmus plura extantium imaginum, quam planarum beneficio divinitus edita. Teſtes infinitæ in orbe univerſo eccleſiæ. Gratiſſimum feceris, inquit *Nicolaus*, ſi qua horum exempla huc aſſeras. Mitto, repoſuit *Ignatius*, plures ejuſcemodi imagines, vel delapſas e cælo, qualis illa Deiparæ, quæ ab Lætitia nomen habet apud Picardos in Francia; vel Dei inſtitu & ſuaſione conquiſitas, vel admirabiliter quaſi caſu reſertas. Unum alterumve profero, quod noſtris temporibus, nec ita pridem contigit. Viro ruſtico ad Rothomagum in villa Haynonvillana junior erat puella, cui *Margarita Dache* nomen fuit. Hæc gravi correpta variolarum morbo, putreſcentem ulceribus linguam ad imas uſque radices exſpuerat. Cogitabundus parens quid demum muta puella fieret, dum agrum excolit, cœpit Deiparam inſclamare ac vovete, ſi loquendi uſum filix reſtitueret, peregrinaturum ſe ad ejus ſtatuam, quam ab Lætitia nuncupatam mox dice-

bam, eamque cultu quo posset veneraturum maximo. Concepit votum, ac totum deinde diem in fodiendo agro de more posuit. Sub occasum solis domum reversus puellam audit sibi de reditu gratulantem ac bene precantem. Ille autem, Et unde, inquit, tibi, filia, hæc facultas loquendi, quæ carebas antea lingua. Carebam, subdidit illa, & careo & loquor; neque scio unde mihi hæc beatitas. At postquam egressus es mane, cœpi non multo post sic loqui, ut audis. Vidit hanc faminam anno 1660. vir sanctitate & doctrina clarissimus P. Honoratus Niquetius e societate nostra, & audiit sine lingua admirabiliter loquentem. In inum illius guttur curiosius inspexit; nulla omnino visa est lingua; atque ita elinguis jam ab annis xxxviii. loquebatur. Anno enim 1622. hoc Deiparæ beneficio gaudere ac frui cœpit, & forte etiamnum fruitur: neque enim scio an diem obierit extremum. Exemplum alterum longe recentius accipe. Nondum anni sunt xii. cum Mauri Algeriani prædam christianæ navis quam invaserant, partiti, suam cuique partem, ut forte obtigit, tribuerunt. Horum nesciocui S. Josephi B. Virginis castissimi sponsi parvula statua egregio elaborata opere venit in manus. Quærebat Algerii Maurus ille in christianorum captivorum turba qui illam emeret. Emit illam tota sua pecunia vir Massiliensis, xvi. si bene meminî, nummis, veritus, ne Mahometanus ille sacram imaginem pollueret. Eam vix acceperat, cum ei venit in mentem se ab sanctissimo Virginis sponso liberandum in gratiam liberatæ imaginis. Quare de nocte compactis, ut licuit, tribus quatuorve tabulis, una cum amico viro altero se dat in mare. Postquam illuxit, adfuit pro votis navis christiana Massiliam contendens, in quam uterque exceptus paulo post in urbem feliciter appulit. Erat tum in quodam virginum cœnobio religiosa femina quam gravis summo cum dolore conjuncta paralytis lecto detinebatur jam annos septem & amplius. Hæc, ubi rumor percrebuit cives, duos hæc sancti Josephi statua mirabilem in modum liberatos; Me, inquit, sanitati potest restituere, qui illos reddidit libertati; facite, ut ad me sacratissima illa imago deferatur. Delata est. Et ecce, cum provolutæ in genua coram orarent devotæ Deo,

virgines, cœpit, quæ jacebat in lecto, vivifico per totum corpus calore perfundi, & concussis emotisque quodammo-
do ossibus, sensit sua quasi componi & aptari ad motum membra. Continuo morbus omnis evanuit, acceptisque ipsa vestibus surgens e lecto, venerata imaginem cum pio apparatu ad cœnobii usque portam, dum reportaretur, comitata est. Hæc habetote e nostris, e vestris ista. Ad Damascum, Græcorum perantiquum & nobile cœnobium est *Saydnaya* Dei genitrici sacrum. In eo videbatur olim, & nunc, ut aiunt, asservatur beatissimæ hujus Virginis imago, quæ carnem dicitur induisse. Hæc cum plana primum esset pictoris arte, Dei nutu corpoream quasi in molem visa est eminere. Sed audite Eusebium Cæsariensem episcopum unum e cccxvi. Nicænis Patribus, Hist. eccl. l. 7. c. 14. Testatur is vidisse se æneam statuam Christi *Jesus* quam hæmorrhoidis sanata in grati animi monumentum, supra domus suæ januam, Cæsareæ Philippi erexerat. τὸν τὸν ἀνδρίαντα, εἰκόνα τῷ Ἰησοῦ φέρειν ἔλεγον. Christum autem vicissim, quo significaret imagines abs se illas probari, inusitatæ cuidam herbæ, quæ in ipsa basi enascebatur, cum vestis fimbriam attigisset, hanc indidisse vim, ut cujuslibet generis morbos sanaret: ἀλεξίφαρμακὸν π παντῶν νοσημάτων πύλαται. Addit Sozomenus illam ab Juliano apostata fuisse dejectam. Verum is cum suam in illius locum erexisset, immisso statim fulmine fuisse exturbatam, capite hinc miseri imperatoris exciso, inde membris reliquis comminutis & sparsis. Parum sapiat, inquit *Nicolaus*, qui litem super ea re vobis moveat. Nec ullus, inquit *Methodius*, Latinis olim movebat. Sculptis enim & fuis passim utebantur imaginibus, ante etiam quam invisa Deo ecclesiarum dissensio animos exulcerasset. Neque tum veniebat ulli in mentem, illas Latinis exprobrare imagines. Sed sanis aliud, aliud ægritudine laborantibus oculis videtur. Unum præterea est, inquit *Nicolaus*, quod a vobis doceri velim: unde nata sit illa signi crucis efformandi, quæ apud vos invaluit, varietas. Sic enim vos illud effingitis, ut manum ab capite ad inferiores pectoris partes, tum a sinistro humero ad dextrum ducatis; nos a dextro ad sinistrum. Natam esse varietatem

hanc antiquiorum quorundam e vestris antistitum consilio scribit Innocentius P. III. lib. 2. de Liturg. c. 44. cum Romana ab ecclesia discerperent vestram. Et vero cum christianæ gentes omnes se cruce obsignent, nulla est quæ Græcos hac in re sibi putarit imitandos. Morem omnes ad nostrum sibi illam apprimunt. Ex quo palam est christianos olim omnes parem signandi sui consuetudinem tenuisse, eamque, quæ nunc nostra est, qua significamus, ut par est, nos merito crucis ab sinistra reproborum sede ad dextram electis addictam transiisse. Adde sacerdotes Græcos dum Christi vices obeunt, & crucis signo bene populo apprecantur, ab sinistro latere suo manum conferre ad dexterum quasi Christus ipsorum ore sic diceret: ab sinistra mea, qui hædorum locus, Dei unius & trini gratia, & vi crucis ad dexteram meam, ubi oves beatæ, transvoletis. Nos vero, subjecit *Methodius*, paullo aliter, & ut opinor, commode interpretamur: atque ab dextero latere apud nos deferitur manus ad sinistram, quo demonstremus Triados sanctissimo beneficio per crucem sedere nos ad dexteram, qui prius jacebamus ad sinistram. Hac qui mente se consignant, inquit *Ignatius*, non male faciunt. At mota ab sinistro humero ad dextrum manus habet explicatius aliquid; meritoque laudatur, qui, cum ita licet, optimæ christianorum omnium consuetudini se accommodat, ne videatur vel levi signo discessionem ambire. Abunde est, inquit *Nicolaus*: Deum oro nos omnes ad dexteram suam evocet. Sunt nobis pauca alia, de quibus sciscitari vos, nisi molestum sit, pomeridianis horis constituimus. Hic cum *Ignatius Romanusque* maximo se id honori ducere declarassent, promptosque se exhibuissent ad obsequium, soluto cœtu discessum est.

*Vnde Græcos
inter & La-
tinos varia
signandi sibi
consuetudo.*



DIALOGUS XV.

De communione sub duplici specie.

ABSOLUTO prandio, & solita post illud quiete, religiosi sacerdotes perfuncti convenerunt ex pacto ad colloquium. Tum *Nicolaus*, Velim, inquit, bene de nobis mereri pergatis hodie, & quod superest institutorum quorundam vestrorum, quæ longe discrepant a nostris, rationem & æquitatem exponatis. Ac primum grave est, ac minime, nostro quidem iudicio, ferendum, quod in sacra Christi cœna, nisi sacrificanti, nemini divinum poculum concedatis, jubeatisque alios omnes pane uno cœlesti sine potu contentos esse. Qua re videmini Domini labefactare præceptum, qui *bibere ex eo omnes voluit*, & sanxit cærendum nobis vita esse, *nisi manducaverimus carnem filii hominis, & biberimus ejus sanguinem*. Fateor, reposuit *Ignatius*, frui Christo neminem qui decesserit, posse, nisi Christo, dum viveret, sit usus, percepta corporis illius ac sanguinis formidabili communione. Si re ipsa non potest, voto saltem & animi proposito. At manducamus omnes carnem Domini, bibimusque ejus sanguinem, sive panis & vini utraque specie, sive alterutra donemur. Quid est enim manducare carnem filii hominis, & bibere ejus sanguinem, nisi Christum in sese totum excipere, & tota ipsius carne, sanguineque toto potiri & ali. Fit autem illud, sive calice uno, sive una panis specie utaris. Nam cum Christus, postquam surrexit a mortuis, mori jam non possit, adest in panis specie suo animatus sanguine, & in calice sua carne perfectus. Alias non existeret in vivis, qui eductum haberet totum e corpore sanguinem: nec vere missam appelleretis τὸ αἰνίσαντον θύοιαν, sacrificium incruentum, quæ nihil ab crucis sacrificio discreparet, fuso hic perinde e venis Domini atque illic sacratissimo sanguine. Sunt quidem, subjecit *Methodius*, quæ affers omnino vera, sed propterea semovere ab sacra mensa poculum non licet: deesse enim tan-

*Matth. 26.**Joan. 6.*

*Sub una
specie acci-
pitur corpus
& sanguis
Christi.*

Rom. 6.

to convivio non debet potus, nec recoli memoria mortis Christi rite potuit, nisi usurpato corporis seorsim & seorsim sanguinis sacramento, quo effusus olim in cruce sanguis ipsa significetur actione. Rationes istæ duæ, inquit *Ignatius*, si quid habent ponderis ac momenti, vos æque premunt ac nostros. Quoties enim pavenda mysteria sub una vel administratis, vel suscipitis specie, panem unum ægrotis porrigitis ad viaticum mortis; eundem unum in sacro *ἱεὺς αὐτοῦ* *εὐχαριστίας*, *προσφύγων*, *προσφύγων* officio per quadragesimam accipitis. Quid hoc ais, inquit *Nicolaus*, intinctus est divino sanguine ille panis quem memoras? Et, quo communicamus populum, reposuit *Ignatius*, is sacratissimo illo sanguine non intinctus modo, sed plenus est, nec magis in vestro vini species, quam in nostro extat aut apparet. Penitus enim exsiccat humore evanuit. Erat quidem cum intinxistis; sed eam, quanta erat, totam vel tempus exsiccando absumpsit, vel subjecto igne vos delevistis. Panem illum, qui deferitur ad ægrotos, feria v. majoris hebdomadæ consecratum, finitis, non nego, in calice ebibere sacratissimam vini speciem. Verum hinc in disco acceptum, caldario supponitis, quo quidquid est humoris abeat in fumum, & ita siccetur panis, ut in minutissimum solvatur pulverem, quem toto postea anno ad morientium viaticum asservatis. Ab hoc porro pulvere, quem vix audeo appellare panem, cum nulla panis forma remaneat, sic abscessit vini species, ut nullo possit deprehendi sensu, non gustu ex sapore, non ex odore olfactu, non tactu ex humore, non ex colore aspectu. Ad- do, & vestigium illius si quod superesset, non fore tamen, quod maxime desideras, in cælesti convivio isto potum. Potus enim omnis liquidus est, & fluit. Neque, nisi fallor, bibere illum dixeris, qui panem multis ante mensibus vel etiam horis madefactum, ac postea induratum vel exsiccatum manducaverit. Jam vero sacram *ἱεὺς αὐτοῦ* *εὐχαριστίας* missam quod spectat, in ea qui communicant, solo utuntur pane, eoque dominica proxime elapsa consecrato, quem etsi sacerdos tum sancto sanguine levissime irroret, nullam tamen vini aut potus speciem, cum exsicceetur, retinet. Atque illius sacratissimi panis sic intingendi guttula, videtur

Græci eucha-
ristiam ad-
ministrant
identidem
sub una spe-
cie.

de novo mos inductus, si credimus ipsis Græcis. Sicenim Michael Constantinopolitanus antistes, & Romanæ ecclesiæ infensissimus, si quis unquam, hostis, in iis quæ de missa illa scripto edidit, testatur: *ὡς ἀποίς καὶ πισυομενῶς καὶ ἴσσι αὐτὸ τὸ ζωοποιόν σῶμα τε καὶ αἷμα ἔστι καὶ σωτηρία Ἰησοῦ Χριστοῦ, ὅτι ἐπιχρηταί περ πάντες τῷ θείῳ αἵματι δαποπιδμενῶς ἑσται ἔτι βαπτισμὸς τῶν χειρῶν. Panibus illis, qui creduntur, & sunt vivificum ipsum Domini ac Dei ac servatoris Christi corpus, nulla divini sanguinis gutta infunditur; verum ita reponuntur sine ulla aspersione. Michaeli Harmenopulus concinit in collectione canonum: τὸ μὴ χεῖρει τὰ προσευχασμῶντα διὰ τῆς λαβίδος τοῦ διαποπικῆ αἵματι, ἐν τοῖς μόνον αὐτὰ φυλάττειν, ἀκριβέστερον φησιν ὁ μακάριος Ἰωάννης, ὡς ἔστι ἐν τῇ κατ' ἡμᾶς μεγάλῃ ἐκκλησίᾳ γενόμενον. Non esse ante consecratos panes e cochleari inungendos dominico sanguine, dum asseruandi sunt, accuratius docet B. Joannes, uti fit in nostra quoque majore ecclesia. Quæ cum ita sint; in principe Græcorum ecclesia, sacris magni jejunii diebus sub una panis specie perficiebatur synaxis. Neque verebantur tum antistites, ne divino convivio potus deesset, aut minus Christi passio in memoriam veniret. Nimirum manducare Christi carnem, & bibere ejus sanguinem tum dicimur, cum Christum ore sumimus sub specierum alterutra, quippe nec deest in pane sanguis, nec caro in calice. Tuis crede, non mihi. Sic orat sub sola panis specie communicaturus sacerdos: κατὰξίωσιν τῇ κατὰξίῳ σε χεῖρὶ μεταδῶναι ἡμῖν τὸ ἀκέραιον σῶματός σε καὶ τὸ πρὸς αἵματος, καὶ δι' ἡμῶν παντὶ τοῦ λαοῦ. Dignare valida tua manus nos immaculato corpore tuo & pretioso sanguine communicare, & omnem per nos populum. Ac postea gratias Deo agit ἐπὶ τῇ μεταλήψει τοῦ ἀγίου σῶματος καὶ αἵματος τοῦ Χριστοῦ, pro sancti corporis & sanguinis Christi communione. Exhibetur autem agrotis sacratissimum panem, sic pronuntiat: μεταλαμβάνει ὁ δούλος τοῦ θεοῦ ὁ δὶνα τὸ πρὸς αὐτῶν σῶμα ἔστι αἷμα τοῦ καὶ αἵματι ἡμῶν Ἰησοῦ Χριστοῦ, εἰς ἄφεσιν τῶν ἁμαρτιῶν. Accipit Dei servus N. pretiosum ac sanctissimum corpus ac sanguinem D. N. Jesu Christi in remissionem peccatorum. Vix aulim, inquit Nicolaus, hic opponere, quod aiebat Michael ille patriarcha, quem modo appellasti: opponam tamen, et si*

Ita citatur
ab Leone
Allatio.

forte insulsum est, ne quid mittamus intactum. Scribit ille cum in sacra τῆς εὐχαριστίας missa panis consecratus immittitur in calicem, tum mutari vinum in Christi sanguinem, & ita credi. Quod illius effatum si verum est, utraque sacerdos communicatur specie. O effatum, exclamavit *Romanus*, maxime nefandum, minimeque credendum! Neque enim Michaeli uni assentiri sapientis est aut christiani. Unde habet effatum illud? Non a Christo, non ab apostolis, non ab ullo Patrum hoc hausit. Et temere, ne quid gravius dicam, sic pronuntianti Michaeli habebimus fidem! Si fas est hominum cuilibet quæ somniat, animoque effingit, effutire, Deus bone! religione nostra quid fiet? Si panis immixtus vino, vinum immutat in sanguinem, necesse est, ut & sanguis aspersus pani, panem immutet in corpus Christi. Neque jam ad consecrationem sacerdotio opus erit; poterunt & ipsæ mulieres conficere Christi corpus, & consecrare sanguinem, vel immisso divino pane in vinum, vel guttula sanguinis pani infusa. Pudet ista, quæ per sese concidunt, pluribus profligare. Hoc tantum adverte panem divinissimum prius appellari corpus & sanguinem Christi, quam demergatur in calicem. Sic enim sacerdos cum eProthesi in sacram mensam illum est delaturus, ἰδὲ, inquit, τὸ ἀκρῆστον ἀντὶ σώματος & τὸ ζωοποιὸν αἷμα καὶ τὰ παρῶν ὥσπερ εὐαγγελισμὸς τῇ μυστικῇ ταυτῇ εὐχαριστίᾳ μέλλει τεπέζει. *Ecce immaculatum corpus ejus & vivificus sanguis hac ipsa hora ingredientia, in hac mystica mensa proponenda sunt.* Quamobrem, qui divino pane solo communicat, corpus Christi & sanguinem percipit. Adde sacratissimum panem morientibus ita porrigi, ut sæpe aquæ immisceatur, non vino. An tum dixerit Michael Patriarcha sancti attactu corporis aquam in sanguinem immutari? Id si affirmat, affirmet quoque fructus, carnes, & cujusvis generis poculenta, si forte donis formidabilibus attingantur; sanguinem fieri & corpus Christi. Cur enim de aqua asseveres, neges de istis? Valet ergo synaxis apud vos sub una specie. Jam quod aiebas, desiderari utriusque usum, quo vocetur mors Christi in memoriam secretionem carnis & sanguinis, minime id necesse est. Satis enim sub una

specie mors illa exhibetur ; cum sub alterutria Christus contineatur in morem mortui , sensus omnis & motus expertus , & aliena panis & vini forma quasi consepultus. Præterquam quod facta in missæ sacrificio ab sacerdote hæc carnis & sanguinis , non re quidem , sed verborum significatione secretio , satis superque Domini mortem annuntiassè visa est. Nos una nonnunquam uti specie , inquit *Nicolaus* , fecisti omnino palam , & minime mihi dubium est , cum sumatur in synaxi Christus vivus , in quavis specie corpus accipi , simulque sanguinem. Quare Paulus eum qui hanc vel illam speciem usurpaverit indigne , corporis & sanguinis Domini reum pronuntiat. *Quicumque* , inquit 1. Cor. 11. *manducaveris panem hunc , vel biberit calicem Domini indigne , reus erit corporis & sanguinis Domini.* Dominus ipse , quem utrique speciei fructum , hunc uni attribuit. *Si quis* , inquit , *manducaverit ex hoc pane , vivet in æternum.* Adde , subjecit *Romanus* , Christum nobis exemplo prævisse , qui cum a morte surrexisset , seque viæ comitem discipulis duobus Emmaum proficiscentibus adjunxisset , diverisissetque apud eos , sub una panis specie sacra , illos corporis & sanguinis sui communionem impertitus est. Tum enim confecisse e pane divinum suum corpus tradit Chrysostomus hom. 1 x. in varios Matthæi locos , & Theophylactus in Commentariis suis ; sed omnium disertissime & elegantissime Augustinus l. 3. de consens. evang. c. 25. *Non incongruenter* , inquit , *accipimus impedimentum in oculis eorum a satana factum fuisse , ne agnosceretur JESUS ; sed tamen a Christo est facta permissio , usque ad sacramentum panis , ut unitate corporis ejus participata , removeri intelligatur impedimentum inimici , ut Christus possit agnosci.* Neque fingi potest calicem quoque illis ab Christo oblatum , cum statim manducatione panis agnitus ab oculis eorum evanuerit. Quid dicam de nascentis ecclesiæ alumnis , quorum cum quotidianæ communionis usum laudat in apostolorum actis B. Lucas , panis unius fractionem commemorat ? *Erant* , inquit , *perseverantes in doctrina apostolorum & communicatione fractionis panis & orationibus.* Quid proferam veterum testimonia ? Testatur Eusebius Pamphili in eccl. Hist. l. 6. c. 36. fuisse in more

Christus ipse
sub una spe-
cie admini-
stravit eu-
charistiam.

Luc. 24.

Act. 2.

positum particulas siccas eucharistiæ asservari viaticum iis necessarium, qui e vita discederent, easque sumi vel aqua vel vino maceratas, vel alio quocunque modo. Scribit Basilius in sua ad Cæsariam patriciam epistola, solitos ex eremo monachos, ubi non suppeteret copia sacerdotis, asservasse domi communionem, eamque sibi suis manibus sumpsisse. Imo Alexandriæ & in Ægypto unumquemque etiam de plebe Eucharistiam, ut plurimum, domi habere. Atque id quidem de vini specie minime potest intelligi, vel una hac de causa quod facile accescat. Narrat quoque Evagrius l. 4. Hist. c. 35. hanc fuisse Constantinopoli perantiquam consuetudinem, ut corporis sacri quæ particulæ superessent, distribuerentur puerulis, quos ab peccato puros ætas tenerior præstaret. Quo loco insigne affert Judæi infantis divinitus in fornace, harum quas susceperat particularum beneficio, servati miraculum. Plura prodigia quam necesse sit, inquit *Nicolaus*, in re per sese apertissima. Unum nobis videtur grave, quod veterem usurpandæ speciei utriusque morem sic sustulistis, ut nemini, quando ita lubet, liceat uti utraque, cum tamen Christus & apostoli id licere voluerint. Hoc, ut alia non pauca, sic licere voluit, reposuit *Ignatius*, ut quando & quomodo liceat, ecclesiæ decretis voluerit definiri. Atque illam qui audierit, Deum audit. Licere Christus voluit perceptionem eucharistiæ post cœnam; ecclesia Christi interpretes vetuit illam sumi nisi a jejunis. Licere Christus voluit esum carniū, nullo concessarum olim, vel prohibitarum discrimine, 1. Cor. 8. & Rom. 14. *Non est enim regnum Dei esca & potus, & omnia sunt mundis munda.* Cum tamen quæcunque licent, non expédiant omnia, vetuit Christi autoritate ecclesia, ne quadragesimæ tempore ederentur carnes. Eset forte quod merito quereretur, si quid damni laici ablato calice paterentur. Verum qui una communicat specie, cum tantum accipiat, quantum qui duabus, id est, Christum totum; non video cur animo minus æquo nonnulli id ferant. Non vides, inquit *Nicolaus*, quod antiquum est, id sacrum esse, nec ulla posse labefactari mutatione (patere ut sic loquar) sine flagitio; nisi forte id extorqueat ratio gravissi-

Ep. 179.


Laicis ecclesia merito sustinet usum calicis.

1. Cor. c. 11.

mæ necessitatis. Vobis autem quæ ritus veteris mutandi
 causa? Non una aut levis, respondit *Ignatius*. Nam cum
 summa debeat sacratissimo sanguini reverentia, nec pro-
 pinari sine effusionis metu posset commode, in tanta,
 quanta est hodie accedentium ad synaxim turba, laicos ab
 calice judicarunt majores nostri amovendos, ne quid in-
 curreret periculi divinus sanguis. Id quoque ut facerent,
 persuasit in rerum divinarum usu modis omnibus curanda
 consensio populorum. Cum esset autem tunc temporis cui-
 que liberum, ut admitteret, vel dimitteret calicem, multi-
 que eo abstinere, vel religionis studio, ne iis assentiri
 viderentur, qui negabant totum sub una specie Christum
 existere; vel ægritudinis metu, si quis morbo contagioso
 & turpi laborans (laborant autem plurimi) calicem præli-
 basset; vel ipsius horrore vini, cujus ne odorem quidem
 patiuntur multi: cum, inquam, plurimi eapropter vini
 specie abstinere, alii numero pauciores illam optarent,
 ne qua oriretur ab illo consensionis christianæ sacramento
 dissensio, populos omnes ritu uno adstrinxerunt, jusserunt-
 que panis specie, qua totus, quantus est, exhibetur Chri-
 stus, esse contentos. Movit etiam illos vini raritas, quæ
 permultis in regionibus vexat; eaque est aliquando, ut in-
 credibili pretio sit emendum. Narrat certe *Josephus Acosta*
 l. 4. c. 4. lagenam parvam in Indiis fuisse trecentis num-
 mis aureis venditam. Unde palam est, illic vini speciem
 omnibus administrari non posse. Prius autem quam facio
 dicendi finem; monitum te velim non sic arceri ab calice
 laicos, ut sumere illum nunquam valeant. Possunt enim
 sumendi facultatem ab summo pontifice & petere & impe-
 trare. Jam, inquit *Nicolaus*, non possum non probare ec-
 clesiæ vestræ factum. Vidi enim non raro sanctissimi san-
 guinis guttas aliquas apud nos, in communicantium vestes
 aut barbam effundi, non sine sacramenti despicientia, vel
 injuria; & præclara mihi visa est hæc omnium vestrum in
 unum percipiendæ Eucharistiæ ritum conspiratio. Superest,
 ut pro more exempla quædam proferas, quibus ista Deo pro-
 bari consuetudo declaretur. Quid exemplis opus, reposuit
Ignatius, postquam Christus ipse facto prævit, & duos illos

discipulos in villa Emmaus eucharistia sub una panis specie recreavit? Ecce tibi tamen de multis pauca. Narrabat mihi olim e nostris unus, cui Delatrio nomen fuit, sibi, cum per urbes & vicos ad concionandum missus esset, hominem occurrisse, qui, cum sacra se mensa sisteret, excipiebat quidem in os sacratissimam hostiam, sed eam non poterat unquam deglutire. Quare necesse erat, ut sacerdos digitis inmissis divinum panem colligeret, reponeretque in pyxidem. Flagitabat infelix ab patre remedium. Ille, cum causam ex antea factis vitæ factis multa sciscitatus investigaret, hominem comperit magicam artem professum, atrocissimis se obligasse criminibus. Atque ea, etsi arbitratur apud sacerdotem, bene deposita, & sacramento abolita, jubet tamen, ut in sese inquirat diligentius, seque generali confessione expurget. Fecit quod iustus erat, accuratissime, nec sine ingenti copia lacrymarum. Tum pater illum cælesti mensa exceptum divino pane communicat. Recepit illum cæterorum more, nec ullam deinceps in deglutendo difficultatem expertus est. Hoc recens: habeto tibi aliud e nostris, nec valde ab hac ætate dissitum. Laborabat gravissimo morbo B. Stanislaus Kotska nobilis adolescens Polonus; & desperata ab medicis valetudine, hoc illi unum dolebat, quod apud hæreticum hospitem, cum fratre hæretico commorans, accersere sacerdotem non poterat, a quo sacri communionis viatici reficeretur. Meminit tum legere se alias, eum qui S. Barbaræ opem supplex imploraret, nunquam in morte viatici beneficio cariturum. Hac provocatus memoria flagrantissimo animi motu, beatissimam martyrem sibi propitiā invocat. Neque id frustra. Nam haud multo post illi se stitit, cum angelis duobus cultu summo sacratissimam eucharistiam deferentibus, quorum alter propius accedens illam ipsi administravit. Aderat ejus educationi præpositus moderator, quem beatus adolescens, ut Christo præsentī genua inflecteret, angelosque & S. Barbaram veneraretur admonuit. Quid angelos commemoro? Christus ipse se B. Claræ à Monte-Falcone appellatæ in eucharistia tradidit. Nam cum rerum cælestium in contemplatione defixa, aliud nihil cogitans in templum, quo mo-

niales ad communionem accefferant, fuisset sine pallio ingressa, illam Joanna ipsius soror communione interdixit. At cum efflagitasset a Christo sponso, ne se pane illo cælesti privari sineret; Christus se illi aspectabilem præbuit, suaque ipse manu Eucharistiam porrexit, sub una pro regionis more panis figura. Silere hic quoque non possum quod B. Bonaventuræ contigit. Nam cum Christi Dei majestate & dignitate summa perterritus, ab percipienda eucharistia tanquam indignus dies aliquot abstinuisset: cum missæ aliquando adesset, hostiæ propositæ pars in ipsius os sponte devolavit. Verum hæc obiter exposuisse sufficiat. Possem appellare virgines plurimas, quæ vivifica illa carne sub panis imagine admirabiliter pastæ, alio nullo cibo ad annos bene multos usque sunt, ac nostra etiam ætate floruerunt. Audivimus, inquit *Methodius*: sed quia video vos festinare & parare discessum, patimini alia nonnulla breviter percontemur. Patere tu, reposuit *Nicolau*, venerandos patres quiete aliqua recreari; & adierit quærendi tempus. Fieri enim non potest, ut cælo hoc pluvio proficiantur a nobis. Hæc cum diceret, pluebat re ipsa vehementissime, & ad stuporem. Neque enim ea anni tempestate evenire id solet, aut evenisse meminerant seniores, ut detinere illos in cœnobio dedita Deus opera videretur.



DIALOGUS XVI.

De numero œcumenicorum conciliorum.

UBI adfuit colloquendi hora, convenerunt solitum in locum Græci Latinique sacerdotes; & *Methodius* statim, accepta a Nicolao venia, Latinos compellans, Unde est, inquit, quod a nobis in conciliorum numero dissidetis, & præter synodos illas œcumenicas septem quas probatis, alias plures admittitis apud vos habitas. Nam qui sint œcumenicæ, quæ privatis Latinorum studiis sunt in Occidente peractæ, nostra Orientali ecclesia neque assentiente, neque vocata. Quæ vero celebrandarum illarum necessitas fuit, cum

cum sint septem nostræ priores sic omni ex parte absolutæ, ut nihil quo stabiliatur fides atque religio, deesse videatur, ut e nostris non pauci sentiant, cogi præterea ullam aliam nefas esse? Quæris, inquit *Romanus*, quamobrem synodos œcumenicas septem prioribus plures amplectimur; negasque œcumenicas, quod ad illas celebrandas neque interfuerint vestri ex Oriente antistites, neque vocati sint. Hoc tibi primum si assentior, non interfuisse synodis quibusdam Græcos, pernego alterum, non esse vocatos. Neque enim coacta unquam est generalis apud nos hujuscemodi synodus, quin illam summus Pontifex indixerit, ad eamque omnes illos invitarit, quorum est adesse, & ecclesiam Dei regere. Quod si pertendas obstinatius synodos eas, ad quas Græcorum nullus convenerit, non esse generalibus accensendas, ex consequenti fateberis, neque illas œcumenicas esse, in quibus Latinorum nullus federit. Qua confessione tua synodos Constantinopolitanas primam & secundam, quarum hæc Vigili pontificis, illa Damasi aetate habita est, id est, secundum & quintum concilium, ex œcumenicorum numero expunges. Neque enim Romanorum ullus utriusque interfuit. Atenim, reposuit *Methodius*, secundum Damasi auctoritate collectum est: quintum autem Vigilio pontifice tum Constantinopoli agente. Lege, inquit *Romanus*, datas ab Constantinopolitana prima synodo ad Damasum & episcopos in Romano concilio congregatos, litteras; atque animadverte non fuisse Damasi mandato Græcos Patres Constantinopolim, sed Romam *tanquam membra propria* evocatos, peractamque synodum, non modo non annuente Damaso, sed etiam nesciente. Vigilius vero, etsi Constantinopoli tum versabatur, cum habita est V. synodus, neque illam sua vel legatorum præsentia ornavit, neque censi voluit œcumenicam. Qui sit ergo, reposuit *Romanus*, ut a vobis, nobisque summa consensione in œcumenicis utraque numeretur. Velim, inquit *Romanus*, nodum hunc, si valent, solvant qui summæ pontificis auctoritati refragantur. Neque enim synodi istæ locum in œcumenicis obtinuerunt, nisi quod sic obtinere jusserunt Damasus & Vigilius. Hic nempe Evagrio teste

*Vi censetur
synodus œcu-
menica, satis
est invitari
quibus licet
adesse; inser-
esse vero mi-
nime necess-
est.*

*Tom. 3.
conc.*

Lib. 1. regist.
epist. 24. ad
Joan. Con-
stant.

Ex. ad Con-
stant. imp. in
Pl. synodo.

lib. 4. cap. 37. per litteras synodo V. postea consensit; eam-
que œcumenicam habuere consecutis temporibus Gregorius
magnus, & Leo hac appellatione secundus. Damasus vero
secundam teste Photio lib. de 7. concil. confirmavit. Mini-
me igitur ex necessitate debuerunt synodis nostris interesse
Græci, ut œcumenicarum dignitate gaudeant. Satis est
communi pontificum diplomate fuisse vocatos. Sed per me
licet, hoc tibi sume, quod minime verum est, debuisse non
modo exciri Græcos, sed adesse: œcumenicas synodos præ-
ter illas septem habebis alias multas, quæ communibus Græ-
corum Romanorumque studiis celebratæ sunt. In iis VIII.
synodus est c. 11. episcoporum, anno Domini DCCC LXIX.
die 5. Octobris Constantinopoli incepta, & anno proxime
consequenti, die Februarii ultimo absoluta, Hadriano II.
summo pontifice, imperatore Basilio. Deinde Lateranensis
IV. anno MCCXV. Innocentii III. summi pontificis jussu col-
lecta, eaque cccc. episcoporum & dccc. aliorum patrum,
abbatum, decanorum, & priorum, ut aiunt, conventualium.
Tum Lugdunensis II. anno MCLXXIV. Gregorio IX. pon-
tifice maximo. Florentina denique anno MCCCXXXVIII. Fer-
rariæ inchoata, mensis Octobris 8. die, & perfecta Florentiæ
Novembris 22. Eugenio IV. sedem apostolicam tenente.
His ut respondeam, inquit *Methodius*, non ex mea, sed
aliorum sententia, neque enim tam parum scio, ut œcu-
menicas synodos nesciam plures esse quam septem: sed e
nostris nonnulli sibi videntur non abs re octavam ab œcu-
menicis expungere. Non video, reposuit *Romanus*, quam
proferre valeant illius expungendæ rationem. Nam *Primo*,
quod forte volunt, & minime necesse est, adfuerunt Latini
& Græci. *Secundo*, cogi synodus debet Romani autoritate
pontificis, ut tradit Alexandrina, in qua erat Athanasius,
cum scribit ad Felicem papam in hæc verba: *Scimus in Ni-
cana magna synodo ab omnibus esse una consensione roboratum,
non debere absque Romani pontificis sententia concilia celebrari,
nec episcopos condemnari.* Et in synodo Chalcedonensi Dio-
corus damnatur, quod sit ausus non adscita ulla sedis apo-
stolicæ autoritate synodum facere, quod nunquam rite factum
est, nec fieri licuit. Octava de mandato Hadriani II. papæ

Octava sy-
nodus Con-
stantinopoli
habita, legi-
tima est &
œcumenica.

celebrata est. *Tertio*, sic haberi nutu pontificis maximi synodus debet, ut ad eam episcopi invitentur. Unde in concilio VII. repudiatur quæ acta est Constantinopoli Leone imperante, adversus imagines synodus; neque censetur vera, *quoniam non habuit cooperantem Romanum papam, nec illius sacerdotes, nec per vicarios, nec per provinciales litteras, quemadmodum fieri in synodis debet.* Et hæc lex in octava synodo præclare servata est. Nam synodum illam indixit Hadrianus Romanus antistes. Convenerunt ejus locum tenentes Donatus & Stephanus episcopi, & Marinus diaconus, cum Ignatio Constantinopolitano patriarcha, & vicariis Orientis Thoma Tyri metropolita, locum tenente sedis Antiochiæ, & Helia presbytero & syncello, locum tenente Theodosii Jerosolymorum patriarchæ, Josepho sedis Alexandrinæ legato, aliisque episcopis, fuitque c. 11. episcoporum cætus, ut mox aiebam. *Quarto*, disceptari in conciliis oportet, non negotia quælibet, sed quæ ad fidem, restamque christiane vivendi disciplinam pertineant, & ex librorum sacrorum testimoniis & certa Patrum traditione definienda sunt. Atqui id factum in octava synodo, ubi scilicet eorum damnata est hæresis, qui duas in homine docebant esse animas; suis sacris imaginibus honor assertus, repressis qui contra VII. synodum insurgebant hæreticis; & restituta, quam adulteraverat Photius, ecclesiæ disciplina. *Quinto*, conspirare debent in eandem sententiam Patres, si non omnes, ad maximam certe partem. Conspirarunt in octava nullo dolo malo, nulla vi compulsi. *Quin* imo Basilius imperator Patres allocutus sub concilii exitum, sermone ad alios omnes converso, *Quisquis*, inquit, *aliquid habet contra hanc sanctam & universalem synodum, aut ejus canones, stet in medio, & quæ sibi videntur, dicat, sive sit de ecclesiastico clero, sive etiam laicus sit, aut ex his qui civilibus officiis mancipantur.* Ex quo singularem agnoscas factam omnibus dicendi libertatem. *Sexto* denique, rata debent haberi ab pontifice Romano synodi acta, quemadmodum patet ex litteris Constantinopolitanæ I. synodi & Ephesinæ, his quidem ad Cælestinum papam, illis ad Damasum datis; & ex relatione Chalcedonensis concilii ab SS. Patribus ad Leonem ponti-

ficem ter magnum transmissa, ut alia multa missa faciam. Nec defuit octavæ synodo hæc conditio: illam enim Hadrianus II. confirmavit. Cum igitur nihil in illa ad absolutionem concilii œcumenici rationem desiderari possit, quid est quod hac illam minime dignam appellatione censeant & ab œcumenicorum conciliorum numero eximant? Ego, inquit *Methodius*, in œcumenicis colloco, & ponebant olim nostri omnes, ut videre est in Horologio quod pueri ipsi versant in manibus. Est enim ad calcem positus alveolus sive area, cujus in variis quadris conciliorum nomina, tempus, personas, &c. descripta videre est, & octavo loco hanc Constantinopolitanam IV. synodum pro Ignatio contra Photium, sed nunc recentioribus in libris, nescio quo fato, non apparet. Relinquitur duntaxat locus vacuus, ut eam adscribat, credo, qui sic voluerit. Quin etiam in sanctæ Sophiæ omnium oculis cum synodis septem prioribus descripta in marmore objiciebatur, his verbis: *Octava vero sancta magna & œcumenica synodus Constantinopoli habita est, Basilio ejusque tribus filiis Constantino, Leone & Alexandro regnantibus, Hadriano Romano pontifice, Ignatio divino confessore Constantinopolitano patriarcha, presentibus Roma veteris & reliquarum Orientalium sedium sanctissimis legatis, CXLII. episcopis, presidente in synodo Marino divinitus electo apostolica Romanorum ecclesie archidiacono, qui post Joannem VIII. sedit papa. Hæc autem synodus collecta est adversus prævaricatorem, & crucis proculcatorem, & divinarum humanarumque legum contemptorem Photium, qui ut fur & latro Constantinopolitanum patriarchatum invasit. Quare probasse mihi videris optime synodos prioribus septem plures esse, & hanc vere fuisse œcumenicam. Valentne pro conciliis aliis eadem rationes? Valent omnino, reposuit *Romanus*. Audi enim quod de Lateranensi IV. testatur abbas Urspergensis. Anno, inquit, ab incarnatione Verbi MCCXV. celebrata est sancta universalis synodus Roma in ecclesia Salvatoris, quæ Constantiniana vocatur, mense Novembri, presidente D. Innocentio papa III. pontificatus ejus anno 18. in qua fuerunt episcopi CCCXII. inter quos extiterunt de præcipuis patriarchis duo, videlicet Constantinopolitanus & Jerosolymitanus; Antiochenus*

Æ. VIII.
synod. sub si-
nem.

Synodus La-
teran. IV.
vere est œcu-
menica.

*autem gravi languore detentus, venire non potuit, sed misit pro se vicarium Anteradensem episcopum: Alexandrinus vero sub Sarracenorum dominio constitutus fecit quod potuit, mittens pro se diaconum suum Germanium: primates autem & metropolitani LXXI. ceterum abbates & priores ultra octingentos: archiepiscoporum autem & episcoporum, abbatum & priorum & capitulorum absentium non fuit certus numerus comprehensus. Legatorum vero regis Sicilia in Romanorum imperatorem electi, imperatoris Constantinopolitani, regis Francia, regis Anglia, regis Ungaria, regis Ierosolymorum, regis Cypri, regis Arragonie, necnon & aliorum principum & magnatum, civitatum, aliorumque locorum ingens fuit multitudo. Hæc Urspergensis. Adfuit etiam Jonas olim Maronitarum antistes, tum Surianorum patriarcha. Hic cum Græcis inita fidei consensus, damnatæ Albigenium & Almarici hæreses, & multa præclare pro reformandis moribus sancita, de communi omnium voto & voce. Quæ, amabo te, synodus magis œcumenica esse possit? Verum, inquit *Methodius*, imperantibus tum Francis, qui erat Constantinopoli patriarcha, Latinarum erat partium, cum interea Theodorus Lascaris suum secum Constantinopolitanum antistitem Nicææ in Bithynia haberet. Hoc tibi, inquit *Romanus*, non ibo inficias: tum scissi duas in partes Græci, alii hunc sibi volebant patriarcham, illum alii. At quis merito neget patriarcham legitimum cum fuisse qui concilio adfuit, non modo quod Græcorum pars magna ab ipso staret, sed quod ab summo Pontifice rite confirmatus sedem urbis occuparet? Qui vero Nicææ sedebat, sibi non habebat consentientem magnam Græcorum partem, tum non intrarat per ostium in ovile *Iohn. 10.* ovium. Neque enim illi ostiarius qui claves regni calorum accepit a Christo, aperuerat, sed ascenderat aliunde. Sed fac vere hunc Constantinopolitanum extitisse patriarcham: cur non adfuit vel per se, ut Maronitarum antistes sive Surianorum patriarcha; vel per legatos, ut Alexandrinus & Antiochenus; cur saltem per litteras, ne synodus absente se & repugnante haberetur, non intercessit? Adde, si patriarcharum aliquis concilio absit, non continuo concilium nullum esse. Quid enim Ephesino fieret, ab quo non Constantino-*

*Synodus
Lugd. 11. s.
ne dubio est
œcumenica.*

politani modo Nestorius, sed Antiochenus etiam Joannes abfuere? Jam synodum Lugdunensem II. nemo pariter ab œcumenicarum numero jure eximat, quæ maxime in Græcorum gratiam coacta est, & ad quam ipsi accesserunt cum Michaelis imperatoris sui & sex metropolitanorum principum synodiciis literis. Synodicas appellavi literas, quod eas de communi episcoporum sibi subjectorum consilio metropolitanæ dederunt. In illa eandem cum Romana ecclesia fidem Græci professi, eam se inviolabiliter servaturos, & in ea omni tempore perseveraturos, nec ab illa ullo unquam tempore recessuros, vel quoquo modo deviaturos, nec discrepaturos, advocato in testem Deo, promiserunt, & apposta ad sacrum evangeliorum codicem manu confirmarunt. Has adeo œcumenicas synodos cum nullam Græci possunt fingere repudiandi rationem, tum maxime premit illos Florentina, quam nisi œcumenicam fateantur, nullam antiquiorum, ac ne ipsam quidem Nicænam hac appellatione dignam merito censebunt. In prioribus septem pontificum Romanorum nemo per se adfuit; abfuerunt ab quibusdam e patriarchis aliqui, ut in Ephesina Nestorius Constantinopolitanus, & Antiochenus Joannes; atque in Chalcedonensi Dioscorus Alexandrinus. In quibusdam non sederunt imperatores, abnuerunt in nonnullis episcoporum non pauci subscribere. Nicænx decretis noluerunt assentiri teste Nicephoro eccl. Hist. lib. 8. cap. 18. Menophantus Ephesinus, Eusebius Nicomediensis, Theognis Nicænus, Maris Chalcedonensis, Theonas Marmaricanus, Secundus Ptolemaïdis, Patrophilus Scytopolis, Narcissus Nerodiadis antistites. Rufinus Hist. l. 10. cap. 5. enumerat septemdecim, quorum sex passi sunt se in exilium abigi cum Ario suo, simulate undecim alii manu sola, non animo, in Patrum sententiam visi sunt cedere. In tertia Joannes Antiochenus, postquam Ephesum accessit, unaque cum eo tres & quadraginta episcopi negarunt se subscripturos. In quarta Ægyptii præsules adduci ad subscribendum minime potuerunt. Verum hic in Florentina synodo, unum si excipias Marcum Ephesum, subscripserunt omnes; interfuit per sese Joannes Palæologus Græcorum imperator, nemo patriarcharum defuit: aderat enim Jose-

*Florentina
synodo uni-
versalis &
magis œcu-
menica nul-
la est.*

phus Constantinopolitanus, & cum ipso cæterorum legati Antonius Heracleensis, & Gregorius protosyncellus pro Philotheo Alexandrino, Isidorus metropolita Syriæ pro Antiocheno, & Dositheus Mopsuestiensis pro Jerosolymitano; & præfuit per sese Eugenius IV. pontifex maximus. Actum in hac synodo de rebus fidei gravissimis, si quæ sunt. Deliberatum de iisdem mature, scite, accuratissime, anno ferme uno, & summa omnium consensione pronuntiatum. Cumque vix Latinorum ullus in iis quæ apud Græcos celebrata sunt conciliis, præter pontificis legatos accesserit, in hoc Florentinum tum Græci, tum Latini antistites numero magno convenerunt. Quamobrem sic existimo eum qui synodum Florentinam habere œcumenicam renuat, nullam proponere posse tanto nomine digniorem. Videtur id quidem, inquit *Methodius*, nisi gesta essent per fraudem omnia, & extorta a Græcis suffragia spe munerum, & minarum metu. Neque dubium hoc esse cuiquam potest: quandoquidem id, qui synodo intererat Sylvester Syropulus, gravissime scripto libro contestetur. Neque unus ipse in testem est, sed ex episcopis multi, qui reversi Constantinopolim sponte sibi in proditæ fidei pœnam sacris interdixerunt. Mirum est, reposuit *Romanus*, ea sic commemorari a Græcis, quæ si vera essent, par esset, si consultum honori vellet, obruere silentio. Nam si tantum ignaviæ, tantum perversitatis in selecto illo Græciæ flore extitit, quodnam erit de cæteris ferendum judicium? At longe absunt a vero, qui sic referunt. Vis cui facta? ubi? a quibus? Mihi crede: si adhibita fuisset, non evasisset Orientis portentum & exitium Marcus Ephesius; illum in malam rem, vel in aliorum abire sententiam compulissent. Neque capitula fidei quinque habuissent satis, qui vim putantur fecisse; sed quasdam jussissent immutari consuetudines, quæ Latinis non valde probabantur. Sed quia pacifice omnia & amice propositum erat exequi, quod tolerari potuit, dimissum est. Reorum contumacium, absit verbo injuria, exposulatio hæc est solemnitas; negant rite peractum judicium, ne se reos fateantur. Sic Ariani primam œcumenicam synodum, Macedoniani secundam, tertiam Nestoriani, Eutychiani &

IOAN. 11.

Jacobitæ quartam repudiandam pugnabant, quod nihil, si ipsos audis, nisi dolo malo & vi pessima sancitum esset. Minime tamen audiendos illos putarunt nobiscum Græci, cum Spiritus sanctus, qui unus ore Patrum in synodo legitima pronunciat, nulla vi, dolo nullo adduci possit, ut inducat in errorem. Sint Patres concilii Balaamo deteriores, non potest rex Moab diabolus tota pecunia sua facere, male ut dicant: sint Caïpha peiores, ut ille *non a semetipso dixit expedire, ut unus moriatur pro populo, sed cum esset pontifex anni illius, prophetavit*. Ita illi non a semetipsis, sed quia sunt in synodum congregati Spiritu sancto præside, quod verum est edicunt. Sylvestrum Syropulum appellasti testem, & in caput suum jurantem, spe aut metu depravatam fuisse antistitum fidem. Sic jurabant superiores hæretici. Tum Sylvestro tuo longe nobiliores & sanctiores viros opponimus Josephum Methonensem episcopum, & alios synodi Patres, qui libris editis contestati sunt, rite omnia, & ex Christi ecclesiæque legibus confecta esse. Quos vero aiebas sibi sacris post suum Constantinopolim reditum interdixisse; illis certum est tum injectum metum, & populi metu eo compulsos. Nemo enim nescit, quas Marcus Ephesius turbas moverit. Sed finge, hoc illos sponte, quasi se faterentur reos, fecisse, tum peccarunt agente illos in præceptis Spiritu proprio, qui duce sancto Dei Spiritu in synodo non peccarant. Quid ergo, inquit *Methodius*, Bessarionem summus pontifex cardinalitio locupletavit pileo, nisi in præmium proditionis suorum fidei? Vellem, respondit *Romanus*, molliore te usum verbo. Tantum abest, ut Bessarionem habuerint proditorem Græci, ut statim ab reditu sibi illum in patriarcham voluerint; quam cum a se dignitatem removisset vir quietis & salutis antantissimus, (quod minus erat ad pompam & opes) cardinalem illum pontifex dixit. Unum aut alterum superest, inquit *Methodius*, cui cum feceris satis, necesse est ut synodum illam nostri admittant, vel Deo indicant bellum. Post actas priores septem synodos, inquiunt, habere octavam non licet, nisi mancas, & imperfectas superiores illas autumes, quasi non satis quæ fidei sunt, exposuerint. Arrisit *Romanus*, &, Credo, inquit,

inquit, hoc profers joci gratia. Nam quid insulsius? Si ante synodum septimam eodem argumento Iconoclastæ contendissent præter sex priores synodos nulli posse probari septimam, auditi-ne ab Græcis essent? Quis Patrum unquam synodorum numerum septenario definivit? An cum nova exoritur hæresis, tam est necesse illam coacta synodo debellari, quam necesse fuit debellari Arianam? Neque qui aliam ab septem prioribus agnoscit, is defuisse illis quidquam astruit. Præclare quod sui erat instituti unaquæque absolvit. Divinitatem Christi manifestam egregie fecit prima synodus, quod tunc temporis quærebatur; & de divinitate Spiritus sancti, si nihil protulit, ut testatur Menæum vestrum, non continuo manca est & imperfecta. Capimus hoc, inquit *Methodius*. Ecce tibi nodum alium, haud scio an arctior sit. Aiunt synodos omnes œcumenicas claruisse miraculis, id est, in iis sedisse Patres, qui admirabilia ederent supra naturæ totius vires atque consuetudinem; nihil autem visum in Florentina simile. Ubinam, inquit *Romanus*, ubinam hæc lex descripta, ut nulla sit in œcumenicis numeranda synodus, nisi ubi divinitus sint edenda miracula. Si valet, vereor, ne quintam & sextam & septimam e synodorum numero expungamus. Verum ut hoc illis nunc annuamus, aio non desiderari in Florentina synodo miracula. An leve est quod S. Bernardino ibi concionante evenit? Incredibili ardebat Græcos ad concordiam revocandi studio. Verum cum Græce nesciret, nec posset interpretes cogitata ejus & animi sensa belle explanare; venit illi in mentem contulisse Deum apostolis, ut gentium omnium linguis loquerentur, neque sibi pro salute amplissimæ gentis optimum Dominum defuturum. Fufis ea mente ad Christum precibus, mox animo atque ore inflammatis cœpit ad Græcos de suggestu dicere, idque Græca lingua tam probe, tam facunde, ut mirati sint omnes, & affirmaverint, non posse ipsum, si in Græcia natus esset, castigatius disertiusque perorare. Sed perorabat in ipso, cujus tum cum Græcis agebat causam Spiritus sanctus, & dabat in illa hora quid loqueretur. Nam ubi habita concione e suggestu descendit, ut erat antea, sic mansit linguæ Græcæ ignarus. Neque ex parte Græcorum Pa-

Basil. in
Comp. concil.
ex ejus vita.


Hist. Flor.
concl.

trum miracula defuerunt. Nam qui princeps in antistitum cœtu erat Iosephus patriarcha Constantinopolitanus, divinitus de morte admonitus, cum lectum ea nocte qua obiit, peteret, sibi afferri chartam iussit, in qua fidem catholicam Romanam professus, in ea se mori affirmavit, eadem opera Græcos hortatus, suos scilicet in Domino filios, ut illam, & synodi decreta amplecterentur. Nemo tunc suspicabatur eum morti proximum, neque quid scripsisset noverat, dum postridie mane concilium ingressi familiares, mortuum in lecto, & depositam in mensa chartam reppererunt. Quid dicam Gregorium illum Mammam pœnitentiarium protosyncellum, & sedis Alexandrinæ in synodo vicarium, illa peracta post Metrophanem in patriarcham evectum miraculis claruisse? Vocat illum Matth. Kigala in sua nova Synopsi ἀγιώτατον πνευματικόν, eumque ait, cum videret augeri in dies apud Græcos scandala, tum urbis Constantinopolitanæ obsidionem & vastationem futuram prænuntiasse. Quid memorem Marci Ephesini mortem Arii morte fœdiorem? Erumpentibus enim in maledicam linguam alvi sordibus, eas ore cum anima evomit. Quid referam Nicolai papæ in suis ad Constantinum imperatorem litteris scriptum vaticinium de evertendo post annos tres Græcorum imperio, nisi suscepta synodo Romanæ adungerentur ecclesiæ. Hic *Methodius* ad suos conversus, Non video, inquit, quid causari nostri ultra possint, quominus synodum hanc venerentur & admittant: vel hæc divina est, vel nulla alia esse potest. Verum non est par conciliorum aliorum ratio, in quibus Græcorum nullus adfuit; quæ tamen œcumenica haberi debere decernitis. Quæro abs te, inquit *Romanus*: Constantinopolitanam synodum, ubi damnatus est Macedonius, num fatentur Græci œcumenicam, cum tamen Latinorum nemo in ea federit? Nec sedit etiam nostrorum ullus in quinta. Hoc tibi assentior, respondit *Methodius*: at Constantinopolitana ab Damaso papa, ut jam dictum est, & hæc altera ab Vigilio postea confirmata est. Adde, subjunxit *Romanus*, ambas illas cum eo nomine, tum maxime quod erant invitati totius orbis episcopi, etsi non adfuerunt omnes, œcumenicas appellari. Ut enim concilium aliquod in

Quas habent
Latini œcu-
menicas sy-
nodos, illa
vere sunt
œcumenica.

œcumenicis censeatur, jam notavimus satis esse, si encyclicis litteris evocentur episcopi, & synodus, postquam absoluta est, autoritate pontificia stabiliatur. In quibusdam si minime adfuerunt Græci, volentes defuerunt. Abunde est inquit *Nicolaus*. Nihil mihi veritate antiquius & carius. Quid dubii in apertissimis his sermonibus? Væ iis iterumque væ, qui pacem ecclesiæ respuunt, & resistunt semper Spiritui sancto per legitima hæc concilia edocenti. Nolite vero existimare, religiosissimi patres, Græcos a vobis aversos vobis adversa sentire. Aversos quosdam, cum palam sit, quis neget? sed indoctos illos & malevolorum sermonibus deceptos quis non novit? Sic habemus, ecclesiam unam esse ex Francis Græcisque, & ex omni hominum genere conflatam; neque nationis studio, vel animi fastu inanissimo, *ab veritate, quæ una liberat*, discedemus unquam. *Sa-
tius est Christo placere, quam sibi & suis. Si hominibus
placerem, aiebat Paulus, Christi servus non essem.* Jam vobis, *Gal. 1.* patres ornatissimi, quas referemus gratias, qui cœnobium hoc nostrum non cohonestatis modo præsentia vestra, sed tam multiplici tamque sana doctrina locupletastis. Doctrinam hanc ad magnam partem, pater colendissime, inquit *Ignatius*, e librorum vestrorum fontibus hausimus, ut agnoscere beneficium nos vestrum teneamur, non vos nostrum. Hoc lætamur uno, e vobis jam neminem vocare in dubium, quin summa sit Romanos inter Romanosque, ut nominis, sic fidei & religionis consensio. Unde intelligere est Græcum non esse, qui aliter sentiat & profiteatur. Photianum dicite a Photio, Marcianum ab Marco Ephesino, alio nomine ab aliis pacis & communis boni hostibus ducto nuncupate. Græcus autem qua ratione nominari ille possit, qui Patrum Græcorum sententiis, qui libris ecclesiæ Græcæ induxit obstinate in animum non assentiri. Gratias vero quas nobis habere te significasti, rependere nostrum est. Sumus enim ea a vobis benevolentia excepti, ut deprædicare illam pro merito non possimus. Hærebit certe apud nos alte defixa tanti beneficii, dum vivemus, memoria. His aliisque verbis cum sese humanissime Græci Latinique consalutassent, vale sibi dixerunt.





DIALOGUS XVII.

De Taborio lumine, Dei essentia & operatione, Gregorio Palama, & conjugio sacerdotum.

CUM essent posttridie duntaxat mane profecturi Latini sacerdotes, & pomeridianis horis vacarent, ad eos Nicolaus abbas & Methodius fructus alicujus percipiendi gratia accesserunt. Vexabant Græcos homines dubia præterea nonnulla de lumine Taborio, quo Christus Dominus admirabiliter, cum *transfiguratus* est, effulsit; de divinis operationibus, quo ab essentia modo distinguantur; de Gregorio Palama, rebusque aliis levioris momenti. Quapropter visum est de his etiam quætere apud sacerdotes Latinos, scrupulum ut sibi, & metum errandi omnem evellerent. Ad eos ergo cum fuissent ingressi, Vereor, inquit *Nicolaus*, patres ornatissimi, ne interpellatores convenerimus: sed istuc nos rapuit humanitas vestra singularis, & vehemens veritatis studium, quo Christi nos amor accendit. Dum lucem habemus, ad eam venimus, ut manifestentur opera nostra, & qui filii lucis & sumus, & esse semper, Deo bene juvante, volumus, illa exoptamus perfundi, in ea exultare, & ambulare, eam tota mente excipere & fovere. Nihil nobis, reposuit *Ignatius*, accidere jucundius potest suavissimo vestro congressu. Novimus sacerdotes Christi omnes solis instar a Deo esse emissos in lucem mundi, & si qua a nobis ad vos perveniet, accedet ad nos e vobis non absimili effluxu, ac vicissim conjunctis luminibus illustrabimur. Quoniam luminis, inquit *Methodius*, incidit primum mentio, amabo vos, quid de Taborio illo, quo Christus in *transfiguratione* admirabiliter replenduit, nobis dicendum. Hoc dicendum, ait *Ignatius*, quod fides, quod recta ratio, quod sancti Patres de illo pronuntiant. An pronuntiant, reposuit *Methodius*, quod visi sunt affirmare Barlaamus & Acyndinus, ipsam fuisse Dei substantiam, vel divinitatem creatam? Absit, ô! absit, inquit *Ignatius*: excidit proflus e mente ac fide, qui creatam divinitatem invehit. Quod

enim Deus est, id cum causa prima sit, causam priorem, ab qua procreetur, fieri non potest ut habeat. Non fuisse vero ipsam Dei substantiam, qui habet aures, audiendi, ex evangelio audit, & si mente præditus est, fatis capit. Nihil enim discipulorum oculis tum Christus objecit, præter corporatum lumen, quale solis est, & candorem emicantem, qualis in nive scintillat. Lumen autem corporatum, & candor non modo non sunt ipsa Dei substantia, sed ne substantiæ quidem nomen obtinent, cum eorum numero sint, quæ substantiæ accidunt. Quid ergo, inquit *Methodius*, Patres sanctissimi statuunt, (quod in Triodium nostrum ex Nicephoro Xanthopulo immissum est) *divinissimum scilicet istud lumen increatum esse, & naturalem gratiam, & fulgorem, & operationem ex ipsa divina substantia inseparabiliter, semperque emanantem, effusionem divini splendoris, & gloriam absolutissimam, quæ nec mente capi, nec explicari oratione possit, gloriam æternam Filii, & regni Dei, & pulchritudinem veram & amabilem, quæ divinam & beatam naturam ambiat, naturalem gloriam Dei, & divinitatem Patris & Spiritus sancti in Filio unigenito effulgentem, ut divini & pleni Deo Patres dixerunt, Athanasius & Basilus, maghi ambo, Gregorius theologus, Joannes Chrysostomus, & Joannes etiam Damascenus?* In hunc modum si Patres illi dixissent, reposuit *Ignatius*, excidissent e Patrum gradu, neque essent vel philosophis annumerandi, qui contra fidei decreta, & rationis edicta tam insulse docuissent. Nicephoro affirmanti noli temere assentiri. Quid enim in his novit de plebe vir, ac minime initiatus, qui suere extra crepidam voluit, & docere ausus est, absit verbo injuria, & Ἀθηνᾶν, sus Minervam. Qui in annalibus hominum parum vidit, nec scite potuit ab veris falsa secernere acuminis inopia, quid perpexit in divinis adytis, quæ ne de limine quidem salutavit. Videre autem viri laici temeritatem dicam, an amentiam, qui fidei dogmata tot perculit anathematis, qui nefandis erroribus fauste acclamari toties jussit beneque dici. Parcite, si contra quam soleo, paulo illum appellavi durius: sed quis mitius illum habeat, qui Græcos suos, qui Patres, qui ecclesiam tam fæde commaculat, suos illis errores affingit,

& in orthodoxos anathemata acerbissima contorquet. Misso Nicephoro, satius est nos audire quid sentiat Chrysostomus. Quid est divinum illud quod Christo adfulsit lumen?

Hornil. 57.
in Matth.

ὕπὸ δ' αὖ γλαύκῃ, inquit, τῆς δόξης ἐκείνης, *exemplum illius gloriæ, qua scilicet gavisurus est, cum e mortuis surrexerit. Atenim asserit Nicephorus esse ipsam gloriā, imo divinitatem Patris & Spiritus sancti in Filio effulgentem? Sed quid Chrysostomo faciemus perneganti, & inculcanti, lumen illud, etsi admirabilitatis plenum ac valde optandum erat, fuisse tamen σωματικώτερον, valde corporatum? An contra Chrysostomum pronuntiabimus, & gratificaturi Nicephoro, profitebimur naturalem Dei gloriā, σωματικώτερον, valde corpoream esse? Quam inique testem adscivit Nicephorus Chrysostomum, tam immerito alios, quos laudat, Patres induxit, quorum alii hoc de lumine nihil scripserunt, alii non absunt ab Chrysostomi sententia; nemo increatum asseruit lumen illud, aut finxit naturalem esse Dei gloriā. Quid ergo extitit lumen illud Taborium, inquit *Nicolaus*? Cui *Ignatius*, Lumen erat, inquit, corporeum, creatumque ex increato & spiritali lumine, divinitate scilicet Christi promanans, quo promanabit modo ex beata anima in corpus lux illa singularis, qua justī fulgebunt sicut sol in regno Patris eorum. Et quemadmodum lux illa corporis alia erit ab animæ luce, quacum tamen necessario conjuncta est, ita lumen illud transformati Christi aliud ab lumine divinitatis, ab quo profluebat, extitit, tamque discrepabat ab alio aliud, quam differt a corpore spiritus. Fuit enim, ut recte sentit Joannes Damascenus, orat. de Transfiguratione Domini, fuit lumen illud Taboricum corporis splendor, τὸ γὰρ σῶμα τὸ φῶς ἢ ἐκλαμψε γάρῃ, sed splendor adeo cum sempiterno & increato splendore conjunctus, ut vere deitatis claritas & gloria dici possit; quippe qui nullo alio in corpore reperiri hujuscemodi valeat, nisi in eo quod unum quiddam cum Deo ὑποστατικῶς existat, & in ipso existere quasi ex necessaria naturæ consecutione debeat. Quod si invisibilia Dei, per ea quæ facta sunt, intellecta conspiciuntur, sempiterna quoque ejus virtus & divinitas, in illo maxime lumine hæc visa sunt. Non enim Dominus JESUS adscititium habuit illud gloriæ ornamentum,*

Lumen quod
in transfigu-
ratione
Christo ef-
fulsi, non est
increatum,
neque divi-
nitas appel-
lari debet.

Matth. 13.

Rom. 1.

ut ait Joannes Damascenus, sed ex insita divinæ gloriæ claritate: *οὐκ ἐπὶ κτήτων ἔχει τὸ τῆς δόξης ὡραϊσµα, ἀλλ' ἐκ τῆς* ^{ibid.} *ἐμφύτης τῆς θεϊκῆς δόξης λαµβαρότητος.* Ubi vides sic secerni Taborium lumen *ab naturali Dei gloria & claritate*, ut ab causis distinguuntur effecta. Cum autem effecta illa sint causarum decus & gloria, quia ipsæ effulgent in effectis; sic lumen illud non abs re deitatis radius, imo & gloria appellari potest. Neque enim ulla in re alia suam Christus divinitatem conspiciendam magis expressit. At dici increatum *ὁρδοδότης* omnino non potest. Nam primo solus Deus increatus, est ut docent una voce Patres omnes. In his Gregor. Nyssēn. lib. 12. adversus Eunom. & Gregorius Nazianzenus orat. 1. *ὡς ἀρχόν*, & Joan. Damasc. lib. 1. orthodoxæ fidei. Ergo cum lumen istud non sit ipse Deus, necesse est creatum esse. Deinde omnia per verbum facta sunt, ut scribit Joannes primo evangelii sui capite, omnia, inquam, ut ait Paulus epist. ad Coloss. sive in cælo, sive in terra. Igitur cum omnium de numero sit illud lumen, factum esse aliquando, palam est. Præterea erat corporum oculis aspectabile, & in corpore positum. Quamobrem & corporeum ipsum quoque fuit. Jam qua, amabo te, ratione quod corporeum est, æternum sit & cœvum Deo? qua ratione quod corporeum erat, corpus antecessit & existere sine idoneo & naturali sibi subiecto æternitate retro tota potuit, contra quam rerum ordo postulat? Denique quī possit e divina natura spiritali materialis ille fulgor *ἀχωρίτως αἰεὶ*, *inseparabiliter semperque* emanare. Si inseparabiliter profluit: ergo in spiritu illo purissimo semper adfuit materiæ nonnulla, imo infinita concretio. Immensum enim lumen fuerit oportet. Si ab divina emanat substantia: ergo errat Græcorum ecclesia in Octoecho in *καὶ ἡχώ πῶς*. δ. cum Deum ab simplicitate laudat, appellatque *τριάδα ἀπλὴν ἀγίαν, trinitatem sanctam simplicem.* Est enim, si Nicephorum audimus, ex substantia & lumine illo increato, quod ab illo effluit, in eoque recipitur, compositus. Quin etiam illum component non absimili modo *ἐνεργεῖαι* & operationes reliquæ divinæ. Vide sis, inquit non valde serio *Methodius*, vide sis quid hic postremo asseras. Anathema enim iis in Triodio dicitur,

Dei energia
& operatio-
nes interna
non distin-
guuntur ab
essentia.

sive qui censent unum & idem esse sine ullo discrimine substantiam divinam ejusque operationem, sive qui affirmant, constituto inter utramque discrimine, ex utriusque completionem fieri in Deo compositionem, naturæ scilicet & operationis. Sit creatum Taborii lumen, quoniam sic visus es demonstrare; sed splendorem illum, quo fulget in sese Deus, sed aliam quamvis operationem, quæ ab divina substantia inseparabiliter semperque promanat, creatis rebus noli accensere. Fateor, inquit *Ignatius*, naturalem Dei proprietatem & vim agendi, internasque ejus & immanentes operationes, ut intelligendi actionem minime procreatas esse, sed illas aio unum idemque esse, sine ullo discrimine, cum divina substantia. Eos vero qui ab hac illas secernunt, contendo inducere compositionem in Deum. Est enim compositio, nisi fallor, rei cum re positio. At ponunt cum Dei substantia distinctas *ὄντες ἐνεργίας*, operationes: Deum igitur componunt. Imo destruunt. Quod enim compositum est, fieri non potest, ut Deus sit. Deus enim est & appellatur, qui seipso perfectus est. At quod variarum rerum compositionem admittit in sese, non seipso, sed rerum illarum accessione completur & absolvitur. Adverte, quæso, reposuit *Methodius*, quod docent, Nicephoro teste, sancti, *nullam scilicet compositionem ab iis quæ naturalia sunt in natura fieri*. Testem utinam alium, inquit *Ignatius*, cui fides haberi posset, evocasses. Nam qui sunt tandem illi sancti? Ubi, non dicam acumen, sed ubi mens hominis tam falso, tam insulse respondentis? Corpus & anima naturalia sunt homini; nonne sit ab iis in natura hominis compositio? Intelligere & velle naturalia sunt angelo, ut & intelligendi & *volendi* vis, annon facit hoc in angelo facultatum & substantiæ & actuum compositionem? *Qua* re Deus angelo simplicior est, nisi quod actus purus est, ut aiunt cum Aristotele sancti, id est, ipse sua operatio. Quid ais, interpellavit *Romanus*, Deum destruunt? Imo mihi videntur plures nobis deos procudere. Nam operationes illæ & energix, quas a Deo semper emanantes a Deo secernunt, differunt ab substantia divina, quo plane modo persona divina ab alia discrepat, ut id quod *principiat* scilicet, ab eo quod *principiatur*. Jam cum

Petrus.
theol. dogm.
rom. 2.

res

res nulla existere omnino possit, nec animo cogitari sine sua essentia, cum operationes illæ & energix illæ distinguantur a divina, aliam sibi propriam quæ divina quoque sit, habeant necesse est. Atque adeo varii multiplicis formæ dii erunt. Quo dicto quid vecordius fingi potest aut gravius? Non sic personæ divinæ, quæ cum idem omnino cum divina essentia sint, unus omnino sunt Deus. Nescio, inquit *Methodius*, an plures Nicephorus ejusque vel duces vel asseclæ deos admittant. Eos certe anathemate feriunt, qui plures divinitates negant existere, noluntque hoc nomine Dei operationes & ἐνεργίαι afficere. Sibi illi, reposuit *Ignatius*, quidlibet audendi fecerunt potestatem: at Græci incredibilem illam divinitatum turbam execrantur. Audi illos Οἰκοεχί in libro ὡδῆ θ. εἰ θεοπότην τριάδα, ἀλλ' ὑποστάσεων, εἰδὲ μονάδα προσώπων, ἀλλὰ θεόπότης σέβοντες, τέμνομεν τῆς ταύτης ἀφαιρέντας· συγχρόμην δὲ πάλιν τὰς σύγχυσιν τοιμάντας καὶ ταύτης λέω μεγαλύτοισιν. Cum veneremur non divinitatum triadem, sed personarum, & colamus non personarum unitatem, sed divinitatis, abscindimus eos qui illam dividunt & distribuunt. Sic eos quoque confundimus, qui in illa quam excolimus, deitate audent confusionem facere. Age ergo, inquit *Nicolaus*, quid nobis Græcis de divina substantia ejusque operationibus & ἐνεργίαις sentiendum? Quod canitis in vestris templis, reposuit *Ignatius*, quod ab sanctis Patribus accepistis, Deum scilicet substantiam esse simplicem, compositionis penitus expertem, ut in Οἰκοεχο ἡχώ πλ. δ. ὡδῆ: αἰπλὴν κατ' ἐσὶν: naturales vero ejus proprietates & ἐνεργίαι nihil ab ipso Deo re ipsa differre, sed sola cogitatione discerni, ut docet Dionys. de divin. nom. c. 5. οὐκ ἄλλο ἐστὶ τὰ γὰρ δὸν καὶ ἄλλο τὸ ὄν, & ἄλλο πλὴν ζῶν, ἢ πλὴν σφίαν, εἰδὲ πολλὰ τὰ αἶψα, καὶ ἄλλων ἄλλας ὡρακτικὰς θεότητας ὑπερεχούσας καὶ ὑπερβύρας, ἀλλ' ἐνὸς θεοῦ τὰς ἄλλας ἀγαθὰς περιέχους. In Deo, inquit, non est aliud bonitas, aliud essentia, aliud vita, aliud sapientia, neque plures causa, neque divinitates plures, quarum alia producantur ab aliis, excellentiores alia, alia inferiores, sed universa Dei unius sunt processiones bonæ. Nempe ejus una eademque essentia pro varia effectorum, quæ ab ipsa profluunt consideratione, modo sapientia, modo boni-

*Qui in Deo
distinctas
ponunt ab
essentia pro-
prietas &
operationes,
illum compo-
nunt.*

tas, modo iustitia, alia modo appellatione afficitur. Audi vero quam præclare Dionysio hierarchico theologo Joannes e Damascena civitate theologus concinit lib. 1. orth. fid. c. 12. τὸ θεῖον ἀπλὴν ὄντι καὶ ἀσυνθετὸν, τὸ δὲ ἐκ πολλῶν καὶ ἀσφύροεν συγκείμενον συνθετὸν ὄντι. εἰ ἔν τὸ ἀπλῆτον καὶ ἀσφύρον καὶ ἀσύνθετον ἔστι θεῖον καὶ αἰώνιον ἔστι ἀγαθὸν καὶ διαικίον, καὶ τὰ τοιαῦτα ὑπὸ τοῖς ὀνόμασι εἰσπορεύει θεῷ, ἐκ τούτων συγκείμενον, οὗτοι ἀπλὴν εἰς αὐτὴν, ἀλλὰ συνθετὸν. ὁμοῦ ἑκάστη ἀσθενέας ἐστὶ. Deus simplex est, atque ab omni compositione alienus: quod autem ex multis ac diversis conflatur, compositum est. Si igitur increatum ac principii expertem esse, si incorporeum, immortalem, æternum, bonum, rerum omnium parentem & architectum, ceteraque id genus, substantiales Dei differentias dixerimus: quod ex tam multis conflabitur, non simplex erit, sed compositum. Id quod extreme impietatis fuerit dicere. Lege totum hoc orthodoxæ fidei caput, ubi Damascenus apertissime docet, unum & idem in Deo esse, bonitatem & essentiam Dei, ejusque item operationem; etsi bonitas & operatio naturam ipsam mentis consideratione consequantur, sintque in Deo variorum causæ nominum, quatenus ad varia Dei effecta comparantur. Nam & eorum, quibus dominatur, dicitur dominus; & eorum, in quos dignitatem regiam obtinet, rex; & eorum quæ efficit, effector; & eorum quos pascit, pastor. Jam intelligo, inquit Nicolaus, ab iis divinæ simplicitatem naturæ everti, qui Dei intrinsecam operationem ab ipsa Dei substantia distinguunt. Superest, exponas quid sibi velint, cum Dei operationem quidem participari posse affirmant, substantiam vero non posse. Quid sibi velint, reposuit Ignatius, haud scio, an ipsi capiant. Hoc scio apud Dionysium lib. 5. de divin. nom. sic asseri, non minus participari τὸ εἶναι θεῖον, quam divinæ participantur sive virtutes, sive operationes. Imo tradit ex iis quæ participantur τῷ πάντων ἑαυτῶν τὸ εἶναι μετέχειν, ante omnia ipsum esse participari. Certe dari christianis iustis Spiritum sanctum, testantur passim sacri codices; ipsumque dari ἐκ κοινῆς, ejusque communicari substantiam uno quasi ore Græci Patres profitentur. Ait Christus, Accipite Spiritum sanctum: exclamat Paulus, Caritas Dei diffusa est in cordibus nostris per Spiritum sanctum, qui datus est nobis: definit Petrus, divina

nōs per gratiam cōsortes naturā fieri. Filius hominis Christus nostrum omnium caput & salus, non sortitus est modo sapientię & scientię Dei thesauros omnes, sed inhabitantem in se divinitatis plenitudinem complexus est *ὁμοῦς ὡς ἡ φύσις*, *substantialiter personāliter.* At, amabo, explanent nobis recentiores illi de nesciocujus schola theologi, quid sit *participari operationem Dei*, quidve obster, quominus divina in eundem modum participetur natura. Operari profecto in homine Deus non potest, quin in eo ad eum fere modum sit, quo operatur. Novi non sic homini christiano divinam communicari substantiam, ut communicatur Filio Dei, ejusque Spiritui; quippe jam homo non esset, sed Deus: neque ut communicatur homini Christo; fieret enim e. divinis personis una aliqua. At communicatur miro quidem, sed vero modo, quo homo fit non Christus, sed christianus; non Deus, sed divinus; vehiturque ad statum naturali omni superiorem, & Filio Dei dignum. Hęc, inquit *Methodius*, cum ita sese habeant, valeat sane Nicephorus Xanthopulus: sed Gregorio nostro Palama quid tandem fiet, qui lumen illud transformati in Taborio Christi increatum asseruit, divinamque *ἐκείνου* incretam ab Dei substantia, a qua profluit, vehementissime propugnavit reipsa distingui, quemadmodum quod ab causa est, id ab ipsa omnino secernitur? Quid synodis illis fiet, qui Constantinopoli curavit habendas, & quasi moderatus est contra Barlaamum & Acyndinum, eorumque discipulos, ubi in ipsius sententiam manibus pedibusque itum est? Verum, ait *Ignatius*, Palamę vestro & privatis illis ac tumultuariis synodis si assentimur, quid sanctis Patribus fiet, qui omnes, ut demonstravimus, contra sentiunt? Quid synodis œcumenicis, qui Patrum doctrinam comprobant? Quid Joanne Constantinopolitano patriarcha, quid Antiocheno Ignatio, qui Palamę ejusque erroribus dixerunt scripseruntque anathema, ut refert doctissimus e Græcorum gente Allarius dissertatione sua 2. de libris Græcorum ecclesiasticis. An valere Patres, synodos, patriarchas vestros jubebitis, salvere autem Palamam? Excipietis hujus nefanda somnia, & multiplicem hæresim; Patrum vero dogmata, decreta synodorum, patriarcharum

mandata proculcabit. At Palamas hic noster, inquit *Nicolaus*, in sanctis est, & alterius nullius memoria, encomiis apud nos majoribus celebratur. Nam & secundam illi e quadagesima dominicam consecravimus, iisque ibi laudibus extollimus, ut vix Christum pluribus. Immensa illa supra numerum & modum præconia, reposuit *Romanus*, quæsitique iste adeo singularis dies, argumento sunt in sanctorum classem fuisse Palamam immissum dolo malo, quo fucus posteris fieret. Cum enim sanctitas omnis sic fidei veritate quasi fundamento innitatur, fieri non potest, ut qui iudicio nostro sanctus est, carere illum veritate censeamus. Hinc est quod Nestorium Nestoriani, Jacobitæ & Armeni Barsumam & Dioscorum tot virtutibus exornant, tamque admirabili miraculorum gloria, ut quamvis turpissime ac stolidissime erraverint, eorum asseclæ hac anticipata sanctitatis opinione occæcati, errasse ipsos, vel in ipsa sacrorum codicum & conciliorum meridie, non videant. Nobis igitur, inquit *Nicolaus*, e sanctorum albo Palamas est expungendus. Vestrum est, reposuit *Ignatius*, quod est e re vestra facere. Hoc certe scio sanctum non esse Palamam, cujus 33. hæreses Demetrius Cydonius, vir in Græcis avitæ nobilitatis & summæ dignitatis, illi ætate æqualis singillatim enumerat; quem errores veterum bene multos, ne dicam pæne omnes, revocasse tradit eruditissimus e Græcia alius, quem execrandis Sodomæ flagitiis pollutum arguit Græcus alius ipsi cœvus Nicephorus Gregoras, qui Hesychistarum & ὁμολογητῶν e numero, illius dæmonum præstigiis se, cum ad pectus vel umbilicum caput apprimeret, & contorqueret suppresso spiritu vehementer oculos, divinam quandam & increatam lucem videre se, ardoremque Spiritus sancti concipere, ac per nares afflare affirmabat; qui denique fœdissimam, si Græcis credimus, vitam, turbatumque plenissimam gravi morbo discerptus, fœdiore morte clausit. Ut enim impurissimus olim Arius prolapsus ex alvo visceribus periit, sic Palamas animam cum stercore per os dejecto evomit. Quod disertissime quasi rem minime dubiam testatus olim est Josephus Methonensis episcopus Græcus in sua pro concilio Florentino epistola adversus Marci Ephesi libel-

*Quis fuerit
Gregorius
Palamas.*

*Allat. de lib.
eccl. Græc.
diss. 1.*

*Petavi.
theol. dogm.
l. 1. c. 12.*

lum. Quamobrem Græci ab hac nostra ætate paulo remotiores Palamam hunc, ut audistis, sanctis hominibus minime adjugebant: quoniam autem recentiores consilio ab annis circiter centum divum creaverint, omnino me later. Triodia ante centum annos sive manu descripta, sive typis edita, nusquam sive Palamæ, sive *ἱερωπαιῶν*, operationum divinarum ab divina substantia distinctarum, unaque increatarum meminerunt. Et postquam officium de Palama in Triodiam irrepsit, audio vetitum sapientissimo decreto, ne quis illud in posterum celebret. Celebratur tamen: heu! quot in locis fuisse Græcæ gentis ignominia & injuria! Quæ enim par animi cæcitas, si hæreticum & multorum testimonio spurcissimum hominem, non habeas modo in sanctis; sed eo ritu colas, quo major excogitari non potest? At qua demum autoritate sanctis adscriptus est? an synodi œcumenicæ decreto, an privatæ cujusdam placitis? an patriarcharum mandato? an populi totius communibus votis? Cum non extet, inquit *Methodius*, nec synodi ullius editum, nec patriarcharum in eam rem consensio, voce populi factum id esse dixissem, nisi tot ac tantorum virorum, quos appellasti, testimonio constaret, nec ætate sua, dum erat in vivis, Palamam, nec post obitum mortem sanctitatis, apud omnes existimatione claruisse. Aiunt Philotheum Constantinopolitanum patriarcham Palamæ elucubrasse officium, eique quasi hominum prope maximo divinos honores adscripsisse. An vero, inquit *Ignatius*, si Philotheus Palamam sanctissimum dixit, continuo evasit sanctissimus, & is in universa Christi ecclesia haberi debuit. Eone se profert patriarchæ privati autoritas, ut ipse unus, nulla coacta synodo, nullis auditis de sanctitate miraculisque viri testibus, possit sanctorum albo, quem voluerit, pro arbitrio inferere; & cum præsit privatæ ecclesiæ suæ soli, alias quæ sibi non subsunt ecclesias, ad sancti sui cultum vocare & obstringere? Liceat hoc certe, (si, quod nunquam licuit, nunquam licebit, concedi tibi postulas) liceat hoc patriarchæ legitimo. At Philotheus post depositum jure nullo Callistum per summum nefas, in patriarcham ab Cantacuzeno tyranno evectus est, cum rejecto Joanne imperatore legitimo pactus

R r iij

esset, se Matthæo illius filio impositurum coronam, itaque patriarchalem cathedram proditione mercatus esset, proculcatis humanis legibus atque divinis. Denique id etiam tibi si dari vis, Philotheum vere & *ἡγουμένον* patriarchali dignitate donatum, & potuisse per orbem universum christianis omnibus religiosam Palamæ venerationem indicere, & imperare. Potuerit: at id nunquam facere est aggressus, quod facere, nisi omni abjecto pudore, non poterat in recenti Palamæ memoria. Et vero delituit, quod ante annos trecentos in ipsius gratiam conscripsit officium; nec illud Palamitarum ausus est ullus efferre in lucem, & admiscere Triodio, nisi ante annos circiter centum. Tunc enim, *cum dormirent homines*, nec de Palama cogitarent, aut somniarent quidquam, oblitus quis esset, quidve egerit, *venit inimicus homo*, & in librorum ecclesiasticorum quibus utuntur Græci, *agro*, ubi tot sancti Patres, aut potius Spiritus sanctus *bonum semen seminaverat* *superseminavit* officii hujusce Palamæi, & Synaxariorum Nicephori Xanthopuli *zizania*. Sed de Gregorio Palama, ni fallor, hætenus satis; neque, quod quaratis, aliud est. Multa supersunt, inquit *Methodius*; sed unum inprimis, de quo prius abs te edoceri velim, quam a nobis recedas. Video nostrorum plurimos offendi, quod conjugatorum hominum vel neminem initietis sacerdotio, vel initiatum jubeatis conjugio abstinere, cum *connubium* Paulus asserat esse *in omnibus honorabile, & immaculatum thorum*. Vestri illi, inquit *Ignatius*, an offenduntur peræque, quod conjugatorum hominum vel neminem deligatis episcopum, vel electum cogatis abstinere conjugio, quod cum *honorabile in omnibus* sit, maculam inurere episcopis non potest, nec fœdare ipsos monachos. Certe ita Mahometo visum est, cujus religiosi Dervichii liberos procreant, & Calvino pariter Lutheroque placuit, qui, episcopis & presbyteris nolunt esse satis ecclesiam sponsam, & spirituales liberos numero infinitos, aliam volunt addi uxorem, & alios liberos progigni. At monachi, inquit *Nicolaus*, vovent castitatem, nemoque, nisi e monachis episcopus est. Sacerdotes quoque nostri, subjicit *Ignatius*, castimoniam sese voto obligant, adeoque quod laude dignissimum

De calibatu
sacerdotum.

Hebr. 13

Remittam
esse & dico-
ram.

in monachis est & episcopis, verti vitio sacerdotibus non potest. *Connubium* quidem *honorabile est in omnibus*, qui illud christiane volunt amplecti, horum thorus immaculatus est. At postquam Dei & castimoniz amore capti, nuntium matrimonio miserunt, ut monachi & episcopi vestri, nostrique sacerdotes & olim, ut testatur Paulus, diaconissæ, si *luxuriati in Christo* nuptiis se implicent, & utantur conjugio, *damnationem habent; quia primam fidem irritam fecerunt.* Quid est, inquit Augustinus in psal. 75. primam fidem irritam fecerunt? Voverunt enim, & non reddiderunt. Cum tamen, opposuit *Methodius*, sacerdos esse conjugatus possit, (nihil enim sacerdotium matrimonio repugnat) quid causæ est, cur sacerdotes nolitis esse conjugatos, maxime cum canon apost. v. prohibeat, ne suam presbyter uxorem abiciat? Hoc ipsum abs te sciscitor, inquit *Ignatius*, unde est, quod episcopos ab connubio, maxime cum canon vi. episcopos in ea re ab presbyteris minime secernat? Recito: *Episcopus aut presbyter uxorem propriam nequaquam sub obtentu religionis abiciat; si vero rejecerit, excommunicetur; sed si perseveravit, deiciatur.* Quos ferit canon ille apostolicus? Eosne episcopos qui nollent uti conjugio, an illos qui uxoris abjecta omni cura, ne victum quidem uxori; aut vestitum ministrabant? Mitte, inquit *Nicolaus*, episcopos nostros & nostra: vel, quod malim, edoce cur suos Græci episcopos, Latini sacerdotes suos, imo diaconos & subdiaconos jubeant aut carere uxoribus, aut ab illis continere se. De episcopis facile statues, respondit *Ignatius*, cum de sacerdotum causa audieris: quanto enim episcopi sacerdotibus dignitatis prærogativa præstant, tanto esse debent omni virtutum genere clariotes. Jam rem attingo. i. Cum fide christiana constet, qui castimoniam colunt, eos esse cæteris, qui rei uxoriæ navant operam, puriores; nemo illos neget aptiores esse quoque sacerdotio. In quo ea mentis atque corporis exigitur mundities, ut ne angelica quidem sit satis; mireturque ecclesia Christum Dominum Virginis immaculatissimæ uterum non horuisse. i i. Nasci Christum in pavendis mysteriis sacerdotum ore vox & sententia Patrum est. Quem e Virgine decuit nasci *φωσφῆς*, non minus decet e virginibus,

i. Tim. 5.

Sacerdotes
debet esse ca-
libes.

quantum licet sacerdotibus, gigni *μυστικῶς* & renasci. 111. Christum presbyteri non tantum procreant sacramento, sed exhibent in sese, ex quo illos consecravit Christus his verbis, *Hoc facite in meam commemorationem.* & postea, *Accipite Spiritum sanctum,* &c. Sicut misit me Pater, & ego mitto

In lib. quest.
& respons.

vos, castus castos. 1 v. Quærebat S. Maximus ante synodum œcumenicam sextam, *cur legis sacerdotes habere uxores non prohibebantur, Christi vero sacerdotes vetantur, quantum ad consuetudinem attinet.* Et Græcis suis Græcus respondebat:

ὅτι ὅτιν ἡ ἱερωσύνη καὶ τὴν τάξιν Μελχισεδέχ, ὅς ἐ γράφει) γαμαμικῶς. κατ' ἀνάγκην ἔν οι καὶ τὴν τάξιν αὐτῆ ἱερατεύουσιν & ἀγορεύουσιν) γυναικας. *Quia sacerdotium est juxta ordinem Melchisedech, qui non legitur fuisse conjugatus. Necesse est igitur, ut qui secundum ejus ordinem sacerdotio funguntur, uxorem non admittant.* v. Sacerdotes in lege Moïsis procul a domibus suis anno vicis suæ in templo habitare jussi sunt, ut notat Syricius papa epist. 1. ad Himer. Tarrac. episc. *ne possent cum*

6. Cor. 7. *uxoribus carnale exercere commercium, ut conscientia integritate fulgentes, acceptabile Deo munus offerrent.* Debent igitur in lege Christi ab uxoribus semper abesse, qui non per vices anno uno, sed diebus singulis in ecclesia ad vitæ usque exitum famulantur. v 1. Paulus conjugatos homines optat ex consensu ad tempus abstinere, ut orationi vacent. Quid presbyteros juvat facere, quorum est diu noctuque sua & populorum vota Deo offerre? Quid aio autem vota offerre? Imo ipsum manibus suis Deo Patri offerre Christum, vel offerentibus operam præbere. vii. Sacerdotes oportet sine sollicitudine esse, & ea quæ Domini sunt, animo toto curare. *Qui autem sine uxore est, inquit apostolus, sollicitus est, quæ Domini sunt, quomodo placeat Deo. Qui autem cum uxore est, sollicitus est, quæ sunt mundi, quomodo placeat uxori, & divitisus est.* Verba hæc mihi revocant in memoriam, quod in ipso ecclesiæ cujusdam choro auribus & oculis usurpavi. Audiui, cum invitaretur ad psallendum e sacerdotibus unus, ridendo e media turba respondisse. Non ibi mihi uxor est, cui modulis meis placeam. Vidi cum filio suo alium in eodem illo loco gestu & voce colludentem. viii. Hoc sacerdotibus maxime incumbit, ut peccatores hortentur, & a rebus venereis deter-

reant

teant cælibes. At qui si se ipsi non continent ab uxore sua, quam, amabo, ratione vel fronte aliis, ut ab fæminarum abstineant consuetudine, suadebunt? ix. *Nemo militans Deo* (militant autem ex officio presbyteri) *implicat se negotiis secularibus*, ut Timotheum suum monebat Paulus: his autem implicare se conjugatos sacerdotes quasi necesse est, & familiaris sæpe suæ & liberis militans, non Deo. Norunt enim parentes, quo abripiat per fas & nefas liberorum amor natura præceptus & cæcus. x. Presbyteros oportet, cum plebis christianæ sint patres, populis sacra doctrina instituendis, pauperibus juvandis, excipiendis hospitibus se impendere. Id vero liberorum & rei familiaris cura impediti quæ possint? Vereor autem ne ecclesiarum sacros proventus, non expendant ad Dei gloriam & animarum salutem, sed ad locupletandos liberos transferant & absument. Audite me, & gemite. Et si Græci sacerdotes uti sancte conjugio valent concessu ecclesiæ; tam parum tamen conjugium prodest comparandæ sanctitati, ut nemo ullum proferre possit uxorum sacerdotem, qui vitæ merito sancti nomen & locum in Menæis adeptus sit. Addo qui etiam doctrinæ laude sic floruerit, ut doctorum Patrumque numero sit inscriptus. Ex quo apud Græcos sacerdotum sunt inducta conjugia, res eorum vitæ sunt sensim prolabi, & eo tandem devolutæ sunt, quo sentitis & plangitis. Avocati enim ab inflammatissimo rerum divinarum zelo, rei domesticæ cura sacerdotes, passi sunt induci scandala, quibus ecclesia gravissime vexata & regnum ipsum eversum est. Quid ais, inquit *Nicolaus*, inducta apud nos sacerdotum conjugia? Num erant primis ecclesiæ temporibus? Num Nicænæ synodi ætate, cum Patres sanctissimi revocare sacerdotes ab uxorum contubernio amplexuque in hac synodo decrevissent, obstitit celeberrimus ille Paphnutius (cujus effossum propter Christi fidem oculum toties exosculatus est Constantinus magnus) & legem novam induci non est passus? Ex Ancyrana quidem provinciali synodo perantiqua, reposuit *Ignatius*, non nego colligi, sicubi summa esset ministrorum penuria, allestos fuisse diaconos, quibus non modo licuit uxoribus suis conjugi, si conjugati erant; sed etiam, si non erant, inire

2. Tim. 2.

Græcam ecclesiam multa post concessum sacerdotibus matrimonii usum passam esse.

Olim in ecclesia Græca sacerdotes fuisse calibps.

Contra Vigil,

De Paphnutii historia quid sentiendum.

Vid. Petr. Arcud.

suscepto diaconatu matrimonium, cum in ipsa ordinatione protestati essent velle se conjugio copulari. Fateor & Epiphanium testari gravissima aliquando de causa factum cogente necessitate, ut nonnulli singulari virtute viri, cum negarent posse se ab uxoribus seungi, fuerint in sacerdotes consecrati. Sed audio Epiphanium eundem lib. 2. hæc. 59. cum leges exponit ecclesiæ, nobiscum sentire. *Re vera*, inquit, *non suscipit sancta Dei predicatio post Christi adventum eos, qui post nuptias mortua sua uxore secundis nuptiis conjuncti sunt.* Idque propter excellentem sacerdotii honorem & dignitatem. *Hac autem tuto summaque diligentia sancta Dei ecclesia observat, Quin & adhuc viventem & liberos gignentem unius uxoris virum non suscipit; sed eum qui se ab una continuit, aut in viduitate vixit, diaconum, & presbyterum, & episcopum, & hypodiaconum.* Maxime ubi accurate canones ecclesiastici servantur. Audite e nostris quidem Hieronymum; sed quid fieret ætate sua in toto terrarum orbe recensentem. *Proh nefas!* inquit, *episcopos sui sceleris dicitur habere consortes.* Si tamen episcopi nominandi sunt, qui non ordinant diaconos, nisi prius uxores duxerint, nulli calibi credentes pudicitiam; imo ostendentes, quam sancte vivant, qui male de omnibus suspicantur. Et nisi pregnantes uxores viderint clericorum infantesque de ulnis matrum vagientes, Christi sacramenta non tribuunt. Quid facient Orientis ecclesiæ? Quid Ægypti & sedis apostolicæ? *Quæ aut virgines clericos accipiunt, aut continentes, aut si uxores habuerint, mariti esse desistunt.* Hæc cum Epiphanius, Hieronymusque scriberent, inquit *Nicolaus*, crede, Paphnutii & Nicænæ synodi non meminerant. Non meminerant quidem, reposuit *Ignatius*, abs te commemoratæ historiæ, de qua nihil unquam audierant, nihil legerant. Nondum enim prodierant Socratis & Sozomeni annales, quo intrusa est. Meram autem esse fabulam, non modo hinc pater, quod illius nullam ulli Patres fecerint mentionem; sed quod Eusebius Cæsariensis qui synodo interfuit, sacerdotes ætate sua caruisse uxoribus testetur l. 1. evang. demonstr. c. 8. *Nunc*, inquit, *in ecclesia Christi duo vivendi modi instituti lege sunt. Alter quidem naturam superans & communem vivendi ratio-*

nem, ἢ γάμους, ἢ παιδοποιίας, ἢ δὲ κτῆσιν, ἢ δὲ ἀειβοίας ὕπαρξιν
 ὡδὲ ἀχρόμυρον, non nuptias, non filiorum procreationem, non
 opes requirens. Et hos docet Eusebius, quasi quosdam deos re-
 liquorum hominum vitam inspicere, quippe qui ἵερὰ τὴ πάντες
 γένους ἱεροῦμοι πρὸ ἐπὶ πάντων, supremo omnium Domino pro
 universo genere sacrati sunt, & τὴν ἵερὰν σφάν αἰπὴν καὶ ἱερὰν
 σφίσιν ὁμογενῶν ἀποτελεῖσιν ἱερουργίαν, pro se & pro aliis qui
 ejusdem natura sunt, peragunt sacrificium. Tum concludit:
 Igitur talis in rep. christiana existit perfectus vite modus. Al-
 ter inferior & humanior nuptiis modestis sese implicat, & vacat
 procreationi liberorum. Et cap. 9. doctoribus & prædicatori-
 bus verbi divini, nunc ἀναγκαίως, necessario eo quod potioribus
 rebus vacent, magnum est studium abstinendi a re uxoria, ve-
 lut iis qui divina & incorporea sobole propaganda occupati te-
 neantur, & non unius, neque duorum liberorum, sed acervati-
 tim innumerabilis multitudinis educationem sanctamque disci-
 plinam, ac reliquæ institutendæ vitæ curam susceperint. Deni-
 que vel ex concilii Nicæni canone 111. satis apparet, illa
 ætate non fuisse presbyteros matrimonio conjunctos. Illum
 recito. Interdixit universe magna synodus, neque episcopo, ne-
 que presbytero, neque diacono, neque omnino alicui eorum qui in
 clero sunt constituti, coinductam, συνείσταντον, habere licere; nisi
 forte matrem, vel sororem, vel amitam, vel eas tantum personas
 qua omni suspitione carent. Si tum presbyteri fuissent uxo-
 rati, ut synodus matrem, sic uxorem potissimum excepisset,
 quæ ut acute notat Arcudius, non solum omni suspitione
 caret, sed etiam causa est, ut ipse sacerdos, ab quo ducta
 est, a suspitione sit alienus. Et si vera est Paphnutii histo-
 ria, maxime excipere uxorem synodus debuit. Quippe,
 ut scite advertit laudatus Arcudius, regulam generalem tra-
 dere possumus, nihil in conciliis dubium controversumque sôli-
 tum esse proponi, quod non ab iisdem conciliis dilucide declare-
 tur, & certo canone in posterum decernatur. Quod si questio
 de habenda vel retinenda uxore proposita fuit: at certe illo 111.
 canone contrarium sancitum est, & a numero personarum, quæ
 citra suspicionem cohabitare possunt, exclusâ. Adde, historiam
 hanc, si quid veritatis habet, Græcos æque atque Latinos
 premere. Neque enim episcopos illi suos re uxoria gaude-
 re.

re magis sinunt, quam suos Latini presbyteros; cum tamen Paphnutius vehementer vociferatus sit neminem vel presbyterum ab illa, quam jam pridem, cum laicus erat, uxorem duxisset, sejungi debere; & totus factorum viro-
rum cœtus virbis & clamoribus Paphnutii sit assensus, ac facultatem cuique fecerit vel uxorum utendi consuetudine, vel ab ea abstinendi. Quod si extorquere pertendisti vere de Paphnutio narrasse Socratem l. i. Hist. eccl. c. 8. adverto ex ejus dictis, Nicanos Patres hoc dedisse Paphnutio, ut, qui tum in episcopis & presbyteris conjugati erant, quibus hactenus licuerat liberos gignere, cum in ipsa ordinatione declarassent nec posse, nec velle se ab uxoribus divelli, suo jure pergerent frui, & συγκαθίσθαι ταῖς γυναῖκαῖς, αὐτὴν λαμβάνειν ὅντις ἡγάγοντο, uxoribus, quas sibi, cum laici essent, junxerant matrimonio, concumbere: iidemque nova inducta lege minime cogerentur, rem servare viribus, ut exposuerant, suis & forte uxorum superiorem. At non intercessisse Paphnutius legitur, quominus caverent Patres, ne quis admitteretur ad sacerdotium deinceps, nisi qui vel συνεὶσακτο, coinductam uxorem non haberet, vel eam ipsius consensu adibus suis amandaret, & in monasterio collocaret, ut præcipiebat olim Basiliius magnus Gregorio seu Paregorio presbytero. Caverunt autem canone synodi 111. cum propagata fide & multiplicatis idoneis ministris necessitas nulla esset vel deligendi uxoratos, vel permittendi uxoratis usum uxorum; & prohibuerunt ne episcopi & sacerdotes & diaconi, & qui in clero essent, ut hypodiaconi, & clerici alii proxime consecrandi, haberent συνεὶσάκτας, coinductas, id est, vel uxores, (uxor enim, si recte illam definis, fœmina est, quam secum vir induxit) vel contubernales alias fœminas, quæ rei venereæ suspicionem, ut ipsæ uxores, possunt facere. Ut absit a vero, inquit *Nicolaus*, quod de Paphnutio commemorant: an mendacii arguas synodi Quinisextæ, πενθέκτης, seu Trullanæ, Patres ccxxvii. qui antiquum, ut aiunt canonem exquisitissimæ disciplinæ apostolicæ secuti, hominum qui in sacris essent, conjugia ὡς τὸ τῶν οὐρανῶν valere in posterum, ex hoc temporis puncto voluerunt, ne homo, quæ Deus conjunxit, separet; aut immaculato toro

Ep. ad eun-
demp.

Trullana
synodus cali-
batum sacer-
dotum sic
collit, ut ta-
men sta-
bilias.

S f iij

demittebant. Cum autem evangelii prædicatio sit magis ampliata, oportet & pontifices ad perfectam continentiam, vitam suam dirigere, ne status ecclesiasticus ullo probro afficiatur. Præclare id quidem, reposuit Ignatius, sed separant quod Deus conjunxit, & alligatos uxoribus volunt quærere solutionem, & honorabile conjugium in omnibus, prorsus episcopis abnegant; & cum Carthaginensis synodus idem de episcopis, presbyterisque præcipiat & vetet quod continentiam spectet, ipsi episcopis nolunt licere quod presbyteris. Si apostolica illa & synodalia testimonia nihil obstant, quominus episcopi ab uxoribus abstinere jubeantur; cur obstant quominus jubeantur abstinere presbyteri? An quemadmodum perfecta pontificum continentia necessaria Trullanis visa est, ne status ecclesiasticus ullo probro afficiatur; illa quoque sacerdotum videri eandem ob rationem necessaria debuit? Nec mirum tibi accidit synodum illam, cum privata fuerit & tumultuaria, sine assensu Romani pontificis coacta, imo non tantum ab Romano pontifice, sed ab aliis patriarchis, ut refert Anastasius bibliothecarius, rejecta, nonnihil errasse. Animadvertite autem quod canone suo xiii. dicit, velle se deinceps ex hoc temporis puncto sacerdotum conjugia stabilia esse & firma, id est, licere sacerdotibus, uti explicant, re uxoria perfrui: quo ostendunt id elapsis ante temporibus minime consuetum fuisse, & eos qui facitabant, male audisse, nec exprobratione hominum & conscientiae caruisse. Quod & ex canone xiv. Chalcedon. synodi intelligere est, ubi ait in quibusdam provinciis lectoribus cantoribusque concessum esse, ut ducerent uxores, modo ne heterodoxas ducerent. ἐπειδὴ ἂν πον ἐπαρχίας συγκεχωρητὶ τοῖς ἀναγνώσταις καὶ ψαλταῖς γαμεῖν, ὥστεν ἡ ἀγία συνόδος μὴ ἐξεῖναι πρὶ αὐτῶν ἐπεσθόντων γυναῖκα λαμβανέιν. Ubi vides vix licuisse iis conjugium qui minoribus essent initiati ordinibus, quod sacerdotii viderentur candidati; sacerdotibus minime quos aperte silentio de ipsis suo sacra synodus excipit. Sed quid pluribus vos moror? Vel ipsi Trullani Patres facile concedent Latinis sacerdotibus, si sic optant, ab uxoribus castos esse: neque enim, credo, minus favebunt Romanæ ecclesiæ, quam barbaricis illis sacerdotibus, quibus canone xx. sta-

tuunt & definiunt , ne post susceptos ordines *ullo modo cum uxoribus consueſcant*. Latinorum preſbyterorum continentiam , qui non fuerit animo peſſime affectus , nemo non probet. Probarem , inquit *Nicolaus* , niſi *ſatius eſſet nubere , quam uri* , & peccato pollui. Si , quoniam , inquit *Ignatius* , ſacerdotum aliqui caſtimonix votum infringunt , & impudice agunt , vituperanda ſacerdotum eſt continentia ; nec ferenda illa monachorum & epiſcoporum erit , quia & illorum nonnulli ſe impure commaculant. Sed crede mihi : ſicut non ſunt facienda mala , ut eveniant bona ; ſic neque omittenda bona maxima ſunt , ut mali nonnihil caveatur. Reſpondebat olim in hanc rem Gregorius Nazianzenus : *Qui voluntate ſe vinci ſinunt , ſibi probrum inferunt , non nobis* *In ſacr. carm.* *quibus pulcrum eſt caſtos eſſe*. An quia terra aliquando ſterilis , & agricolæ vota non implet , continuo aranda non eſt ? An quia angelorum multi peccando ceciderunt , nulli fuerunt creandi ? An quia *JESUM* Judas prodidit , nulli erant colligendi apoſtoli ? An quia legibus prævaricantur plurimi , lex nulla ponenda eſt ? Sic rem facis planam , inquit *Nicolaus* , ut cuius facile pateat. Eſſent alia , de quibus operæ pretium eſſet præterea quærere , ſed jam dicendo videris mihi non mediocriter deſeſſus , & die craſtina mane ſummo , maximo noſtro dolore , diſcedendum vobis eſt. Sed adeo vehemens excitatiſti veſtri deſiderium , ut ad cumulum beneficiorum adjungi hoc velimus promiſſi , fore ut quoties hac iter vobis , aut veſtrum alicui erit , ne alio divertatis , & in hoc cubiculum , quod veſtro nunc placet appellare atque ornare nomine , quam poteritis frequentiſſime , conveniatis.

F I N I S.



RELIGIO
CHRISTIANA
CONTRA ALCORANUM
PER ALCORANUM
PACIFICE
DEFENSA ET PROBATA.

Autore P. MICHAELE NAU, Societatis Jesu Presbytero.



LUTETIÆ PARISIORUM,
Apud GABRIELEM MARTINUM, via Jacobæ,
sub aureo sole.

M. DC. LXXX.
CUM PRIVILEGIO REGIS CHRISTIANISSIMI.

RELIGIO CHRISTIANA

CONTRA ALCOHOLUM

PER ALCOHOLUM

Euntes in mundum univ[er]sum, prædicate Evan-
gelium omni creaturæ. *Marc. 16. 15.*

Parati semper ad satisfactionem omni poscenti vos
rationem de ea quæ in vobis est spe, sed cum
modestia & timore. 1. *Petr. 3. 15.*



LIBRARIUS

AD ALCOHOLUM

PER ALCOHOLUM

PER ALCOHOLUM



RELIGIO
CHRISTIANA
CONTRA ALCORANUM
PER ALCORANUM
PACIFICE
DEFENSA ET PROBATA.



E fide Christiana cum Mahometanis agere visum est haftenus & periculosa plenum opus alex, & labor inanissimus. Sic enim animum ferme omnes induxerunt, spem fructus esse omnino nullam, quod in malevolas & carneas animas nequeat spiritus sapientiae introire, & occludat illi aditum metus acerbissimae mortis, quam subire ei necesse est, qui Christo nomen dederit: adeoque ingratisillam illam & ineptissimam terram stulte excoli, ex qua nihil capere utilitatis valeas, vel si maxime labores. Sed periculo imprimis deterrentur & proprio & communi; quasi veritatem Mahometanis ostendere, perinde sit, atque faciem admoveere tormentario pulveri, quo absumaris statim, & partem undique in omnem spargatur

A

incendium. Nempe veritatis præconem morte damnabunt, tanquam qui legi divinæ (qualem arbitrantur suam) sacrilege contumeliam inflixerit; & ejus odio non modo exulare jubebunt verbi cælestis ministros, sed in alios fortasse Christianos desævient. Addunt Christi sapientissimum illud pronuntiatum, *Matth. 8.* quo vetat *mitti sanctum canibus, & projici margaritas ante porcos, ne forte conculcent eas pedibus suis, & conversi dirumpant nos.*

Ego vero hæc cum fatear merito de illis dici, qui Christianæ religionis amore, non nimio quidem, (nam qualis erga Deum sit nimius?) sed temerario in præceps acti, Mahometanam directâ fronte offenderent, & armis contra adversis aggredierentur odiosius; nego torqueri in eos posse, qui arte ac methodo decertantes, cogunt Mahometum sua quasi sponte famulari Christo, & Alcoranum Evangelio. Id porro quî fiat, intellige. Ab Mahometano patere te oppugnari: lacescentem amice & suaviter excipe; prætermittâ ejus religionem, tuam, quam impetit, propugna, & veram ostende, non divinis modo testimoniis, sed Alcorani ipsius assensu. Si ipse per-se pugnam non moveat, nec de religione faciat sermonem: tunc inter colloquendum immisce, unde sciscitandi rapiat ille occasionem, tu causam demonstrandæ veritatis. *Epist. 1. c. 3.* Demonstra: sed, ut monet Petrus, *cum modestia & timore.* Sic *Marc. 16.* periculo nullo *prædicabis Evangelium omni creatura, & docebis omnes gentes;* quod nobis ab Christo præceptum est: sic *Matth. ult.* Mahometanam superstitionem, quam verbo non attinges, confutabis tamen & convelles totam. Neque enim probare Mahometano veram esse Christi fidem poteris, quin sentiat continuo suam esse falsam, & cum vera, si salutem velit consequi, commutandam. Non erit autem ex quo possit offendi tibi, & succensere: cum religionem ipsius neque injuriose appellaveris, neque vocaveris in sermonem, tuam duntaxat exposueris & rogatus, & ea animi moderatione ac demissione, ut laudi locum dederis & amicitiae, non criminationi & iræ. At sic mittis sanctum canibus & projecis verbi divini margaritas ante porcos? Imo vero sanctum extollis, & margaritis pretium facis apud viros non jam rabie & insania canes & porcos, sed rationis & sapientiæ usu ho-

mines, quibus Christum minore damno prædicas, quam Judæis & ethnicis non paucis illum apostoli annuntiaverint. Bene est. Sed nullo unquam id tu fructu, apostoli sæpe multo? Nam quis Mahometanorum in Mahometanorum regnis amplectitur fidem, & Christo sese mancipat? Quis? Id vel si norim, nolim dicere, nec juvat. Sed fac, Christo accedat nullus. Hoc certe fructus colligis: primum quod Christo pareas jubenti *doceri omnes gentes*; deinde quod Christianæ religioni apud ejus hostes existimationem præclaram concilies, cum aperte demonstras veram; præterea quod infensos eidem innato quodam odio homines non pacatos modo facis, sed amicos; denique quod eo adducis non paucos ut animo & studio Christiani sint, quos esse ipsa re & Christo vivere metus mortis unus non finit.

Quæ cum ita sint; de fide Christiana cum Mahometanis agere & licet, & operæ aliquando pretium est, non cuilibet certe, sed prudenti & erudito viro, idonea facultate, ecclesiæ autoritate munito qui sic res divinas percipiat, ut in iis exponendis non erret; sic exponat, ut animos in earum admirationem & amorem trahat; sic trahat, ut Mahometanæ sectæ despicientiam & odium pariat; sic pariat suavitate sermonis, ut sui odium non provocet: ita se denique gerat, & moderetur sua omnia, ut amicum esse cogat, qui obstinaret animum, esse hostem.

Atque ea videntur quidem per sese difficilia: sed nihil est, quod non possit ars assequi, & prudentia vincere, cum movetur divini Spiritus efficientissimo afflatu.

Erit & alius, nisi mea me spes fallit, hujusce opusculi lætior atque uberior fructus in Christianorum principum triremibus. Sunt enim remigum e Mahometanis pars magna, quibuscum sine periculo de capeßenda religione Christi, impuneque tractes; quos facile videaris lucraturus Deo, si tuam in eo colloces operam, & nostris quæ paravimus argumentis, suavi & idonea methodo ad cælestes Regis æterni nuptias compellas intrare.

Quoniam autem, ut scite aiunt, per præcepta longum iter est, per exempla breve; ut laboris compendium faciam, modum agendi proponam in exemplo; & Christianum in-

ducam cum Mahometano differentem, quem suo ipso Alcorano amicissime cogat ad amorem Christianæ legis, & suæ odium. Ausculta, ac primum scribendi occasionem accipe.

Cum Mahometanorum nonnulli aliquando ab viris mihi necessitudine conjunctis de fide Christiana quaesissent, rogassentque, quibus posset argumentis demonstrari vera, illi respondendi in me onus devolverunt, quem rebantur religionis Christianæ ac Mahometanæ paulo se ipsis scientiorem, expertique erant bellum cum hostibus pacifice & amice cum inimicis agere. Eorum tum cohortatione, tum Petri præcepto excitatus jubentis, *paratos nos esse ad responsionem omni poscenti de ea, quæ in nobis est, spe*, satis illis facere sum aggressus. Movit me etiam Alcorani autor his nos verbis sæpe

provocans. *اِتُوا بِبُرْهَانِكُمْ اِنْ كُنْتُمْ صَادِقِينَ* *si quid ex veritate dicitis, hujus nobis demonstrationem proferte.* Profero, illamque ut plurimum ex ipsis Alcorani dictis excerpo, eaque verborum lenitate & comitate depromo, ut nemo, & ne hostis quidem, offendi possit. Quamobrem quaerentem Mahometanum finxi, Christianum vero modeste ex illius quasi mandato respondentem.



DIALOGUS PACIFICUS

Christianum inter & Mahometanum de Christiana religione.

ASSIDEBAT aliquando Mahometano Syro Christianus Europæus, vir propagandæ Christi fidei studiosissimus. Et Mahometanus quidem, quam erat apud suos eruditionis fama, & intelligendi Alcorani gloria præclarus, tam erat a Christiana lege aversus, in eaque vellicanda & despicienda assiduus. Is postquam agnovit assidentem sibi Christianum & sacerdotem esse & virum non indoctum, benigne illum, at non sine fastu, intuitus, Miror, inquit, vos Christianos, cum sitis libro divino cælitus delapso instructi,

اَهْلُ الْكِتَابِ *ca profiteri, quæ ab hominum communi*

CONTRA ALCORANUM DEFENSA.

sensu sic sunt aliena, ut ea nec animo percipere, qui ratione præditus sit, valeat, nec excipere credendo, qui fide religiosa Deo serviat. An vero, reposuit *Christianus*, hoc te fugit, quo fide divina aliquis gaudeat, id desiderari unum, dicenti Deo ut assentiatur, etiamsi mysteriorum divinatorum arcanas rationes mente minime pervadat & capiat. Illas verat investigari altius ipse etiam Alcoranus cap. de animalibus, ubi sic præcipere Deum refert: *Cum eos videris qui dicta seu signa nostra perscrutantur, te ab illis averte, dum mutato sermone alia indagent.* ادا رايت الدين يخوضون في اياتنا فا عرض

& cap. de vacca, sacros codices docet tum dubio omni procul esse, tum iis traditos, qui cum Deum timore casto colant, remotissimis a sensu mysteriis dant fidem. الم ذلك الكتاب للمتيقين الذين

Quæ profitemur, nos Christiani, utut se admirabiliter illa habeant, sintque extra rerum quotidianarum & naturæ ordinem posita, in his errandi periculum nullum est. Nam autore Deo qui credit, securus est. Atque ut verbis hic vestris utar: *Cum testis adducitur Deus, ut credamus, id satis est. Deus! o!* exclamavit Mahometanus, o præter ipsum Deus nullus est. لا الاله الا هو

Neque quod latet ac procul a nobis abest, novit in calo & in terra ullus, nisi Deus. ولا يعلم ما في السموات والارض

الغيب الا الله Si cæcutimus in istis, quæ sunt creaturarum rerum in ordine constituta, quanto magis in divina procreatrice natura ejusque arcanis. Quare tecum sentio fatis ad credendum nobis esse, ut eorum, quæ profitemur, Deum habeamus autorem & testem. Nam quis in dicendo veracior

قد كفي بالله شهيداً ومن اصدق من الله قايلاً؟ *Cap. de mulierib.*

Hæc cum ita sint, inquit *Christianus*, & quod fidei nostræ obijcitur ad amplectendum, divina natura sit, quæque ad ipsam pertinent ac referuntur; necesse est, ut idipsum ab communi sensu sit remotissimum, omnique ratione creata superius, & credat fidelis oportet, quæ nec ipse, nec ullus alius percipere mente valeat. O quam parvus Deus esset, si parvula hominum mente capi posset! Jam intellige, nos, qui Christiana obligamur lege, ea duntaxat credere, quæ nobis Deus ipse enarravit, & spiritus sui inspiratione tradidit. In ipsum credimus ejusque Verbum ac Spiritum, atque ipsius Evangelio, *de cujus veritate (ut fatemini) dubium nullum est,*

الذي لا شك فيه ولا ريب devotissimis animis obsequimur. Id qui faciat, fidei rectæ, ac suæ omnino salutis securus est. Audi Alcoranum tuum de Evangelio sic statuentem cap. de mensa, *ipsum esse Christo ad devotorum Deo hominum illuminationem & directionem datum, deque rebus esse ex ejus præscripto judicandum.* اتيناه الانجيل فيه هدي ونور

ومصدقاً لما بين يديه من التوريه وهدي وموعظه للمتقين وليحكم اهل الكتاب بما انزل الله فيه ومن لم

يحكم بما انزل الله فاولئك هم الفاسقون Verba expendē singula quæ quasi ab Deo prolata Alcoranus refert: *Evangelium tradidimus: in eo directio & lumen, eaque confirmat, quæ e veterē testamento habentur in manibus. Directio & adhortatio illis est, qui Deum reverentur & colunt. De rebus judicent statuantque Evangelii scētatores ex eo quod Deus in ipso ad nos demisit. Qui ex eo quod a Deo demissum est, ita non statuant, ii sunt adulteratores.* Hic Mahometanus caput religioso motu dextrorsum ac sinistrorsum inflectens, & apertis admirantis in morem oculis, composita ad gravitatem voce subjunxit: امنا بالله وما انزل علينا وما انزل علي ابراهيم

واسحق ويعقوب والاسباط وما اوتي موسى وعيسي

والنبیون من رجم ولا نفرق بین احد منهم
*credimus, & fide omnia ea suscipimus, quæ ipse nobis, & Abra-
 hamo, & Isacco, & Jacobo, & tribus docendo demisit, quæ-
 que Moysi & JESU & prophetis ab ipsorum Domino tradita
 sunt; nec quidquam istos inter discriminis ponimus. Atque*

omnino ex veritate pronuntiatum est: يا اهل الكتاب Cap. de mensa.

o vos لستم على شیء تقيموا التوراة والانجيل
*quorum est divinus codex, (sic Alcoranum dicimus) nihil om-
 nino hoc vobis prodest, donec Testamentum vetus & Evangelium
 complectamini, praeque feratis. At verbum Dei immutastis, &
 sacras litteras depravastis. A quo si continuisset ingenium
 & manum, recta profecto insisteretis via, Deo auspice ac duce.
 Ais, reposuit Christianus, adulteratas a nobis esse sacras lit-
 teras? At ego te Alcorani tui vocibus compello: هاتوا*

برهانكم ان كذتم صادقين *Si ex veritate dicitis, huc ve-
 stram demonstrationem. Age, demonstra labefactatum immu-
 tatione aliqua Evangelium fuisse. Hoc enim æquitatis lex
 imperat, ut qui accusat alterum, idoneis argumentis, quod
 ipsi crimen impingit, comprobet, adhibeatque testes admissi
 flagitii omni exceptione majores. Quod nisi præstet, habe-
 bitur actor iniquissimus, nec ullus fidem dicenti dabit. De-
 pravati Evangelii & Testamenti veteris, inquit Mahometanus,
 apertissimum hoc argumentum est quod sacratissimus liber
 noster, traditus nobis capropter fuit, ut quæ Evangelio vete-
 reque Testamento continentur, rata haberet, ac confirmaret.*

او تي مصدقًا لما في الانجيل والتوراة *Ab illo utroque di-
 vino volumine nihil discrepabat. Nunc vero immensum quan-
 tum discrepat. Facta igitur est immutatio in utroque illo
 antiquiore vestro codice; cadere enim in nostrum ulla non
 potuit. Et vero quis hactenus nos ausus est adulterati Al-
 corani insimulare & arguere? Verum, reposuit Christianus,
 unde porro constat demissum vobis a Deo Alcoranum in
 confirmationem Testamenti utriusque veteris & novi? Incul-*

co quod præcipit Alcoranus: *Si vere hoc dicitis, huc demonstrationem proferte.* Ecce tibi, respondit *Mahometanus*, quam Alcoranus adducit, jamque audisti: *O vos quorum est divinus liber, videlicet Alcoranus, vobis hic nihil prodest, nisi Evangelium ac vetus Testamentum complectamini præque feratis:* Prius ergo jubet Evangelium ac vetus testamentum suscipi, tum Alcoranum, cui vult idcirco haberi fidem, quod utrique illi divino libro consonet, quem auctoritate sua confirmat, & ab quo vicissim ipse commendatur. Præclare est, subjecit *Christianus*, sibi sua in causa testimonium Alcoranus dicit. At amabo si quis nunc vobis Mahometanis veniat, librumque proferat aliquem novum, quem delapsus sibi divinitus e caelo affirmet, in confirmationem Alcorani, cum tamen ab Alcorano maxime dissentiat: an continuo dabitis huic fidem, & deposito Alcorano recentem istum librum ultro amplexabimini. Avertat Deus, exclamavit *Mahometanus*, imo statim illum impugnabimus, & temerarium virum negotio nullo arguemus falsi. Nam liber ille recens, quem assert, si dissentit ab Alcorano, qua fronte asserit a Deo datum ad confirmationem Alcorani, cone potest adstrui Alcoranus, quo penitus destruitur? Quod assertis, inquit *Christianus*, responsi, id ipsum tibi tuisque referimus. Quo jure Alcoranum asseritis ad confirmationem Evangelii divinitus datum, cum ab Evangelio penitus discrepet, ipsumque evertat? Evangelio reposuit *Mahometanus*, consentit Alcoranus noster, & dissentit. Dissentit depravato, quo nunc utimini, Evangelio; puro & illibato quod a Deo delapsus est, omnino consentit, & ad ipsius confirmationem datum est. Quod mihi sic objicis, inquit *Christianus*, idem hoc si tibi opponeret recentioris Alcorani præco, diceretque Alcoranum suum novum veteri consentire, ac dissentire. Dissentire depravato, quem nunc habetis ad manum Alcorano; puro & illibato, quem a Deo concessum opinamini, consentire, & ad ipsius confirmationem datum esse? An crederes hæc paria affirmanti, & abnegato Alcorano tuo, novum hunc sequerere? Corruptum, reposuit *Mahometanus*, esse Alcoranum vix demonstranti assentirer, nedum affirmanti. Et vero corruptelam Alcorano nostro esse

CONTRA ALCORANUM DEFENSA. 9

esse inductam quo demum argumento posset efficere? Eo, respondit *Christianus*, eo ipso, quo tu inductam in Evangelium nostrum pertendis. Adulteratum enim esse Evangelium nostrum hinc probasti, quia Alcorano vestro minime concinit. Pugnaret & ipse depravationem Alcorani vestri, quia hic vester suo recentiori non consonat, quocum consonabat omnino primus & vetus. Si ita est, inquit *Mahometanus*, sine proferat primum illum & veterem, demonstratque eum ipsum esse, qui a Deo traditus est. Quod ubi evicerit apertissime, si ejus Alcoranus ab isto nihil discrepet, ambabus illum excipere manibus cogemur. At si asserat confidentius, teste nullo, nulla ratione, absit, o absit Alcoranum nostrum alio commutemus! Id tu quidem, subjecit *Christianus*, sapientissime diceres, quod & nos sapientissime similiter tibi tuisque reponimus. Affirmatis Alcoranum vestrum plane consentire Evangelio, non nostro hodierno, sed veteri ac vero. Ita se si res habeat, vetus illud verumque Evangelium proferte, demonstrate hoc ipsum esse quod a Deo hominibus demissum est, non nostrum; atque hoc demum in iis quæ docet, esse Alcorano simillimum, tum veritati, cum erit contestatissima, parendum erit. At si hoc affirmetis confidentissime, teste nullo, ratione nulla, absit, o absit, Evangelium nostrum alio permutemus! Jam proferri Evangelium vetus, inquit *Mahometanus*, non potest, cum jam pridem, quo facto nescio, sit amissum; & ejus loco substitueritis vestrum istud corruptissimum. Hoc autem, reposuit *Christianus*, hoc ipsum, si tibi novi Alcorani præco dixerit, petiisse scilicet Alcoranum veterem quem postulas, & a vobis ejus loco suffectum esse vestrum depravatissimum. An dabis continuo manus, ibisque in illius sententiam? Amens sim, inquit *Mahometanus*, id si illi aſſentiar. Fieri enim non potest, ut verus Alcoranus sic pereat ubique terrarum, & amittatur, ut ejus ne exemplum quidem unum superſit incorruptum, maximè cum nos omni studio & cura ejus integritati & conſervationi invigilemus, nihilque habeamus antiquius atque ſacratius. Si fieri non poteſt, ait *Chriſtianus*, ut Alcoranus verus ubique perierit amiſſuſque ſit, evenire multo minus potuit ut Evangelij veri codices omnes aboliti ſint, & ex

hominum manibus & conspectu evanuerint. Erant scilicet numero infiniti, sparsi toto terrarum orbe quam late patet; habebant illos summo in pretio nationes hominum universae, ut locorum spatiis, sic linguis, moribus, studiis, & naturae affectionibus disjunctae. Age modo: an fieri posse putas, ut nationum illarum omnium sibi invicem adeo adversarum homines singuli, excepto nemine, in depravandis Evangelii veri codicibus omnibus, praetermissio, vel ex oblivione, vel ex industria, nullo prorsus volumine, convenerint? Neque extiterit in orbe terrarum vir probus, vel unus, qui codicem saltem unum sibi recondiderit ab corruptela immunem, ad quem adulterata Evangelia emendari possint. Quo contigit fato, ut, cum Evangelium Christiani ubique terrarum vita ipsa haberent carius, reque qualibet sacratius, ac invigilarent omni cura, ne iota unum aut unus apex haereticorum dolis & fraudibus, non dico, tolleretur, sed sua sede moveretur; mutato statim in odium amore, adulterari non modo passi sint Evangelium ab aliquibus, sed conjunctis ipsi animis, per sese, in toto terrarum orbe adulteraverint. At fuerint Christiani eo nequitiae atque improbitatis prolapsi. Vos vero Mahometani quibus Evangelium eodem in numero ac pretio est, atque Alcoranus: sic enim profitemini capite de vacca;

في سورة البقرة *An credendo excipitis librum aliquem, ali-*

quos vero alios abnegatis? Quae poena eis futura est, qui ex vobis id fecerint. Grave probrum nunc, dum vivunt, ferent, & extremo judicii die cruciatibus omnium acerbissimis tradentur.

Cap. de
vacca.

اتؤمنون ببعض الكتاب وتكفرون ببعض فما جزا من

يفعل ذلك منكم اما خزي في الحياة الدنيا ويوم القيمة

يردون في سورة ال عمران Et capite de fam. Amran:

الى اشد العذاب *Credimus in Deum, & fide suscipimus*

que docendo ad nos demisit, & ad Abrahamum, & ad Isaacum, & ad Jacobum, & ad tribus, quaeque Moyse & Jesu &

prophetis tradidit, nec quidquam inter ipsos discriminis ponimus. Quæ cum supra Arabice recitaverimus, nunc sufficiat Latine dixisse. Vos, inquam, Mahometani, quibus tanti est Evangelium, quanti Alcoranus, cum sic furent Christiani omnes, & omnibus Evangelii codicibus violentas manus inferrent; cur passi estis sic perire sacratissima illa volumina omnia? Cur aliquot saltem non servastis, quibus postea liceret impugnare & desertæ veræ fidei arguere Christianos? Imo quibus Alcorano vestro faceretis auctoritatem, illumque probaretis, qua re maxime gloriatur, & nititur, esse مصدقاً

للاصحاح Evangelio consonum. Frustra enim, ut ait ipse, & modo referebamus, frustra vos estis, nisi ante omnia Evangelium vetusque Testamentum suscipiatis. Et في سورة الاحقاف

Cap. de ar-
na.

Librum mihi proferte, qui ante hunc, scilicet Alcoranum, extitit, id est, Evangelium, aut aliquod doctrine vestigium, si veraces estis.

ايتوني بكتاب من قيل هذا او اتار من cap de jona.

في سورة يونس Et si quo in dubio versaris circa id quod demissimus ac tradidimus, id est, circa Alcoranum, eos interroga, qui librum, scilicet Evangelium, ante legébant quam tu existeres. فان كنت في شك مما

Jam si انزلنا فسل الذين يقرون الكتاب من قبلك

dicitis periisse Evangelium, quo fundari Alcoranum fatemini, quo res vestra loco erunt? Diruto enim fundamento, quod ipsi superstructum est, una corrucere oportet. Vide quo pergam. Quæro abs te: Cum Christiani mutare Evangelium, ut censes, decreverunt, fierine potuit, ut in eorum gratiam Judæorum, quotquot sunt in orbe terrarum, synagogæ omnes, communicatis consiliis in-depravando vetere Testamento & adulterandis prophetarum oraculis conspiraverint, eaque in Testamentum vetus induxerint, quæ Christiani in Evange-

lium, tamque studiose, ut sibi aliisque ne codicem quidem unum intactum & illibatum purumque reliquerint? Id vero chimæra omni gignenda majus & operosius est, reposuit *Mahometanus*, nec esse unquam potuit aut poterit. Fuisse tamen id necesse est, inquit *Christianus*, si labefactum est & mutatum Evangelium. Nam quæ ab eo resecta, & in illud ab Christianis inserta existimatis, eadem ipsa resecta, desunt in veteri Testamento, & in eo illa leguntur, quæ Evangelio fingitis Christianorum dolo adjecta. Mirum hoc & portento simile, ait *Mahometanus*: nam si quo tempore prodiit Alcoranus, tum discrepabat ab Evangelio; quam ob causam Evangelium sibi adversum, ut verissimum commendat, suæque dicta exigi præcipit & expendi ad Evangelii trutinam? Mirum hoc tibi, reposuit *Christianus*, & merito quidem: at admirabilius mihi quiddam est. Si vere tum Alcoranus cum prodiit primum in lucem, & Evangelio & veteri Testamento consonabat, & utrumque suo confirmabat testimonio; tum, inquam, cum apud Christianos non conquerebatur vim utrique, & labem ullam esse factam, sed habebatur utrumque purum. Si vere, inquam, tunc erat Alcoranus Evangelio conformis, cur ait في سورة البقرة cap.

de vacca: *Neque Judeis, o Mahomete, neque Christianis probaris aut places.* لا يرضوا عنك اليهود ولا النصارى Et

unde est, ut Christiani librum hunc ad libri sui sanctissimi confirmationem divinitus traditum, ut perhibetis, non exceperunt lubentissimis ac lætissimis animis; maxime cum naturæ nostræ quæ gravia sunt, vel tollat penitus, vel levissima faciat, (quorum de numero jejunia sunt, & austerioris vitæ exercitationes alia, & cupiditatum repressio, & appetitionum vehementium, quibus corpus etiam aliquando abripitur, refræctio) & profiteantur, *nolle se a suis difficilia &*

acerba, velle facilia & suavia? يريد بكم اليسر ولا يريد العسر Evangelium porro illud tam simile & germanum

Alcorano, cur majores vestri vobis posteris non dederunt, quo improbam perfringeretis Christianorum contumaciam, quem ad modum Christiani demonstrant e veteri testamento, confunduntque Judaicam? Jam quod quæris, cur, si dissentit ab Evangelio Alcoranus, scripserit legis Alcoranæ lator, ad contestandam Evangelii, ac veteris Testamenti veritatem, sibi e calo venisse Alcoranum; referebat mihi in Europa nescioquis, gentis vestræ amicus quidem, sed hostis religioni vestræ perinfectus, id illum sic affirmasse, quo sibi Christianos Judæosque conciliaret, qui cum legere plerique non nossent, & librum libro conferre, pronis animis legem humanæ cupiditati faventem amplectebantur, ubi audiebant ea se ratione Evangelio & sacris aliis veteribus libris obsequi. Quam etiam ob causam aiebat, dicere solitum religionis vestræ antistitem, se admittere libros a Deo cælitus Abrahamo, Isaaco, Jacobo & Ismaeli demissos, cum tamen constet his viris codices nullos legum esse divinitus datos; sed ita cum assereret, non poterat arte ulla sibi magis Christianos ignaros, Judæosque demereri. Hæc mihi Europæus ille: rectene an secus? tu videris. Nimirum, reposuit *Mahometanus*, prophetam nostrum quia oderat, illum existimabat legi suæ mendaciis & fraudibus auctoritatem parere voluisse. Sed misso isto, dic tu mihi: Possisne efficere necessariis argumentis non esse immutatum hætenus labefactatumque Evangelium, sed ejusmodi esse, quale a Deo primum accepistis? Velim abs te ante rescire, inquit *Christianus*, an probare Mahometani valeant minime adulteratum esse Alcoranum suum, eoque se uti, quo olim divinitus, ut putant, donati sunt. Id mihi cum demonstraverint, illos cogam fateri incorruptissimum illud & purissimum esse quo fruimur & gloriamur, Evangelium. Age ergo ostende, non uti vos depravato Alcorano. Quid certius & apertius, *Mahometanus* respondit? Nam 1. si quid esset in Alcorano mutationis unquam factum; oporteret, vel Alcorani codices variis inter sese sententiis differre, & alios esse aliis puriores, quibus nihil detractum sit, nihil additum, alios adulteratos insertis, aut demptis pro libidine quibusdam verbis; vel si quotquot in orbe sunt, ne una quidem vacula discre-

pant, depravatos sic omnes fuisse, ut ne unum quidem volumen illæsum ab corruptela fuerit. Jam certum est Alcorani codices nulla re variare ubi ubi sint: sententiis, verbis, apicibus ipsis omnes conveniunt. Eaque propter si depravatus esset Alcoranus, necesse esset codices omnes labefactos fuisse, eodemque modo singulos. Hoc porro ut fieret, debuissent Mahometani ad unum omnes religiosum Alcorani amorem odio incredibili commutasse, ne quibus carus esset etiamnum, ii tanto facinori obstitissent; tum convenisse de illo non tantum invertendo, sed de illius invertendi simili & una ratione, ne tot essent codices varii, quot varia capita; postea collegisse ex universis mundi provinciis volumina Alcorani omnia, ne relicto uno quidem, & omnia incendio sustulisse. Alias non essent uniusmodi Alcorani omnes: neque enim qui superfuissent e veteribus, hi concinerent novis adulteratis. Quæ omnia & singula, quam impossibile sit ut eveniant, facile qui mente oculatus est, intelligit & videt. Deinde si hæc in Alcoranis omnino omnibus depravatio tanto Mahometanorum omnium & consensu & concursu, tanto veterum omnium codicum undecunque collectorum incendio, facta esset; non potuisset sic arcane & clam fieri, tam arcta secreti religione, ut rei gestæ fama nulla spargeretur. Rem vero tam admirabilem, ut nihil contingere in orbe terrarum majus possit, quam fama Christiani acceperissent, non omisissent in suis Annalibus scribere. Mahometani certe, qui rerum præteritarum memoriam scriptis etiam suis ad posteros transmiserunt, hujus, quam non poterant nescire, in primis meminissent, & depravationis nomine si minus mutationem illam expressissent, indicassent emendationis specie & appellatione. Quo fere modo Alcorani totius in unum libri corpus collectionem ab Ottomano Afani filio susceptam, atque perfectam, non dubitarunt litterarum prodere monumentis. Cum igitur liber Annalium nullus adulterati Alcorani mentionem, nedum historiam habeat, nihil negante illo argumento luculentius est ad comprobandum vigere adhuc primævam Alcorani integritatem. Præterea si quid in Alcorano Mahometani mutassent, suam aliquam in hoc flagitio utilitatem spectassent.

potestatem, verbi gratia, fecissent bibendi vini, & ciborum nullo constituto delectu, quodcunque arrisisset palato, id degustari & comedi a suis, nulla peccati contracta macula voluissent. Hæc plane persuadent argumenta, inquit *Christianus*, eorumque vim qui attenderit, fateatur necesse est, Alcoranum vestrum immutatis sententiis aut vocibus minime esse adulteratum. Sed iisdem ego argumentis, magisque necessariis efficio, Evangelium nostrum haudquaquam fuisse depravatum. Nam si depravatum fuisset aliquando, vel haberentur codices sententiis verbisque inter se discrepantes; alii scilicet illibatae & primæ integritatis, alii insertis erroribus corrupti; vel si nihil in sese codices quotquot sunt in orbe terrarum universo, evangelici dissident, & corrupti sunt tamen penitus omnes, ne uno quidem relicto, qui sit integer & corruptelæ expers, contigisse oportuisset multa, quæ evenire non possunt. Nam primum necesse fuisset Christianos ad unum omnes, hoc est, numero infinitos, qui non in aliqua terrarum parte, ut Mahometani, sed in orbe universo longe lateque sparsi sunt, ad odium Evangelii veteris & ipsius Christi a quo traditum est, adduci. Si qui enim in Christi Domini atque Evangelii amore ac cultu perseverassent, ii sine dubio violentas asserri Evangelio divino manus non essent passi, & illibatos suos codices, qui nunc legerentur, asservassent. Necesse deinde etiam fuisset Christianos illos Christi proditores, ex omnibus gentibus, tribubus & linguis, cum convenire inter se moribus, studiis, ingenio ac factis nequeant, in hoc unum duntaxat immane ac detestandum facinus amice convenisse, & reluctante nullo, de rebus in Evangelio una ratione commutandis statuuisse. Nimirum si sua quisque pro libidine immutasset, & alii alia vel decerpissent, vel inseruissent, non hæc esset quam admiramur evangelicorum codicum apud omnes gentes consensus, sed verbis ac sententiis secum pugnarent. Adde, quod superiore loco indicavi, Evangelio hanc induci corruptelam non potuisse, quin Judæi ipsi parem in veteris Testamenti libros omnes invexerint, communicatis nobiscum consiliis, & amore nostri. Nam fidem nostram totam edocent legis antiquæ codices. At difficilius est sic amare inter se

Christianos & Judæos, & istud inire pacti, quam Mahometanos & Judæos, positis odiis, de adulterando Alcorano & veteri Testamento invicem conspirare. Propius enim absunt ab Mahometanis, quam ab Christianis in credendo & sentiendo Judæi. Nam præterquam quod de Deo & Christo, ferme ut Mahometani, pronuntiant, nisi quod Christum negant Messiam, ciborum, ut ipsi, habent discrimen, circumcisionem usurpant, plures sibi licere putant uxores, & hujusmodi alia, ac potissimum quæ ad purgandas lotionem corporum animas pertinent. Præterea (quod incorrupti Evangelii alterum est argumentum abs te pro Alcorano allatum) mutari Evangelium tanto universarum gentium concursu, absumi flammis quidquid fuit codicum antiquorum, perpetrari occulte tam inauditum & immane facinus, ab infinitis hominibus non potuisset, atque adeo id quando, quove modo gestum sit, retulissent viri docti in Annales, qui tam curiose hæreses omnes, & hæreticorum nomina, & minima quæque, quibus offensa vel defensa religio est, annotarunt. Quis porro unquam de hac Evangelii adulteratione vel verbulum fecit, de qua ne Alcoranus quidem, cujus illa causam maxime juvaret, conquestus est? Immo cum Judæos arguat, quasi sacras litteras depravent, *يخرفوا الكلم* tantum:

Cap. de mis-
seribus & li-
m. n. sa:

scelus Christianis nusquam exprobrat, de quo minime si-
luisse, si putasset illius reos, cum ipsis leviora objiciat. De-
nique quandoquidem nemo, ut sibi noceat, peccat; sed il-
lusus quidam, quam persequitur, utilitatis specie & umbra,
utar nunc celeberrimo illo, quod instar demonstrationis est,
veteris illius sapientis quæsito: *Cui bono adulteratum esset a*
Christianis Evangelium? Alcoranus quidem mirum non est,
si levia quædam, & momenti nullius, quibus facile quisque
careat, prohibet, cum cætera lascivienti naturæ lubens con-
cedat. At mirum esset Christianos in sui vexationem &
damnum, Evangelium mutasse. Jubentur enim Evangelio il-
lo suo, quod depravatum esse arguitis, *crucem quotidie ferre*
crucifigere carnem cum vitiis & concupiscentiis suis; spiritu vi-
vere, spiritu & ambulare; voluptatem nullam persequi, nisi quæ
juvet ad conciliandam animis puritatem, & Deo gloriam; bene
omnibus

*omnibus facere, etiam inimicis severissimis, & generis hujusce quam multa, quæ Deus unus gratia sua persuadear, efficiatque jucunda. Certe si quid mutassent, hoc mutassent primum, & legem obtulissent hominibus facilem, naturæ consentaneam, & amœnam, quæ suavitate sua animos ad sese alliceret, non quæ terreret, ut evangelica, tum mandatorum esplendorum acerbitate, tum mysteriorum credendorum, prope dixerim, incredibilitate. Deum unum scripsissent, quod assequitur humana ratio; unum simulque trinum minime docuissent, quod mens non capit. Christum prophetam affirmassent, quod miracula suaderent; Deum hominem & passum & illum & mortuum non dixissent, ne offenderent auditum professione hac apud gentes stulta, & apud Judæos divino numini contumeliosa. Denique expunxissent ab Evangelio quæ factu captuque difficilia sunt, & homo natura sua refugit: proposuissent Evangelium molle, delicatum, & commodum, quod vel reluctantibus voluptate ad se traheret. Hic Mahometanus, Forte, inquit, Evangelium mutarunt non alio sibi proposito sceleris fructu, quam ut suum in Mahometem odium explerent. Nam ut scribitur في سورة البقرة cap. de vacca: *Judeis & Christianis minime places, aut probaris.**

لا يرضي عنك اليهود ولا النصارى Ad dicta me revocas, inquit Christianus. Nam præterquam quod neminem ode-
runt, qui vere christiani sunt; certe Mahometem, si consona Evangelio ipsorum tradidisset, non minore fuissent amore complexi, quam prophetas & apostolos alios. Imo majore habuissent in pretio, cum eorum nemo æque naturæ luxurianti faveat & cupiditati effrenatæ mitius imperet. Vide, inquit Mahometanus, quo te hic laqueo implices. Fateris enim Evangelium consona veteri Testamento omnia tradere, & Evangelium tamen Judæi a se abjiciunt. Quo fieri modo potest, ut Christiani Alcoranum quantumvis Evangelio consentiat, ex animi nescioqua pravitate, repudiaverint. Judæi, respondit Christianus, Evangelium etsi veteri Testamento com-
probetur, idcirco non admittunt, quia libidini & superbienti ingenio non favet, & naturam hominis depravatam rigide

terii Testamento consentire, ejusque testimoniis comprobari, rejicimus, quod in Judæorum manibus est, Testamentum vetus, quasi depravatum sit: sed ex eo ipso quo nunc utuntur, argumenta eruimus; quibus adstruatur Evangelio veritas, & ipsi convinçantur. Nimirum et si illorum nonnulli, quod recte Alcoranus notat, & sæpe arguit, *يُحَرِّفُوا الْكَلِمَ*

adulterant verba; cap. de vacca: *وقد كان في سورة البقرة*

فريق منهم يسمعون كلام الله ثم يحرفونه من بعد ما

عقلوه وهم يعلمون *Eorum alii audiunt Dei verbum, tum*

illud, postquam intellexerunt, depravant, & ipsi norunt: fieri tamen ipsorum improbitate non potuit, ut divinus ille liber nobis periret, aut ipsis. Judæorum manibus ubique terrarum circumfertur, testis contumaciæ & perduellionis eorum, fideique ac obedientiæ nostræ, ad divinæ æquitatis ac providentiæ commendationem. Ea autem ratione Mahometani minime sese cum Christianis habent. Christianorum Evangelium repudiant, hac una de causa, quia Alcorano non consonat, quasi si actor adversarium suum negaret ex veritate loqui, non alio argumento, quam quod eadem atque ipse non loquitur. Atque ita contra quam jubeat Alcoranus, ipsi faciunt. Evangelium enim ad Alcoranum expendunt, cum præcipiat Alcoranus expendi se suaque ad Evangelium:

يا اهل الكتاب لستم علي شي حجة تقيموا التورية

والانجيل *O possessores Alcorani, nihil vos juvat, donec ve-*

rus Testamentum unaque Evangelium complectamini. Et vero divinus ille uterque codex ante Alcoranum traditus est, ut, vel ipso Alcorano teste, homines in credendo agendoque

dirigeret. Cap. de famil. Amrani: انزل التورية والانجيل من:

قيل هدي للناس *Demissus est veteris Testamenti & Evan-*

gelii codex ad hominum directionem. Satis est superque, inquit *Mahometanus*; & quibus argumentis ostenditur Alcorani integritas, iisdem video puritatem Evangelii recte demonstrari. At Evangelium, qui veteri cum Testamento conciliari valeat, non æque video: hoc enim verantur multa, quæ facit illud licita Christianis. Eadem te premit, respondit *Christianus*, in Alcorano difficultas: nam & illum vis

esse مصدقًا للتوراة sic veteri Testamento consentaneum, ut ad illius comprobendam veritatem sit a Deo, quemadmodum existimatis, vobis concessus. Multa tamen sacratissimo illo volumine prohibentur, quæ Alcoranus permittit. Ad Evangelium vero quod attinet, illud planissime proficitur Alcoranus, cap. de familia Amrani, في سورة ال

مصدقًا veteri Testamento ferre testimonium;

بين يدي من التوراة cumque ipsi sic consentiat, quod tamen olim vetitum erat, esse jam licitum voluisse. احل

بعض الذي حرم سابقًا. Quædam ante prohibita permisit. Nimirum futuram illam, Messia sub imperio, sanctam & beatam mutationem, tum Testamentum vetus, tum prophetæ prænuntiant. Adeoque illa nisi extitisset, nunc veteri Testamento non concineret Evangelium. Verum, inquit *Mahometanus*, quis valeat, si mente sana est, Evangelii vestri dictis obsequi, & credere unum in tribus personis Deum, Jesum qui homo sit, esse Dei Filium, ipsumque Deum a Deo alium, qui crucis patibulo affixus mortem obierit. Repete hic animo, respondit *Chri-*

stianus, quæ dicendi initio ex Alcorano adduximus; لا يعلم

من في السموات والارض الغيب الا الله وكفني بالله

شهادة Quæ a nobis longe absunt, & latent in celo & in terra,

nullus prater Deum novit. Et, si accedat in testem Deus, sufficit, ut sese demum res habeat. Naturam divinam creatum ingenium si caperet, divina non esset. Careret enim divinitatis infinitate propria, cujus magnitudinem mentis creatæ finibus coerceret. Deum qualis sit, qui intelligat mens humana, quæ ipsam se, qualis sit, non intelligit? Si ea dumtaxat credis, quorum pervides naturam penitissime, vix quidquam credas. Cæcutiunt in omnibus, vel qui in hominibus perspicacissimi ab doctrina sunt. Quis capit quomodo sit hæc mundi moles ex nihilo procreata? quomodo gignantur, non dicam venti, aut flumina, sed herbarum minimæ, & magis obviæ? unde illis odor, & color, & multiplex sive ad salutem, sive ad exitium corporum nostrorum, quam admiramur efficientia? Quid tempus sit, quid motus, quid rerum extensarum quantitas, quid anima spiritualis, quid animæ facultates, nondum Philosophi intelligunt; velles tu Deum ejusque personas, mortalis adhuc, & forte curis hujusce vitæ, & cupiditatibus obæcatus, sic animo videre, ut oculis solem? Si Deum, cum maxime sit unus & unicus, credere non potes esse personis trinum, quia id non capis: quomodo Deum, cum minime extensus sit & divisus, credis esse immensum, & sic totum in universo, ut nihilo ipse minus totus sit in singulis universi partibus & punctis, quod nemo capit, etsi ratiocinando colligat? Quomodo credis homines extremi judicii die omnes ad vitam excitandos propriis in corporibus, dum interim soluta anima, miro vivit, nec adhuc intellecto modo? Quæ arcana divino dumtaxat testimonio

demonstrantur. Verum, ut recte ait Alcoranus, قد كفي

بالله شهيداً وما اصدق الله قايلاً adductus in testem Deus,

quo nemo veracior est, sufficit. Deum, quæque Dei propria sunt, nemo novit, nisi Deus, aut cui Deus revelare voluerit.

Revelavit autem in Evangelio, الذي لا شك ولا ريب فيه

cujus dicta nefas est vocare in dubium, se natura unum, personis trinum esse, Christum sibi esse Filium, illum ab sese

divino, purissimo & admirabili modo genitum, Maria quoque virgine natum esse, cum naturam ab illa nostram suscepit, univique Deitati; eundemque in carne pro Dei gloria passum, & cruci affixum. At de personarum trinitate ut primum agam, illi testimonium Alcoranus dicit, tresque Dei unius personas distinguit & enumerat. Primam Dei nomine appellat. الله *Allah*; secundam sua propria Verbi divini appellatione designat, كلمة الله *Kelmet Allah, Verbum Dei*; tertiam Spiritus sancti vocabulo repræsentat, روح القدس.

Rouhb elqodos. O! exclamavit *Mahometanus*: id si demonstrares, nostrum erit nemo, quem Christianæ religioni non adjunxeris. Quæro abs te, inquit *Christianus*. De Christo nonne profiteretur Alcoranus, ipsum esse Dei Verbum, fuisseque sancto Dei Spiritu confirmatum. عيسى هو كلمة الله وايد.

الله بروحه Audi, respondit *Mahometanus*, ipsa Alcorani

Cap. de vac-
ca, & fa-
milis Am-
ran.

verba. De Deo noli quidquam dicere, nisi quod verum sit. Christus Jesus filius est Mariæ, Dei apostolus, ejusque Verbum: dimisit ipsum in Mariam, unaque Spiritus qui ab ipso est. Credite in Deum, ejusque apostolos. Tres nolite dicere, desinite. Satis id vobis. Deus scilicet Deus unus est. Ipsi gloria, absit ut sit Filius. Illius sunt quæ celo terraque continentur. Deum in testem esse sufficit. Non dedignatur Christus esse Deo servum. Deus autem dixit: Demonstrationes Christo Mariæ Filio dedimus, & Spiritu sancto illum confirmavimus. Cap. de mulie-

ribus. لا تقول علي الله الا الحق انما عيسى ابن مريم رسول الله وكلمته القاها الله الي مريم وروح منه فامنوا بالله ورسله ولا تقولوا ثلثة انتموها خيرا لكر انما الله الاله واحد سبحانه ان يكون ولد. له ما في السموات

وما في الارض . وكفي بالله وكيلاً . لن يستبكت
المسيح ان يكون عبدًا لله وقال الله ان اتينا عيسى

Ecce quod ben Maim bin al-Banat wa'idناه بروح القدس
aiebam, subjecit *Christianus* : hisce verbis tres in uno Deo
personas professus es , Christumque simul Dei esse Fi-
lium. Apage, inquit *Mahometanus*, avertat id a me Deus.
Non dico esse tres, Deum unum agnosco. O! esse ei Fi-
lium, cujus sunt quæ cælo ac terra continentur! Novimus,
reposuit *Christianus*, Deum esse unum, & gravissime contra
fidem cum scelere teneri qui tres Deos dicat. Sed maxi-
mam fidei virtutem esse contendo, si quis in *Deum* credat, &
ejus Verbum, & *ejusdem Spiritum*, in iisque tribus Divinitatem
unam agnoscat. Exclamavit *Mahometanus* : Credimus in
Deum, & ejus Verbum, & ejus Spiritum. Ergo, hic arguit
Christianus, tres credis; non tres autem Deos : Deus enim
Deus unus est; tres igitur in uno Deo personas, quibus in
tribus ipse Deus unus existat. Intercedite, inquit *Mahometa-
nus*, Deum inter, ejusque Verbum, & Spiritum discriminis ali-
quid! Apertissimum discrimen est, reposuit *Christianus*. Nam
qui producit Verbum, idem omni certe ratione, cum eo esse
non potest, quod a se productum est Verbum : deinde qui
confirmatur Dei Spiritu, non potest, omni ratione omnino,
idem esse cum illo Spiritu. Differt igitur Verbum a Deo
genitum, ab generante ipsum, & ab Spiritu quem illi gene-
rans communicat, communicata ipsi illius spirandi virtute.
Distinguitur etiam ab utroque qui ab utroque procedit Spi-
ritus. Neque enim idem a seipso produci potest. At discrim-
men illud non est naturæ sive substantiæ, quam unam in
Deo uno necesse est esse. Non aliud igitur est, nisi personarum.
Prima cum generet Verbum sibi *consubstantiale*, Pater
est; secunda cum sit Verbum genitum ejusdem cum gene-
rante naturæ, Filius est; tertia Spiritus, cum ab utroque
spiretur. Quæsit hic *Mahometanus* : Si distinguuntur inter sese
personæ illæ, qui fieri potest, ut unus sint Deus. Sic esse,

respondit *Christianus*, contestatur in Evangelio Deus: hoc mihi tibiue, vel si minime hanc divinæ percipiamus præ-

rogativam naturæ, satis est. Nam كفى بالله شهيداً

& faretur Alcoranus Deum, & Dei Verbum, & Dei Spiritum, divinam habere naturam unam, & cum tria quædam sint, unum esse Deum. Nempe quidquid in Deo, exque Deo est, ipsemet Deus est, una divina natura, una divina substantia. Quod si Dei Verbum & Dei Spiritus alterius essent naturæ, plures essent e Deo, in Deo naturæ, tumque simplex non esset, sed compositus. Quî vero, institit *Mahometanus*, quî demonstras Deum esse personam illam quam Dei Verbum dicimus? Hinc patet, respondit *Christianus*, quod, quemadmodum homo est, cujus substantia, hominis substantia est; sic Deus est, cujus substantia, Dei ipsius substantia est. At Dei Verbum, cum accidens minime sit, sed substantia, cumque ejus substantia non alia, quam Dei sit, profecto Deus est. Quod & inde efficitur, quia cum in Deo & ex Deo sit, aliud ab ipso Deo esse non potest, ne compositione quadam naturam Dei simplicissimam fædemus. Verbum autem illud æternum est; nunquam incœpit, nec desinet unquam existere. Nam si fingeres incœpisse aliquando, cum antea non fuisset, caruisse Verbo Deum assereres, & fuisse mutum, & fæcundæ mentis expertem. Si diceres desitutum futuris post temporibus, tum amisso Verbo, Deum proponeres infæcunda jam mente & mutum & mutabilem, qui scilicet cum antea gauderet Verbo, tunc nullo frueretur. Verbum autem illud substantia est increata, imo rerum omnium procreatrix substantia. *In principio erat Verbum, & Verbum erat apud Deum, & Deus erat Verbum: omnia per ipsum facta sunt, & sine illo factum est nihil, quod factum est. In ipso vita erat.* Adjunxisti Deo socios, inquit *Mahometanus*.

Cap. de mulieribus.

ومن يشرك بالله فقد افترى اقماً عظيماً وضل
ضلالاً بعيداً والله لم يغفر ان تشرك به ويغفر
من دون ذلك لمن يشاء
Qui autem Deo associat, contumeliam

meliam illi maximo cum scelere infligit, & longissime aberrat. Deus autem ei non parcit qui socios ipsi tribuerit, condonat aliud quodcunque crimen prater istud, cui voluerit. Si qui, reposuit Christianus, in Deum credunt, ejusque Verbum, & ipsius Spiritum; Deo adscribunt socios: sunt Mahometani ipsi de associantium numero. Porro Dei Verbum, divinam esse personam & Deum sic demonstro. Quidquid est substantia æterna, vivens, procreatrix, Deus est: sed Verbum divinum substantia est, eaque æterna, & vivens, & procreatrix: ergo Deus est. Sic me premis, respondit Mahometanus, ut vix habeam quo deinceps effugiam, Si Verbum illud divinum in accidentium classe colloco, sim flagitiose infidelis. Si præditum divina substantia agnosco, Deum esse fateor, & Deo in societatem adscisco Deos alios, Verbum scilicet ipsius, & Spiritum, statuoque tres esse Deos: Deum Verbi genitorem, & Verbum Deum, & Spiritum, Deum. Noli vereri, subjecit Christianus: nam cum una & ipsissima sit in Deo & Verbo & Spiritu natura, Dii tres esse non possunt, sed sunt Dei unius dumtaxat personæ tres. Quem fere ad modum, (si magna licet componere parvis, divina humanis, & infinite ab sese invicem distita, facere comparando ad cognoscendum propiora) quem, inquam, fere ad modum caput unum quod triplici vultu esset, non esset tria capita, sed unum, quia vultuum trium esset una & eadem, quæ capitis, substantia: sic intellectus, voluntas ac memoria tres animæ unius facultates sunt, non tres animæ. Ac licet ratione facultatis una non sit alia, sed inter se distinguantur; ratione tamen substantiæ, unaquæque idem cum anima est. Finge tibi triangulum æquis lateribus aureum. Sint anguli tres A, B, & C. Fiat angulus B ducta ad ipsum ab A superiore angulo linea, & angulus C existat incidentibus in ipsum ab A & B lineis. Imaginem in eo Dei habes, unius quidem natura, sed trini personis. Nam trianguli totius natura una est, aurum. Angulorum singuli, aurum sunt, ejusdem nimirum inter se materiæ: non est tamen angulus A, idem qui angulus B, nec angulus C, idem qui A & B; sed tres anguli sunt unius aureæ naturæ. Ita Deus una est & simplicissima substantia. Atque ut in



triangulo superiore angulus B ab angulo A procedit, sic Verbum divinum seu Filius ab Patre procedit. Uti etiam in triangulo, angulus C ab angulo A & angulo B emanat; sic Spiritus sanctus ab Patre & Filio. Sicut autem in illo triangulo aureo, angulus A *aureum* est, angulus B *aureum*, & angulus C *aureum*; ita in Deo Pater est *Deus*, Filius est *Deus*, & Spiritus sanctus est *Deus*. Et quemadmodum triangulus ille unus est cum tribus angulis distinctis, sic unus est Deus cum tribus distinctis personis. Quod si hæret etiamnum tibi scrupulus, nec sit tibi satis his exemplis, quæ fatemur, ut omnem aliam creatorum cum increatis comparationem, plurimum claudicare; hac certe Alcorani verissima sententia quidquid est dubitationis absolve & amove.

قد كفي بالله شهيداً *Fideli hoc abunde est, quod testetur*

Deus. Nec mirum si caligent oculi nostri divinis in rebus, cum in humanis & creatis parum videant, etsi illas quasi manu tangimus, & sensibus usurpamus. Obtestor te, dic, si, perinde atque Evangelium nostrum, aliquid afferret Alcoranus excelsum, reconditum, quo vis intelligendi nulla creata pertingeret, si assereret Deum, cum maxime unus sit, & simplicissimæ naturæ, tribus tamen constare personis; an continuo ejurares Alcoranum ac protereres, aut potius humanæ mentis professus imbecillitatem, & divinæ incomprehensibilitatem naturæ, solemne illud inclamares:

قد كفي بالله شهيداً *Hoc testatur Deus, abunde est,*

dicenti assentior, non repugno. Quid loquar, respondit *Mahometanus*? præclare vestra defenditis, sicque ut prope homines cogatis fieri Christianos. At expone cur personas divinas his nominibus distinguatis, unamque dicatis Patrem,

Filium alteram, & aliam Spiritum sanctum. بحان الله

ان يكون له ولد اتى يكون له ولد ولا تكون له صاحبة

Cap. de mul-
lier. & de
animal.

Laus Deo. Absit, sit illi Filius: id enim qui fiat, cum consorte femina careat. Deum, inquit Christianus, profiteamur simpli-

cem, *صمد* ab corporis omni mole liberum, cui esse ad progignendum Filium consors fœmina, virorum instar, non possit. Qua in re consentimus Alcorano. Nec mirum si Deus divino modo sine consorte fœmina gignat Filium, cum Maria immaculatissima virgo filium sine consorte viro genuerit, ut testatur Alcoranus cap. de famil. Amrani. At Alcoranus idem nobis quoque de Filio Dei consentiat necesse est, cum Verbum Deo attribuat, nec esse Verbum illud a Deo possit, quin Filius ipsius sit. Quid est enim, quæso, Verbum, quid Verbum Dei? Verbum, reposuit *Mahometanus*, si de eo quæras, quod lingua gignitur ac effertur, rei cogitatæ & dictæ forma quædam & imago sensibilis est. Hominem cogito, & hoc illum verbo depingo, cum te alloquor, & dico, *Homo*; at si de verbo mentis seisciteris, aliud nihil est, quam rei cogitatæ & intellectæ imago a mente progenita: v. g. mare cogitas, statim enascitur e mente tua, in eaque exprimitur spiritualis imago maris. Est enim animis ut corporibus sæcunditas sua, quæ summa perfectio est. Hæc imago igitur rei cogitatæ expressa cognitio est, & a mente producta, qua sibi ipsa mens loquitur, adeoque dicitur ipsius verbum. Cognitio porro illa cum perfecta est, *sapientia* dicitur. Atque id ut exemplo magis aperiã: in speculum cum intueris, in eo statim imago tua gignitur, & te tibi exhibet; sic cum te mente tua conspicias, in ea tui producit imago, quæ verbum tuum, & cognitio, & sapientia dicitur. Præclare omnino, inquit *Christianus*, philosophatus es, ad huncque utcunque modum, cum se Deus totum quam perfectus est, semper cogitet & intelligat, gignit in sese imaginem sui absolutissimam, qua sibi ipse repræsentetur quantus est. Atque hæc imago cum sit perfectissima, quidquid in Deo prototypo suo est, in se complectitur ac repræsentat. Divina mens, ait *Mahometanus*, cum perfectione nulla careat, absit ut negem sæcundam. At cognitionem illam & sapientiam genitam, qua ratione Dei Filium appelleris non video. Nam quis unquam cognitionem hominis aut angeli, filium vel angeli vel hominis esse dixit? Quid sit esse filium, re-

posuit *Christianus*, si intelligis, Verbum Dei, Dei esse Filium negotio nullo capiēs. Dic igitur quid censes esse filium? Palam est, inquit *Mahometanus*: a quo quis habet ut existat, huic filius est. Cum igitur habeat cognitio tua expressa, reposuit *Christianus*, ut a mente tua existat, mentis tuæ proles est & filia tua. Minimè vero, inquit *Mahometanus*: nam cognitio mea accidens quoddam est vitæ expers, filius autem substantia vivens e vivente substantia est. An vero vermis, rogavit *Christianus*, qui substantia vivens e tua forte substantia enasceretur, tibi filius censeretur? Non est satis, subjecit *Mahometanus*, ut substantivum quiddam sit, qui filius est; sed necesse est ut in naturæ ejusdem similitudinem & consortium prodeat, leo ab leone, ab homine homo. Erat igitur Eva Adami filia, arguit *Christianus*. Ab eo enim in similitudinem naturæ sortita est ortum. At non actione Adami, respondit *Mahometanus*, quæ hanc per se similitudinem efficeret. Brevissime atque absolutissime filium audio definiri ab philosophis. Filius est, aiunt, vivens a vivente per actionem procedens, quæ vi suam similem illi principio suo naturam tribuat. Plane rem attigisti, reposuit *Christianus*. Jam assume quodque consequitur annecte. Atqui Dei cognitio seu sapientia, substantia est vivens, & a divina vivente substantia per intelligendi actionem procedit, quæ vi sua rei intellectæ similitudinem exprimit, non accidentariam, quæ in Deo esse non potest, sed substantivam, per quam divina illi natura tota communicatur: est igitur expressa illa Dei cognitio & sapientia, Dei verissime Filius. Hæc philosophis vobis, inquit *Mahometanus*, aspectu forte primo capiuntur ac videntur, non perinde nobis: quapropter enucleatius idem evolve. Mentis, ait *Christianus*, divinæ Verbum, non est nostri ad instar adventitium, fluxum, labile, sed æternum & perpetuum est, per seque stat, & vita præditum est; cumque de Deo & in Deo sit, atque ejus absolutissima imago, nihil in Deo est quod in ipso similiter non existat. Est igitur Dei Verbum substantia, proceditque ab persona divina. Nam cognitio sine cognoscente, verbum sine dicente esse non potest. Adeoque substantia est vivens a vivente substantia,

& eadem omnino substantia, quia nec duplex esse in Deo substantia, nec dividi natura divina potest. Ac denique cum Verbum illud divinæ operatione mentis procedat, quæ operatio, ut diximus, rei intellectæ similitudinem efficit, nihil Verbo divino deest quod ad Filii rationem pertineat: quare sine dubio Filius est. Cumque esse Filius nequeat, quin illi sit Pater, persona illa ab qua est, merito Pater dicitur. Neque Pater ille Filio est ætate major. Ab æterno & æternum ambo sunt. Sic lumen cum a sole oriatur, si ab omni ævo sol extitisset, fuisset & ab omni ævo lumen ab sole productum. De Filio hætenus, inquit *Mahometanus*. Quid est vero Spiritus sanctus? Quemadmodum, inquit *Christianus*, ab divina mente sæcundissima Verbum divinum procedit, quod totam in se Dei naturam, & quid, quid in ipsa est, repræsentat, & complectitur; sic ab ejus voluntate sui, id est, summi boni amor procedit, estque substantivus ac eadem, qua Deus Pater & Filius, natura præditus, & ab utroque re nulla, præterquam personalitate & procedendi modo discrepans. Porro divinæ illæ personæ non tres Dii dicendi sunt, sed juxta theologicæ græmaticæ leges ac præcepta tres Deus, & Deus maxime unicus, cui neque similis alius, neque socius esse potest. Ecce tamen, inquit *Mahometanus*, socios illi duos tribuis Filium, & Spiritum sanctum: neque video qui te & Christianos tuos ex impia *associantium* turba segreget. Tibi jam dixi in Patre & Filio & Spiritu sancto, reposuit *Christianus*, divinam non dividi naturam, sed unam in tribus illis personis, eandemque omnino esse, atque idcirco unum constitui Deum, ab quo cum alius alter nec sit, nec possit esse, Deo socius esse non potest. Nempe nisi inter duos, quod mini-

um, nequit societas intercedere. Porro *مَشْرُوكُونَ associantes* dicuntur ii, qui divinitatem partiuntur, Deosque plurimos profitentur & colunt. Non esse autem de *associantium* numero Christianos testatur ipse Alcoranus tuus:

في سورة آل عمران : *Abrahamus*, inquit, neque *Judeus* erat, neque *Christianus*,
D iij

gentilis erat, *Muslemanus*, seu de prædestinatorum coetu ;
non de associantium grege. ما كان ابراهيم يهوديًا ولا نصرانيًا.

Sic ولكن كان حنيفًا مسلمًا وما كان من المشركين
etiam capite de peregrinatione ad Meccam : في سورة

الحج *Fideles & Iudaos & Sabeos & Christianos & Ma-*
gos & associantes Deus die quo homines resurgent, ab invicem

ان الدين امنوا والدين هادوا والصبيّين *sejunget.*

والنصارى والمجوس والدين اشركوا ان الله يفصل

بينهم يوم القيامة *Audisti quomodo associantes inter &*
Christianos distinguat, nihilo certe minus, quam inter Ju-

daeos & Christianos. Et cap. de vacca, سورة البقرة

Mahometanis prohibet rem uxoriā habere cum fæminis
associantibus, in hæc verba : *Nolite coire cum associantibus*

fæminis, *donec fidem amplectantur : est enim serva quæ fide præ-*

data sit, associante, quantumvis tibi placeat, melior. لا تتكحوا

المشركات حتى تؤمن لأمه مؤمنه خير من مشركه

ولو عجبك *At Mahometanorum cum Christianis fæminis*

connubia vult esse licita. Cap. de mensa في سورة المائدة

Vobis, inquit, quæ bona sunt, permisit. Eorum, quibus liber
(Evangeliorum scilicet) datus est, vobis edere cibos licet, &

iis licet vestre quoque cibis, & conjuges tum ex iis quæ pacem
profidentur, tum ex iis quibus ante vos datus est liber, constitu-

احل لكم الطيبات وطعام الدين *ta ipsis & tradita dote.*

اوتوا الكتاب حل لكم وطعا مكم حل لهم
والمحصنات من المومنات والمحصنات من الدين
اوتوا الكتاب من قبلكم اذا اتيتمو هن اجورهن

Christianos igitur cum *associantibus* non numerat, qui cum ipsorum fœminis iniri conjugia patitur, quæ vult esse cum *associantibus* illicita. At audio Christianos, inquit *Mahometanus*, asserere Christo divinitatem, atque ipsum profiteri esse Deum. Quod homo nemo, nisi fide careat & impius sit, affirmeret. Si *infidelibus* accenses, reposuit *Christianus*, qui sic affirmant, nescio quid Evangelio, quid vetere Testamento, quid apostolis, quid prophetis, a quibus sic didicimus, futurum sit: imo quid Alcorano apud te, qui de Christi divinitate etiam testatur. Et ubi dëmum, excepit *Mahometanus*, ubi significat Alcoranus Christum esse Deum, qui Deum esse palam pernegat? Audi, inquit *Chri-*

stianus, quid enarret, في سورة البقرة cap. de vacca, in hanc sententiam; *Angelis diximus: Adorate Adamum, & adorarunt: at diabolus renuit, & superbo se animo extulit: erat*

قلنا للملايكة اسجدوا لادم *enim de infidelium grege.*

فسجدوا الا ابليس ابي واستكبر وكان من الكافرين

Adami porro nomine non veterem, sed novum hominem, caelestem Adamum Christum innuat oportet. Terreus enim cum purus homo esset, angelis ut naturâ, sic dignitate inferior, minime fas erat debitum divinitati uni adorationis cultum illi deferre. Scriptum est enim: *Dominum Deum tuum adorabis, & illi soli servies.* Deinde Christum

JESUM Alcoranus fatetur esse Dei Verbum; كلمة الله

atque ut e vobis non pauci aiunt, Dei Spiritum. روح منه

Sive autem Spiritum Dei, sive Dei Verbum asseras, Deum asseris: nam quidquid a Deo in Deo est, natura & substantia Dei gaudet, estque de Deo Deus, non divisa & multiplicata divinitate, sed communicata, ut mox exposuimus. At rem exposuisti, inquit *Mahometanus*, pro ingenio tuo, aliter atque est. Ea enim duntaxat significatione Christum Dei Verbum esse dicimus, quod Dei verbo fuerit procreatus, nempe *dixit Deus, & factus est*. Pace tua dixerim, reposuit *Christianus*: procul est ab hac mente Alcoranus: Christum enim hinc commendat, quod Dei Verbum sit, ejusque, ut aiunt, Spiritus. At si ea re solummodo Dei Verbum appellatur, quia Dei verbo productus est, nihil hinc habet creatis rebus ceteris majus, quæ Dei verbo sunt conditæ, neque ab sapientium ullo propterea Dei verbum sunt hætenus appellatæ. Et tecum si Alcoranus sensisset, non dixisset Christum esse *Dei apostolum, & Verbum & Spiritum ex eo*; sed docuisset esse Dei apostolum per Dei verbum. Sed ibi christiane docuit: Christum enim apostolum Dei dixit naturæ ipsius humanæ, si recte aspexit, intuitu, imo subjunxit aliquid esse excellentius, nempe Verbum ipsius, & Spiritum, eadem scilicet natura divina atque Deus ipse præditum. E nostris, inquit *Mahometanus*, bene multi, non Christum, sed Gabrielem angelum Dei Spiritum, propter ejus puritatem, appellant; *JESUM*que aiunt esse ab hoc Spiritu, quia missus ipse a Deo ad Mariam, cum in eam insufflasset, flatu ejus Christum sensit illa se concepisse. Hoc qui dicunt e vestris, reposuit *Christianus*, videntur garrere & fabulari gratuito. Neque enim sic illorum narrat Alcoranus, aut dat exponendi causam. Spiritum enim illum quem a Deo esse Alcoranus docet, scribit esse ipsum Christum, ut vestrum plerique interpretantur, vel Spiritum divinum a Deo procedentem, cujus opera immisum in Mariam Verbum Dei sit, & humana natura donatum, cujus numine corroboratus sit Christus, quatenus homo est. ايدناه

روح القدس *Spiritu sanctitatis corroboravimus.* Spiritum sanctitatis cum nominat, Deum appellat: is enim est,

est Deus unus, cum ipse per sese sit sanctitas & fons sanctitatis, ab quo illa & ad Gabrielem ceterosque angelos & ad homines defluit. Gabriel sit spiritus sanctus, ut alii angeli, non est tamen spiritus sanctitatis. Recte si refers, inquit *Mahometanus*, conciliari Alcoranus cum Alcorano non potest. Sic enim apertissime pronuntiat: لقد كفر

الذين قالوا ان الله هو المسيح *Rei sunt infidelitatis,*

qui dicunt, quod Deus est Christus. An consentanea proferat Alcoranus, reposuit *Christianus*, an in se contrariis sententiis incurrat, seque evertat, tu videris cum tuis. At allatis proxime verbis Christum esse Deum forte non negat. Nam si Dei nomine Patrem & Filium & Spiritum sanctum intelligit, constat tres illas personas divinas Christum neque esse, neque appellari salva fide posse. Deinde si Deum esse Christum sic interpretatur: quasi Deus sit sola dumtaxat persona Christi; neque fides hoc patitur; Deus quippe & Patrem & Spiritum sanctum æque significat ac Filium. Quamobrem malunt Christiani dicere, *Christus est Deus*; perinde enim est atque si dicerent: Christus habet, divinitatem atque adeo vere Deus est. Jam quod ait Alcoranus, posse a Deo Christum destrui, ان اراد الله انه يهلك المسيح

si Deus velit, Christum destruet. Id est, vinculum illud solvet, quo divinitati suæ unitur humanitas, & ipsam quam procreavit humanitatem, coget in nihilum evanescere; non negaverint Christiani. Qua unione & humanitate destructis, etsi perseveret quæ everti a Deo non potest persona Verbi, destruetur Christus. Sed nunquam id Deus volet, quem donorum suorum, & hujus potissimum omnium maximi nunquam pœnitet. Verum, inquit *Mahometanus*, quæ fieri potest ut divina illa natura cum humana, ab qua infinite discrepat, tam arcte coaluerit, ut ex utriusque conjunctione unus, qui Christus sit, extiterit? Quid vero vetat, quo id ab Deo minus possit perfici, reposuit *Christianus*? والله علي كل ما شاء قد يسر Ab Deo, inquam, qui, uti

Vide Ioan.
Damaſc. a
quo hæc de-
ſumpta.

vos ſatemini, *quidquid vult, id valet efficere*? Hæc noſtra oratio eſt ac ſententia, Verbi divini perſonam, re qualibet & tempore anteriorem, æternam, ſimplicem, omnis compoſitionis expertem, neceſſario increatam, incorpoream, inaſpectabilem, quæ nec tangi poſſit, nec comprehendī, ab qua quæcunque complectitur Deus, contineantur, quia ipſius eſt Verbum, cujus ſubſtantia non alia quam Dei ſit, in Mariam demum delapſam eſſe, & corpus in ipſius alvo puriſſima induiſſe, corpus, inquam, anima ſpirituale & intelligente præditum; ſicque ut perſona Verbi naturas duas perfectas amplexa ſit, & poſſederit, divinam ſcilicet & humanam. Ac illa quidem Verbi perſona ea habet, quæ propria ſunt naturæ divinæ, cujus beneficio cum æterno Patre ac Spiritu unitur, & ea quoque quibus ut notis propriis natura humana afficitur, cujus beneficio matri nobiſque conjungitur. Porro ſic ſunt naturæ illæ duæ in Domino Chriſto connexæ, ut nequaquam mutata ſint. Neque enim ab ſimplicitate ſua excidit natura divina ſimpliciſſima, neque humana natura in divinam ſui transformatione aut everſione exceſſit: neque compoſita ex duabus una effloruit; ſed quoad ſubſtantiam, eaque quæ ad ipſam pertinent, plane uti erat, utraque permanſit. Quem in modum vere Chriſtus extitit Deus, unaque homo. Quæ perpeſſus eſt, ea pertulit, quatenus homo eſt: neque enim perpeſſionibus divinitas ſubjacet; at quod perpetravit humana omni virtute creataque ſuperius, id effecit quatenus Deus. Hæc autem quæ idonea oratione declarari non poteſt unio, aut mentis acumine percipi in hac tenebrarum valle, nonnullis tamen exemplis ab ſanctis Patribus explanatur. Quæſivit *Mahometanus* quænam illa eſſent. Tum *Chriſtianus*, Primum eſt, inquit, arboris in arborem per inſitionem trajectæ. Si enim pruni ramulum pyro arbori indideris, fiet arbor e duabus quaſi una, aut potius arborum duarum truncus unus. Et truncus hic quidem pyro cum ſit naturalis, pruno ex accidente advenit. Sic autem ei arbor utraque apte connectitur, ut neutra mutetur, vel natura, vel iis quæ naturæ propria tribuuntur. Hoc unum inſitione iſta conſecutum eſt, ut & nobilitata prunus ſit, & fruſtus ediderit ſaporis delicatioſis

& formæ locupletioris : at pyra sua pyrus , & pruna prunus nativo more protulit. In hunc utcumque modum humana natura cum divinæ in Verbo unita est , Christus unus extitit , & persona una. At humana natura immensam ex unitione illa adeptæ est dignitatem. Et divinæ quidem naturæ naturalis persona fuit , humanæ vero adventitia. Jam quoniam persona hæc Deus & homo est , inde oritur , ut Deus natus esse & passus & mortuus dicatur , minime id quidem in divina natura sua , sed in humana , quam tum ut misericordiam demonstraret suam , tum ut sua perficeret admirabilia consilia , assumpsit. Ac veluti quando excanduit ferrum & ignitum est , in ferri molem pervasit ignis , & substantiæ utriusque unitio fit , immutata in se suisque proprietatibus utraque , cohonestato duntaxat ferro , sui cum nobiliore natura conjunctione , unde est ut & splendere ferrum & urere dicatur , & efficere alia quæ ab igne profiscuntur , & igni attribuantur quæ ferri sunt propria , cadere scilicet deorsum , ac secare , ejusque modi alia. Sic Christus quia duas in se complexus est naturas , adjuncta divinæ suæ humana , quæ de Deo fas est ac de homine dicere , de ipso recte affirmare licet. Rem illustro accommodatiore fortassis , certe propiore exemplo alio. Intuere quæ anima , spiritalis illa ac simplex natura , corpus , gravem & concretam ex materia naturam informet , atque ex utriusque conjunctione homo unus existat seu persona una. Quam ob conjunctionem utriusque naturæ mutuam , de homine eodem dicuntur ea quæ apte cum convenient , videntur tamen evertere se mutuo. Nam & immortalis asseritur & mortalis , spiritalis & corporeus , & quæ spiritu fiunt vel corpore , efficere id persona ipsa dicitur. Ita quæ ab Christi natura humana fiunt aut perferuntur , ferre id Deus & facere merito pronuntiatur. Vere enim qui operatur & patitur , est Deus. Hæc , nisi fallor , causa est , inquit *Mahometanus* , cur a vobis Christianis Maria virgo Dei mater appelletur. At hæc appellatio quam acerba sapientum auribus est , & quæ illam mens capiat ? Cum teste Evangelio , reposuit *Christianus* , Christus & Dei Verbum sit & Deus , hoc qui capit , & illud quoque ex consequenti percipit. Nam quando na-

tum e virgine Deum dicimus, non eo dicimus, ut divinitatem Verbi ab virgine asseramus ortum duxisse. Hæc nostra mens dumtaxat est, Dei Verbum a Patre ante sæcula omnia genitum sempiterna ac spiritali generatione, cum Patre & Spiritu sancto æternum existens, omnis-expers principii, novissimis his temporibus salutis nostræ gratia, in virginem illapsum, ab ea nullo modo mutatum, carnem sumpsisse, & natum esse. Neque enim virgo sanctissima merum ac simplicem hominem genuit ac parturivit, sed hominem propter unitiorem naturæ divinæ Deum. Ac quemadmodum *Amené*, vere Mahometo mater exitit, & Mahometus *Amenes* vere filius propter acceptum ab ea corpus, dicitur, etsi animam ab Deo uno, non ab illa traxit: sic Christus etsi ab virgine divinitatem minime accipit, satis est ut Dei mater jure appelletur, quod ab ea corpus divinitati conjunctum duxerit. Cum igitur qui ab ea natus est, is Deus sit, matrem ipsam Dei esse oportet. Meministi autem ipsius Alcorani testimonio, Christum Dei esse Verbum ab Deo in Maria, e Mariano sanguine, corpore donatum. Quamvis autem humanæ mentis exuperet aciem hoc mysterium, ipsum tamen, ut quæ fidei sunt cætera omnia, facile admittes, effati illius si memineris toties a me ex Alcorano recitati: قد كفي بالله شهيداً *Satis*

est in testem Deus. Quæ vero Deo causa fuit, inquit Mahometanus, suæ ut naturæ humanam sic adjungeret, evaderetque in hominem? An nescis, reposuit Christianus, quod descripsit ex vetere instrumento, & fide nostra Alcoranus, capite de vacca, Deum scilicet rerum initio Adamo ejusque uxori paradisum quem incolerent, concessisse, ac utrique dixisse: Ex eo, ubicunque placuerit, ad beatam satietatem رعداً comedite. Ad hanc vero arborem cavete accedere, ne contumacium & iniquorum vos flagitio obstringatis. Hinc ut exciderent satanas effecit, & ab eo quo fruebantur, deliciarum statu expulit, unde misere una ambo cum futuris ipsorum satum posteris sunt collapsi. (Sic exponit Gelal eldin

اجبطوا اي ادم وحواء بما اشتملتما عليه من دريتكم)

Quamobrem errori obnoxii sub peccati jugo ac maledictione divina vitam vivebant calamitosissimam. At misericors & miserator Dominus, cum exitium nolit hominis, salutis illos promissione consolatus est. *A me, inquit, (verba sunt Alcorani e Christianis accepta) a me vobis dux veniet, qui vos ad salutem dirigat. Qui ducem hunc meum sequentur, nihil habent quod timeant, neque confusio ulla ipsis futura est aliquando. At vero qui signis meis negaverint fidem, eos ignis*

manet, quo in igne perseverabunt aeternum. ياتيكم مني هدي

فمن تبع هداي فلا خوف عليهم ولا هم يحزنون والدين
كفروا باياتنا اوليك اصحاب النار وهم فيها خالدون

Dux ille, cujus meminit, Christus est. Postquam enim prophetarum audire voces homines noluerunt, Verbum suum Deus, id est, unigenitum Filium suum misit, quo summam ipsis misericordiam exhiberet, & directionem offerret, qua perfectior esse nulla omnino posset. Nimirum qui perfecte dirigit, Deus sit, unaque homo necesse est. Quia enim parte homo est, dat vivendi exempla aspectabilia; qua Deus, cum errare non valeat, vel movere ad errandum, securissime dirigit, nec ab recta via unquam deficiet qui ducem illum sequetur. Cum Christum, subjecit *Mahometanus*, habeatis Deum, mirum est eundem a vobis tam despici, ut cruci ab Judæis suffixum colatis. Id enim summam illius dignitatem maxime dedecet. Hoc summam illius aequitatem, reposuit *Christianus*, summam sapientiam, summam misericordiam decet maxime. Nimirum afferri hominibus salus non poterat, vel hominum vel angelorum opera. Neque enim creata ulla persona exolvendo peccati debito, quidquid agat vel patiatur, satis est. Quæris quantum sit hoc debitum. Tantum est, ut sic loquar, quanta divina gratia qua privar. Est autem gratia ista pretio omni creato superior: quanta infinita & aeterna beatitas, quam adimit: quanta pœna amissi Dei, quo damno par nullum cogitari & esse potest: quanta sunt acerbissima continuanda in omne ævum supplicia, ut tempore, sic fere acerbitate immensa

Cum igitur nihil ab creata persona pro infinito illo debito, nisi finitum offerri possit, exolvere illud non potest. Adeoque quidquid demum exhiberet, nunquam divinæ justitiæ faceret satis, suoque hæc divina virtus jure debito semper careret, essetque quasi vacua. At Christum, cum testi Deo credimus Deum esse & hominem, eumque pro solvendo illo debito crucifixum, tum habet justitiæ divinae abunde quod suum est. Sunt enim Christi actiones ac perpeffiones propter ipsius infinitam dignitatem, meriti infiniti. Tantum Deo satisfacit cruciatus aliquo suo levi, quantum posset homo satisfacere, si pœnas infinitas infinitis sæculis perpeffus esset. Tantum dixi, debui magis dicere. Hominem illum Homo-Deus quam superat dignitate, tam merito vincit. Adde hominem neminem, quantumvis peccet, tantum mereri pœnarum posse, quantum veniæ patiundo Christus meretur. *Ubi abundavit delictum, superabundavit & gratia.* Gratiam atque gloriam quas amiserat peccando homo, cum sint omni creato bono majores, creata nulla persona mereri poterat quidquid propterea moliretur æternitate tota & expenderet. At amittere tantum peccatis suis nunquam potuit, quantum ipsi actione unica Christus Dominus promeritus est. Unde persoluto divinæ justitiæ ab Christo tot divinarum actionum ac perpeffionum pretio, ipsi nihil jam deest; quod exigebat, totum habuit; plane ei satisfactum est. Tantum porro abest ut Deum dedecet in assumpta hominis natura passum esse, ut nulla re declarari magis ejus gloriæ, ad eumque colendum magis incitari hominum genus potuerit. Sic enim quam justus sit apparuit, qui fieri sibi satis nulla dimissa debiti parte voluit; quam misericors, cum eum dedit qui solverit; quam beneficus ac liberalis, qui tanta nobis donarit, imo qui seipsum; quam sanctus, qui peccatum sic odit, ut etiam alienum (nam suum esse nullum potest) fuso evenis toto sanguine eluerit, & mortem illi morte sua intulerit; quam sapiens, qui sic justitiæ cum misericordia apte sciteque conciliarit, ut peccatum & misericordissime condonarit, & gravissime supra quam dici potest, ultus sit. Nam quæ fingi misericordia major potest ea, qua nobis Deum, unigenitum scili-

cet filium suum, liberatorem & ducem dedit? quæ justitia vehementior cumulatorque ea, qua expiari toto Dei incarnati sanguine culpam voluit, nec minore pœna deleri, quam sit mors Filii Dei in patibulo obita. Commendatur hinc etiam divina potentia, quæ res infinite dissitas verbo conjunxit, cum divina videlicet natura excelsissima humanam demississimam; ita ut e creatore & creatura, e servo ac domino, ex homine & Deo una persona extiterit. Sunt profecto, inquit *Mahometanus*, quæ recenses admirabilia. At probare non possum quod tantum Christum, sceleratorum hominum in morem, scribatis cruci suffixum misere obiisse. Re enim ipsa, *eum minime interfecerunt Judæi, neque cruci affixerunt. Quippe sui similitudinem illis duntaxat objecit. Deus vero eum sustulit, Deus, inquam, præpotens atque*

sapiens. وهم ما قتلوه وما صلبوه ولكن شبه لهم ففعد

الله وكان الله عزيزاً حكيماً Cum divina natura, reposuit *Christianus*, sit immortalis, fatemur Christum qua Deus est, interfectum non fuisse; sed hanc immortalem naturam suam humanæ & mortalis naturæ velo contextit, & ut ait ad Philippeneses suos apostolus, *formam servi accepit, & in similitudinem hominum factus est, & habitu inventus ut homo exinanivit semetipsum, & factus est obediens usque ad mortem, mortem autem crucis. At Deus exaltavit illum, & donavit illi nomen quod est super omne nomen, ut in nomine JESU omne genu flectatur, caelestium, terrestrium & infernorum, & omnis lingua confiteatur, quia Dominus Jesus Christus in gloria est Dei Patris. Quod recitasti ex Alcorano, si in hanc sententiam dictum velis, Evangelio concinet. At postquam Christus in cruce vere mortuus est emissa e corpore anima, perseveravit cum anima in locis inferis, atque etiam cum corpore in sepulcro conjunctissima deitas, cujus potentia surrexit die tertia ab mortuis, & in cælos postea conscendit. Porro divinæ illius naturæ ex tot tamque acerbis & ignominiosis perpeffionibus nihil vel dedecoris accessit, vel doloris. Sicut cum illuminatum luce vitrum perfringitur, minime lux offenditur. Tantumque abest ut perpeffiones*

illæ Christo intulerint ignominiam, ut re nulla majorem promeritus sit & consecutus gloriam. Neque enim mortem invitus subiit, sed volens; & mortem cum probrosam pœnam non faciat, sed causa, nihil illi ab sua probri esse potuit. Imo si pulcrum & decorum est pro patria mori, eoque pulcrum ac decorum magis, quo mors acerbior: quam gloriosum fuit Christum Dominum sponte se propter totius humanæ gentis salutem sævissimæ neci objicere? quam præclarum non vinci moriendo, sed hostes suos & ipsam mortem morte ipsa vincere? Fuit enim *inter mortuos liber*, & die tertia, cum voluit, revixit. Narrant sacri codices passum esse aliquando Samsonem se ab Judæis vinciri funibus, & hostium in manus tradi, tumque Philistæos in ipsum magno impetu irruisse; ipsum vero disruptis negotio nullo vinculis arrepta asinina maxilla eorum mille occidisse, catenarios dedisse in fugam. Quæro abs te jam, an Samsoni dedecori quis vertat, quod se siverit constringi vinculis, & ad hostem rapi, eorumque ludibriis objici? Minime vero: sed maximam hinc adeptus est gloriam. At majorem Christus illa maxima Samsonis. Passus est ab Judæis se cruci affigi, & interfici & detrudi in sepulcrum: sed ea re non prostratus ipse est, sed hostes prostravit, & diaboli regnum evertit, & peccati tyrannidem fregit, & idolorum abolevit cultum, & cælos aperuit hominibus, ubi Dei ipsius gloria fruerentur. Adde id fuisse sapientiæ singularis: neque enim alia re magis probare se Deum potuit. Nam si suam apud nos religionem vi gladii, aut munerum induxisset, factum illud divinitatis nihil aut admirabilitatis haberet: sic enim homines natura sua imbecilles, conditione servi, gentes sibi varias subdiderunt. At longe alia in Deo est agendi via. *Qua* re omnia evertuntur, ea ipse quod vult, adstruit & firmat: unde dedecus oritur, hinc ipse gloriam trahit; usurpat ad salutem, quod videtur esse ad exitium; & quidquid est, id procreat ex nihilo. Atque ut verbis Alcorani utar, cap. de fam. Amran. *noctem inducit in diem, & diem in noctem; educit e mortuo viventem, atque vivente mortuum; & quem vult dicit, neque rationi reddenda*

يولج الليل في النهار ويولج النهار في الليل ويخرج الحي من الميت ويخرج الميت من الحي ويرزق من يشا بغير حساب Ita Christus

Dominus sua nos inopia ditavit, suis nobilitavit probris, sua morte vitæ reddidit. Compendio hæc edissero, ne molestus sim. Capió, inquit *Mahometanus*, & admiror: aliud quæro. Quid est, quod crucem fere ut ipsum Deum colitis? Deum unum, respondit *Christianus*, summo cultu prosequimur & adoramus; honorem cruci pro ipsius dignitate referimus. Amabo te, si durissima detinereris servitute, & manumissio tibi scripto regis ipsius dextera libello seu mandato afferretur cum appposito ipsius sigillo; num exosculareris libellum istum, & regis sigillum, & apud te perhonorifice asservares? Crux Christi sigillum est, & manumissionis liber ejus sanguine pretiosissimo consignatus, quo asserimur ab diaboli servitute in libertatem filiorum Dei. Jam si rex ille mox laudatus pro te decertasset, & suo te gladio ab hoste liberasset, atque cum tibi postea gladium dono dedisset; num esset apud te ingentis thesauri loco, & honorem illi magnum deferres? Cogita crucem Christi gladium fuisse quo generis nostri hostem infensissimum fugavit, nobisque illam ab Christo relictam, cujus ope depellamus eundem hostem, & vincamus. Adeoque maximus illi à nobis habendus est honor, eo certe major quem sigillo regio & libello homines vulgo adhibent. Cultus ille porro, non ea qua crux efformatur, materia adstringitur, ibique hæret, sed ad Christum totus refertur. Ut cum regis vel sigillum vel libellum veneraris, honor ille non chartæ, non attramento, non figuræ exhibetur, sed ipsi regi, quem repræsentat, cujusque quasi oculis objicit beneficia. Religio Christiana, inquit *Mahometanus*, cum ita sese habeat, mihi videtur ferenda, atque eadem est fere religionum aliarum ratio. Sua quisque tuetur egregie. Apud nos vero Mahometanos id constat cujuscunque demum religionis homo sit, si vitam ex virtutis præscripto instituat & exigit, id est, si recte ac laudabiliter

operetur, nihil ipsi metuendum: fore enim ut non doleat aliquando, sed præmium sive salutem a Domino suo conse-

Cap. de vsc.
cz.

Cap. de
mensa.

quatur. فله اجره عند ربّه ولا خوف عليه ولا يحزن

Abst, respondit *Christianus*, ita sentias. Religio enim divina una est, extra quam qui vitam agit, neque Deo placere potest, neque salutem assequi. Ut qui in destinatum animo locum tendit, si deerrarit a via, quantumvis celeriter & firme ambulet, eo nunquam est perventurus. Et vero qua ratione ille placere Deo possit, qui Deo dicenti fidem negat? quove pacto salutis fieri compos, qui Deum hostem habet, & ab ipso maledictus

est? *Deus enim infidelium hostis est, & sua illos maledictione percellit*, ut ipse fatetur Alcoranus: الله عدو الكافرين

لعنة الله على الكافرين وللكافرين عذاب مهين
Infideles pœna manet ignominie ac probri plenissima. في سورة

النسا. اوليك الدين لعنهم الله ومن يلعن الله فلن
تجد له نصيراً *Hos maledicto suo Deus percussit; quibus*

autem maledicit Deus, ii non invenias ab quo adjuvari valeant. Id tibi facile assentior, inquit *Mahometanus*: si suæ sit conscius infidelitatis, qui ab recta fide exerrat, si exeret volens. At cum præ ignorantia rerum, quod falsum reipsa est, hoc verum habet, eque studio veritatis, opinioni suæ falsæ tenacius adhærescit, tum ipsum minime in infidelium numero collocarim: est enim animo & voluntate fidelis. Qui veræ fidei ignorantia laborat, ait *Christianus*, is ignorat, vel quoniam veri cognitionem nihil omnino curat, quod peccati genus gravissimum est, & cum maxima Dei despicientia, cui in primis veritas placet, conjunctum; vel quoniam postquam cura omni ac sapienti sollicitudine Dei unius amore compulsus veram investigavit fidem, eam assequi

non valuit. Quod evenire non potest: Deus enim *prope est invocantibus ipsum*, & in veritate quærentibus statim occurrit. Infidelium igitur nemo innocue infidelis est. Is quippe in infidelitate perseverat, vel quia Deum ejusque fidem negligit, vel quia peccatis obæcatus & impeditus, nec Deum videre potest, nec ad ipsum accedere. Jam abs te, ait *Mahometanus*, abs te, inquam, qui religionum omnium arcana perscrutatus es, rescire velim: Unde est, quod tibi Christiana sic placuerit, non placuerit Mahometana! Factum id, reposuit *Christianus*, quoniam de veritate cognoscenda valde sollicitus, postquam precibus multis divinum affundi lumen menti meæ postulavi, conatu omni, quæ vera & ad salutem necessaria religio esset, indagavi: sicque judicavi errare me non posse, si prophetarum insisterem vestigiis, & Evangelii, quod demonstravi incorruptum, documentis crederem, ac præceptis obsequerer, totumque me Christo dederem. Mahometo, subjunxit *Mahometanus*, cur te non devovisti etiam? cur non placuit ipse tibi peræque, cum sit ipse Arabum & barbarorum & omnium retro hominum optimus & sanctissimus.

خير الوري من عرب ومن

عجم Multa, inquit *Christianus*, de Christo ille præclare dixit, de se ea prodidit, quæ mentem ab ipso meam maxime averterunt. Quænam vero illa, quæsiit statim *Mahometanus*? Ea, inquit *Christianus*, quæ tu forte sancte intelligas & interpreteris: ego vero ex me, quomodo prophetæ conveniant, & prophetarum, ut ais, maximo, capere non possum.

Deus في سورة الشورى cap. de consultatione, sic indu-

citur Mahometum alloquens: *Tibi a nobis Spiritum afflavimus, nesciebas quid rei esset & scriptura sacra, & fides seu religio.*

احونا عليك روحاً من امرنا ماكنت تدري ما الكتاب وما الايمان في سورة Et cap. de apertione:

افتح Aperuimus nos tibi apertionem manifestam, ut tibi

Deus ignoscat, quidquid peccati tui precessit, & secutum est, & confirmetur ejus super te gratia, in viaque recta te dirigat.

اَنَا فَتَحْنَا لَكَ فَتْحًا مَبِينًا لِيَغْفِرَ لَكَ اللَّهُ مَا تَقَدَّمَ مِنْ
ذَنْبِكَ وَمَا تَأَخَّرَ وَيَتِمَّ عَلَيْكَ نِعْمَتُهُ وَيَهْدِيكَ صِرَاطًا
Nonne في سورة الضحى Sic etiam cap. de luce: مستقيماً

te reperit orphanum, & excepit domo? Nonne te invenit errantem, & direxit? Nonne te invenit inopem, & ditavit?

الم يجدك يتيماً فإلأوي ووجدك ضالاً فلهدي ووجدك
Jam quæro abs te quomodo illum Deus ab
عائلاً فأغني

recto tramite aberrantem & devium invenit, imo peccatis multis, tum antecedentibus, tum consequentibus implicatum, eorumque reum, nulla ullius libri sacri aut fidei cognitione præditum, adeoque summe infidelem, eumque nihil vos minus habetis, ut quod creatum est a Deo optimum, nedum ut prophetarum maximum. خير الانبيا وخلق الله

Verum, reposuit *Mahometanus*, postquam sic fide caruit, afflatus est divino Spiritu, quodque ab ipso peccatum tum antea fuit, tum postea, id illi ab Deo dimissum est, & confirmata super illo gratia Dei fuit, & ipse via recta deductus, postquam aberravit, demum in Dei apostolum ac prophetam evasit. Atque hoc, subjecit *Christianus*, mihi permirum: nec illud minus, quod ante propheta Dei & apostolus quam existeret, continentior fuit & castior, & prole suscepta beator, id est, magis ab Deo benedictus. Nam & unica contentus conjuge *Chadigé* sibi ex illa genuit liberos quatuor, tres nempe fœminas & marem unum; post vero quam factus est purior, prophetaque & apostolus Dei exiit, magnum sibi uxorum & concubinarum numerum paravit, quibus nimio opere usus est, fructu fœcunditatis nullo: nam quasi sterilitate mulctatus sit, præter *Fatemen* puellam, sobolem nullam consecutus est. Quin etiam nescioquid

turbarum ipsum inter & uxores intercesserit ; fuerunt certe tam averso ab sese invicem animo , ut de illis repudiatione dimittendis ipse cogitaverit : de quo vide caput de prohibitione: *سورة التحريم Turbarum causam Gelal eldin Alco-*

rani interpretes hanc ait fuisse , quod Mahometes servam suam Márien Coptam in ipsis Afra uxoris suae aditus & lecto venera libidine compressit ; quod & ipsa eum vidisset , agre tulit , & uxor ejus alia Aayché maxime execrata est. Quin & id videtur fecisse Mahometes contra quam jurarat, ut colligitur ex his verbis:

قد فرض الله لكم تحلة إيمانكم *Prescripsit vobis Deus quomodo*

modo ab juramento absolvamini; canone scilicet persoluto, qualis imperatur capite de mensa. Hic disputant interpretes, an teneretur Mahometes illum exolvere. Negant aliqui quod asserunt condonatum hoc illi a Deo peccatum. Aiunt alii canone fuisse functum, in anumisso servo uno. *عق رقبة Adamavit etiam*

Zaidi conjugem, eamque illi rapuit. Et cap. de sectis, *في سورة الاحزاب* sibi licere voluit foeminas promiscue quaslibet

pro animi libidine. Sic enim sibi loquentem inducit Deum: *Elicitas tibi fecimus uxores illas tuas, quibus dedisti dotem, & quidquid dextera tua possederit ex iis quas privilegio tibi Deus concessit, & filias patru tui ac patruelis tuae, & filias avunculi tui & matertera tuae, quae tecum fugerunt, & famina quacunque fidelis, quae se tibi propheta prostiuerit, si tu propheta rem habere cum illa veneram volueris, tibi permittitur, tibi pura est.* (Non vero fidelibus aliis: novimus enim quid illis circa uxores praeperimus, & quid ipsi possint) Id vero ut non sit super te peccatum. Vel, ut interpretatur Gelal eldin, ne sit tibi *ضيق في*

النكاح definita circa rem veneream angustior strictiorque regula. *اتأ احلينا لك ازواجك اللاتي اعطيت*

اجورهن وما ملك يمينك مما افا الله عليك وبنات
 عمك وبنات عمتك وبنات خالك وبنات خالتك
 اللاتي هاجرن معك وامرأة مومنة ان وهبت نفسها
 للنبي ان اراد النبي ان يستنكحها خالصة
 لك من دون المومنين قد علمنا ما فرضنا عليهم
 في ازواجهم وما ملكت ايمانهم لكيلا يكون لك جرح

Vide autem quam multiplex discrimen sit hunc inter prophetam vestrum, & alios ab omnibus receptissimos prophetas. I. Ante hunc, prophetas Deus suos ex iis seligebat, non qui, ut ipse, fuissent religionis & cognitionis omnis divinæ expertes, & flagitiis immerfi, sed qui fuissent vitæ innocentia & rectæ fidei integritate præclari. II. Ante hunc, qui evehebatur a Deo ad prophetarum dignitatem, non laxabant sibi ad libidinem habenas, sed misso cupiditatibus nuntio, cum maxime abstinebant a voluptatibus venereis, tum sponte susceptis afflictationibus carnem continebant, eamque cogeant menti Deoque obsequi. III. Ante hunc, quod esset aliis vetitum ob turpitudinem, qualis est venereus cum consanguineis & promiscuus cum quilibet coitus, prophetarum nemo dixit sibi divino privilegio licitum; sed faciebant primum quæ facienda ipsi docebant. IV. Ante hunc, non habebatur prophetarum in numero, qui libidini & cupiditatibus pareret. Nam ut

من سورة القصص cap. de historiis, ipse recte tradit,

اضل ممن اتبع اهواءه *quis illo magis errat, qui cupiditati obtemperat?* Et vitari hujuscemodi magistros Deus præscribit,

في سورة النساء. ويريد الدين: vel ipso Alcorano teste:

يتبعون الشهوات ان تميلوا ميلاً عظيماً *Vult ab*

his longe vos declinare, qui depravatos animi affectus sequuntur.

V. Ante hunc, neminem prius volebant dicto suo audientem esse, quam se vere a Deo missos probassent, exhibitis non obscuris miraculis quasi divino quodam bene consignato diplomate. Atque hanc in rem scite ait Alcoranus:

وما كان لرسول ان ياتي بالحق وخسر
ياقي بايته الا بادن الله فادا جا امر الله قضي بالحق وخسر

هناك المبطلون *Non potest signum apostolus ullum edere,*

nisi annuente Deo. Divinum autem opus cum adest, tum veritas definitur, tum inde eorum, qui eam volunt evertere, conatus evanescit. At vero Mahometes prophetam se induxit nullis adhibitis miraculis, ut ex eo constat responso, quod *في سورة الاسري* miracula ab ipso postulantibus reddidit.

سبحان هل كنت الا بشرا رسولا *capite de captivis :*

O Deo laus! Quid sum aliud, nisi homo apostolus? Quasi diceret: Aliud a me nihil quaerite. Certe si miracula edidisset, respondisset se fecisse, eaque narrasset. At notum erat

nulla ipsum perpetrasse. Unde *سورة النحل* *cap. de*

لا تسمع الموقى ولا تسمع *formicis, de illo dicitur :*

الصم الدعا فاداً ولوا مدبرين *Non facis, ut vocem*

mortui & surdi audiant: propterea terga tibi vertunt, retroque cedunt. VI. Ante hunc, prophetæ alliciebant ad sese de-

vios, non gladii metu, aut tributis persolvendi necessitate, sed quæ docebant, ratione ac miraculis demonstrabant. VII.

Ante hunc, prophetæ hortabantur ad poenitentiam, ejusque faciendos fructus operibus laboriosis & arduis, nec legem offerebant naturæ effrenatæ & cupiditati faventem, ad quam

toto naturæ pondere sic inclinant homines, ut minime necesse sit illos miraculis provocari, quo se illi dedant. Nec aiebant quod ipse, *Deus a vobis vult quod facile est, non quod difficile.* يريد الله بكم اليسر ولا يريد بكم العسر

VIII. Ante hunc, nemo se prophetam dixit, ut id doceret, quod nemo nescit. *Nullus Deus est, nisi qui Deus est.*

لا اله الا الله IX. Ante hunc, quisquis missus est ad ferendam legem, is perfectiorem vetere seu præcedente attulit. Legem enim suam Deus perfectione auget, non minuit. At Alcoranus nihil perfectionis novæ protulit, quæ possit evangelicæ adjungi. Imo de evangelica non parum detrahit tum virginitate contempta & laxatis libidini habenis, tum omisso sacrificiorum usu frequenti & aliis bene multis vel præscriptis, vel concessis, quæ suo loco commemorabimus. X. Ante hunc, propheta nemo beatitatem hominis in eo sitam esse docuit, ut *paradisi loca habitat irrigua fluminibus,*

& veneris usu cum fæminis mundis jucunda. الجنات تجري

من تحتها الانهار وفيها ازواج مطهرة Neque enim credebant eandem esse hominum, quæ brutorum animalium, felicitatem: sed cum homo anima menteque homo sit, & ad Dei similitudinem & imaginem effectus, similem illi cum angelis & Deo beatitudinem ab omni brutarum voluptatum contagione defæcatam, quæ in summi boni cognitione, amore & fruitione consistat, tribuerunt. Sed quid persequor hæc pluribus & fastidiose? Alia sunt non pauca: at quæ protuli, satis forte sunt, ut intelligas, si quemadmodum asseritis, Mahometus propheta est, plane ab aliis diversum esse, nec esse in antecedentibus a Deo missis ullum qui paria vel fecerit, vel dixerit, vel senserit. Velim abs te, o Christiane, inquit *Mahometanus*, nihil mihi reliqui facias. Quod habes in pectore, perge coram effundere. Placet enim intelligere penitus quæ vos rationes ab amando & consecrando propheta nostro absterreant. Sit ergo tibi, reposuit
Chri-

Christianus, XI. aliud discrimen. Ante Mahometum, prophetæ, si legem a Deo novam non ferrent, nihilque præter ea quæ antecessoribus prophetis & apostolis dictum divinitus fuerat, ipsis diceretur, veteres divinos libros non objiciebant, ut novum inducerent suum, quo minime opus erat. Mahometo enim fatetur Alcoranus novi nihil a Deo revela-

tum cap. de lucernis : *في سورة المصابيح* *Tibi nihil di-*

citur, nisi quod apostolis ante te sit dictum. لا يقال لك الا

قد قيل للرسل من قبلك Et cap. de animalibus Deum

aitina موسي الكتاب تمامًا علي الذي : refert sic dixisse :

احسن وتفضيلا لكل شي *Moyse librum dedimus nu-*

meris omnibus absolutissimum, & qui perfectiora quaque conti-

neat, & satis superque ad omnia sit. XII. Ante illum,

prophetæ qui legis datæ essent duntaxat interpretes,

& ad ipsius duntaxat confirmationem mittebantur, ne-

quaquam se anteferebant aliis, imo eo qui legem acce-

perat, verbi gratia, Mose, longe se ducebant inferiores, nec jubebant sic profiteri homines : *Non est Deus, nisi*

Deus & propheta talis. Quod ne Moses ipse quidem præstitit.

XIII. Ante illum, propheta nemo, librum proferebat,

quem nemo posset intelligere, quique adeo nullius posset

esse commodi. Quomodo de se testatur Alcoranus, *cujus*

scilicet *sententiam & explanationem nemo nisi Deus novit,*

لا يعلم *cap. de familia Amrani.* *في سورة ال عمران*

Nam qua ratione esse possit lumen ac dire-

ctio hominibus, نوراً وهدى للناس qualem se esse Al-

coranus jactat cap. de mensa, si quod tradit, nemo capiat, &

explanare valeat? si illum nemo intelligit, cur ait cap. de vacca:

Demissimus tibi pro-

ولقد انزلنا اليك ايات بينات

positiones evidentes. XIV. Ante illum, prophetæ latum & infinitum discrimen homines inter & belluas constituebant: neque ullus unquam docuit futuram belluarum aliquando resurrectionem, & ipsas ad iudicium vocandas,

quomodo legitur في سورة الانعام cap. de animalibus:

Bellua nulla in terra est, nec in celo ales pennis volitans, quæ non sint uti vos populi vestrum similes. Nihil superfluum in libro addidimus. Denique ad Dominum judicandi consurgent.

وما كان دابة في الارض ولا طائر يطير بجناحه
الا امم امثالكم ما فرطنا في الكتاب من شي تم الي

XV. Ante illum, propheta nemo divinæ misericordiæ fixit limites. Omnes, parcere Deum posse cui voluerit, sunt professi. Negat vero Alcoranus posse Deum, vel si vult, associantibus sibi Deum alium, ignoscere. *Deus*, inquit, *ei non parcit, qui divinitati Deum alium associat: hoc*

si excipias, cui vult, parcit. في سورة النساء cap. de mulie-

ribus, *الله لا يغفر ان يشرك به ويغفر ما دون ذلك*

لمن يشا XVI. Ante illum, prophetarum nullus nomen

suum Dei nomini adjunxit, in hunc v. g. modum: *Non est Deus, nisi Deus, & Moyses apostolus Dei*: sic enim existimare homines possent hanc esse dicti sententiam, ut Moyses Dei apostolus, ipse quoque sit Deus. XVII. Ante illum, nemo res creatas adorandas esse tradidit: *Dominum enim Deum tuum adorabis, & illi soli servies.* At refert Alcoranus imperasse angelis Deum, ut Adamo adorationem deferrent. Adami autem nomine Mahometani primum hominum parentem vulgo intelligunt. Id vero primum Dei la-befactat, & decem, præceptum. XVIII. Ante illum, propheta nullus Deum induxit vane & falso jurantem. Ipse

vero Deum inducit per res vanas, *ficum* scilicet *و* *olivam* *و* *hanc fidelem provinciam*, *سورة التين* cap. de ficu jurantem : *Cum* *والتين والزيتون وهذا البلاد الامين* : *se* *في سورة البلد* , *cap. de provincia* , tamen asseruisset *cap. de provincia* , non juraturum per hanc provinciam. Quod secundum Dei præceptum impetit. Uti & illud quod cap. de mensa legimus in hæc verba : *Vobis Deus futilitatem in jurando vestram vitio non vertet, sed vobis vitio vertet quod juramentum ligaveritis*, id est, non solveritis. Tum agitur de obeundo propterea pœnitentiæ canone, & concludit : *Hic canon exolvendus, cum juraveritis ; juramentum vestrum servate.* لا

يواخذكم الله باللغو في ايمانكم ولكن
يواخذكم بما عقدتم الايمان ذلك
كفاره لايمانكم اذا حلفتم احفظوا ايمانكم

XIX. Ante illum, prophetæ diebus per annum aliquot, imo die per hebdomadam saltem uno, vacare ab operibus fervilibus hominès voluerunt, ut divinis vacarent unis, & animæ salutis. Ipse nullum induxit, quo sententia quidem nostra, evertitur tertium Dei præceptum. XX. Ante illum, nolebant prophetæ effusam esse hominum libidinem, vel viros coire cum ancillis contra jus uxorum posse, ut uxores suas venerarentur & amarent. Quod voluit ipse esse licitum

cap. de prohibitione , *في سورة التحريم* , Imo hic arguitur quod uxores id ægre passas placare curaret, contra quam præcipere censemus quartum Dei præceptum. XXI. Ante illum, verabant prophetæ occidi homines etiam infideles, si legem animis ab natura insitam servarent. At ipse præcipit occidi infideles quoscumque etiam non suo subjectos

imperio, etiam non contumaces, cujusmodi sunt qui demon-
stratam apertissimis rationibus veritatem respuunt. في سورة

البقرة. قاتلوهم حتى لا تكون فتنه ويكن

الدين لله

Eos impugnate & occidite, ut non sit infidelitas, & religio seu fides tota Dei sit. Id vero credimus quinto Dei præcepto prohiberi. XXII. Ante illum, nemo propheta tot fœminarum usum permisit, quot ali possent, multoque minus naturæ adversantem coitum: neque, ut Alcoranus, uxores voluerunt esse araturam quo placuerit modo incun-

نسواكم حرت لكم فاتوا حركم اني شيتم

Cap. de vac-
ca.

aut edixerunt, non licere uxorem repudio dimissam iterum ducere, nisi cum ipsa vir alius antea concubuerit.

فان طلقها فلا تحله حتى تنكح زوجا غيره

Quo facto præceptum Dei sextum nobis visum est maxime violari. XXIII. Ante illum jubeant prophetae adepta per furtum sive usuram iis restitui, a quibus erant accepta, nec docebant quod Alcoranus capite proxime appellato: *Licere Deus mercaturam voluit, & prohibuit usuram. Quem Deus interiore afflatu ad resipiscendum hortatus est, adeoque destitit, is quod sic percepit, sibi habeat, ipsius est. At qui relabi-
tur, ex iis est qui damnantur igne, in quo aeternum futuri sunt.*

Cap. de vac-
ca.

احل الله البيع وحرم الربوا فمن جاد موعظه

من ربه فانتها فلما سلف واسره الي الله ومن حاد

فاوليك اصحاب النار هم فيها خالدون

Id vero effati septimo Dei præcepto apud nos Christianos plane repugnat. XXIV. Ante illum, propheta nemo

Cap. de fa-
milia Am-
ran.

Deum dixit doloſorum doloſiſſimum: ومكروا ومكر الله

والله خير الماكرين *Dolose egerunt, & egit Deus,*

في سورة النسا . *Et in dolosis dolosissimus est Deus :* Et

ان المنافقين يخادعون الله وهو خادعهم

Impii Deum putant decipi, sed illos ipse decipit. Siccap. de animalibus, Deus, inquit, quem vult, inducit in errorem, & quem

من يشا الله يضلله ومن يشا *vult, recta via dirigit.* يشا

يجعله علي صراط مستقيم *Tum, sacrae alicujus scri-*

pturae cum testimonium prophetæ appellarent, afferbant coram ipsum codicem, & ad ejus dicta volebant sua expendi & retundi obfistentium sibi hominum contumaciam. Ac utriusque testamenti volumina, si confirmare se libro suo aliquo, ut Mahometus asseruissent, ea protulissent in medium, ne octavo Dei præcepto viderentur adversari. Quin ipse Mahometus iis minime vult haberi fidem, qui dicta sua probatione idonea non demonstrant, ex quo toties illius repetita vox in Alcorano: *Si veraces estis, afferte demonstratio-*

هاتوا برهانكم ان كنتم صادقين *nem vestram :*

XXV. Denique ante illum, prophetarum nullus proximi sui Zaidi aut alterius uxorem aut bona alia concupivit, quod fecisse Mahometum narrat Gelal eldin ex capite de sectis, ne se reum violati noni & decimi præcepti constitueret. *Zaidum filium Harese servum emerat Mahometus, tum manumiserat, & quasi adoptarat in filium, dederatque illi uxorem Zinabam. Quam postea ipse intuitus adamavit, & coegit Zaidum illam repudio dimittere, ut sibi illam assumeret. Verebatur tamen ne vitio illi homines verterent, quod filii adoptivi sui duxisset sibi uxorem. Arguitur in Alcorano, quod sic homines*

revereretur. Gelal eldin sic interpretatur *سورة الاحزاب*

ab versiculo 35. ad 37. Nimirum hæc sunt quæ nos ab vestra suscipienda lege deterrent, quæ obsequendi tibi studio, ut rem Christianam noveris, sum breviter prosecutus. Deus bone! exclamavit hic *Mahometanus*: quam accurate momenta religionum omnia expenditis! Deus bone! reposuit *Christianus*: quam parum homines veritatem a qua salus animorum pender, quam nihil curant; cum tamen fateantur, qui eam spreverit, illum Dei in se provocare odium, Dei, inquam, tam vehementer & acerbe, tamque celeriter peccatum hoc ulciscens, æternoque illum damnandum esse exitio; qui optimum pessimo commutarit, & vita futura præsentem hanc emerit temere ac insane. O duram ipsius & perpetuam in flammis sortem, ubi fletus & stridor dentium! Quid prodest homini, si mundum universum lucretur, animæ vero suæ detrimentum patiatur?

F I N I S.









